

# I. HIERONYMI

## CATENAE. AC ACADE-

### MICI. AFFIDATI

### LATINA. MONUMENTA

*Bibl. Sec*

*coll*

*Dom*

*loc. Top*



Inquisitor Papiensis uidit.

P A P I A E

Apud Hieronymum Bartolum 1577.




# I. HIERONYMVS

## C A T E N A

MICHAELI. BONELLO

ALEXANDRINO



Cardinali. Amplissimo

S. P. D.



N T E Q V A M philosophiae,  
ac theologiae studijs, Michael  
Bonelle Cardinalis amplissime,  
teneri coepissem, illorum ho-  
minū sententiam minimae pro-  
bandam iudicaui, qui adole-  
scentulos ad seuera studia, atq.  
ad ea cognoscenda animū ad-

iungere uolunt, quæ vix longa disciplina exerci-  
tata ingenia attingere umquam potuerunt. Quare il-  
lud fieri necesse est, ut ij uel rerum pondere, ac  
magnitudine obruantur, uel in maximam discen-  
dae honestae artis desperationem adducantur. Ipse  
uero cum audiuissem Platonem in primis prae-  
stantesq. alios philosophos carminibus operam de-  
disse, disertissimos ueterum imitatus in teneri cri-  
aetate poesim plurimum adamaui. Proinde factum  
est, ut poemata clarissimorū uirorum, libentissi-

me ad ea lectione adhibita, e manibus dimittere non parum aegre ferrem. Animaduerti postea Pythagorae carmina, Phocylidis, & quae Empedoclis, Parmenidis, Nicandri, & Thucogmidis dicuntur, ad mores informandos instituta, & orationibus faciendis, ac ornandis maxime prodesse, atq. his humile quoddam dicendi genus evitari posse, sublimeq. artificiosa quadam uerberum constructione sonare pro certo habui. Adde quoque omnia esse ad prudentiam, & industriam confecta, ad omneq. bene instituti animi robur confirmandum. Homeri etenim poesim sapientiae studium, ac philosophiam esse nemo umquam infitatus est, quae res gerendas cum iucunditate praecipiat, quae ad uirtutem, ad locorum multorum, militiae, agriculturae, rhetoricae, temporum, ac morum cognitionem perutilis, diuina, atq. humana omnia amplexetur. Nam poesis imago ueritatis habetur, semper praestantissimum quoddam exemplar in exprimendis hominum moribus respicit, nec quales fuerint, sed quales esse debuerint considerat. Quod Historici praestare non possunt, qui res prout gestae sunt scribentes imperfecta plerumque, ac erroribus pluribus inuoluta exempla proponunt imitanda. Hac comminuitur amens audacia, & temeritas si pericula, si res truculentae, auditu, aspectuq. terribiles in medium afferantur, sin autem commiseranda fuerint, ad mansuetudinem, & commiserationem mortales inflectuntur. Haec hominum



3  
minum animos peruellit, emollit, urget, incitat,  
frangit, inflammat. Homerus Vlixem sapientissi-  
mum in tentandis animis, in rogationibus, in le-  
gatione facundissimum: hunc oratorem, alium  
imperatorem agentem, alium alia facinora obeun-  
tem decentissime effingit. Recte igitur magnus Ba-  
silius protulit poesim illam laudem omnem, &  
exemplar virtutis haberi. Atqui dixit Aristoteles  
nos ab exemplis, & fabulis facilius addiscere, sunt  
enim quae explorata habeantur, uerisimile unus-  
quisque amplectitur libentius. Quod enim poetae  
effingunt, ante oculos, ut geri uideatur, quo-  
dammmodo positum est. Illud quoq. iucundissimū  
existimari conuenit, cum iocis seria admista sunt,  
ita auditorum animus allicitur, ita retinetur, ut  
fortius, ac praestantius nihil unquam fieri possit.  
Quod poematum genus ipse prosecutus sum, nam  
modo pastorum lusus, mollium, ac placidissimo-  
rum hominum mores ἀποβιγῆματα, fabellas, puel-  
larum iocos, modo heroum laudes, egregiaq. fa-  
cta, caelestium honores complecti studui. Ut me-  
rito possim mea poemata pictoris alicuius compa-  
rare domui, quae uarias hinc atq. hinc affixas ima-  
gines contineat, ut quo quis se uertat, nouis, se-  
iunctisq. tabulis delectetur, animumq. pascat.  
Quod si illas silentes laudabit, hanc fortasse mira-  
bitur picturam loquentem. Multa sunt huic gene-  
ri ornamenta tradita, cui deos hominibus comer-  
cio iunctos canere licet, deorumq. nominibus ad-

ditis, praeclarum quiddam aperire. Alia peregrinis, alia nouis, alia translatis, formisq. multiplicibus ornare. Praeterea uariis pedum generibus, rhythmis uariis omnia coaptare, quibus poemata tantum ponderis, ac uenustatis habere dicuntur, ut etiam si inania quaedam contineant argumenta, numerorum tamen moderatione ad se se rapiant auditores, ut in illorum animis concitent uoluptatem, eisq. quid quid uelint, facile persuadeant. Quod ueteres bellissime cognouerunt, atq. etiam antequam Cadmus, Pherecydes, & Hecataeus solus scribere oratione docuissent, metrumq. soluissent, cum usq. ad illa tempora, ut omnis antiquos loquitur, carmine tantum uterentur. Propterea solum Poetam ipsum sapientem esse uniuersi censerunt, ne dum Pythagorici. Felicem existimauit Achillem Alexander Magnus, quod amicum eiusmodi habuisset uiuus, praekonem tantum mortuus. Stesichorum poetam inter deos retulerunt Himerenses, ut de aliis taceam. Hinc intelligi potest, quantum poetarum reprehensoribus uitio uertatur, qui etiam dum poetas exagitant, recordentur, se Moyse, Hieremiae, Esariae, Dauidi, & huius generis aliis maledicta obijcere, qui res diuinas carmine descripserunt; nec ob huius, uel illius mali poetae impuritatem sanctissimum hoc omnibus nomen facere conentur profanum, ipsumq. mundi conditorem Deum, qui apud Graeciae Christianos omnes sanctissime colitur, iurgiis impetere uideantur.

uideantur. Nam quem nos factorem caeli, & terrae dicimus, ipsi poëtam dicunt. Sed de his hactenus, alio enim opere singillatim poetarum detractores abunde confutavi. Hic tantum ostendere satis sit studiorum meorum, atq. instituti in ipso adolescentiae flore rationes, quamq. damnandos censeam qui humaniorum litterarum, omnisq. antiquitatis rudes, nulla dicendi arte, nulla uerborum ui, ac cognitione instructi Mineruae penetralia a dire audent, quos, non secus ac si Medusæ caput inspexissent, stupor quidam corripit æternus. Ego uero totis uiribus enixus sum ueterum monumenta euoluere, tum oratorum, tum historicorum, tum poetarum, ipse plura epistolarum uolumina, trium Cardinalium nomine scripta, edidi, declamationes antea plures, carmina plura, mediocria fateor, sed quæ potuit adolescentia mea, cum latinitatem, ceterasq. linguas adipiscendas mihi proposuissem. Quæ tibi mittere statui, non quod digna fore putarem amplitudine, et dignitate tua, nam tanti honoris nomen non sustineo, ut aliquid absolutum, aut perfectum excogitare possim, sed eo feci, ut obseruantia in te mea nunquam defutura uideatur, atq. etiam ut inuidiæ, ac maledictionis periculum sine mea molestia declinarem, eum mihi eligere patronum certum fuit, qui singulari probitate, nominisq. auctoritate plurimum inter mortales pollens, omnium maleuolorum uoculas comprimeret. Quotus enim quis-

que est, qui te in isto ordine integritatis; & innocentiae exempla praebentem, nihilq. quod non sit cum laude, & dignitate coniunctum cogitantem non obseruet, non admiretur? Quis te umquam prauis cupidinibus captum, eos in familiaritatem, & beneuolentiam tuam recepiſſe uidit, quorum uita flagitio aliquo fuerit labefactata? Quod genus hominum est, quod tua uox, & doctrina ad humanarum, diuinarumq. rerum cognitionem non traducat, quod tua in religionem pietas, qua nihil tibi fuit antiquius, ad bene, beataeq. uiuendum non inflammet? Silentio praetereunda sunt cuncto Christiano populo notissima, quae in Pii V. omnium mortalium, ac principum beatissimi pontificatu gesseris, cum totius pontificiae iurisdictionis clauum tenebas, cum Reip. gubernacula tractabas, cum in oculis totius orbis, & in hac clarissimorum uirorum luce responsa, atq. decreta & reddebas, & interponebas, in publicorumq. & grauissimorum negociorum fluctibus uersabaris, cum in te uno uigilantissimus Pontifex conqueſcebat. Ne uerbum quidem proferam, quando oratione complecti neque ego, neque forſan quiuis eloquentissimus orator se posse confidat, de tribus simul ad tres potentissimos Reges legationibus obitis. Illud certe non tacebo Pio V. in caelum sublato, cum tu animi, virtutisq. signa dederis, multis laboribus, ac periculis perfunctus, multis honoribus affectus, non uacationem, non laborum remissionem

5

remissionem tibi ipsi impetraſti, ſed bonarum litterarum ſtudia repetiſti, ad Theologiae contemplationem in quam nemo te propenſior fuit, cucurriſti, eos, qui ſtudio litterarum incenſi ſunt, amplecteris, ſuſcipis, carosq. habes. Optima igitur ratione me facturum exiſtimaui, ſi tibi acerrimi ingenij, eximiaeq. uirtutis uiro, ac indicij prope ſingularis carminum opus, quod obſervantiae erga te meae perpetuum eſſet monumentum, dicerem. Nam praeter quam quod mei muneris eſt eorum ornamentorum, quae à te multa in nos profecta eſſe cognoſco, ſemper meminiſſe, fere omnes in te oculos conijcientes, cum opus meum legerint, tui unius ſtudio potius, quam rerum ipſarum cauſa, laudabunt, boniq. conſulent. Et cum omnem curam, operam, induſtriam ad te unum conferendam cum animo meo ſemper cogitarim, hoc quaecumque ſit opus, tamquam tuum, ex tua enim domo exit, recognoſce, foue, atq. ab omni iniuria defende. Quod ſi à te factum, quae tua eſt humanitas; intellexero, & me hoc beneficio retinueris, maiora fortaliſſe opera, grauiora tane, quibus prope abſolutis tamquam ſaſtigium impoſiturus ſum, edenda, ac tibi dicanda conſtituam. Vale.

P O M P O N I I  
TAVRELLI COMITIS  
MONTIS. CLARVGVLI

**P** Hoebe, qui obscuris tenebris profundū  
Inuides orci monumenta uatum,  
Et beas si quos cecinere, et ipsis  
Inferis astris:

Tu mei uatis lepidos libellos,  
Aureos docti numeros Catenae  
Tu fones unus, gelidaq. donas  
Morte carere.

Optimi prodite noui libelli,  
Lucidum laudis per iter uagantes,  
Virginum plaudente Helicone ab alto, et  
Auspice coetu:

Vos potens centum bona fama linguis  
Anteat, uestros Lacrymans honores  
Pallidus spectet, nequeatq. acerbus  
Carpere liuor.

LAVRENTII. GAMBARAE  
B R I X I A N I

**N**on est, quod mutilum doleat nunc Roma Catullū,  
Quidue rapit decoris pernicioſa dies.

En



*En doctus cepinit tot carmina culta Catena,*

*Audiat ut similes Lesbia amata modos.*

*En hic Anij fontes, en Pegasus unda,*

*En hic cum placidis seria mista iocis.*

*Cuncta catenata serie, ut prius, ordine currunt,*

*Quodq. elim rapuit, reddidit ipsa dies.*

# IO. DOMINICI. REBIBAE. EPISCO

PI AD. I. H. CATENAM

*Inuisus fueram Phoebus, doctisq. camoenis,*

*Nulla fuit rebus stella benigna meis.*

*At postquam placido legi tua carmina uultu,*

*Mutatas uideor sortis habere uices,*

*Illa suis constant numeris, uarioq. lepore*

*Mixta, cadunt instar more fluentis aquae.*

*Nil puerile sonant, nulleq; sine ordine uoces,*

*Nuncia sunt animi uerba diserta tui.*

*Protinus ut uidi carmen, certissima cepi*

*Gaudia, quæ nulla sunt peritura die.*

*Vnde suos citius repetent ad flumina fontes,*

*Stabit et absq; omni frondis honore nemus.*

*Et sine sideribus spatiosa uolumina cæli,*

*Vsque memor quàm non sim, maneamq. tui.*

# GVLIELMI. MODICII

MONTEFERRATENSIS

*Otia qui lepidus cupis oblectare libello,*

*Pressane tristitia corda leuare graui:*



*Hæc euolue libens docti monumenta Catena.  
Est ibi pax animis : est ibi certa quies.  
Sunt lusus , mollesq. ioci , miroq. lepore  
Romanis similes , Cecropijsq. sales.  
Temporis hic quicquid pones , letabere multum.  
Hinc operepretium lector abunde feres .  
Hæc non ex ferro grauis est , sed qualis amantum  
Et leuis , & mollis corda catena tenet .*

NICOLAI. TVCCII. LVCENSIS

*S*ponsam carmine ab inferis tenebris  
Orpheus ad superas reduxit auras .  
Musam carmine ab inferis tenebris  
Catena ad superas reducit auras ,  
Nimirum grauis est uterque uates ,  
Fati uictor uterque , uterque gratus  
Phæbo , & Pieridum decus sororum .  
Orpheo sed tamen hoc Catena maior ,  
Quod ille Eurydici suæ uolenti  
Dicitur precibusq. lacrymisq.  
Spirantem tepidamq; adhuc in ipso .  
Mortis limine reddidisse uitam .  
At hic alterius potest camænam  
Inuiti hendecasyllabo tremendo  
Extinctam gelidamq. de profunda  
Nocte post duo lustra suscitare .

**Q**uod me diligis, & tuos libellos  
 Qui sunt carminibus bonis referti,  
 Legendos mihi sapius dedisti,  
 Te complectar amore singulari,  
 Et multum tibi debcam necesse est.  
 Nam tuo quid amore Gratiarum  
 Alumne, & decus unicum Minervæ  
 Est amabilius? quid est, quod optent  
 Magis uel iuvenes, uirumue cætus,  
 Ut uiuant bene, ac satis beate?  
 Quid rursus numeris tuis politis  
 Potest esse politius? putauit,  
 Cum legi numeros tuos uenustos,  
 Me uatum numeros uetustiorum  
 Quos illa aurea sæcla protulerunt  
 Romæ, perlegere, Ergo amice care  
 Pro tua bonitate perge queso  
 Et me diligere, & tuos libellos  
 Legendos mihi tradere ut perennem  
 Vitam cum superis agam beatus.

PAULI. CREMAE. EQVITIS

**C**onsuetum ad delicias, & flumen amœnum  
 Cum uagus huc illuc sorte rediret amor,  
 Non me, inquit, renocat Mater, faciesue locorum,  
 Illa licet roseos prædat & illa sinus.

Quo me cumq. tuli, lususq. iociq. sequuntur,  
Atque suas promit Daedala Mater opes  
Dulcia sed reuocant facundi plectra CATENAE  
Illa Terapnæis æmula plectra modis.  
Me genitrix, fateor, me lucus, & inclytus amnis  
Huc ciet, at multo blandius illa tenent.

## I. FRANCISCI FERRARI

Surgeret à claro quod sanguine, fors fuit illi,  
Obscuro poterat qui iacuisse loco.  
Quod fruitur natus patrio sudore paratis  
Non illi, at parco est gratia habenda patri.  
Sed propria uirtute sibi, proprioq. labore  
Qui laudem egregiam, diuitiasq. parit.  
Ille quidem populo merito laudatur ab omni,  
Fortuna fuerit quod faber ipse suæ:  
Murice luxuriant tincta qua ueste tyranni,  
Hæc eadem pecoris sordida lana fuit.  
Hærentem & quamuis semper gestaret eandem,  
Muta fuit semper, cernua semper ouis.  
Res sine uirtute est proiecta uilior alga,  
Immutat uestis nec preciosa genus.  
Simia purpureo quamuis decoretur amictu,  
Quamuis sceptræ gerat, simia semper erit.  
Cum ualeas sapiens, quæ sentis, dicere abunde  
Cum tibi contingant gloria, fama, lepôs:  
Cur mihi non liceat diti præferre poetam  
Candidulum lingua, candidulumq. manu?

Quantum

*Quantum humus ardenti cedit lutulenta lapillo,  
 Umbræ corporibus, corpora quantum animis:  
 Diuitias tantum uirtuti cedere par est,  
 Tantum carminibus, doctæ Catena, tuis.*

# E I V S D E M

*Q*uæ Phoebum, et Veneres, Musasq. coercet in vnũ,  
 Et sempiterna pace Catena ligat  
 Herculis hæc quondam facili defluxit ab ore  
 Immites populos dum trahit eloquio.

# I V L I V S P A S I N V S

*O*ptime scio te Catena uinctum  
 Esse compedibus negociorum,  
 Ita ut uix liceat tibi occupato  
 Respirare. uidentur id monere  
 Qui tecum per epistolas loquuntur,  
 Ne pro litterulis tibi libellos  
 Mittant, quæ onera augeant amici.  
 Hæc mecum reputans me herclè malo  
 Versibus tibi pauculis placere,  
 Quàm uoluminibus mihi metipsi:  
 Licet scribere ad optimos amicos,  
 Ut mos est meus, uberè, atque plenè,  
 Sit iucunda animi mei uoluptas.  
 Hos ergo accipies Catena noster  
 Si minus lepidos, et elegantes,

At certe hendecasyllabos Pasini ;  
Hoc est unanimi , boniq. amici .  
Qui te plus amat , atq. semetipsum .

MARII. PODIANI

**P**allas mi tua perplacet Catena ,  
Qui uersus lepidis ligas Catenis  
Arguti salis , artis & pudica .  
Verum quam tibi debeo ( à Disertis  
Laudari quia gloriosa res est )  
Hostem tam uoco , iudicoq. Paullum ;  
Qui de me nimis impie loquatur ,  
Quando sum rogo quando uisus amnes ,  
Aut annos Cithara rudi hac morari ,  
Et montes trahere ? Id profecto numquam  
Est ausus melior Mamettus Orpheo .  
Vah , Nolo titulo boni Poetae ,  
Qui sistunt Fluvios ualente Rhombo ,  
Ac urgent iuga Montium , cremari ,  
Vel scindi manibus Puellularum .

LEONORAE. SANVITALIS

GIBERTI. COMITIS. SALAE

Filiae Scandiani dominae

**T**am lepidis condis , nectisq. CATENA , Catenis  
Versus , Vt ualeat soluere nulla dies .


9  
I. HIERONYMI

C A T E N A E

ACADEMICI. AFFIDATI  
P O E M A T V M

Liber. Primus

A D. M I C H A E L E M  
BONELLVM. ALEXANDRINVM.  
CARDINALEM. AMPLISSIMVM



A G N E pater, florens animi,  
morumq. iuuenta,  
Summus amor recti, ac diuis  
proxima uirtus.  
Te clavis tollunt astris radian-  
tis Olympi,  
Et decus immortale tibi, lau-  
demq. pararunt :

Dum Quincti mandata Tij, cum Sirius ardet,  
Exequeris, firmans socialia foedera regum,  
Longinquosq. adiens populos, gentesq. superbas.

Te Tagus auriferis excepit notus arenis,  
Setabis ipse tibi fauit, Sicorisq. & Iberus,  
Ac magnas ostentat opes, & robor gentis

B

LIS  
AE

A, Catenis

IERO-



*Pulchra Lysa, intortos auro circumdata crines.*

*Hesperij studioq. tuo, prudentia, & alto  
Consilio accensi bello iuuenesq. ducesq.*

*Italiam coeunt, Romanis foedera iungunt,  
Veliuolasq. rates in saeuos funera Thracas  
Accelerant, trabibusq. canis freta caerula currunt.*

*Turca ferox contra soluebat carbasa malo,  
Ventosum scindens lunatis classibus aequor,  
Implebat saeuis Italas terroribus urbes,  
Idaliamq. Cyprum uastabat Marte cruento.*

*Ast olli cecidere animi, cum martius heros  
Austrius; ac Veneti procures, fortisq. Columna  
Aduentant: magno percussus corda timore  
Educit puppes tumidum per nereia, lunas  
Explicat, atq. atrox tandem fera proelia miscet.*

*Hinc piagens ardet Scythico maculare cruore  
Aequora, & aeratas ferro confringere pinus,  
Mersare & pelago, rapidaq. absumere flamma.  
Quod dedit actutum superas qui possidet arces,  
Scilicet & Geticas bello domuisse phalanges,  
Imperium tenuisse maris, Nomadasq. genusq.  
Infidum Turcas nostros decorare triumphos.*

*Ergo dulcisona modulabile carmen auena  
Ducendum, festasq. decet celebrare choreas,  
Nunc opus Aonidum cantu, fidibusq. canoris,*

*Nunc quoq. quae, Michael, primo sub flore iuuetas  
Lusimus, accipias, forsitan de vertice Pindi  
Olim dona feram doctae placitura Mineruae.*



IN. SELINVM. OCTOMANVM  
Turcarum tyrannum

**B**ella cies inter spumantis pocula Bacchi  
Seline, & classem, saenaq. tela paras?  
Composita & Venetis bacchans tu foedera rumpis,  
Atq. scypho Cyprum concutis? Ecce cadis.  
Non te Selinum stolidi dixisse parentes,  
Sed te Silemum dicere debuerant.

AD. CAMILLVM. AVSTRIAE  
CORRIGII. DOMINVM

**E**n tandem indomitus truculento Marte tyrannus  
Concidit, en uoluit Turcarum corpora Nereus,  
Atque maris Scythico foedata est unda cruore.

Tu, qui bella moues, & sanguine clarus auito es  
Austriaco, tanti pars magna Camille triumph  
Accipe quae in victos lusi modo carmina Thracas.

Si possent nostrae infirmas subsistere vires,  
Egregiasq. tuas laudes, & fortia facta,  
Austriacumq. Ducem ferrem super aethera cantu.

Vt nunc Ismariam Corcyrae ab litore gentem  
Lethali insignem iaculo, leuibusq. sagittis  
Expellis, canerem, lymphata ut mente furentes  
Huc, illuc passim mittis sub tartara Mauros,  
Et quas Ionio perdis sub gurgite puppes  
Threicias, & quas Epiri in litoris ora

*Incendis , capis , excindis nauesq. uirosq.  
Dum tercentenis sulcabat puppibus aequor.  
Turca ferox , spolijs quando exultabat opimis.*

*Auderem bellantum acies , horrentia circum  
Agmina , & infando liquentia corpora tabo  
Proferre , & pluuios ignes , & sulphuris aestus ,  
Sanguineos fluctus , captas , caesasq; triremes .  
Sit labor alterius , tanti sit conditor acti  
Corsus , grandiloqui aequiparans monumenta Maronis ,  
Is tua perpetuis seruabit nomina cartis .*

IN. PRAEFECTVM. CLASSIS. TUR  
CICAE. QVAE. NONIS. OCTO  
bris . deleta. est. CIO. IO. LXXI

**D***eficiant uires Turcis , si forte requiris ,  
Cultores lunae cur maris ima tegant ?  
In nos imprudens Turcarum Ductor , & amens  
Deduxit , luna deficiente , rates .*

IN. SELINVM. OCTOMANVM  
TURCARVM. TYRANNVM

**D***um uidet infidum Neptunus uina bibentem  
Selinum , puras qui prius hausit aquas .  
Reginam uolucrum impellit , ualidumq. Leonem ,  
Et procures contra Thracia monstra pios .  
Qui Nomadum classem , agmen , lunatasq. phalanges  
Incendunt , capiunt , disiiciuntq. fugant .*

*Inunc Neptunum temnas , tumeasq. Lyeo .  
Cede mari , & uictus Thrax uada salsa bibe .*

## IN. TVRCAS. POST. AMISSAM

## CLASSE M

**T***Ergeminae abstulerāt Hecates duo numina Turcae  
Queis fuerat late fulcra superba domus .  
Nam caelo lunam , pharetras , arcusq. Dianae  
Sumpsere in nostros damna cruenta Duces .  
Ast ambae Hesperiae diuino focdere iunctae  
Leucadis ad fluctus , Ioniumq. fretum  
Cornua fregerunt lunae , pharetrasq. sudasq.  
Traxeruntq. domum perfida monstra Scythas .  
Nunc , Turcae , amisso caelo , terraq. mariq.  
Solum nos Hecates tertia regna manent .*

## HESTORRIS. BALIONI

## CAENOTAPHIUM

## VIATOR. ET. CVSTOS

*Conloquuntur*

*(desque ?*

**Vi.** *Q**uid clypei his oculis ? quid fracti ensesq. su-*  
*Italia hinc moestas cui sacrat inferias ?*  
**Cu.** *Dux ille Hesperijs, ille heu Dux notus Eois ,*  
*Notus qua fusa est Tethyos unda, perit .*  
*Hestorris magni miserum flet gloria funus ,*  
*Militia heu torpet , torpet & imperium .*

Vi. *Quae tantū mens ausa nefas est? Cu. barbara Erin-  
Diuum contēptrix, atque hominū fidei. (nys,  
Non hunc Ismarius, nō hunc Thrax vincere miles,  
Turpiter at potuit prodere Turca ferox.*

DE. AVGVSTINO

BARBARICO

**P**ROELIA BARBARICVS dum pugnat fortibus ausis,  
Mergit & Ismarios sub uada salsa Duces,  
Accipiens oculo uulnus lethale, libenter,  
Protulit, euictis hostibus, intereo.

AD. CLOELIAM. SALAMONIAM

Dominam Plani Miletī, & Victoriam  
eius filiam.

**O** Inter celebres Italiae nurus,  
Quae luna renites Clælia purior,  
Et tu quae faculas ex oculis iacis,  
Quid caecis ploras in tenebris latens?  
Ne saeni ah roseas unguibus in genas,  
Ne VICTORIA te confice lacrymis.  
Ne solue aureolos pallidula manu,  
Aut iam crudelis frange capillulos.  
Nam frater rutilat sidere clarior,  
Pro Christi imperio Prosper hic occidit,  
Haec quaerunt homines uulnera nobiles,  
Haec optant rebus praemia in arduis.

a Erin  
(nys,  
e miles,

*Tu laedis gemitu Cloelia filium,  
Turbas funereis tot querimonijs,  
Is laetus residet Coelicolum choro,  
Et nostros fletus ridet inutiles.*

*Ergo uos lacrymis ponite iam modum,  
Ergo iam rutilis parcite crinibus,  
Diuum consilium, fataq. postulant  
A uobis hoc, & dura necessitas.*

ausis,

AD. FELICEM. VRSINAM  
COLUMNAM

In reditu Marci Ant. Columnae.

AM

**Q***uot suspiria, lacrymasq. FELIX  
Dedisti anxia pro tuo Columna,  
Tot spargas ueneres, iocos, amores,  
Tot nunc illecebras, nouosq. lusus.*

*Ille Romulidum decus Columna  
Non timet pelagi minas furentis,  
Quem non fulmina, barbariq. terrent,  
Non classes citæ, & hostium phalanges,  
Cui Mauors pater est, parensq. uirtus.  
Seruant numina sospitem Columnam.  
Cedat inuidus hinc, & obloquutor.  
Venit omnibus ex petitus. Ergo  
FELIX delicias para, beato  
Gaudio flue, tota conliquesce.*

## IN. OBITVM. ALEXANDRI

FABRICII. ROM

Pro Iulio Bardino.

**H**Aec tibi ALEXANDER dum funera curat Iu-  
 Saepe iterat querulo tristia uerba sono. (lus,  
 Quid puer immiti uectus per cerula uento  
 Optasti in Turcas bella cruenta sequi?  
 Non fuit ista cauo facies iactanda profundo,  
 Non istam decuit tela tenere manum,  
 Inuidiae fuit, eheu morbo perfida Caeli  
 Tam pulchrum infecit Iuno Pelaga caput.  
 Hei mihi adhuc urget Paridis sententia, ut omnes  
 Duret in Aeneadas ira dolorq. Deae.

## IN. OBITVM

FVLV. II. STALLAE

ROMANI. ADOLESCENTIS

**E**RGO dum Veneris natos, Regnumq. tueris.  
 Occidis? heu pompae, deliciaeq. breues.  
 Heu Fului miserande iaces? modo nec tua tangunt  
 Et Venerem, & natos aspera fata nimis?  
 Tu maris iratos poteras componere fluctus,  
 Obruere insanis transtra inimica uadis.  
 Dura Venus, crudelis Amor, spes irrita amantum,  
 FVLVIVS haec uester praemia miles habet?  
 Ne excidij des signa obitu. procul omen abesto,  
 Tu sat eris Cypriae flenda ruina Deae.



IN. TURCAS  
 NAVALI. PROELIO. VICTOS  
 Ad Aldum Manutium Paulli F

at In-  
 (lus,

**A**lde, Quem colit Adria, atque Tybris,  
 Et quo Mercurius stupet loquente,  
 O lux Palladia, unde litterarum  
 Ornamenta nitent, & hinc & inde.

Me desiderium rapit, Tyranni  
 Tot caesas canere impias triremes,  
 Quae per Adriacum sinum furebant  
 Onusta spolijs, rapina ouantes.

Grandi percuperem Thalia honores  
 Dicere Austriaci Ducis, sed ingens  
 Me terret pudor, imparesq. vires,  
 Ne tanti minuam uiri triumphos.

Tu, qui Maëonio resurgis oestro,  
 Iberum iuuenem cane, ut superbas  
 Mersat Threicias rates sub undis,  
 Et pontum Scythico cruore tingit,  
 Ut cito Ismarias ruit phalanges,

Inuictas nimis, atque praepotentes  
 Turcis nectit ut aeneas catenas,  
 Aegeo dominatur, ac potitur

Rerum. Ut maritigenae trophoea Roma

Decus Romulidum refert Columna,

Potens consilio, potensq. dextra.

Heroas celebres, & hos & illos

Insignes Venetos perenni honore,



Fortem Vinerium, in pigrum Quirinum;  
 Ac rem Barbaricum, grauem sagacem,  
 Prudentem numeris ad astra tolle.  
 Gesta condito gloriæ referta. haec  
 Debebit tibi pugna sempiternum.

## AD. ANT. PAVLONIVM

**L** Vstrasti populos feros, trucesq.  
 Antoni, aequora, regna, nationes,  
 Nec non quae loca multo olent Iaccho,  
 Et quamuis faueat poetae Iacchus,  
 Faecundus faciat calix disertum  
 Vatem, non tu epigrammata euomebas  
 Illo consilio, tuum palatum  
 Non probat calicem ebriosiorem,  
 Non illa numeros bibacitate  
 Fundebas, sed amore suauiori  
 Dulcis, & lepidae tuae puellae  
 Musae te nimium ebrium ebriabant,  
 Hic tu non potes esse temperatus,  
 Nam tibi ingenium puella fecit  
 Puella ingenium facit disertum,  
 Numquam feruida uina, olensq; crater,  
 Haec imis facit aestues medullis,  
 Haec te delicias docet deorum,  
 Haec ad sidera subleuat iacentem,  
 Sic ueras animus fugat uoraces,  
 Hoc sane ambrosia est ali, & fruiisci.

*Antoni es ter , & amplius beatus ,  
Cui tam lecte cola obtigit puella ,  
Pulchra pulchro animo , & nitente forma .*

## IN. NICOLAVM. TVCCIVM

De eius carminibus

**Q***uae uos , quae manus impia , et seuera  
Vssit carmina tam uenusta ? quae uos  
Fauillae rapuere edaciores ?  
Qui uos fecerat erudita , qui uos  
Pulchra Tuccius vssit ? heu decoram  
Ille nae Venerem vssit , & lepores .  
Iam Tucci uideor uidere Cyprin  
Iratam tibi amice , quae uoracem .  
Coget ut pereas anum impudicam ,  
Turpem gibbere , curuam , olentem , anhelam ,  
Quae te spernat , adurat , usque qua tu  
Rebaccheris , et usque torquearis .  
Prome , si tibi scis cauere , prome  
Quod dixi reliquum poema , namq .  
Irata est Dea , temnere hanc caueto .*

## AD. CAMILLVM. AVSTRIÆ

CORRIGI. DOMINVM

**C***um dira in superos mouisset bella Typhoeus ,  
Totaq . contremere regia celsa Deum ,*

## Liber :

*Non aries summum texisset imagine falsa ;  
Non umquam coleret terra Libyssa Iouem .  
Si tunc ipse tuam potuisset sumere formam  
Iuppiter , aut animis arma CAMILLE tuis .  
Non illum Caelo turbassent monstra Gyantum ,  
Nec uolucris ferrent terga dedisse fugae .  
Bella etenim suctus semper facere ardua , cunctos  
AVSTRIA Terrigenas uincere Marte potest .*

### AD. GAMBARAM. RHODIVM

**O** Si flebilibus modis ualerem  
Canorae Cytharae , salubribusue  
Succis pellere GAMBARA Euenusti  
Nodosam , ravidam , malam chiragram ,  
Hoc esset mihi charius salute ,  
Ac dulcedine uitae . Apollo honoris  
Cura si terigit , tuumue tangit  
Pectus , religionis hunc honorem  
Conserua innumerabiles in annos ,  
Pelle iam ravidam , malam chiragram .  
Ter quater male sit tibi chiragra ,  
Quae afficis Rhodium truci dolore ,  
Nec sinis requiescere in tenebris  
Furuis , lumine nec sinis diurno .  
Centies male sit tibi chiragra ,  
Quae me turgidulis iubes ocellis  
Esse hic , ob Rhodij graues dolores ,  
Nec fletu , aut precibus moueris ullis ,

Quantum carmine te execrari amarem,  
 Abi hinc pessima, nunc abi chiragra,  
 Millies male sit tibi chiragra,  
 Sit tibi male millies chiragra,  
 Iam carmen rabidas fugaret hydras,  
 Carmen Eumenidasq. mitiores  
 Redderet; tamen haud tuos furores.  
 Aeternum o male sit tibi chiragra.

AD. F. VINCENTIVM. CATE-  
 NAM. PATRVVM.

Singula cum uideam magno nutare periclo,  
 Audacesq. Scythas instruere insidias.  
 Quanta profanatis absit reuerentia templis,  
 Quot bona turbata relligione cadant.  
 Quid uanae pompae, quid gloria diuitis auri  
 Me moueant, Serum & uellera pexa iuuent?  
 Mi solum dumosa placent, atq. inuia lustra,  
 Oranti numen CHRISTE benigne tuum.  
 Vincentiq. tuos mores, exempla. uitae,  
 Admiror solum proxima Caelicolis.

AD. CAESAREM  
 FERRVM

Gratulor tibi CAESAR, eruditum,  
 Ingenti probitate, moribusq.  
 Dignis Pythagora tuum magistrum

## Liber

Inuentum esse, mihiq. rettulerunt,  
Hunc iuncto pede, tum magis soluto  
Doctum scribere, & optime latine.  
Sic sceptroq. suo malos puellōs  
Seuerum premere, ut Catonibusq.  
Magnis Sulpicijsq. Tullijsq.  
Non cedat grauitate, & eleganti  
Stylo dicere iura in urbe sacra  
Iam doctis ualeat. Venuste amice  
Saepe, ac saepius oro ne recuses  
Docto ascribere me gregi tuorum  
Amantum unanimem tuum Catenam.

### AD. IULIVM. MASETVM

**M**asete, Aonidum, patrisq. Phoebi  
Rarae deliciae, nouiq. amores,  
Doctis tam bene perpolite Athenis,  
Quis mordax criticus, malis uenenis  
Persusus, leuis, impudens alastor  
Carpsit ingenuam tuam papyrum?  
Qua nil doctius est, uenustiusq.  
Qua loquente, loqui Maro ui letur,  
Qua loquente, loqui Cato uidetur,  
Nec quidquam inlepidum est, & infacetum,  
Nihil Caesarij ungue lenigandum.  
Pallas candida, et ipsa luculenta  
Clio mi tua perplacet Masete.  
Monstrum proditor ille somniauit.  
Rumpatur malus, inuidusq. mordax.

## AD. IVLIVM. IACOBILLVM

**S** Anum Democritus repellit ipsum  
Poetam ex helicone, sed putatur  
Diuini hic penitus furoris expers.  
Humano quoniam furore taeti  
Sacra Thespiadum nec attigisse,  
Nec concernere mente perspicaci  
Possunt tot documenta sub figuris,  
Nec sales uario lepore tinctos,  
Hinc ipsi excipiuntur & cachinnis,  
Et ronchis miseri in dies, & horas.  
Sed quos Melpomene uidet benigna  
Luce, delicias, melosq. possunt  
Fontis ebibere Annum beati.

Ergo ne uereare nunc I V L E  
Ire sobrius ad nouem sorores,  
Quarum semina mentis attributa  
Sunt tibi à puero, furore sancto.  
Ut recludere iam queas latentem  
Ex Aristotelis libris Minervam,  
Ac μαθήματα noscitare multa.  
Idcirco implicuisse te choreis  
Musarum potes, astra clariora  
Celfo uertice nam dabunt ferire.



**I**ucundissime F A V S T E nam diebus  
 Multis non potui uidere te, nec  
 Alloqui, mihi si dies fuere  
 Infausti, quid erit profecto mirum?  
 Eheu me miserum pericla passus  
 Quotquot Orbis habet diebus his sum,  
 Fugerunt superi, et nouem sororum  
 Chorus me Aoniis, refugit altus  
 Apollo, miserum, prius solebam  
 Plura carmina, quam rosas, et herbas  
 Noster hortus habet, rubentq. fraga,  
 Avena modulari, et omnis en iam  
 Liquor tabuit, et repente factus  
 Sum nunc Harpocrates, tamen uenires  
 Si huc fausto pede, fausta cuncta nobis  
 Essent, iam mora nulla Fauste faxit,  
 Quin uisas trepidum tuum Catenam.  
 Ah boni officij tui memento,  
 Spinosas animi lenato curas.

DE. ANDREA. MICVTIO. NV

C E R I N O. P E D I T V M

Praefecto

**C**onsilio, dextraq. potens MICVTIVS, ense  
 Dum ferit, atque hostes irruit in medios,



*Atque huius primum caua tempora traicit, illum  
 Demetit, atque alium pene dat ipse neci,  
 Mirantur uicti simul omnes, seq. tuentes,  
 Centeni, dicunt, militis instar hic est.*

## DE. CAECO. QVODAM

Amore. capto

**H***Ei mihi caecus Amor caecum me cepit, & ipsam  
 Praedata est mentem femina sola meam.  
 Dic mihi, nunc capiti misero duo lumina adempta.  
 Quid profunt? si mens non habet ipsa oculos?*

## AD. IO. BAPTISTAM

Heliconam

**Q***uod tibi Romulea uatem donarier urbe  
 Meonium curae est, italiceq. loqui,  
 I A N E tibi pater exultat Tiberinus, ab alta  
 Et tibi tarpeia rupe Qnirinus ouat.  
 Ignotus fuerat iam & uere caecus Homerus,  
 Lumina per te nunc notus Homerus habet.*

## DE. OCTAVIO. COGNO

mento. patre

**O***ctauu uolitat dum totam fama per orbem,  
 Et quisque ad caelum maxima facta uocat,  
 Atque nouos uersus cantat, laudatq. legitq.  
 Roma, sacrum gaudens cingere fronde caput,  
 Aoniae sensere deae. sperate sorores,  
 Vna refert, numquam hic nos cecidisse sinet.*

*Carmen at ornatum postquam mirata Thalia est,  
O utinam noster hic pater esset, ait.*

AD. LAELIVM. PAS.  
qualinum.

**I***Am sex, aut septem cum Gallo uiximus annos,  
Nec didicit nomen posse uocare meum,  
Illa potest hominis uel magna superbia dici,  
Vel stolido lethæni pectore flumen habet,  
Ab fallor, sordent illi mea nomina LAELI  
Sordent, ne quaeras, causa patet, sacra sunt.*

AD. LAVRETVM. LILIVM

**I***Nnocens huc huc propere falernum  
I, feras nobis puer, & coronas  
Poculum lauro, iubeas puellam  
Sed procul esse.  
Bella nobiscum faciant puellae  
Eminus, rixae Veteris decebunt,  
Tibiae, & cantus, cytharae & repulsa.  
Fila canorae.*

*Nam canis caelo igneus ortus alto est,  
Excoquens terram, pelagus profundum,  
Excoquens caelum, pecus omne, & ipsa  
Corpora nostra.*

*Huc ueni LILI positis amaris  
Questibus, curis, posito & dolore,  
Hi dies dentur genio, parctur.*

*Blanda uoluptas .*

*Affer huc risus , lepidosq. lusus .*

*Huc ueni , quid iam remorare ? forsan*

*Cras canis nostras edet heu medullas*

*Ignem uoraci .*

## AD. HERVLVM. HERVLVM

**Q***uando Narnia te superbit , ipsa*  
*Eruditior eruditione*

*HERVLE , his faueas libens libellis ,*

*Ipsi non secus , ac tuo Catenae .*

*Tuae non ne prius domi Camoena haec*

*Dulces edidicit sonare uersus ,*

*Ludens molliculo modo hoc modo illo ?*

*Non ne istic puer altus , eruditus*

*Mores ingenuae bibi parentis ?*

*Hinc te sum assiduos paratus annos*

*Amplecti , colere , & sequi , atq. amare*

*Quantum qui pote plurimum . Ergo amico*

*Vultu suscipias , laeu Medusae*

*Deduxi modo quos tibi libellos .*

## AD. IOANNEM. HIERINVM

**A***uster iam , boreasq. fremunt , tonat altus olimpo*

*Iuppiter , & celeri iam pede bruma uenit ,*

*Iam libs in glaciem connectit frigore lymphas ,*

*Iam pendet naso stiria multa tuo ,*

*Incipe Iane artus triplici circundare ueste,  
 Soluere uincla cado, subdere ligna foco,  
 In me sed Veneris natus quem concitat ignem,  
 Sirion in rapidum uertere membra iubet.*

# AD. IOANNEM. BAPTISTAM

Alexium. socium

**E**rgo deliciae meae, leporq.  
 Certum est ire? tuum sine ab parumper  
 Ianum uiuere, nam peribit, hunc si  
 Discessum properas. Malus poeta  
 Non indignus amore, amoris ardens  
 Donat pignora certa magni amoris,  
 Pauca haec carmina, plena magni amoris.  
 Et magno petit à tuo illo amore,  
 Vt ne te patiare amari ab ullo,  
 Quanto maximo amore ab ipso amaris.

## SPONSVS RESPONDET. VIRGI

ni. Sponsæ

**N**ec tibi blanditias, fateor, nec debita dixi  
 Verba, nec heu lacrymis oscula mista dedi;  
 Corde deditamen, & mecum sum saepe locutus,  
 Bella puella uale, bella puella uale,  
 Per Venerem iuro, magnum mihi numen amanti,  
 Per flauos crines, per rosea ora tua,  
 Ex abitu me me curarum millibus uri,  
 Et mea præcipuo corda dolore premi.

*Non aliter fleui , quam cum soror ipsa recenti  
Discedit fratris funere scissa comam .  
Non me conceptum Syrtis , non saeua chimera ,  
Non ponti tulerunt aequora , Scylla uorax ,  
Ut cecidisse meis tu possis sensibus umquam ,  
Ipseque seruitij non memor esse tui .  
Iuppiter , ut triui fletu mea lumina , quando  
Inuitus tetigi moenia celsa Remi :  
Inuito mea uita moram cum fata dederunt ,  
Totq. à te uidi lucibus esse procul .  
Sed si fata uolunt , huc illuc ire necesse est ,  
Ab lacrimae numquam fata seuera mouent .  
Hic non ulla meae capiunt solatia musae ,  
Nullus deductus uersus in ore sonat .  
Arte laboratae uestes , & perside gaza ,  
Atq. auro intextae , purpureaeq. togae ,  
Indus quasq. legit rubro de litore gemmas ,  
Et quae mygdonio marmore tecta nitent ,  
Nulla iuuant sine te , sine te mihi tristior ipso est  
Helleboro dulcis Bacchus , & alma Ceres .  
Roma mihi sordet , sinuoso flumine Tiberis  
Sordet , & Austriaci principis aula mei .  
Crudeles diui renuerunt flectere mentis  
Consilium , ac dederunt uota ferenda notis .  
Eheu quam celeri misera haec pedelabitur aetas ,  
Quamq. premit subito curua senecta caput ,  
Eheu quam cito forma perit , quam flebile nostrum  
Coniugium , sero si reuocatur amor .  
Quae nunc uita foret , si te retinere lacertis ,*

*Si possem somnos iungere languidulos ?  
Et tecum fessus uacua requiescere in umbra,  
Propter aquae riuum, cum canis ardet agros,  
Et tecum uarias calamo fixisse uolucres,  
Pomaq. frugiferis carpere ab arboribus ?  
Sed licet hic uerser fortunae fluctibus, ipsa  
De nostra stabili ne uereare fide.  
Namq. prius patiar caput à ceruice renelli,  
Et longe abruptum trudier in barathrum,  
Quam me ab amore tuo nunc altera soluat amantem,  
Ah me alia umquam te praeter habebit amans ?  
Semper ero tuus, Elystos seu uisere campos,  
Seu me lugentes uult colere ipsa Venus.  
Semper ero memor ipse tui, semper licet omnia  
Pocula lactheo plena liquore bibam.  
Sed tu, si fortuna loco non semper eodem est,  
Turea cum multa munera funde prece,  
Quam primum patrios, ut possim cernere muros,  
Caraq. Virginiae uisere tecta meae.  
Proinde Deum mea uita roga, semel ipse rogatus  
Si non cuncta dabit terq. quaterq. dabit.*

A D. F R A N C I S C V M

Carfidonium

**V** Incis tu Pyladem, bonumq. Orestem  
Et fide, & probitate Carfidoni,  
Expertatoties tuis amicis,  
Est unum mihi pergrane, ac molestum,  
Quod munus tuleris meae puellae,

Quod



Quod dictus lepidus, uenustulusq.  
 Ast amor tibi, candidoq. dente,  
 Genis purpureis, decente gressu,  
 Non non hoc mihi fit satis probandum,  
 Has laudes metuo. boni sodales  
 Exprobrent potius meos amores.

## IN. QVENDAM. POETAM

**D**um grandi tumefacta sonas tua carmina, uoce,  
 Atque animat numeros spiritus ille tuos,  
 Grandiloquum credis longe superare Maronem,  
 Et te uicturum longius esse putas.  
 Te uiuente, mihi credas, tua carmina uiuent,  
 Teq. cadente simul carmina & ipsa cadent.

IN. MONETAM  
AD. PAVLLVM. PARA

uicinum

**D**ic, illo quid auarius Moneta est,  
 Iniustum magis, impudentiusq.  
 Paulle? qui nimium licentiosas  
 Manus inijcit in suos clientes,  
 Et hunc expoliat bonis, & illum?  
 Nec periuria curat, aut honestum  
 Nil quod non sonet auream monetam?  
 Qui pellem rabidus terit caninam,  
 Nec parcit cupidus sacris, deisq.  
 Et bonus studet omnibus uideri?

*Dij magni, querulum senem, recoctum,  
Lippum, rancidulum, febriculosum,  
Elumbem, tremulum, nec ore gratum  
In malas facite hinc cruces abire.  
Dij boni, horribilem, & sacram senectam.  
Plenam ruris, & esuritionis  
Trudite in stigas nigras lacunas.  
Et hunc Thesiphone senem flagello  
Magnis ictibus usque uerberato,  
Saeuarum agmina conuoca sororum, est  
Tantalus tibi puniendus alter.*

IN. EFFIGIEM. LVCIAE. FAV

*stinae Mancinae. Romanae  
Sepulcro adiunctam*

**E**ffigiem *MANCINA* tuam dum specto nitentē,  
Incensas in me torquet amor faculas.  
Quid si uiuentem spectarem? heu cogeret isthaec  
Lux, feriens sic me mortua, uiua mori.

IN. EANDEM

**V**idit amor decus eximium, formamq. puellae  
Mancinae, & matrem credidit esse suam.  
Se accinxit nuncis innectere colla lacertis,  
Et dare purpureis oscula pressa labris  
Sed prope, ut accessit, *MANCINAE* ut nomina legit,  
Edidit haec tristi carmina cara sono.  
Quae me fallit? quis tantum huic decus addidit ori?  
Aut haec, aut gemina est, aut mihi nulla parens.

DE. HIELLA. QVAE .A. PATRE

in. nuptijs. Ludificata. est

**D**Iti sponsa uiro nimium gaudebat HIELLA  
 Laudabatq. patrem laudibus eximijs,  
 Vt dulcem posset Veneris decerpere fructum,  
 Commoda adire sui gaudia coniugij.  
 Sed postquam annosum sensit fouisse maritum,  
 Ab iam nec patri est, dixit, habenda fides.

## IN. CECILIANVM

**A**Bdicat officio te iudicis Arius omni,  
 Cum pexam barbam, tinctaq. menta uidet.  
 Integer inquit eris iudex de litibus ullis,  
 Si facis his fucum CECILIANE pilis?

## AD. HIERONYMAM

Columnam

**D**Vm Venus Cyprio solo relicto  
 Vidit Threicios, Scythasq. saeuos  
 Mersos aequore, nauticas cohortes  
 Incensas, procures, Ducesq. caesos,  
 Et hoc uiribus inclyti Columnae,  
 Adit Parthenopen, legitq. pulchram  
 Nympham, quam cito mittat ad Quiritem,  
 Vt grates referat Duci potenti  
 Suo nomine, & usq; gratuletur  
 Viro magnanimo, atq. glorioso,  
 Vt det oscula mille, detq. mille  
 Ore purpureo, udulo labello.




Dulces illecebras ferat, iocosq.  
 Amplexu Idalio petat, lacertis  
 Illum stringere centies laboret,  
 Vitæ, & imperio bene auspicetur.

Id pulchre exequitur soror Columna,  
 Nympha pulchrior omnibus latinis,  
 Dulcis maxime, & omnium uenusta,  
 Olympi plaga cui patet corusci,  
 Quam Phoebus, charitesq. amant, coluntq.  
 In cuius gremio sedent amores.  
 Haec nobis fore cuncta pollicetur  
 Laeta, ad bella acuit Remi nepotes,  
 Per quos concidet impius tyrannus,  
 Homo futilis, ater, infidelis.  
 Nobis aurea regna, regna auita,  
 Nobis coccina, Persici tiaræ,  
 Aurum, & aurea pocula, & pyræpi,  
 Nobis conuenit esse purpuratis.  
 Infidum pereat, ferox, & atrox  
 Vbiq. undiq. & undequaq. menstrum.  
 Adnuit Dea procreata ponto,  
 Adnuit pater omnium deorum,  
 Ferantur sacra dena rite diuis,  
 Columna imperet, & columna regnet.

AD. TARQUINIUM

Priscum.

**C**olumnæ lepidæ poema feci,  
 Quod dixi mihi, Priscæ, amate musis,



*Quam qui maxime, & elegans, uenuste.  
 Sed mi nympha animam, atque cor reuellit,  
 Quam pulcher Ticinus tulit, colitq.  
 Quae magnae Hesperiae iubar perenne est,  
 Quae formosa satis, superq. uisa est,  
 Quae me cum uelit, alligat, capitq.  
 Non reti, atque adamantina catena,  
 Sed pulchro eloquio, sed ore pulchro,  
 Sed risu facili, leui, decoro.*

*Si parum salis est meis tabellis,  
 Si duri hendecasyllabi uidentur,  
 Morsu detere, spongia, atque lima.  
 Si placent minus, & minus probantur  
 Insulsaе, inlepidissimae camoenae,  
 Dabis tardipedi Deo cremandas.*

# AD. PETRVM. VSIMBARDIVM

**I***Nter lautitias, domosq. regum  
 Petre, quando hodie mihi placebat  
 Disputatio, inambulatioq.  
 Tu mores nitidos, honestum, & aequum,  
 Cultumq. ingenium tuum, tuaeq.  
 Artes palladis, atque comitatem  
 Monstrasti lepida locutione.*

*Non placent tibi uerba prisca Fauni,  
 Antiquata aboriginum, Remiq.  
 Rancida, aut aboletata, uel retrusa,  
 Sed quae dicere Lesbiae Catullus,*

*Et cultus Nemese solet Tibullus  
Simplici, & facili latinitate,  
Non dura, nimiumq. curiosa,  
Qualis est hominum seueriorum,  
Qui sunt difficiles, & herniosi.*

*Vt forum redij incidere nobis  
Gyraldus, Mariusq. amati amici,  
Qui mihi referunt, quid imperarint  
Ad bellum Veneti, ultimiq. Iberi,  
Vt Thracum faciant pili phalanges.  
At illos tamen inquit parare  
Centum millia militum & trecenta,  
Sed nos pro nihilo putamus illa,  
Donec nos Deus adiuuat, precesq.  
Nobis Pontificis fauent sacrati.*

*Foedus icere Caesarem, ferocem  
Aetam Pannoniam in Scythas, in Afros.  
Quaesi nunc mihi uera nunciantur,  
Veh tibi Scythae, ueh tibi Africanae.*

## IN FESTA DIE CHRISTI Corporis.

**E**N croceus totum detexit lucifer orbem,  
Per nitidum roseis aethera uectus equis.  
Aspicite, ut uarios depingunt lilia campos,  
Purpurea ut uiridis gramina pandit humus.  
Vt uolucres liquidum concentibus aera mulcent,  
Dantq. manu plausum Naiades, atq. Thetis.  
Salue sancta dies, niueo redimite sacerdos  
Sancte sinu, numeris ora resoluе sacris.



*Salve , qui nutu caeli moderaris habenas ,  
Salve uirginco tu sata uentre salus .  
Salve triticei corpus sub imagine panis ,  
Sanguis & aetherei mystica dona poli .  
Tu nostram ut uelles uitam seruare , parentum  
Abluere & labem , funera Christi subis .  
Tu manes , tetrasq. domus loca nocte silentum ;  
Umbrarum lucos , & phlegetonta pctis .  
Atq. Erebi tu claustra premis , dirasq. sorores  
Sternis , & in caelum morte recludis iter .  
Mors haec luctiferam mortem foecunda peremit ,  
Falcatae o mortis mors operosa timor .  
Plauditae mortales , crines compescite lauro ,  
Pallados & uireat fronde reuincta coma .  
Mors etenim niſta eſt , uolitat uictoria praepes ,  
Alta triumphalis munera pompa refert .  
Victoris ſpectate Dei miracula ciues ,  
Haeretis , num quid peſtora dura rigent ?  
Propterea peccata uigent , uirtusq. recessit ,  
Inualuit clades , regnat & omne nephas .  
Nec trepidat mens caeca hominum , nec lumina caelo  
Conſpecta horreſcit , nec fera bella timet .  
Enſifer Orion media iam luce refulſit  
Exitium minitans proelia , uincla , famem .  
Vndiq. nos urget turpis Byzantius hoſtis ,  
Mille rates ornat , carbasa mille parat .  
In Latium hinc tendit gens impia , & inde fidelis ,  
Italici affectans regna beata ſoli .  
Quare agite huc animos , huc aegras uertite mentes ,*

*Terrenam è duro pellite corde luem.*

*Quare agite & ueniam prauis exposcite factis  
Dum uacat, & nostris ore fauete sacris.*

AD. ALEXANDRVM. FRAN  
cischium. Romanum. Theologum

**S***i nil doctius est, profundiusq.  
Eo, quod loqueris, refersq. mirum  
Quid est si populum, patresq. summos  
Ad caelum rapis, ac uocas ad astra?  
Ille te eloquio beauit aureo  
Et dedit tibi perspicaciori  
Mente noscere cuncta liberator,  
Cuncta cernere filius tonantis,  
Quem stultus Pharius, Syrusq. spreuit,  
Et rerum domina Vrbs colens recepit,  
Amans ut magis in dies magisq.  
Sanctarum uideatur esse legum,  
Mores deferere impios, nephandos.  
Pro qua suscipias novos labores  
Alexander, & undequa. & usq.  
Impelle, & magis incita, & coerce,  
Ut linquens Erebi aeneas catenas,  
Tot caelestia dona consequatur.*

AD. ALOISIAM  
Rodulpham

**A***loisia, quae nitente flore  
Aetatis, referas licet Cytheren,*

*Lapillis uaries sinus eois ,  
 Ostrina & redeas puella ueste ,  
 Vultus imperio tamen reliquit  
 Dignos Iuppiter , ingeniq. dotes  
 Pallas , & tibi cor Diana castum .  
 Queis surgis media inter has beatas  
 Arni , uel Tiberis potentis illas  
 Nymphas , quas colit orbis uniuersus .  
 Haec forma est solida , atq. pulchritudo ,  
 Cum uirtute nitet , fide , & pudore .*

### AD. ANNIBALEM. CAPVAM

**O** *Qui stemmate nobili , potensq. es  
 Lingua , & pectore , moribusq. legum  
 Doctrina , ingenioq. singulari .  
 Rebus impiger Annibal gerendis  
 Studes , officiosus adiunare  
 Illum consilio , hunc & ære , sicq.  
 Aeternos tibi comparas honores ,  
 Ob id te proceres amant , & inde  
 Eris Pontificis beatus ostro .*

### IN. CASTOREM. DV RANTEM

**Q** *Vae stellis redimita caput , quae solis amictu  
 Induitur , puero quae fuit aucta Deo ,  
 Carminibus celebrata nouis nona gloria partus  
 Astitit ingenio magne poeta tuo .  
 Effert se gelidis lymphis , nitrensq. superbit  
 Hinc Arnus , Sebethi emulus irrigui ,*

*Durabit Durantis opus , dum Castora frater  
Diliget , alternas ibit & ipse uias .*

I N. T I C I N E N

**L** *Egerit haec Ticine si carmina , carmina uiuent  
Perpetuo , aspectu facta beata deae .*

A D. FELICEM VRSI  
nam Columnam

**E** *S felix , Arabum ueluti titanius ales ,  
Dum nouus ipse suis surgit ab exequijs .  
Et loca , purpureo tendens per inane uolatu ,  
Quaerit , ubi auricomo est ara dicata deo .  
Certatim coeunt ex omni parte uolucres ,  
Ac roseam properant cernere Solis auem .  
Vt uidere , stupent , mox dulci gutture cantus  
Effundunt , placidos concelebrantq. choros ,  
Non secus egrederis magno miranda decore  
Felici Felix conditione sata .  
Non secus accurrunt mortales undiq. dotes  
Ingenij , & formae qui bona rara colunt .  
Ac te non uano felicem nomine dicunt ,  
Musarumq. tibi carmina cuncta dicant .*

D E P A V L L O G H I S L E R I O

**T** *Vrcarum qui praeda fuit , dominoq. superbo  
Seruiit , ac remex proscidit aere salum ,  
Imperat Aenedum Paullus Ghislerius Vrbi ,  
Sublimi uehitur conspiciendus equo .*

*Mox*

Mox luit exilium *Quincti* non noxius ira,  
 Miles & in *Belgas* cogitur ire feros .  
 Fortunae documenta hominum , quam mobilis orbes  
 Sors rotet , & nulla stet violenta fide .

AD. POMPONIVM. TAVRELLVM.

Comitem. Montisclaruguli .

**F**elix *caſtalij* chori  
 Qui noſcis ſapiens abdita tot ſacra ,  
 Qui vulgi improba deſpicias  
 Facta , & quae *Nemefis* perdere nititur .  
 Solus pectore nobili ,  
 ( Olim quae nituit nobilitas patrum )  
 Virtutis ſtudio flagras .  
 Nunc te *Cecropiae* prata uirentia  
 Delectant deae , & ignifer  
 Aether , quodq. domo ſplendet *Olympica* ,  
 Nunc ipſos ſuperos adis ,  
 Delibasq. lacus neſtaris aurei .  
 Si mars in miſeram necem  
 Heu regis fureret , tu *chalybem* aſperum ,  
 Et tela hoſtica pelleres  
 Forti pectore , & armis *adamantinis* .  
 Nam *Bellona* tibi dedit  
 Heroum gerere & proelia fortium ,  
 Nec non conſilio , & manu  
 Demoliri aliorum opida , & aggeres ,  
 Atq. *Aſros* populantibus  
lammis contererẽ hinc , hinc ſcythicas rates .

O Felix animi bonis,  
 Felix o nimium pectoris artibus,  
 Ex virtus tua clarior  
 Fulgenti rutilat prole hyperionis.

AD IO. FRANC. GAMBARAM

Cardinalem amplissimum

C Ast alio cessere Deae iam vertice, & Aserae  
 Fontibus, Ogygio, Gorgoneoq. iugo,  
 Cum t. rpi cepere dolo. belloq. rapaci  
 Graia pharetrati regna tenere Scythae.  
 Hinc chorus Aonius visit tua Gambara rura,  
 Quae Paphijs uernant, Oebalijsq. rosis  
 In quibus emittunt annosae flumina quercus,  
 Et lymphis circum luxuriant querulis.  
 Sedibus his natae Iouis, his sublustibus umbris  
 Exercent choreas, dulcia pleetra mouent  
 Est locus hic Phoebe, uiret hic Dodonia quercus,  
 Chaoniae hic volucres fatidico ore canunt,  
 Huc illa accessit, cui gemma Leontios indit  
 Nomen, quae gemma est lucidior nitida.  
 Quam blandae Charites, quam fouit docta Minerva,  
 Quamq. colit comptis Nais Oreadibus.  
 Illius ex uultu placidos nunc afflat amores,  
 Exurit casto nunc Ericina sinu.  
 Nunc te lacteolae, quae potant Tibridis undas,  
 Felicem nymphae, Martia Parma, uocant.  
 Tu decus Aonidum Vitali à sanguine claro  
 Eduxti gentis delicias Italiae.



*Tu dulces, hylaresq. iacos. & roscida Tēpe,  
 Ac sæcli rutilo crine iubar nitidum.  
 Felices campi, siluæ, riuq. cadentes,  
 Quis datur Ardalidas cernere posse deas.  
 Spirantiq. croco, caltha, immortalī amarantho,  
 Fuisse Ausoniam Pallada flauicomam.  
 Tu quoq. iam felix, si dictat Gambara versus  
 Illa tibi, celebrat si tua rura chelij.*

## AD. GALEACIVM

Vicecomitem.

**O** *Quem nobilium propago auorum  
 Edidit Galeaci, & inter omnes  
 Nomine hoc celebres magis refulges,  
 Ponas funereo modum dolori,  
 Ponas lacrimulisq. questibusq.  
 Quid cura quateris graui hac, vel illa?  
 Affinem tenebris nigrantis Orci  
 Ne pressum timeas, Deum cupitam  
 Vitam viuere sed putes perennem.  
 Hunc nam religio, fidesq. iuuat,  
 Hunc tritonia Pallas, Aequitasq.  
 Huic nil purpurea obsuit toga, huic nil  
 Pompæ, fastigium, superbi honores.  
 Insubrum decus ergo, ne deorum  
 Damnes consilium, nec ipsa fata.  
 Mors namq. aggreditur suo ueneno  
 Catonemq. Numamq. Nestoremq.*

LIBER 7  
IN. OBITVM. CAROLI FRIDERICI.  
Cliuiae Principis

**O** Quem Relligio tam longas Carole terras  
Incenditq. salutis amor quem visere templa  
Clauigeri patris, solium, sceptrumq. uerendum,  
Accipe quas celebrat tibi maxima Roma triumphos,  
Queis nostrum lacrimarum imbrem solamur amarū.

Tu sanctos inter mores, ritusq. sacrorum  
Mente hauris sceleris quae prima piacula foedi,  
Atq. pie lustras animam, releuansq. superno  
Nectare, flammiferis actutum dirigis astris.

Hinc anima humanos artus, terrasq. Perosa,  
Plena deo, celsum tantum meditatur olympum.  
Pallet corpus hebes se se ne deserat hospes,  
Ac queritur, tremulaq. illi sic voce profatur.

Vis mea cur properas naturae scindere munus,  
Siccine dissoluis socialia foedera discors?  
En per te obtusis ceciderunt viribus artus,  
Caligant oculi, sensusq. pedesq. labascunt.

Sed contra melior pars, & caelestis origo,  
Nil mortale mihi curae est, quod ab aetheris oris  
Mittitur, excipiunt stellantia moenia rursus.  
Nunc exuta malis, regi, qui condidit orbem,  
Obsequor, aeterno coeli sic dignor honore.  
Discedam, mihi namq. dedit contagio labem.

Tempus erit, quo te rursus circundabor ipsa.  
Dixit, & astra super diffracto carcere tendit.

## AD. GVLIELMV. BASTONIVM. IN

Semnum quendam censorium.

**O** qui dotibus es nobilis ingeni  
 Bastoni, & volucris mentis acumine,  
 Prae cunctis sequeris Praesulibus fidem,  
 Musarumq. faues choro.

Ausum dulciloquam frangere barbiton  
 Semnum, quem Ogygio uertice virgines  
 Damnarunt fatuum, perfidum, & improbum,  
 Illotaq. reum manu.

Nostris ejce tu fontibus integris,  
 Tu nostris prohibe numinibus sacris,  
 Ac multo ut madidam sanguine belluam  
 Ex caede, hinc procul arceas,

Nos circum Charites iungere brachia, &  
 Norunt innocuis psallere amoribus,  
 Nos miscent superis Naiadum comae  
 Cantatae, Aonio iugo

Delectat choreas ducere amabiles,  
 Quas non posteritas forsit an arguet,  
 Sed pestem Tanaim mittet ad ultimum  
 Mordacem, & tetricam virum.

Epit. Cloeliae. Salomoniae  
 um fixis oculis, animo dum Cloelia vultus  
 Intuitur pictos Diuiparae, interijt.  
 uina, haud mirum est, ardenti mente tuentem  
 Si vult caelicolis reddere Virgo parem.

*Ardenti Mariam dum pietam Cloelia mente  
Contemplatur, humi corpus inane cadit.  
Crediderat viam: mens hinc compagibus artum  
Exuta, heu terras liquit, & astra petit.*

IN. LIGNVM. QVO. POENE. OPPRES-  
sus est, Ad Iulium Gazellam

**Q***vae, triste lignum, te posuit manus,  
Vt praepedires Flaminiam uiam,  
Petrum cruci fixit cruentae  
Pontificem, secuitq. Paullum.*

*Plutona, lignum, saeva q. tartara  
Nutrisse, nec non crediderim arborem  
Misisse Romanis sorores  
Eumenidas, Parathrumq. nigrum.*

*Dira ut Quiritum perniciēs foret,  
Et mente rectos perderet, & uiros,  
Qui victimas Diuis parare  
Instituunt, precibusq. placant*

*Iram sacrati numinis: heu caput  
Percussit illapsum, immeritum ut daret  
Me poene morti, tunc leuasset  
Omnipotens nisi Christus ictum.*

*Gazella, num tu dixeris, accidet  
Quod cuiq. uita dum fruitur, poli  
Num sidera, aut nobis perenni  
Ordine quae statuere fata?*

*Secreta quamuis diu sapientiae*

Te nosse donent, carmina Pythius  
 Dictet tibi, & pleetro canoro  
 Fatidicam cytharam ministraret.  
 Amice, uatum maxime quaerere  
 Conemur aequam sub domina leui,  
 Et temperatam mentem habere,  
 Sors etenim exagitat uel illos  
 Prudentia claros: pede lubrico  
 Incedit unusquisq. suo gradu  
 Firmum nihil terris videmus,  
 Sed miseri sumus usq. & usq.

## AD. LVDOVICVM

Caesium

**C**æsi, pro superum fidem,  
 Amissa heu gemimus maenia Caesaris,  
 Et molem libyci soli  
 Vastauit rabies barbara, & aggeres?  
 Turca heu perfidus imperat,  
 Perfoditq. virum pectora fortium?  
 Hispanæ ab miser, ab miser,  
 Quod tanto est tepido sanguine militum  
 Quaesitum male protegis?  
 Sic heu perniciem prorsus in tuam?  
 En Circum Numidae, en Scythae  
 Proscindunt tumidum classibus Adriam,  
 Per fluctus Balearicos  
 Bacchari incipient bellico acinate,  
 Atq. omnes prope saeuient

Per latos populos ira Acherontica .  
 Quod si vos nihil excitat  
 Reges , Relligio , nec pietas mouet ,  
 Cernetis miserabili  
 Subdi cuncta iugo barbarica manu ,  
 Nec tristes querimoniae  
 Post , nec proficient lacrimae , inutile  
 Aurum , Consiliumq. erit .  
 Tu spectas oculis , qui mala lynceis ,  
 CAESI , & saeuapericula  
 Haec mecum repetis , uota deo face ,  
 Classes perdat ut impias ,  
 Aeratas acies frangat & hostium .

## AD. PETRVM. MILVIENSEM

PVeri malum lyaeum  
 Tibi semper ingerebant ,  
 Vt anhelas febris artus  
 Calidos statim occuparit .  
 Fatui , merum insuaue  
 Fore lethum amarum , & ipsam  
 Animam tuis medullis ,  
 Vbi suaue , non uidentes .  
 Cape docte Miluiensis  
 Cyathos boni lyaei ,  
 Bromium patrem celebra ,  
 Bromium uoca frequenter ,  
 Age docte Miluiensis



*Cythara sonante potes ,  
Neque saeva dissipabis  
Stomacho secus venena .*

# AD. POMPONIVM. TAVRELLVM

Comitem Montisclaruguli

**D***ic dea , laudandus qua sit Pomponius arte ,  
Flos procerum , Phoebi gloria , Martis honor .  
Sic ego , sic mihi Musa : illum magis usq. rogato ,  
Ut nos ingenio Pieridas doceat .*

# AD. RAINALDVM. CORSVM

de Manfredo .

**Q***ui simul & vult miles , amator , & esse poeta ,  
Manfredus , triplici Corse furore furit .*

# DE. TRIGINTA. AMORIS

Vitiis

**Q***ui vitia insani ter dena cupidinis optat  
Noscere , vt effugiat , carmina pauca legat .  
Huic non candor inest , sed totos occupat artus  
Pallor , & est oculis , menteq. captus Amor .  
Aliger incostans , saeuus , rixaeq. minister  
Sanguineae , iratum nullaq. frena domant .  
Corpora nudatus , fallaci uestit amiētū  
Corda , puer vincit subdolus ipse senes .  
Imbellis foede , hospitii violator amici ,  
Et quam promittit , non habet , ille fidem .  
Incedit summis pedibus fur improbus , exlex ,*

# LIBER.

Raptor, & incestus, sacrilegusq. uorax.  
 Seducit blandis uerbis, nec vera fatetur,  
 Dulcibus in labris quid nisi virus habet?  
 Non pudor, audaci nulla est reuerentia fronti,  
 Sunt lusus astus, insidiaeque loci.  
 Est breuis huic arcus, brevis & lethalis arundo,  
 Hinc impulsata in sidera ad alta uolat.  
 Quamq. iacit dextra, molles est flamma medullas,  
 Qua petitur mulier, vir, puer, atq. senex  
 Heu miser immanis patrat qui iussa tyranni,  
 Et sequitur caeci signa superba ducis.

## In urbem Romam

Urbem Democritus, si Naracletusq. viderent,  
 Rideret magis hic, fleret & ille magis.  
 At si ego sum anceps, cernens quos perditq. beatq.  
 An risu, an lacrimis dignior ipsa foret.

## In Fuscum

Vt deslent Thraces cum primum nascitur infans,  
 Maxima percipiunt gaudia; dum rapitur.  
 Sic tu Fusce doles, si detur vita clienti;  
 Gaudes cum possis frangere reste gulam.

## AD. ANTONIVM. LEGNANVM

Xluirum Bononiensem.

**H**inc premit importuna lues, hinc tabida pestis  
 Sicaniam, & Melitae Thrax fera bella mouet.

*Discordes Ligures inter se praelia miscent ,  
 Atq. furit passim pernicioſa fames ,  
 Hinc trepidant omnes , tibi peſtus ineſſe Catonis  
 Dicunt , & nullo corda timere malo .  
 Antoni , haec animi uera eſt ſapientia , namq.  
 Bella , fames , peſtis , crimina ſunt populi .*

AD. MARIVM. CASALEM

**M***ittam Caſtalidos tibi parenti  
 Incultos , laceros meos libellos  
 Aſperis ſalebris ineptiores ?  
 Illi non Amatbuntaq. Eriosq.  
 Nec videre Heliconidas ſorores ,  
 Hinc parum lepidi , & parum uenusti  
 Videntur , male terſi , & elegantes .  
 Dices , Pythagoras , Platoq. magnus  
 Aegyptum penetrauit , & reſinotas  
 Partes , ut Sophiam pararet omnem .  
 Verum , ſed domino iubente nullo ,  
 Parebant ſibi , nunc mihi negatum ,  
 Noſtes qui miſer eiulo diesq.  
 Cum nullos adeam diſertiores .  
 Qui noſtesq. tero diesq. totos ,  
 Scribens millia multa litterarum ,  
 Quae negotia ſunt ſeueriora ,  
 Vrge tu iuga montium comata ,  
 Tu ſiluas trabe , tu rapacitatem  
 Siſte fluminum , & incita , Caſalis ,*

*Iam mentes hominum peritiorum .*

*Nos uappae sumus , & pusillo honore  
Contenti . Aonides caput corollis  
Incingunt tibi , gloriaeq. Phoebus  
Acquirat numeris perennitatem .*

## IN. OBITVM. CVIVSDAM

Prinigni

**A**ddebat tumulo prinignus ferta nouercae ,  
Cum lapis in miserum decidit inde caput .  
*Discite uos , scripta est his uerbis urna , Nouercam  
Viua , atq. extinctam diffugere o pueri .*

## AD. LIVIAM. BECCARIAM

Spairanam .

**L**ivia , si rutili uernantia Lilia uultus ,  
Oreque ridenti quae creat arma Venus ,  
Liua , si teneris corallia nata labellis ,  
Turgidula alpina pectora sparsa niue ,  
Nec non phoebeas superantia lumina flammis ,  
Quaeque tibi flauet uertice odora coma ,  
Incendunt , capiunt , feriunt , iuuenesque senesque .  
Dictaeumque ualent sollicitare Iouem .  
Quid uero ingenium , quid copia lactea fandi ,  
Castaliumque tuo quod fluit ore melos ,  
Quid morum probitas , & mens vel Pallade digna ,  
Intemerata fides , ingenuusque pudor ,  
Quid pietas , & laudis amor , quid mascula uirtus ,  
Formae iuncta tuae tot bona uera animi ?

*Decipitur quisquis mortalem te Dea credit,  
Serius ò utinam sidera clara petas.*

## IN. OBITVM. M. ANTONII

Bobbæ Cardinalis

**T***V* quicunq: sacram uates accedis ad urnam,  
Nulla hic effingās carmina, Bobba iacet.  
Mnemosynes Helitona deae, Phoebusq. reliquit,  
Occupat hos luctus, funereusq. dolor.  
Carminis extincta est penitus iam gloria; non sunt  
Haec quoq. quae scribo carmina, sed lacrymae,

## AD. HIERONYMV. REYNOSVM

De Leonora Sanuitali Scandiani domina

**Q***V*od rutilans prodire domo Leonora recusat;  
Vincere Acidaltam nata puella deam.  
Quae tenebras oculis pellit, lucemq. ministrat,  
Inclyte mirari, ne Reynose uelis.  
Nam radians terrae latebris caelatur & aurum,  
Et nitidas gemmas aequoris ima tegunt.

## N. DISCESSV. LIVIAE. BECCARIAE

quam Ticicen vocat.

**D***I*scessum Ticines, lacrimis consolor amaris,  
Fletus et est visu dulcior ille mihi.  
Lachesis uitae producit stamina, moestis  
Quis putet? Exiliunt gaudia mi ex oculis.  
Venus orta mari est, ferus hinc humana Cupido  
Pectora habet, dulcis quid nisi amaror Amor?

LIBER  
IN. ADAMANTEM

**D**ura es, quae repeto non te suspiria vincunt,  
Nec mouet è nostro stridula flamma rogo.  
Percutiat pectus quamuis, ut Mulciber aera,  
Spiculaq: è nostro sanguine tingat Amor,  
Dura es, quoq. Adamas fias vertentibus annis  
Durius imponis nomina dura tibi:  
Si flammis Adamas, si non incude domatur,  
Indignum, sparsa sanguine conteritur.

AD. LIVIAM. BECCARIAM

de eius nomine

**L**iuia es, aut nullo quod tu liuore notaris,  
Aut tibi quod nullum carpitur ingenium.  
Sic dixere olim uiolam, bellumq. latini,  
Liua sic candens liuida cuncta domas.  
Rara bonis animi, naturae dotibus aucta  
Liua es, inuidiae quod facis inuidiam,

Aliud

Candidulo vincis quod pectore Lilia, quodq.  
Rubra tuis misces Lilia Liliolis,  
Ipse parum conuerto notas O Liua, dici  
Lilia solapotes, Liua iure potes.  
Hoc uariant: pereunt cito Lilia, Liua in ipsa  
Perpetuo terris Lilia *V*iu *A*manent.



**I**n oculis, Venus ore nitet, Diana capillis,  
Flora genis, Pallas pectore, fronte Themis.  
Corpore sex habet una Deas sed Liuia, splendet  
Pectore, fronte, oculis, crinibus, ore, genis.

AD. IO. BAPTISTAM BIGLIAM

Comitem.

**N**on me Biglia iuuat Troiano sanguine tinctam  
Tellurem, lapithas, terrigenasq. feros  
Dicere, nec picti causas exquirere, Olympi,  
Cur aether liquidus, fusilis, atq. leuis.  
Cur pelagus glaucum, patuli cur pondera mundi,  
Cur fortuna ioco uertat acerba uices.  
Sint Alcmeoniae furiae, sit flamma Chimerae,  
Qualateant Erebi pallida testa ducis.  
Sed te fert animus nostris intexere chartis,  
Te, quem Pallas amat, Pieridumq. chorus.  
Insu brum tulit heroum te clara propago,  
Praesidium gentis, lumen & Ausoniae.  
Calliope nutrit, Phoebus donauit & artes,  
Illius, & laudes, & decus huius ades.  
Iura patrum, legesq. graues, monumentaq. uoluis  
Queis regere imperio regna superba queas  
Hinc te Roma colit, nec non tibi vellera succo  
Inficiet, mittit quem preciosa Tyros.  
Tunc me Pierio referentem uertice laudes  
Aspiciēs nymphis caerule Tibri tuis.

Nunc me fata premunt, piceis turbata procellis  
Iactatur rapidis nunc mea uita notis.

Nusquam parta quies, hic me non mollia prata,  
Non recreant paphijs mista ligustra rosis.

Montani fontes, colles, silvaeq. uirentes  
Tartarei regis sunt loca tetra mihi.

Nec quas pallentes uiolas, quae lilia carpat,  
Villica spectatur, ut ferat in calatis.

Auritosq. sequi lepores, capreasq. fugaces,  
Vulpibus hirsutis non posuisse plagas.

Nec inuat arguto uolucris me daulias ore,  
Nil me threicijs docta chelys fidibus.

Sola mihi ante oculos Ticines uersatur imago,  
Quae cura est fidi pectoris una mei.

Illa mihi aeterni flores, aeterna uireta,  
Et nymphae, & siluis Delia casta mihi.

O utinam pulchris Ticine praelata puellis  
Aisoret, afflictæ grata quies animi.

Quercus, & cautes animans, Dircaeus ego alter  
Dicerer, Odrysius, Maonidesue senex.

Namq. genas canerem roseas, roseasq. papillas,  
Oraq. conspicuum dulcis & oris ebur.

Et Bereniceae diuinos frontis honores,  
Luminaq. ardentes sidera nostra faces.

Cantanti Pan ipse aderit, Zephyriq. marita,  
Siluani, & fauni, ruricolaeq. deae.

Imponam capiti pictas tunc flore coronas,  
Atq. choros nectam, blanditiasq. leues.

Atq. hilaris dicam ualeat praeclara triumphis.

*Roma, mihi Ticine pulchra triumphus erit,*

# AD. DIVAM. VIRGINEM

M A R I A M

**V**irgo mihi faue, dum  
Cantare tento laudes;

Tuumq. uirginale

Decus, iubar perenne.

Tu sponsa, tu fuisti

Gnata, & parens tonantis,

Regina siderumq. es,

Puerperis iuuamen.

Tu duxq. proelianti,

Tu nauitisq. fidus;

Dirum premis colubrum,

Morbos graues, famemq.

Auertis omne uirus.

Penna secas uolucris

Hinc aethèrem supremum,

Te ut mors momorderit nil.

Luce obruor tua, ecce

Mihi pedes labascunt,

Testudo nil sonare

Scit, nostra lingua torpet,

Tantum precabor alma

Mater, salus piorum,

Turca ut ferus recedat,

Mitescat hostis atrox.

*Et mitigetur ira,  
Deiq. Filijq.*

*Satis satis miselli  
Pressi sumus flagellis.*

*In hos, in hos furorem  
Conuerte iusta Iesu,  
Qui negligunt salutem,  
Spernunt tuumq. nomen.*

*Nos te patrem fatemur,  
Nostrumq. conditorem,  
Iam Christe redde pacem,  
Propter crucem cruentam,  
Propter tuam parentem,  
Quae pulchra lustrat orbem,  
Quam nos ueremur omnes.*

# AD. ALPHONSV. BECCARIAM Comitem.

**I***nclyta si uirtus, Alphonse, expersq. sepulcri  
Te caelo venisse probat, si numine diuum*

*Afflatus reuocas Ascra, Cyrrhaq. sorores,  
Cur tibi non coner meritas componere laudes?  
Nexilibusq. tibi crines redimire coronis?*

*Te canit Insubrum, tollitq. ad sidera nomen  
Docta cohors, laeto fundunt tibi gaudia uultu  
Nymphae, lucidulo Ticini quae flumine ludunt,  
Ac tibi Pyrene rutilantibus assonat undis.*

*Tu iura imperio tribuis, rerumq. latentes  
Tu causas aperis, caeli conuexa penetras,*

Te non inuasit furor exitialis habendi ;  
 Non ira , ferroq. agit at discordia demens ,  
 Horaq. non multis exacta tridentibus , omne  
 Despicias ignarum caput , atq. ignobile vulgus .  
 Diffraeto per te fugiunt examine curae ,  
 Quae lacerant auidas mentes , furtimq. fatigant  
 Tu non assyrio fucatas murice uestes ,  
 Numquam Phaeacum curasti ditia rura ,  
 Testa nec e gemmis , rutiloq. extructa pyropo ,  
 Ut uirtus relinquenda foret , qua uincis honores  
 Priscorum , tua non capiunt sub stegmate facta .  
 O decus , Alphonse , eximium patriaeq. domusq.  
 Eoi iam iam discent tua nomina seres ,  
 Euphrates , Rhodanusq. colent , & diues Iberus .

## In H. Leonem

**C**um tibi candidior niue sit , folioq. ligustri  
 Barba , puellarum capitis amore Leo es ,  
 Cum tibi nec dentes , nec sint in corpore uires ,  
 Pesq. labet , tentes lumine laesus iter ,  
 Perditte amas : an quod natum finxere Cytberes  
 Captum oculis , & sit bis puer ipse senex ?

## IN. ZOILVM. QVENDAM

Ticines Amatorem

**Z**oilus ut Ticines formam conspexit , amore  
 Victus ait , Venus est altera lapsa polo ,  
 Lacteolasq. genas huic dulcis purpura tinxit ,  
 Molliculo ludit pectore blandus amor ,

Moris & antiqui lectissima, clara pudore,  
Res mira est, si quod Zoilus odit, amat.

In Epistolam Ticines

**C**um Ticines, celeri, mihi uenit epistola, penna,  
Sol micuit clara lampade candidior.  
Et cantus philomela dedit, uarioq. coronas  
Flore comae nexit uer Zephyris placidum.  
Dulcia neftareo conscripsit uerba liquore,  
Nam Venus, atq. Charis littera quaeq. fuit.  
Littera quaeq. fuit melliti cuspis amoris,  
Tentaq. quot uersus retia cara mihi,  
Retia, queis Phoebus uellet deus ipse ligari,  
Et nymphae cursum linquere thessalidos.  
Talia si Aeolijs fabricasset Mulciber oris,  
Vinciri optassent retibus his superi.

IN. ACHILEM. MEDICVM

Discite, quàm praestet greco romanus Achilles,  
Enecat hic herbis, ensibus ille necat.

IN. MERETRICEM. ODIO. SVÆ

imaginis mortuam.

**M**ane toro surgens, speculum dum uidit Hiella,  
Interijt, miseram perdit imago sui.  
Nam faciem cupidus noctu deterisit adulter,  
Quam meretrix fuce longius occlerat.



## DE IOFREDO. LOMELINO

**F**acundos inter procures Lomelinus honore  
Eminet, ingenio nobilis, & sophia.

Hispanos, Gallos, Thuscus, Graecosq. Latinos,  
Germanos linguis aequat, & acta refert.

Novit quoq. die quid totus cogitet orbis,  
Quid reges agitent: Mercurio id satis est.

## IN. ROGERIVM. MEDICVM

Omni bus è medicis, si littera prima Rogeri

In medico fiet tertia, primus eris.

## AD. MARIVM. ALTERIVM

de studio iurisperitorum.

**L**egibus insudant socij noctesq. diesq.  
Nil praeter leges discere discupunt.

Istos doctæ Mari mœiari desine, namq.

Non est hoc libris, sed studuisse lucro.

## IN. CANEM M. ATTILII

Serrani.

**D**iscite Serrani canis immortale Molossi  
Factum, qui nullis pestis acerba feris.

Hispanos tantum lacerabat dentibus, an quod

Hostes hi domini, damna, & ouilis erant?

Verius an, pecoris cum custos esset opimi

Hispanos didicit laedere carniuoros?

LIBER  
IN LIVIAM. CAPRANICAM

Bonellam

**I**psa suos cuperet si Cypria cernere vultus,  
Adspiceret faciem Liuiapulchra tuam.

IN. TICINEN. SPECVLVM

Abicientem

Abiecit speculum Ticine fulgore coruscans,  
Atq. inquit roseo flore genas nitida,  
Se spectet quæ tempus edax timet, illaq. vultus  
Mentita est fucō, disposuitq. comam,  
Solius Veneris lasciuæ munera: Pallas  
Namq. mihi semper iure colenda fuit.

Quæ patris inuicti tantum de uertice nata est  
Vertice, quotellus, astra, fretumq. tremune.

IN. OBITVM. HIERONYMI

Mucij Iustinopolitani.

**M**Vci, qui uarii condidit monumenta duelli,  
Atq. geris docta proelia iusta manu,  
Vicisti momos, Christi saeuosq. rebelles,  
Vicisti lepido carmine Mæoniden.

Nunc te mortifero non uicit parca duello,  
Viuit enim ingenij gloria, uiuit honor.

AD. HERCVLEM. CIOFANVM. SVL

monensem de emendationib. in Methia

morphosin. Ouidii

**T**E quoq. mutarunt superi, post tempora longa,  
Peligni in faciem uatis alumne nouam,

Ciofane, & hinc doctos uersus, lepidosq. refundis,  
 Illius hinc suada dicta probante refers.  
 Nasutusq. tui Nasonis menda libellis  
 Aufers, & nasos rumpis, & inuidiam.

In obitum Rhoesi Caesij.  
 Dum tibi florebat Caesi pretiosior aetas,  
 Viuereq. optabas coniugis in gremio,  
 Hec digitis filum Lachesis perscindit ahenis  
 Et tibi composuit pro thalamo tumultum.

In Carolum  
 Quam bene te totum depicta ostendit imago,  
 Mores, & gestus exprimit ista tuos.  
 Caesius es, nec non haec caesia, toruaq. frons huic,  
 Torna tibi, hirsuta est nec tibi barba minus,  
 Turgidus huic uenter, tibi turgidus, et caput, et crus,  
 Nullaq. mens huic est, Carole, nulla tibi.

## IN. CONSTANTIAM. SFORTIAM

Boncompagniam.  
**A** Et berei dulces venienti in luminis oras  
 Cum primum nituit stella benigna tibi,  
 Perfudit myrrha roseos aurora capillos,  
 Malarumq. Venus murice tinxit ebur,  
 Flammantes tribuit Phoebus duo sidera ocellos,  
 Nectareo Pallas uerba lepore dedit.  
 Iuno detus, clarumq. genus, clarosq. Hymenaeos,  
 Quae ducit festos Roma superba dies.

Roma dies per te constantia cernere laetos  
Sperat, & hinc Tibris munera laeta tulit.  
Fortunata nimis; tanto cui tiberis honore  
Surgit, & imperij dat tibi sceptrum sui.

AD. TICINEN. VT RVRA TIBVR-  
tia Hippolyti Cardinalis uideat.

**O** Pulchrae Cypridos Ticine sortita figuram  
Fleste age ad irrigui flumina fontis iter.  
Hic molles ludunt Zephyri, uiolaeq. rubentes  
Margine odorato, liliaq. alba uirent.  
Flexipedes hederæ florent, myrtusq. Diones,  
Arte noua pictæ dulce queruntur aues,  
Aerata hic resonant uolucrum per guttura lymphæ  
Perpetuo, choreas concelebrantq. leues  
Quid rides? nosti manibus fabricata Perilli  
Aera, quod ars quondam dædala finxit opus?  
Siste gradum, Hippolyto te principe digna iuuabunt,  
Perq. fluunt melicæ fertile Tibur aquæ.


IN. OBITVM. MARGARITÆ.

Valesiæ Taurinorum, subalpino-  
rumq. dominae.  
**S**ole satum Phactonta diu fleuere sorores,  
Quo uagus Eridanus uoluitur auctus aquis.  
Heu Valesia obit sed cum Taurinia, nostris  
Aureus afflictis sol data temporibus,  
In lacrimas omnes uersæ per flumina Nymphæ  
Erumpunt, querulis præcipitantq. uadis.

*Aerius Vesulus labentibus insilit undis ,  
 Ac miscent terras diluuiio superi .  
 Quid mirum , sole extincto uirtutis , amaras  
 Nunc quoq. si caelum uertitur in lacrimas ?*

AD. HIERONYMVM. MOLLEM.

**M**ollis , qui in media es senex iuuenta ,  
 Numquam mollitiæ fluïs , sed usq.  
 Durus in scelus , ut stat alta cautes ,  
 Quam circum boreas fremit , notusq.  
 Idem deliciae , lepos , uoluptas  
 Es Musae latiaeque . Achai ceq.  
 Nobis omnia Phoebus abnegauit ,  
 Atq. haec aulica secta garrulorum  
 Et mentem mihi turbat , & Camoenas  
 Non heroa sinit tuum , meumq.  
 Laudibus cecinisse , nec phaleucos ,  
 Quos mihi facilis Thalia dictat ,  
 Amplius recolo . Fluens , decorum ,  
 Tu carmen facias scitum , uenustum ,  
 Aptum , perspicuum , celebre , acutum ,  
 Quod sit Thespiadum choro locandum ,  
 Ut surgant Charites tibi . haeq. & illae  
 Cingant tempora laureis coronis .





# I. HIERONYMI

## C A T E N A E

### P O E M A T V M

#### Liber Secundus

A D. ZACHARIAM. DELPHINIVM  
Cardinalem Amplissimum.

**D**Elphini, tenerae iocos Thaliae,  
Quos tibi facilesq. simplicesq.  
Dico, nil cilio abnuas superbo.  
Nam te Pierides colunt sorores,  
Ac ducunt choreas tibi obsequētes  
Et quāvis grauitas tuae Minervae  
Ipsis Sulpicijs, Catonibusq.  
Non cedat, tamen eruditiorū est,  
Relicto studio seueriore,  
Interdum lenibus modis iocari.

IN. IVLIVM. CAESAREM

Gonsagam

**P**allentes animas humana in corpora rursus  
Priscorum constans fama redire canit.

*Cerni etenim persaepe datum est, sed pectore in uno  
 Possesimul binas uiuere, nulla fides.  
 En datur hoc oculis nostris, nam Tullius alta  
 Consagae pariter mente, Maroq. viget.  
 Hinc tonat huic nulla eloquium superabile lingua,  
 Carmina & hinc charitum tincta lepore fluunt.*

## AD. ALDVM. MANVTIVM

Paulli F

**Q***ui colis excelso Cyllenes uertice natum  
 ALDE, cothurnatis cognite virginibus.  
 Obruta diuersis feralia busta ruinis  
 Inquire, & rigido marmora uicta situ.  
 Ut doceas, quae sint monumenta insignia, quoue  
 Scribere nos deceat verba latina modo.  
 Multa quidem tibi nos, Manes sed plura silentes  
 Debebunt, quorum nomina clara facis.  
 Gratius hoc igitur. uitam nam culta perennem  
 Marmora quam nequeunt, his tua scripta dabunt.*

## AD. MAXIMILIANVM

M. II. ROM. IMP.

**D***Anubius postquam Turcarum barbara uidit  
 Tot iam castra suum perdomitura solum,  
 Te uocat inuictum germano milite, Caesar,  
 Auxilium ut trepidis rebus, opemq. feras.  
 Accurris subito, uiresq. opponis, & hostes  
 Diceris inuicta fundere saepe manu.  
 Atque ita bella geris, sic tractas cominus, ut Rex*

*Perculsus foedo corda timore cadat .  
Orbem terrarum iactent se uincere , dum sit  
Orbis uictores exuperare , tuum .*

## AD. POMPEIVM. ROCCHIVM

**S***iquid Fabricij petunt , Numaeq.  
Tristes , & lacrimosuli Heracliti ,  
Pompei , meditaris , & lepores ,  
Et iocos fugias mei libelli .  
Si tamen cupis ocio supinas  
Honesto fugere oscitationes ,  
His manum potes admouere nugis .  
Non qucro hic homines seueriores ,  
Nasos Rhinocerotum ineptiorum ,  
Aut uoces petulantium profanas ,  
Sed uiros nitidosq. simplice sq.  
Qualem te Aonides fouent puellae  
Ridentem , placidum , benignum , amicum .  
Cura pectora adurit , enecatq.  
Seueri cito concidunt Catones .*

## AD. HIPPOLYTVM. ESTENSEM

*Cardinalem Amplissimum*

**C***andida per pictos surgunt tibi lilia campos ,  
Et mollis uiridi gramine ridet humus .  
Ver tibi blanditur laetum violisq. rosifq.  
Tecta , Pater , cum te Romula adire uidet .  
Sacra ubi si dabitur rerum tibi summa potestas ,  
Ver erit Hippolyto Principe perpetuum .*

## AD. VIRGINIAM

**C**essit hyems, mea uita, noti cessere, & hirundo  
Memphitis uiridi palmite dulce canit.

Atque auro Philomela leues interlita pennas

Arguto roseum conuocat ore diem.

Virginia hunc adeas foetum bene frugibus agrum,

Gaudet ubi festos ducere verna choros.

Nec placidam tu sperne Palen, dulcemq. Melissam,

Ipsa subit tuguri tegmina saepe Venus.

Et nouisse potes Phrygiae quàm uallibus Idae

Pastore est cypridos forma probata deae.

## AD. RAINALDVM. CORSVM

De Ritio Merulo

**N**on hic Aegeriae deae per antra,

Per lucos simul at specumq. opacum,

Congressus, Rhadamanton, Aeacouue,

Nec quos fingere Iudices uetustas

Somniat, criticosq. saeuientes,

Immitis neque dogma fert Tyranni,

Sed ut sciscitare curat Imperator

Quae probi statuere, quae diserti

Viri, his adnotat aureis libellis,

Quibus pallidulos reos clientes

Arment, hinc uigeant, & inde fasces

Immo è siderea uolauit arce

Hic tuus Merulus, Iouisq. mentem

Scrutatus, Ioue digna Corsepromit.

## AD. CHERARDVM. SPINAM

De Liuia Beccaria Spairana

**S** Pina, cui auricomae rosae uirescunt,  
 Cui rident veneresq. Gratiaeq.  
 Quaeso uersiculos mihi remittas,  
 Quaeis Nymphae Ticini celebrò ocellos,  
 Frantem, purpureas genas, sinumq.  
 Capillum refugum, aureum, fluentem,  
 Melos ambrosii oris, atque nectar,  
 Oris delicias, & elegantis  
 Maieſtatem animi, ingeniq. dotes.  
 Verba haec me perimunt, necant, perurunt,  
 Heu nunc sidera questibus fatigo,  
 Heu duplo perco, ecce cor praenſtum.  
 Mitte candide Spina codicillos,  
 Spina candide mitte codicillos.  
 Sic fas sit mihi te uereri, amare,  
 sic latonigena, & nouem sorores.  
 Semper te foueant, ament, coronent.

## AD. HERAM

**A** Spice, ut ad dulcem fluium crepitātibus undis  
 Pastores calamis humida labra terant.  
 Aspice ubi, Nymphae propèrent agitare choreas,  
 Mox placidis umbris corpora fessa leuent.  
 Huc propra mea uita, solo florente recumbe,  
 Ex uiridi Zephyrum tegmine carpe leuem.

*Me fugis ? ingratum semper sectaris Amyntam ?  
Hunc quoque num fugies , si te Hera amare velit ?*

## A D. A N T. M A R I A M.

*Saluiatum*

**C***um me discrucient modis malignis*

*Quot sunt nunc Tityiq. Tantaliq.*

*Quid mirum , mihi , docte Saluiate ,*

*Si tam displiceat videre cyrrham ?*

*Et Phoebus Pater , & nouem sorores*

*Toto si mage pectore abdicantur ?*

*Non haec secula sunt canenda Musis ,*

*Culta uel strigibusq. cerberoq.*

*Vna spes reliqua est tamen misello ,*

*Si tandem meritis , tuaeq. magnae*

*Virtuti tribuantur ulli honores .*

*Tunc Phoebus cytharam dabit canoram ,*

*Tunc magnus mihi cedit ille Arion ,*

*Sed hac re tibi quando gratulabor ?*

*Hoc morans miser interim senesco .*

## D E. F R A N C. P A C I O T T O

*Architecto*

**C***um fuerit tutus supera uix Iuppiter arce ,*

*Et uexata olim pallentia tartara Ditis ,*

*Neptuni liquidum prestetur classibus aequor ,*

*( Tam caeca humanis audacia mentibus haeret )*

*Haec tria Franciscus nunc regna coegit in unum ,*

*Vt ualida tutis seruentur maenibus Vrbes ,*

*Turrigerasq.*



*Turrigerasq. seris tueamur ab hostibus arces.*  
*Nam rapidi uelox inuitatur fulmen olympi,*  
*Fulmen, quo perijt merito Titania pubes.*  
*Nam docet, ut melius dirum iaciatur in hostem,*  
*Quaq. wetet ratione aditus, qua parte locandum,*  
*Armati ut densum seriamus turribus agmen.*  
*Terreo & excelsi cingantur ut aggere muri,*  
*Coctilibusq. nouis cingatur moenibus agger.*  
*Vtque cauam deceat muris deducere fossam,*  
*Quoue loco solidum melius sit condere vallum.*  
*Atque pigram multo tellurem verberare densat.*  
*Nam docet, exemplo Ditis, quae pandat hiatus*  
*Terrificos caecis tellus adoperta cauernis,*  
*Atque ut in incautos uiniacia sulphura mittat.*  
*Atque modo lateant quo spiramenta notauit.*  
*Mostrat, deductis uallentur ut opida lymphis.*  
*Et quos Ennosigaeus aquis penetrare recessus*  
*Discat, & ut dulces possint manare liquores.*  
*Hac Francisce tua mansisset Pergamon arte,*  
*Hac Thebe nullo iacuisset diruta bello.*

## A D. C A M I L L V M

*Siccum*  
**S** Cortorum fugies conclaue, Hortensia tecta,  
 Si cupis Aoniā tangere Sicche lyram.  
 Illorum est amor aucupium: sunt fistula uerba,  
 Rete manus, cassis pectora, forma doli.  
 Subiecta norunt iuuenes exurere flamma,  
 Fortunae cunctis expoliare bonis.

Nulla fides certa est, te saepe iniuria uersat,  
 Te premit impatiens, sollicitusq. dolor.  
 Dum pubent anni, dum florida uiuitur aetas,  
 Ornat & integram pulchra iuuenta comam,  
 Te capiant doctae tribuunt quae maxima Athenae  
 Munera, praeclaro consule & ingenio.

## AD ANGELVM. BVBALVM

**A**ngele, cui Alcinoi uernant, et Adonidis horti.  
 Flora ubi odoratos explicat alma sinus.  
 Ac labyrinthis gemmata est flexibus herba,  
 Arbor ubi irriguas alta coronat aquas,  
 Quid sparsi huc crines, doceas, fontiq. uirescant,  
 Cur stepitet querulo murmure riuus aquae.  
 An ne premit spreti Aonias iniuria fontis,  
 Quod Pimpla hoc perijt tempore, & omne decus.  
 An quia nunc Venerem caedant, placidasq. puellas,  
 Hac lacrimas fundunt, scindit & illa comas.

## EPIT. BENEDICTI. SORANSI

Veneti.

**D**um classe, atque animo ualet Soransus,  
 Praestans ciuis, & impigri, boniq.  
 In Deum officium, scythasq. saeuos  
 Mergit aequore, perforat carinas,  
 Ac postquam sibi vendicauit ingens  
 Decus militiae laboriosum,  
 Concidit Nomadum furore iniquo.

*O felicia fata . Ter beatus ,  
Qui potest patriae mori , Deoq .*

## DE. ATALANTA. SAMNIA

*Senenfi .*

**S***amniam cum fatuo , sed diuite nupta marito  
Aurea laeta adiit commoda coniugij .  
Mox opibus fluxis , sumpsit uelamina pulla ,  
Flebilis ad patrios it uiduata lares .  
Miranti turbata uiri sic iura parenti  
Aurum huius iam perijt cui data dixit , eram .*

## DE. VVLCANO. ET. MARTE

**M***ulciber impavidum fertur petijſſe Graduum ,  
Viſit ubi in Cyprum bella cruenta geri .  
Nunc inquit Veneris certus diceris amicus ,  
Si uis in Turcas uertere tela truces .  
Mars cui , Threicijs tu retia tende dolosa ,  
Utque mali cupiunt Cyprida inire cape .  
Tunc accire Deos poteris , ſed Mulciber illi ,  
Nunc opus armata , non mihi rete , rate eſt .*

## AD. ALFONSVM

**A***lfonſe , audaces traiecto claſſe profundo  
Praedari Turcae Cypria regna parant .  
Amplius haud opus eſt belli ſimulacra ciere ,  
Percutere & ualida peſtora amica manu .*

*Sed Christus populi salusq. spesq.  
 Hunc poenae Geticum reposcet hostem.  
 Paule tu quoq. iam ualeto belle,  
 Urbano interea ocio fruare,  
 Te Phirne horridulis tegat papillis.*

## AD. EVRYNOMEN

*Si tua sunt niueum uincentia membra ligustrum,  
 Eurynome, & Paphiae uerna labella rosae,  
 Delicias affer, florentiq. utere forma,  
 Et quae surripiant me mihi labra dato.  
 Ut rosa namq. perit teneris sua forma puellis,  
 Et citius mammas, oraq. mordet, byems.  
 Crede mihi, si tarda uenis, uitabere, nullus  
 Accipiet, quos fert horrida bruma uepres.*

## AD. POSTVMVM. SERTORIVM

*Splendida dum patuli scrutaris lumina mundi,  
 Illaq. quis princeps, qua regat arte Deus.  
 Spernis ut ignarum naturae fronte superba  
 Paullum, qui superum non nisi templa colat.  
 Falleris, huic longe si sic excellere credis,  
 Tu scrutare Deum Postume, Paullus amat.*

## AD. NISAM. DAPHNIS

*Rura colas, mea uita, nouos iungamus amores,  
 Rure dabit nobis gaudia mille Venus.*

Nunc omnes linquunt vrbes, nunc migrat in agros  
Turba puellarum, uillula quemq. iuuat.

Quemq. iuuat rapidos aestus vitare sub umbra  
Arboris, & dulci tingere labra mero.

Atq. suo flauam cereri de rure coronam  
Nectere, & agricolae ponere poma deo.

Nos quae miscentur liquefacta coagula lacte  
Sumemus, nos quae mella ministrat apis.

Vna carpemus melimela, Cydonia, & una  
Persica, tum facili lutea pruna manu.

Nos iuuat aerias visco captare uolucres,  
Nos iuuat errantes fallere & arte feras.

Tu Strophio impedies intortum sedula crinem,  
Sedula odoratis candida colla rosas.

Ac tibi proiectae florenti in gramine ripae  
Paullatim somnus lumina uicta premet.

Tunc ego te spargam flore, & beneolentibus herbis;  
Excipiamq. animam cernuus ore tuam.

Tunc ego languidos quaeram iunxisse sopores  
Tecum; substernens pectora pectoribus.

Sed iam quid cessas, quid spernis commoda ruris  
Nisa? quid, ah vrbes, altaq. tecta placent?

Oualeant urbes, & tinctae murice lanae,  
Deficiant aulae, mormoreaq. domus.

Rura deae coluere, boues & pauit Apollo,  
Atq. humiles subiit Iuppiter ipse casus.

O redeant prisca mores, o tempora, fossa  
Cum cinxit miseris opida nulla uiris.

Cum non insidiae, non bellum diuitis auri

Caeperat humanum sollicitare genus.  
 Cum non mercato perdebant corpora cultu,  
 Cum non ulla Tyros uellera tincta dabat.  
 Nunc si diuitijs capta es, si uendere formam,  
 Si properas corpus tradere muneribus,  
 Nisi tuos patriam rem totam effundere in usus  
 Iam cupio, dum te nocte dieq. fruar.  
 Dum tu non alijs disponas bella capillos,  
 Dum tu non alijs oscula ferre uelis.  
 Interea urbano mea lux semota labore,  
 Te capiant ruris fertilis hospitia.

## PASTORVM. LVSVS

Nos Vocat huc blando densissima silua susurro,  
 Atq. cani fontis uitrea lympa uocat  
 Tuq. puer Cyparisse uocas, & pulcher Adoni,  
 Et lauri, & rubro lilia mista croco.  
 Huc huc pastores laeti succedite mecum,  
 Chloridis exurit quos nitor, atq. lepos.  
 Ut resonare nigras doceamus Chlorida siluas,  
 Nam pauidas curat Pan Tegeaeus oues.  
 Pastores. Orbem dum sol ardentius urit,  
 Parcite montanas sollicitare feras,  
 Quaerite ubi ramis sociant umbracula fagi,  
 Et uestris numeris iam nemus omne sonet.  
 Iuule. qui Naris liquido pede curris ad amnem,  
 Atq. soporifero murmure prata rigas,  
 Si Chloris formosa uenit mea cura, dolorq.



*Si tinget Lymphis dulcia labra tuis .  
Tunc nitido spes fluuio formosior omni ,  
Et tua cecropijs dulcior unda fauis .  
Hinc dulci madefacta tuo mea prata liquore  
Dulcia parturient gramina cuncta mihi .*

**D***V**M**quatit alterna chloris uestigia planta ,  
Integrat & tremulos ore rubente modos ,  
Iuppiter admirans , non sic sua dulcia ludunt .  
Ad uada Permessi carmina Pierides .  
Nec cantus philomela pares ualet edere , nec ramus  
Albus olor liquidas flumina uocis habet .  
Phoebe tibi comitem nympham , diuisq. nouenis  
Hanc decimam dixit addere iure potes .*

**D***V**M**pedibus calcas segetes , dum molliaprata  
Nascuntur violas , purpureaeq. rosae .  
Cuncta oculis lustrans fulgentibus arua coloras ,  
Et tibi frondenti de trabe cantat auis .  
Quilibet ardentes argutat uersibus ignes ,  
Teq. suo in gremio continuisse cupit .*

*Ipsa tuam ne sperne precor formamq. decusq. .  
Sed si Lyda sapias , utere uere tuo .  
Carpe rosas , dum fata sinunt , carpe alba ligustra ,  
Nam pereunt subito lapsa cacuminibus .*

**S***I**Non duritia puer es nunc durior ipsa ,  
Si ueneris natus diceris esse deae .  
Cur uis Parthenopen crudeli morte peremptam ,  
Non oculos somnum carpere , & ora cibum .  
Si desiderio nostri tabescit in horas ,  
Cur miserae auxilium ferre cupido negas ?*

*Saeue puer, damnose puer me iam quoque telo*

*Confice, & unanimes auferat una dies.*

**N**E C liquidos fontes despectes prona, nec amnes,  
*Nec videas uitreo te Ligurina lacu,*

*Nam uereor tua ne Narcissum imizetur imago,*

*Mistaue cum Lymphis nympha ferare tuis.*

**D**U M uolucres inter fons hic nitidissimus agro

*Profilit, & viridem quercus opacat humū,*

*Dum resonant mergis, Fulicisq. palustribus antra,*

*Dum zephyri grato murmurat aura sono,*

*Huc uenias, hic te maneo, tibi mitia legio*

*Poma, tibi flores, Parthenopea ueni.*

**P**I N I F E R O uernans o silua cacumine celsa,

*Texisti latebris quae mea furtiva tuis,*

*Perpetuo uiuas, noceat non frigore bruma,*

*Non aestas nimio saeva calore tibi.*

*Quam uiridis seruire meo dignabere amor,*

*Tam longo uiridis tempore iuret amor.*

**R**O S C I D A pumicibus muscosis antra, puella

*Si forte in uobis uicta sopore iacet.*

*O iam Parthenopes nomen resonante per ora,*

*Dicite, adest nostris Parthenopea locis.*

*Quid tibi nympha placet gratos captare sopores*

*Antris, dira quibus uipera saepe latet,*

*Accede ad riguos hortos, & amoena uireta,*

*Et saepe in nostrum blanda recurre sinum.*

*Ah quidnam semper sordent tibi nomina nostra,*

*Quaeq. potest esse haec causa? Minora placent.*

**A**lma uenus, Cytherea potens, si mater amorum,  
 Si uere ex spuma diceris orta maris,  
 Huc reuoca nostram fugientem à litore curuo  
 Praxinoen, sistat ad mea rura pedes.

Tres tibi tum pateras Campani diua lyaei,  
 Ternaq. lacte nouo pocula plena dabo.

Terna tibi ponam Pario de marmore templa,  
 Et cadet ante tuos uictima terna focos.

**H**ic rident herbae, uernant hic gramina late,  
 Candidulos flores terra benigna parit,  
 Atque cadit densis hic maior quercubus umbra,  
 Et circum flores laeta susurrat apis.

Ergo ueni, merito dicet mea tibi laudem  
 Chlora tuam, hic Dryadum dulcia furti canam.

**D**um tenui agrestem meditabar arundine musam,  
 Lydia saltabat docta mouere pedes,  
 Quod spectans subito tanto sum incensus amore,  
 Ut linquens calamos, basillum raperem.

Illa tuum dixit postquam retinere furorem  
 Non potes, aeternum iam mi inimicus eris.

Hinc est flebilibus numeris quod cuncta repleui:  
 Si sapis exemplo Tytire disce meo.

**P**hoebus ubi auratas nitido regit axe quadrigas,  
 Diffugiunt toto sidera clara polo,  
 Diffugiunt noctes, pelluntur & orbe tenebrae,  
 Omnis odorato gramine ridet ager.

Sic Polibota suos si nocte recludat ocellos,  
 Candidior claro nox micat illa die.

Sic rident, ridente, rosae, sic gramina rident,

Tristitiam risu sic fugat illa suo.

**C** Vm risit mea Nisa, simul tunc risit acanthus  
Et dederunt risum silua, nemusq. suum.

Narcissi erexere caput, tum caltha, thymusq.

Ad risum, atque comas explicuere rosae.

Tunc ego cedat amor ipsum nam vincit amorcm,

Omnes (cede Venus) surripit haec Veneres.

**L** Ilia puniceis si iungas alba rosetis,  
Vimq. suam seruet mistus uterq. color,

Haec facies Galatea tua est: roseisq. labellis

Mella fluunt, dulci stillat ab ore charis.

**C** Vm proprio siluas aquilo spoliavit honore,

Occidit herba agris, arboribusq. coma.

Aethera non cantu demulcent turba uolucrum,

Et tenet in caulis pulchra Lycinua gregem.

Tunc squalent campi, densatur nubibus aer,

Tunc circumrigua decidit imber aqua,

Sic uer purpureum reddis mihi tale Amarylli

Cum fugiunt oculi lumina nostra tui.

**C** Vr fugis o ingrata, meum ne despice amorem,

O ferro, atque aura aurior, & leuior,

Nonne graues spectas, ut sol accenderit aestus,

Sudore ut iam iam tota Perbilla fluas?

Succede arbuteis his floribus, omnia dentur

Poma tibi, & dulci pocula plena mero.

Siste pedes, ingrata pedes, quid currere oportet?

Me magis urit amor, quo magis ipsa fugis:

**H** Eu quoties apio, quoties uariata amarantho  
Phylli ingrata tuoserta dabam capiti,

*Et iaculis, cursuq. feras agitare solebam,*

*Vt ferrem praedas, exuiasq. tibi.*

*Tu tamen haec semper spernebas munera, ut ipse*

*Ante diem elysiam cogerer ire uiam.*

*Ecce Venus multans te ingrata muidice paena.*

*Quid dura obsequium morte rependis? ait.*

**H***ic inter platanos, dum me sopor altus haberet,*

*Accessit furtim perfidus ille Mycon.*

*Et duo, quae tibi seruabam munuscula, cernos*

*Abduxit, caecis abdidit & latebris.*

*Atque olim flauam pallam, roseosq. cothurnos*

*Surripuit, sacra quos tibi ab urbe tuli.*

*Haec impurus homo scortis munuscula defert,*

*Nec scelerum memores cogitat esse deos.*

*Illi turpe caput, frons torua, & lurida membra,*

*Barba impexa riget, spurcaq. caesaries.*

*Impia blanditias huic tu componere posses?*

*Huic bellos crines comere nympha tuos?*

*Di faciant istum deponas mente furorem,*

*Et famae parcas commonefacta tuae.*

**M***e miserum quantas profundo corde querelas?*

*Me miserum quantis fletibus ora rigo?*

*Cum te non video vita mihi carior ipsa*

*Lydia, caelestes inter habenda deas.*

*Nocte, dieq. uagor per dura, & inhospita saxa,*

*Flebilibus complens uocibus omne nemus,*

*Te precor, aut finem nostris impone querelis,*

*Aut nos hic animam ponere saena iube.*

**D** V. M. niue cum multis pugnaret Nisa puellis,  
 Est niuis in niueos huic pila missa sinus.  
 Turbidulis urit nix pectus, dixit, ocellis,

Vrit, & hoc Veneris non potuere faces?

**I** Ntensi montes, siluæ, collesq. supini,  
 Et nos irriguo molliâ prata lacu,

Chloridi tam âuros nostros memorate labores,  
 Quam longa ingrata persequar usque uia.

Non mediae tardant cautes, non uipera, non me  
 Qui latij liquido persecat arua pede.

Heu quoties flentem clarus me cernit eous,  
 Et flentem quoties hesperus ipse uidet,

Sed mea iam plenos lacrimarum fundite riuos  
 Lumina, & in formas corpora abite nouas,

O niueum fiant nostra hæc iam membra lignum,  
 Vt noua sim musis fabula Pierijs,

Huc mea sit Chloris tendet cum perfida gressus,  
 Tam miseri forsân fata gemens lycidæ,

Hoc manibus texet uiridantem flore coronam,  
 Et capiti impositam picta per arua geret,

Tunc uere potero felix, diciq. beatus,  
 Illi si cingam grata corona caput.

**S** Aeuus amor rapido nostras est igne medullas,  
 Ex niueo bellæ quem iacit ore Napes,

Quo uideor segètes, siluas incendere, & arua,  
 Et quæ myrtetis litora curua nitent.

Sed multos caepit magna admiratio, quare hic  
 Fons non siccetur parulus igne meo.

Sed tu flagranti quoties sic caris ab igne,



Compensant lacrimae frons tua damna meae.

**V**T quondam taurus uiridantia gramina carpens,  
Cum uisa est illi bucula pulchra procul,

Mugitu resonare docet caualitora, & antra,

Ruraq. nec miserum gramina laeta iuuant.

Sic ego, cum primum mea te Nicellia uidi,

Incepi querulos fundere ad astra modos,

Nec gelidi fontes, patulae nec tegmina fagi

Vlla iuuant, nobis te sine dulcenihil.

**V**T quercum ualidis impellunt flatibus euri,

Sic animum Vorilix ad sua uota meum.

Sic etiam, ut quercus non flatibus ipsa mouetur,

Nostra labat nulla uerbere pulsa fides,

Dum uiuam, nulla hunc te praeter habebit amorem,

Ibis in amplexus sola Dicilla meos,

Disaxint in amore pares uiuamus, & una

Defunctos pariter contegat urna duos.

**I**A M mea tabescunt ingenti lumina fletu,

Qui riuo similis pallida membra rigat.

Hic tamen haud ignem potis est extinguere amoris,

Ex oculis Nisae quem iaculatur amor.

Vos superi, quibus est omnis concessa potestas,

Mi date, quo totus uertar in oceanum,

Ah timeo, oceanus ualeat ne extinguere flammam,

Namque mihi sensus semper amoris erit,

Audio & ardenti percussum Tethyos igne

Arsisse in medijs fluctibus oceanum.

Nec pelagus uacat hoc igni, Nereidas ardent,

Aequorei & rapiunt curua per antra Dei.

*Et modo purpureo adliciunt fulgore hyacinthi,  
Et modo quas conchas litora rubra ferunt,*  
ORNIVS. MOPSVS. PALAEMON

**D***Vm redeo aerij currens per denia montis,  
In uiridi pono corpora fessus humo,  
Et molles mihi ubique toros beneolentibus herbis  
Extruo, & exopto sumere fontis aquam,  
Fons ibi surgebat gelidis argenteus undis,  
Populus & longe glauca tegebat aquas.*

*Densabant Paphiae myrtus umbracula circum,  
Pulchrior in toto non erat orbe locus.*

*Ad fontem sitiens veni, admouiq. labella,  
Nympha loci iunxit molli labra meis.*

**M***E mea Chloris amat, mihi multa dat oscula  
Inq. dies mittit munera plura mihi. (Chloris,  
Non mirum, me Pierides fecere poetam,  
Laurea iam capitiserta dedere meo.*

*Et uideor Vario, uel Cinna dicere digna,  
Aequiparo uersus Tytire magne tuos,  
Cantando cessit nulli mea fistula uati,  
Rettulit at potius pignora multa domum.*

*Et pede, tum iaculo ualeo, tum uiribus, ipsas  
Insequor hirsutas per iuga senta feras.*

*Sunt mihi purpureae gracili lanugine malae,  
Sunt pexi crines, oraq. eburna mihi.*

*Me nisi tam pulchram spectasset nympa, fuisset  
Durius et scopulo, durior et Chalibe.*

LIBER D. 12  
MOPSVS

**Q**UID se formosum, quid tam sua carmina iactat  
Ornius, Aethiopas ore referre potest.  
Insane & uix te Maeui superare canendo;  
Dum strepit in triuiis garrula canna leuis.  
Sed me Chloris amat, nam pasco mille capellas,  
Sum diues pecoris, copia lactis adest.  
Cederet Amphion mihi in aethaeo Aracyntho  
Cantando, Phoebi tibia nostra fuit.

ORNIVS

**I**Mprobe quid garris uana me uoce lacescens,  
Num tibi cera umquam fistula iuncta fuit?  
Experiamur enim quid possit uterq. uicissim,  
Si insanire libet, pignora certa dato.

PALAE MON

**P**Ignore non opus est, virtutis praemia, laudes  
Sint: & honor, nunc me iudice, pignus erit.  
Incipe Mopse prior, tu deinde sequaris, & orni,  
Nostrae etenim tondent fertile gramen oues.

MOPSVS

**G**Ramina dum riuus, dum uerno sedula flore,  
Gaudet apis, cytiso dumq. capella nouo.  
Numquam Chlorig tuo dulcissima soluar amore,  
Ad stygios moriens te sequar usque lacus.

ORNIVS

**D**IRA cicuta rosis, & melli taxus amara,  
Dum virosa nimis sunt aconita uiris.  
Te fugiam despecta Nape, te Chlorig fovebo,  
Atque comes fuero tempus in omne tibi.

## MOPSVS

**L** Argifluo Chloris meus ardor fonte lauabat  
 Candentem faciem, brachia, crura, pedes.  
 Vt uidi, maesta ingeminans suspiria, dixi,  
 O utinam fierem nunc ego fontis aqua.

## ORNIVS

**F**orte sedens uiui fruticoso in margine fontis,  
 Inflabas calamos candida Chlorig tuos.  
 Tunc satyri omnes saltabant, Dryadesq. puellae  
 Gaudebant festas ducere tunc choreas.  
 Cantabas, atque ipsa quidem saepe intermissis  
 Rumpebas cantus lux mea basiolis.  
 Illa dies utinam manisset longior anno,  
 Aut foret extinctus spiritus in labijs.

## ORNIVS

**A**h scelus, ah praedo tibi num dedit oscula Chlo-  
 Plura meis telis vulnera facta feres (ris?)

## PALAEMON

**R**ES agitur pugnis, non cantu? coge capellas  
 Tytire, et in caulis Thestili claude gregem.  
 Frigidus hinc omnes suadet discedero nesper,  
 Qui modo ab occiduo protulit axe caput.

## Finis Eglloge.

## AD. COELIVM. COELIVM.

**C**OELI, qui faciles tuis amicis  
 Fabellas uario lepore tingis,  
 Qui nosti salibus, facetijsq.  
 Lusus condere delicatiores,  
 Tu ueris bene comparans figuris  
 Carpis tam lepide hunc, & hunc, & illum,  
 Et coetus hominum inuenustulorum.  
 Notas tam rigida locutione,  
 Ut te omnes timeant mali, & proterui.  
 Verum non ita contigit puellis,  
 Mutonem miserae timent salacem,  
 Ne splenem foret, ultimamq. costam.

## IN. CARAM

**N**ulli cara, omnes possunt te dicere caram,  
 Cara fores uere, si mihi cara minus.

## IN INSIGNIA FAMILIARVM

Pompei Rochij.

**S**I quando è caelo lapsum est ancille, fuisset  
 Rochius, Oebalij temporibusq. Numae.  
 Est alijs mistum clypeis dum paribus illud,  
 Ne facile posset nosci, & ab hoste rapi.  
 Astum omnem ingenio, studio elusisset & acri,  
 Queis potis est artes uincere Apollineas.

## IN. OBITVM. LVCRETIÆ. VERINÆ

ex familia Leonoræ Toletæ Medices

**Q**uo Lucretia abis, fugis que? quo ue  
 Clara lumina condis in recessu?  
 Quis te surripuit puella, quam tu  
 Profecta es patriam, deamue adisti?  
 Non Toletæ satis superq. uisa est,  
 Arni quæ decus est perenne Thusci,  
 Pulchræ par Veneri, tibi? Diana,  
 Castitate prior, priorq. culta  
 Doctrina, & sapientia Minerva?  
 Illa ergo rutila astra, lucidisq.  
 Liquisti radijs iubar coruscum?  
 Quotquot sunt doleant amare Amores,  
 Virginis paphiaeq. lacrimantur,  
 Suspirent charites, fleat venustas.  
 Verine heu latuit, peritq; cuius  
 Torsit ex oculis faces cupido,  
 Heu mortalium acerba fata semper,  
 Heu tam Persephone licentiosa.

## AD. BARBARAM. SANSE

uerinam Salæ dominam

**Q**uo titulo appellem, quisnam te laudibus ornem,  
 Nescio, nō hominē uox tua blanda sonat.  
 Atq. Dionææ par est tua forma, choreis  
 Vincis Nereidas, lauriferasq. deas.  
 Omnes ingenio, & praeclaris dotibus anteis  
 BARBARA, dispeream tu nisi numen habes.



**Q**uid spectasse iuuat fatalia sidera Caeli,  
 Nosse ue quid signet nocte cometa rubens?  
 Quid iuuat Aeschyleo uersus proferre Cothurnos,  
 Et nummis arcas semper habere graues?  
 Cum suprema dies humanum subruat omne  
 Imperium, tetrīs regnaq. funeribus.  
 Instat mors semper supra caput, instat auara,  
 Et grauis ipsa super marmora, opesq. sedet,  
 Dispereunt musae, nigri quoq. carmina manes  
 Insufficiunt, uitat pagina nulla rogos.  
 Vbaldine sapis, qui nil mortale secutus,  
 Sic uiuis, crimen mortiferum fugiens,  
 Vt breuis emenso perfunctus tempore lucis,  
 Caelum habites nullis mobile temporibus.

A D. MICHAELEM. BONELLVM

equitum S. Mauritij, ac Lazari

Praefectum.

**F**ractis hostibus impijs, scythijsq.  
 Discinctos, Michael, paras in Afros  
 Bellum incendia per mare aestuosum,  
 Turbidum licet, asperatum, atroxq.  
 Eas impiger, & nigras phalanges  
 Inuade ocyus, arma uix uidebunt  
 Imbelles tua, contremient, in antra  
 Abrupta aufugient repente, quare  
 Princeps Ordinis, ordo totus illud  
 Tolle laudibus, & tibi inuidebit.

## I N G V A L T E R I V M

Folietam.

**Q**uod leuior folijs ferris folieta uocaris,  
Vt folia autumnō quod tua scripta cadunt.

## A D . A N D R E A M . S P I N V L A M

**D**ices Spinula me male auspicatum,  
Cum non tetigerim lares beatos,  
Nec pro te tulerim breues labores.  
Tantum falleris ipse, clara quantum  
Virtus est tua, Caesarumq. quantum  
Noctes atq. dies libros reuoluis,  
Queis paras tibi iam decus perenne.  
Si negotia, & otia expetita  
Te uolumina luce cariora  
Distinent, quereris? relinque nugas,  
Te in caelum studio, & labore tollas,  
Et morum, ingenyq. suauitate,  
Virtutis titulo, & decore famae.

## A D . I O S E P H V M . S A L I M B E N I V M

Equitem S. Mauritij, ac Lazari

**I**osephe ingenio, elegantiaq.  
Omnes exuperas auos, & omnes.  
Quos Senae excipiunt potentiores.  
Nil nostri miserere, nil iubeto  
Solari miserum tamen iacentem,

*Fortuna, ingenioq. destitutum :*

*Non fletuit, querimoniasue tristes*

*Quondam dulciculi aestimas Catenae ?*

*Heu desiderio, & dolore sensim*

*Tabesco, maceror, perustulorq.*

*Sordent omnia prae meo lepore.*

*Hinc secum abstulit omnia heu meum mel,*

*Pompas, delicias, iocos, salesq.*

*Surpuit Ticinus meos ocellos.*

*Duram o inuidiam, meamq. sortem.*

## AD. ANGELVM IVSTINIANVM

*Gineuërae Antistitem, concionatoremq.*

**M***Ira tua est probitas, mira est doctrina, loquentē*  
*Quod te certatim quisque uidere cupit.*

*Laudibus innumeris sacra celebraris in Vrbe,*

*Dum pandis uerae religionis opes.*

*Dum sensus aperis caeca sub nube latentes,*

*Obstrusisq. notas mystica sacra modis.*

*Lutheri aduersam dum monstras sedulus artem,*

*Ne mentes uanis fallat imaginibus.*

*Propterea ad Gallos pravae contagia mentis*

*Tollere te Antistes misit ab Vrbe Pius.*

*Atq. ibi tu solus tetri maledicta refellis*

*Vgonis, & Christi uictor ab hoste redis.*

*Aeterna his meritis promittit munera Olympus,*

*Sive quid aeternis carius esse potest.*

**F** Vr trifurcifer, impudice latro,  
Vorax, impie, pessime, belluoq.  
Audes fraude mala meos libellos,  
Magis quos amo, quam meos ocellos,  
Auferre è gremio, sinuq. nostro?  
Huc omnes lemures, furentis ignis  
Ministrae, phlegethonitis huc Erinnes  
Adeste ex Acheronte, & ex barathro,  
Ex Orco, ex stygio, lacuq. lethes  
Summani, Eumenides, canes, colubri,  
Vltrices Erebi venite Dirae,  
Noctis arbiter, & domus cyclosum,  
Adeste hydrigeri quot estis omnes,  
Hunc suspendite, caedite, vstulate,  
Quem non vincula, non tenent Catenae,  
Quin vitam cupidis agat rapinis,  
Libros viscera nostra vendicate.  
Sed tu subdole, pertinaxq. fallax,  
Pergas vsq. ad colatrocinari,  
Te infames laquei manent, libellis  
Pro tribus tria ligna sunt parata.

## I. HIERONYMI


## C A T E N A E

## P O E M A T V M

## Liber Tertius

AD. LIVIAM. BECCARIAM

S P A I R A N A M



*I glacie in media nitidi sunt aethe-  
ris aestus,*

*Et nullis tegitur nubibus acris  
hyems,*

*His tenebrae cessere tuis, & nu-  
bila ocellis*

*LIVIA, & aufugit lumine bru-  
ma tuo.*

*Hinc aperit Zephyrus flores, hinc aera mulcet,*

*Et canit Ismarium Cecropis ales Ityn,*

*Atque hinc Roma rosis crines circumdata vernis*

*Tybridis haud tumidos horret, ut ante, lacus.*

*Iam rapida indomitum Tybris caput extulit unda,*

*Nunc placido Nymphae uictus ab igne iacet.*

T E R T I V S 53  
AD. I. BAPTISTAM. ALBANVM

Comitem.

**A**lbane ingenio potens, & alto  
Sanguine edita, terq. septiesq.

Felix omnigena eruditione,  
Heri ad Pallada uerticem Quirini  
Colentem redij, suauibus quae  
Blandisq. alloquijs morata mecum est.

De te plurima protulit, tuasq.  
Laudes sustulit aethera ad supremum.

Tunc virtutis amore conflagraui,

Tunc visus mihi sum beatus esse.

Vna Daedalea est probata Virgo,

Vt dignissima sit tuis canoris

Versibus Repetas uireta Pindi

Iam tandem, & Ticini Aonem, & Medusam

Albane hanc celebra, cole, et verere.

DE CHRISTOPHORO

Alciato.

**M**Enunc usque beauit ALCIATVS  
Facundissimus omnium uirorum,

Qui sunt, quiq. fuere, eruntq. post hac,

Atque idem lepidus, uenustusq.

Qui mirantibus hinc, & hinc puellis,

Matronis, senibusq. & vrbe tota,

Promit dulcia uerba, docta, culta.

O illum ter, & amplius beatum,

Cui dedit superum pater benignus



*Cuncta mente videre perspicaci .*  
*Is me carminibus beaut. aureis ,*  
*Quae tot Leucadio salo recensent*  
*Deuictos Numidas , scythasq. saenos ,*  
*Assultum , rabiemq. barbarorum*  
*Compressam , hostica tela , tum rapinas .*  
*Quid si nunc probet aureae puellae ,*  
*Quam colit Ticinus , paterq. Tybris ,*  
*Meos versiculos , meosq. lusos ?*  
*Fortunas nihil aestimo Sabaeas ,*  
*Non aurum inuideo beatiorum .*

## A D I. M A R I A M .

Iouium

**T***orqueor Ioui , & vror impotenti ,*  
*Et saena nimis vstulatione ,*  
*Vt ni suppetias feras , opemq.*  
*Hac cogar miser interire nocte .*  
*Si ridet tibi molliter Cupido ,*  
*Apolloq. fauet , fauet Minerva ,*  
*Accede huc propere , viam vorato .*  
*Acceptam referam tibi salutem .*

## I N . L I V I A M . B E C C A R I A M

Spairnam

**Q***uam flores canerem libens fragrantés ,*  
*Collectos manibus nouae Cytherés ,*  
*Quam clarus Ticinus colitq. amatq.*  
*Manus lacteolae , manus tenellae ,*

Quae mi munera cara tradidisti.  
 Quam vellem hendecasyllabis ad astra  
 Tollere eximiam hanc benignitatem.  
 Prae nobis nihil aurea illa mala  
 Aestimo Hesperidum, fauos uel Hyblae,  
 Curo Palladium nihil coronam.  
 Manus me hercule floribus beatis.  
 Flores candida Virginis p. dicae  
 Signant pectora, candidosq. mores,  
 Honestam, & sine labe ubiq. uitam.

AD. ANGELVM. INGENIERIVM  
DE. LIVIA. BECCARIA.

Spairana

**M**Ecum concine promulum labellum,  
 Paestanum, roseumq. floremq.  
 Nymphae, qua Ticinus superbit aureus,  
 Angele, en tueare, ut hinc, & inde  
 Apes mellificae uolent ad ora,  
 Sugant ambrosiamq. cinnamumq.  
 Halantem castam, thymumq. olentem.  
 Hinc fauos auidae struunt repostos,  
 Hinc cient placidos uagae susurros,  
 Atque hinc LIVIA pulchra ab ore dulci  
 Verba dulcia promit, imo nectar.

AD. AEMILIAM. MITELLA

**S**ole puro splendidior Mitella,  
 Albior cunctis scythicis pruinis,

Dulcior dulci ambrosia, atque amore  
gratior omni.

Aureos, dic, quis tibi dat capillos,  
Quis tibi frontem niueam, ac serenam,  
Roscidum labrum, nitidosq. ocellos,  
Flammea tela?

O mihi ingrati nimium capilli,  
O mihi frons haec nimiam seuera,  
O mihi dura haec nimium labella,  
Acrior ò fax.

Quid fugis uatis numeros Mitella?  
Ferre qui possunt super astra nomen,  
Qui valent functas reuocare ab imis  
Sedibus umbras.

Spernis ab nostras male cauta Musas?  
Negligis laudes lepidae Camoenae?  
Disce quid iam Penelopea uati  
Debeat ipsi.

Disce quid Phaenissa suo Maroni  
Perneget Dido, atque Helenae quid obsit.  
Forma, quid natae Cereris rapina,  
Regnaq. Ditis.

Pone tot fastus generis superbos,  
Pone & atrocem bona virgo uultum,  
In tui uatis cupidos lacertos  
Blauia recurre.

## A.D. SACRATISS. VIRGINEM

Nomine Angeli Bubali Romani,

restituta sanitate

**T**Orrebat teneras febris uesana medullas,

Et propior fati uenerat hora mei.

Cum precibus commota pijs succurris, & omnem

Depellens morbum, languida membra leuas,

Propterea his humiles sanctis aduolui mur aris,

Et uotua libens munera persoluo.

Hinc madidis numen semper suspiret ocellis,

Roma tuum, arguto fundat & ore preces.

Sancta etenim in terris non ulla labe refertum

Humanum corpus reddere, Virgo, tuum est.

## P V E L L A

## A M A N T I S . D I S C E S S V M

Conquerens

**N**Vda genu, et strophio niueas male cincta papillas

Ad gelidas Cornu Nisae sediebat aquas.

Frigidula moestas effundens uoce querelas,

Clamabat Lycidam caeca furore suum;

Quo Lycida heu fugis, in quam te te proripis oram,

Ne absentis Nisae cura sit ulla tuae

Tesine uer placidum miserae mihi praeterit, aestas

Aufugit, & sine te frigida transit hyems

Et uiduo pateris sic me iacuisse cubili,

Vt falso Aetæo Phyllis amata uiro.

Ab cur tam iuuenis uani dulcedine honoris

Captus, in externa uiuere pergis humo?  
 Ah cur non retrahunt tot te discrimina rerum,  
 Non mouet atrocis fluctus & inuidiae?  
 Cui scio te cunctis semper luctarier annis,  
 Et cuius rapido turbine semper agi.  
 Hei mihi te aurataeq. trabes, & marmora forsan,  
 Lectaq. Erythraeo littore concha inuat.  
 Et spectare patres, quos alta in sede locatos  
 Illita fidonio murice lana tegit.  
 Ah nimium peccas, si his, quae miratur, amatq.  
 Ignarum tantum munera uulgus, bias.  
 Quid gemae sine amore ualent, quid purpura, et aurum,  
 Quasq. coloratus parturit Indus opes?  
 Ah nimium peccas si possis diuitis aurum  
 Pondera, quaerendo, fallere uelle fidem,  
 Non profunt Musae, non carminis auctor Apollo,  
 Ut referas uates praemia certa domum.  
 Pieridas Princeps, doctos nec amare poetas  
 Nouit, sed lucro composuisse lucrum.  
 Haec. tu saepe mihi dicebas, secula tractant.  
 Heu male nunc artes, egregiosq. uiros.  
 Dilectam patriam tamen, & me linquis amantem,  
 Floridq. infelix Marginis arua tui.  
 Et perlucidulum fontem, qui dulcibus undis  
 Per roseam tacito murmure serpit humum.  
 Visco ubi te pietas uolucres captare inuabat,  
 Lenire & longa pectora fessa mora.  
 Nisae ubi iucundos repetebas cantibus ignes,  
 Aurato tangens pectine fila. Lyrae,

*Tunc nymphae celeres ex nubifero Apennino  
Iungebant gratos ad noua plectra choros.*

*Et post distincto nectentes ferta colore*

*Certatim ornabant tempora flaua tua.*

*Sed quid ego infelix studeo memorare puellas,*

*Quae miserae curas tot pepercre mihi?*

*Romuleas uereor nymphas, ne dona inuentae*

*Blanditis carpant, illecebresq. suis*

*Hic dolor, & nostrae sunt haec incendia mentis,*

*Hic amor illusam me uolentus edit*

*Heu quid agam? sagae num. me praecepta sequentem*

*Carminibus magicis hostia pulla iuuet?*

*Pallentes ne legam herbas, quaeram thessala philtro,*

*Vngues an ne rogis, ossaq. lecta feram?*

*Denoueam tacito te uotis tempore? tradam*

*Furtiuam cupidae nel tibi uirus equae?*

*Has dum diuersas agitabat perdita curas*

*Nisa, superuexit. Hesperus astra polo.*

## DE PSITTACO. HERSILIAE

*Corresponde.*

**O** quae iam celebraris orbe toto

*Mater HERSILIA omnium leporum,*

*Dic, quibus tibi Psittacus uolauit*

*Ab oris nimio nitens, & ostro,*

*Auro, versicoloribusq. pennis,*

*Vt Phoebo sacra fulget ales Indis.*

*Vnde illi ingenium, loquela, risus?*

*Quis dicteria, quis dedit querelas?*



*Vnde est anxietas, amaritudo?*

*Vnde blandiciae, facetiaeque.*

*Vt te diligat, ut petat, uocetque.*

*Atque arguto edat hinc, & inde cantu.*

*Nunc dormit Domina inquit ministræ,*

*Nunc dormit domina hic subinde reddit,*

*Non uoce impare, & altiore uoce.*

*Nunc coenat domina, heus ueni, ille currit,*

*Et simul loquitur, simulque cœnat.*

*Abi hinc improbule, & tace obloquutor,*

*Et statim tacet, & statim recedit.*

*Mox redit, dominam intuetur, atque*

*Manus appetit, & deosculatur,*

*Et sinu Dominae cubare tentat,*

*Figere oscula, morsuunculasque.*

*Ridet conqueritur, iocatur una,*

*Nugales numeros, sonosque promit.*

*Ab illi quoque suppetunt amores,*

*Sentit hic etiam faces amoris,*

*Quas tu istis iacularis ex ocellis,*

*Quas torquent Amathuntidos capilli,*

*Quas pectus iacit, atque eburna colla,*

*Maiestas animi, & perita uerba.*

*Quis inter uolucres parem uolucrem,*

*Quis nurum in nuribus parem latinis,*

*Aut quis dixerit esse pulchriorem?*

DE. HORTIS. QVI. SVNT. IN. COL  
le Quirinali, Hippolyti Estensis Card.  
Amplissimi.

**D** Eliciae ruris, latij florentis ocelli,  
Magna Quirinalis culta uireta iugi,  
Flora ubi perpetuo sedet, ac pede Naiades udo,  
Et quae uerna fouent gramina Hamadriades.  
Dicite quis subitus uestros turbauit honores  
Eurus? qui laetum hunc aestus hiulcat agrum?  
Hei mihi non euro rapido, non sole calenti,  
Discessu at domini deperit omne decus.

AD. LVCAM. CONTILEM. DE. LI  
uia Beccaria Spairana

**L** Vca, quem lepidae fouent Camoenae,  
Salsa qui monumenta condis, ipso  
Attico quoq. dulciora melle,  
Hos uersus capias, quibus uenustam,  
Ac Phoebos magne luteo nitentem  
Virginem celebramus Vrbe tota,  
Illam; quam colis impotenter; illam  
(Verasi mihi nunciantur) omni  
Quam aeternas numero beatiori,  
Cui seruit Ticinus, fauetq. Tybris,  
Tibris nobilium puellularum  
Et iudex, & amator, atque asyllum.  
Quam factum bene, quam secunda luxio  
Dies, LIVIA. cum Remi penates

Subiuit proba, candida, & decora,  
 Nostri gloria seculi, & futuri,  
 Cui adstant Veneresq. Gratiaeq.  
 Cui Nymphae famulantur obsequentes,  
 Quam circumfiliunt tenelli amores,  
 Dū boni, aequum ut habet Iouem, vt benigna  
 Caeli sidera cuncta, uirgines ut  
 Romuliq. nurus ad astra tollunt.  
 Ipsa autem (Geticis ut olim in oris  
 Narrant dulcisono accidisse uati)  
 Concentu ut Tyberim moratur, atque  
 Vt trahit siluas lepore dulci,  
 Blandis delicijs, modisq. blandis  
 Casti pectoris, ingeniq. amici?  
 At mei inlepidi, atque inelegantes  
 Versus diminuunt puellae honores.  
 Tu trañtes Cytharae sonora fila  
 LVCA, tu decus illius figures,  
 Doñtorum omnia qui uolas per ora,  
 Et palatia principum, & theatra.

AD. ANGELVM. BVBALVM

**A**Ngele, sidereo quo numquam gratior alter  
 Descendit caelo, iam mihi laetus ades.  
 Tu mihi principium, tu finis carminis esto,  
 Castalis unda mihi, pulcher Apollo mihi.  
 Floreat ut nostris tua uirtus maxima chartis,  
 Ingenium, probitas, gratia rara, fides.

*Suscipe quos hilari mitto tibi fronte libellos,  
Nec leue perpetui pignus amoris habe.*

DE. FLAVIO. VRSINO. CVM

Cardinalis creatus est.

**P**lectrum mi date lesbium puellae,  
Quae fontes vitreos tenetis Hemi,  
Fronde cingite laurea capillos.  
Vt plausus ualeam omnium Quiritum,  
Et laetas cecinisse tot choreas,  
Quot ducit latij colonus agri.  
FLAVIVS quoniam ille Iuliorum  
Flos, nunc purpureo micat galero,  
Veste nunc tyria nitet sacrata,  
Euge iò canite, euge iò Quirites,  
Atque istam celebrate sanctiorem  
Lucem, qua probitas sibi, decusq.  
Orbemq, imperiumq. vindicarunt.  
Olim uos lupa nutrit benigna,  
Vrsus nunc latias tuetur arcēs.  
Euge iò canite, euge iò Quirites.

AD. BENEDICTVM. MANSOLVM

**M**ANSOLE, optime, nobilisq. Musae  
Decus Cecropiae, decus latinae,  
Quis te per pluuias, niuesq. duras,  
Flabra per mala saeuientis austru  
Gallicis iubet huc uenire ab oris?

## AD. HIERONYMVM

Cornazanum

**S**I tantum specie, atque honore praeſtas  
**CORNAZANE** uenuste, perbeate,  
 Mirum, si faciles te amant puellae?  
 Mirum, gratia, siq. pulchritudo  
 Adurit tua nobiles puellas?  
 Mirum, si decus oris, ingeniq.  
 Omne cor mouet, alligat puellas?  
 Si genas roseas, obefulasq.  
 Matronae cupiunt suauari,  
 Ac si quidquid adest ioci, ac leporum  
 Si Suada, & Clarius, nouemq. Musae  
 Maiae filius, & nepos Diones  
 Si tecum usq. habitant, morantur usq.  
 Mirum, si pueri, uiri, senesq.  
 Te uel discipiunt fouere uisum?  
 Si Bellona fauet, fauet Gradius,  
 Si uires dederunt tibi potentes,  
 Mirum, quod superes Duces superbos?  
 Est par nemo tibi. hercule omnium unus  
 Tibi singula namque uendicasti.

## AD. ANGELVM. BVBALVM

**Q**Uod frater perijt saeuus Antonius armis,  
 Parcarum, defles funera acerba nimis.  
 Heu nimium longo luctu tabescis inani,

*Cum reputas paruas fata dedisse moras.*

*Namq. eius virtus, grauitas, faciesq. decora  
Sera debuerant interijſſe aie.*

*Me miſerum, ſero nihil interit Angele. & ipſa  
Quae fertur ſera, eſt longa ſeneſta breuis.*

## A. D. POMPEIUM

*Spairanum.*

**Q***Vid nunc ſi cilium tumor malignus,  
Si caput dolor opprimit, latusq.*

*Prodire e domibus cupis? nec artus*

*Cernis, vt macie tegantur, utque*

*Languor frigidulus genas coloret.*

*Quid quaeris ſine ſectione facta*

*Chirurgo male dicere, & uenenis?*

*Adiungas potius uenuste Pompei*

*Domi ſuauidicum tibi ſodalem*

*Vrbanum ſocium dicaculumq.*

*Et ioco, & ſalibus, cacchinnulisq.*

*Nunc mentem exhilara, iubeq. edaces*

*Curas in Scythiam ire, & ire in Aegas.*

*Iam uer, iam placidos refert tepores*

*Iam pingit uiolis humum, roſisq.*

*Iucundis Zephyris nouatur aer*

*Triſtis, nubilus, imbribusq. ſaeuus.*

*Tunc per florea rura, liliatum,*

*Vrbem Romuleam licebit erres,*

*Tunc equo alipede, eſſedo Britanno,*

*Cinctus enſe latus, forum, uiasq.*



Lustrare, aspicere hinc, & hinc puellas,  
 Tunc detur sociare purpuratos,  
 Tunc conuiuio adesse sumptuoso.

## AD. CINTHIAM

**T**epulchram nasci noluit Deus, ut sua norint  
 Mortales, quae sint regna beata poli.  
 Ipsa tamen uultus condis, roseasq. papillas.  
 Munifici spernens tot bona rara Dei.  
 Exere Virgo tuos uultus, reclude papillas,  
 Non tibi soli nata es, neq. tota tua es.  
 Quid te nunc decor iste iuuat? quid pectora? formae  
 Cum ualeas nulla Cinthia parte frui?

## AD. LIVIAM. BECCARIAM

**O**que te charites beant, venusq.  
 Et colunt homines supremo honore,  
 O salute magis salus salubris,  
 Istos sideribus pares ocellos  
 Venustos, placidosq. blandulosq.  
 Ne auertas rogo, sed feros dolores  
 Pellas, LIVIA. caelitemq. uitam,  
 Et mores ueterum refer dearum.  
 O quae te peperit parens beata,  
 O quae te tetigit beata nutrix,  
 O quae te recipit domus beata,  
 Est quod delicias deum recuset

*Qui tuos ualet intueri ocellos,  
 Ocellos, duo sydera, & micantes  
 Faces Tyndaridum salo petitas,  
 Faces pernitas sacrae Diones  
 His ò qui pereunt beati amantes.*

## DE. HIPPOLYTA. AEGROTANTE

*Ad Octauium Masinum*

**N***unc mea correpta est morbo Masine puella,  
 Pulchra color iam iam pallidus ora notat,  
 Non etenim haec fiunt nostro sine damna dolore,  
 Vltima iam properant & mea fata mihi:  
 O utinam inueniam succis melioribus herbas,  
 Gramina uel magico lecta ministerio,  
 Quis pulchro discedat edax è corpore languor,  
 Ne sint tam subito tot peritura bona,  
 Cogar & ante diem stygiam cognoscere lympham,  
 Pallidulosq. meos abluat illapedes,  
 Ipse ego non saeui uiolauì numina uerbo,  
 Nec superum didici fallere posse fidem:  
 Nullis uipereum porxit mea dextera uirus,  
 Suspensa ex adytis donaue surripuit.  
 Dij facite ut dulci virgo conspersa sopore  
 Tandem oculis somnum mox petat ore cibum:  
 Quid inuat insomnem longas producere noctes?  
 Quid inuat hanc gratum carperè nolle cibum?  
 Quid teneris morbi rabiem saeuire medullis?  
 Totaq. formosi corporis ossa teri?  
 Imbellem quid laudis erit uicisse puellam,*

*Membraq. lethiferis contemerasse malis ?*

*Quod spoliū uestris latura est femina templis,*

*Quae uos quae tandem gloria tanta manet ?*

*Quae pietas uestra est, si non miserescitis unquam,*

*Si finitis leuibus nos dare uota notis ?*

*Ah nimium cupidi, cum dijs sacrauiumus aras,*

*Cum cecidit tepidis hostia multa focis,*

*Ah nimium stulti, ductos de marmore uultus*

*Cum pulchra uolumus parte locare domus.*

*Quid queror infelix ? iam iam denunciat horam*

*Persephone, & lacrimas ridet auara meas.*

*Parce precor tantum iuuenem torquere, marito*

*Sic tu sis stygio grata rapina Ioui.*

*Haereat atque auidis semper complexibus, ipse*

*Non aliam umquam, te praeter, habere uelit,*

*Et si quis Theseus te sit rapturus, eidem*

*Certet, & ediscat pellere Pirithoos.*

*Parce precor teneram subito uiolare iuuentam,*

*Ne pereant uno corpore tres animae,*

*Nam mea si tristi lux morbo absumitur, ipse*

*Hippolyta extincta uiuere non potero,*

*Et si non potero, poterit nec certus amicus*

*MASINVS nostrae maximae pars animae.*

*Huc ades, intonsis semper mea cura capillis,*

*Huc ades, & uati Phoebe superbe faue.*

*Phoebe faue huc properans, herbarum namque saporem*

*Noscis, & es medicae sanctae repertor opis,*

*Effice, ne ora modis cernam pallentia miris,*

*Cimeriosue adeat bella puella lacus.*

# LIBER

Da pater hoc nobis teneris si semper ab annis  
 Te colui, & nullo est candida mens scelere  
 Astricta, & crines redimitus Daphnide fronde  
 Si perago uitae tempora pura meae.  
 Da pater hoc, laus magna tibi tria corpora amantum,  
 Diceris tantis si eripuisse malis,  
 Tunc me non terram genibus reppsisse pigebit,  
 Nec supplex aris oscula pauca feram.  
 Praeterea faciam testentur secula longa  
 Hoc ingens pictis munus imaginibus.

## AD. CINTHIAM

**P**arcas fundere CINTHIA  
 Fletus aurea turbidos.

Nec vultum line lacrimis,

Nec tam saeua papillas.

Florem virgineum tuum

Carpi desine Carolo,

Qui solers tibi lectulum

Totum spargit odore.

Amplexus parat obuius,

Pertentat sua pectora

Tam felix modo gaudium,

Vt uix mente capeſſat.

Ne perdas iuuenem mora,

Qui ad se te dominam uocat,

Optans soluere zonulam,

Longo tempore cinctam.

*Adsis o hymenaeë hymen ,  
 Hos ambos ope sospites ,  
 Pulchra prole patrem face ,  
 Hunc testante pudorem*

*Matris , quae modo lumine  
 Sicco te hymenaeë hymen  
 Tandem mitior aduocat ,  
 Tollens tempora flaua .*

*Ab ridet , uideo , bona  
 Ne fingas mea Cinthia ,  
 Huc huc o hymenaeë io ,*

*Adsis o hymenaeë .*

*Et risu Venus aurea  
 Gaudet , uoceq. ludicra ,  
 Huc huc o hymenaeë io ,  
 Adsis o hymenaeë .*

*Matronae roseo in toro  
 Pulchram ponite virginem ,  
 Ab ridet , uideo , iocos  
 Iam fert Carole mille .*

*Ridet porrigit & manus  
 Amplexura Thalassium ,  
 Iam iam uos date liberos .  
 Omnis ianua clausa est .*

AD. HIPPOLYTAM

E. Greco

**M**Ellitos mea uita tuos miratus oclls ,  
 Candidulos dentes , candidulasq. genas ,

# LIBER

*Serpentem toto concepi pectore flammam,*  
*Mens animi ereptis sensibus exciderat,*  
*Vt ni suauiolum roseo tunc ore dedisses,*  
*Migrasset subito spiritus in tenebras,*  
*Quas ego pro tanto dicam tibi munere laudes?*  
*Quas nisi constanti semper amare fide?*  
*Quaerere & assiduis tibi me seruire diebus,*  
*Et mediam tenero sustinuisse sinu.*  
*Nec me lasciuum uatem quis dicat amantem,*  
*Esset in Hippolyta perditus Hippolytus*

**DE. OBITV. CARD. RODVLPHI**  
 Pij Qui cognomento Carpum dicebatur

**P***ius purpurei decus senatus,*  
*Et fide, & pictate singulari,*  
*Nobis mortuus est: fidesq. honorq.*  
*Lugete, atque homines uenustiores,*  
*Carpum carpit iter tenebricosum,*  
*O factum male, uah malae sorores*  
*Tetricae, inuida mors, acerba, & atrox*  
*Hunc heu heu hominem pium abstulistis.*  
*Dignum uiuere Nestoris senectam.*  
*O factum male, cur Apollo succis*  
*Cessasti rabidum fugare morbum?*  
*Hic semper coluit bonos poetas.*  
*Phoebus nescio quid mihi susurrat*  
*In aurem. Deus optimus supremo*  
*Hunc uidit merito carere honore*



*In terris , igitur uocans olympos ,  
 Asciiuit numero sacro deorum .*

## A D . P A V L L V M

**N**ostra tibi nimium sordent haec tempora, laudas  
*Aurea Saturni secula Paulle senis ,  
 Quis commitebat nemo sua semina sulcis ,  
 Atque erat exudans non labor ullus agris .  
 Nullaq. laedebat genialia foedera lecti  
 Femina , deposcens praemia adulterij .  
 Ista quod excellens laudatur temporis aetas ,  
 Mirandum nihil est , glans placet usque tibi .*

## D E . C I N T H I A

**C**inthia mi dicit semper male , dispeream, n<sup>i</sup>  
*Ciuli prorsus me odit iniqua odio ,  
 Hoc melius quoniam nil repperit, ut peream, quam  
 Si ipse mala ediscam dicere ei totidem .*

## A D . A N N A M

**S**ulphuream ruptis flammam uomit ore caminis  
*Audax enceladus , tactus ab igne Iouis .  
 Ipse quoq. aethnaeos expiro faucibus ignes ,  
 Omnicremo formae tactus ab igne tuae .  
 Est tamen Anna tuus Iouis igne potentior ignis ,  
 Nam perimens , uitam donat habere mihi .*

# LIBER

## AD. GALVANVM

Castaldum

**V**erum Castalidum decus sororum  
CASTALDE, inuida te nimis procella

Fortunae insequitur, nimis malignis  
Mergit fluctibus impudentiorum.

Hinc dolere tuam uicem diebus

Numquam desino, noctibusq. tantum

Laedor, cum uideo virum elegantem,

Perdoctum lepidum, probum uenustum

Torqueri grauiter manu nocentum.

Sed iam certus erit modus dolori,

Castalde, hoc mihi crede, namque cerno

Viros surgere, qui nouem sorores

Amplectuntur, amant, coluntq. & ipsos

Plurimi faciunt viros disertos.

En quis me modo nuncius beauit,

Narrans candidi, & optimi repente

Gratiam retinere te Castalis,

Aulam Pontificis colentis? ipse est

Vnus, qui releuat Patrum iacentes

Virtutes, specimen, decusq. & urbi

Qui scit reddere pristinos honores.

Ergo gratulor & tibi, mihiq.

Gaudéo, quia iam ualebis hercle.

Ferre praemia digna, & usque, & usque

Regibus melius placere magnis.

TERTIVS  
AD. M. ANTONIVM

64

Muretum

**M**Arce, Sic comitetur usque Suada  
Greca seu monumenta, seu latina,  
Quae falso, ac uario lepore condis,  
Quod sentis cedo de mea Thalia,  
Num elegantula, sordidone amictu,  
An currat lepide, uel infasete?  
Et quos uersiculos Catullianos  
Aptis nescia sit referre uerbis?  
Cuncta ediffere, nam tuo polito  
Subdammudicio: Et quod approbaris,  
Necesse est etiam approbent camoenae.

AD. HIERONYMV M

Florellium

**N**on mihi FLORELLI studio formosus Apollo est,  
Atque assis facio munera Pieridum.  
**LIVIA** fulgidulis me blanda exurit ocellis.  
Qua sequor, obsessum torquet utrumque latus:  
Atque adeo ualida me me ligat ipsa catena,  
Vt miserum dominum dura catena trahat,

QVORVNDAM. CLARORVM

Virorum Spinularū Genuensium elogia

IN. VBERTVM

**V**Bertus uigilans in publica commoda, ciues  
Dum mutant, timidiq. horrent surgentia bella,

*Eligitur consul, moles quem dura laborum  
 Inflexit numquam, classem qui ornauit, ut acris  
 Concuteret Mauros bello. Regemq. coegit  
 Arbiter Hispanum patriae soluisse talenta.  
 Multiplici tandem cumulat<sup>us</sup> laudis honore  
 Floruit, en uiuit uolucris super aethera fama.*

## A L I V D

**Q***uod ligures Sardoia tenent uberrima regna  
 Est uberte tuū, iussu dum Caesaris aude<sup>s</sup>  
 Exuere, & liber sermoni obsistit iniquo.  
 Nec tanti ualuere Etrusca potentia Pisae,  
 Vt Ligur imperio uelit audiuisse superbo.  
 Gens Pisana potest risum ridere, cadentes  
 Quem sardi ridere solent, hoc fulmine linguae.*

## IN. NICOLAVM

**Q***ui populi merito posset Victoria dici  
 Nicolaus, cunctos animi uirtutib' anteit,  
 Dux legitur, patrijs armorum fortibus ausis  
 Inclytus, hic Venetam parua dum classe potentem  
 Fregit, & Ionijs grassantem cepit in undis  
 Strenuus aeternum meruit per secula nomen.*

## IN. GASPAREM

**A***fflictis studuit rebus succurrere Gaspar,  
 Deletasq. acies, & mersas litore puppes*

*Instaurat , venetosq. ciet , segnesq. fatigat .  
At postquam bello non commouet , oppida cepit ,  
Adriacumq. sinum uexans , hostilia signa  
Rettulit , & praedas , egitq. ex hoste triumphum .*

## IN. GERARDVM

**N***on opibus tantum nituit domus alta Gerardi ,  
Maiorum contenta fuit nec laudibus , omnes  
Sed ligurum proceres illustri uicit honore .  
Ipse tamen recti , & iusti inflammatus amore ,  
Insignisq. fide , insignis prudentia , & acri  
Consilio , semper detestans ciuica bella ,  
Egregiamq. sibi famam , generiq. parauit .  
Nec minus enituit factorum gloria , & armis ,  
Eridanus semper testis , Lucensiaq. arua .*

## IN. FRANCISCVM

**N***on Caieta minus Francisco praemia debes ,  
Qui te lethifero est quondam tutatus ab hoste ,  
Quam quae campano te litore condidit alto ,  
Illa licet fuerit nutrix Aeneia , Ianus  
Hunc pater enutrit Rex seruantissimus aequi ,  
Hic tibi iura dedit , leges hic sanxit honestas .  
Hic numquam patriae pro libertate tuenda  
Extimuit duri rescindere iussa tyranni .*

IN. ARGENTINAM. SPINVLAM

Vxorem Theodori Imp. Constanti  
nopolitani filij

**S**Pinula dum Graias inter pulcherriima nymphas  
Visa est, Inachides qua stupuere deae.

Rex Helenam credit Byzantius, & sibi cuncta

Pertimuit, cum sic Bosphorus insonuit,

Excipimus Ligurum nos hanc ex aequore: monstrat

Forma Helenam, latiam fama pudica nurum,

AD. F. VINCENTIVM

Catenam patrum

**A**onidum cultrix, & saevi martis alumna  
Vmbria, virtutes suspicit ipsa tuas,

Patruae. dum scriptis fugienda, sequendaq. mandas,

Quaeq. sit aeternis ara dicanda Deis.

Iure igitur dicit, uincit Vincentius ipsum

Consilio Fabium, Religione Numam.

DE. QVIBVSDAM. SIGNIS

Caelestibus

**V**T summo poteretur atrox Mars solus olympo.  
Saturni eiecti dixerat ultor ero.

Dixerat, inq. Iouem patrem ruit agmine facto,

Cum magnis miscet proelia caelitibus.

Sedibus aethereis tandem detrusit, & alto

Vi potitur, nutu sic regit astra suo.

Quid mirum est igitur Rex si eruat ipse Philippus



Opida, quae sancta sub ditione tenes  
 Marce, tuis obstat nunc & sors improba ceptis,  
 Et solis faueat prospera militibus?  
 Cedendum est. mihi crede, Iouis sunt numina uicta,  
 Caelestiq. suo Mars uiget imperio.

## EPIT. LVPI. ROMANI

**C**lauditor ingenti Lupus hoc sub marmore, uixit  
 Quo uiuente Lupo, nullus in orbe Lupus.

## I. HIERONYMI

## CATENAE

## POEMATVM

## Liber Quartus

IN. LIVIAM. BECCARIAM

SPAIRANAM



*Vo frondent pictis redolentes flori-  
bus horti*

*Colle Quirinali, Ticini pulcherri-  
ma Nympha*

*LIVIA consedit, gemmis, au-  
roq. micanti*

*Cincta comas, frontem stellatis  
cincta corollis,*

*Albentes humeros, & formosissima colla.*

*Ostro implexa, & claro hyali perfusa colore.*

*Candida ut inficiens roranti lumine terras*

*Tithoni pulchro coniux procedit amictu.*

*Hic resonant aubus praeculta uireta canoris,*

*Hic lauri surgunt, hic uernat spartica myrtus,*

*Ros maris, & uiolae, serpunt hederæq. sequaces,*

*Hic ridet mollis baccis elatus Acanthus,  
Et turgent immista rosis, immista amaranthis  
Lilia, purpureo diffulget terra hyacintho.  
Stillat & innumeris bullis fons dulcis aquai,  
Hinc, atq. hinc strepitât lymphæ sublime uolâtes.  
At uirgo famulas, hominum uariare figuris  
Vela iubet, fieriq. manu litusq. ratesq.  
Haec pelagi faciem tenui discriminat auro,  
Et pharetras Thracum format, celeresq. sagittas,  
Illa Scythas notat infidos, saeuq. minantes,  
Armorum strepitus, lateq. sonantia transira.  
Mox ut ab Hesperijs deuicti classe potenti  
Fluctibus Ionijs Thraces, Nomadesq. superbi,  
Ceus subito nubes ventorum flamine, solers  
Pingit acu, ut uasto circum concussa fragore,  
Et fluctu piceo fundo horruit Amphitrite.  
Atque alia heroum uires demonstrat, & artes,  
Intortos ignes, medicataq. sulphura nitro,  
Plumbea quot stridulas sunt fulgura missa, p. auras.  
Hortorum o dulces cultus, dulcesq. recessus,  
Qui numquam talem dignati cernere diuam,  
Liuiâ qualis adest formoso lucida uultu,  
Estis iam caelo curae, & fatalibus astris.*

A D. IOANNEM. DOMINI

cum Rebibam

**P**ER nostri Ciceronis, & disertî  
Scripta Virgilij REBIBE iuro,  
Plus incredibili tui uidendi

Me desiderio peruri, acerba  
 Quam febris spatium trium dierum  
 Meas ufferit intimas medullas,  
 Audita est ubi comitas, fidesq.  
 Et Pallas tua, amorq. singularis,  
 Quo me prosequeris, datum sit umquam  
 Neutri licet alterum uidere.

Si arta Peonia, salubribusq.  
 Succis restituet sagax Apollo  
 Vitam, & Calliope fugabit ipsam  
 Febrim, lethiferam. siticulosam,  
 Semper aeolio sacramento uersu  
 Te, nomenq. tuum, meus furor, quo  
 Me febris rapit? haec malus poeta?  
 Immo suspiciam magis silentio.

## IN INUIDOS

## AD. PAULLVM. PARAVICINVM

Vita mihi grauis est, grauius mihi carpitur aetas  
 Propterea tardos conqueror ire dies,  
 Iustitiam uiolant omnes, sacrumq. piumq.  
 Sunt permixta uirum fanda nefanda malo.  
 Nil releuat uirtus, solum facta impia profunt,  
 Siue cupido tua lampsace siue tua.  
 Carmina qui faciunt Musis, & Apolline dextro,  
 Non credunt illos esse putare deos.  
 Nunc licet, o mores, o tempora dicere, postquam

Secloꝝ nōstro hoc tempore finis adest :  
Scilicet ipse melos libans Helicone uirenti,  
Ad mea deduxi carmina Pieridas .  
Et quod non alijs longis contingit in annis ,  
In me omnes puero turpe fuisse putant ,  
Et me prae inuidia non cessant increpitare ,  
Insidiasq. mihi composuisse nouas .  
Vilius aſt alga duco id proieſta , & ad ipſas  
Dum detur Muſas currere poſſe , ſat eſt ,  
Conſtitui hanc ſemper iocundam uiuere uitam ,  
Pro qua uel Regum munera deſpiciam ,  
Conſtitui redimire caput parnaſſide lauro .  
Inuide tu ingratis auribus iſta bibe ,  
Dum uiſ me damnare , iuuas , dum perdere ſeruas ,  
Tu ingraciles artus extenuatus ades .  
Aſt ut maiori peragas tua fata dolore ,  
Atque ut tabeſcas & magis , atque magis ,  
Iam genus , & mores dicam , patriosq. penates ,  
Peregrinam uitae tempora quaeq. meae .  
Nurſia me genuit , ſedes memoranda Sabinis ,  
Qua gelidis Cornu perſtrepit amnis aquis .  
Aſſecit tenerum multo me patria honore ,  
Gauifa eſt muſis ſaepius ipſa meis .  
Mecoenasq. meus primae lanuginis annis  
Impoſuit tenerae laurea ſerta comae ,  
Cum doctis uiſ deor. priſcis certare poetis  
Carmine , quod ualeat nulla abolere dies ,  
Stamineaq. rota nullum ſcio ducere rombi ,  
Praedata eſt ſenſus nec lypa ſoeda meos .

Luſtra tria exegi caſti ſine labe pudoris ,  
 Haſtenus impure cognita nulla Venus ,  
 Infelix iuuenis fera quem complexibus urget ,  
 Et capit infidis ſubdola blanditijs ,  
 Offendit noſtrae nullum petulantia linguae ,  
 Nulli ego tentauit certa uenena dare ,  
 Nullum , ipſe inſidians , ſaxis ferrone petiui ,  
 Alteriusue mali minxiſtus in gremium ,  
 Impiaq. in diuos non ſoluimus ora beatos .  
 Inuide te ad laqueos haec benefacta trahent .  
 Et ſequimur pure Chriſti praecepta tonantis ,  
 Pelloq. quos noni mente fuiſſe mala .  
 Atque pater Clemens nunc me in ſua teſta recepit .  
 Inuide te ad laqueos haec benefacta trahent ,  
 Inuide te Paullus perdet , te mittet in ignes ,  
 Toxicaq. efficiet linide ut atra bibas .  
 Ipſe mihi eſt uindex , ipſi mea carmina curae ,  
 Ipſe ſuis multis me iuuat officijs .  
 Paulle tuum modo naſcentem tutare poetam ,  
 Et creſcent uires , creſcet & ingenium .  
 Et mihi ſi perget tunc inuidus eſſe moleſtus ,  
 Arma lycambeo tincta cruore geram .

## AD. HIERONYMVM

Batyllum

Scribunt uerſiculos , BATYLLE, Paullus ,  
 Ianus , Curtiolus , tuus Camillus ,  
 Et ludunt ſalibus , facetijsq. .  
 Ac miſcent calices meraciores .



Nunc carpunt pyra, bellulosq. flores  
 Legunt, nunc numeros catullianos  
 Cantant molliculos, uenustulosq.  
 Te curae retinent amariores,  
 Te negocia distinent Batylle,  
 Ah quid suscipis amplius labores,  
 Ah quid murmura, garrulasq. uoces  
 Fundis pro uetulo Mariniانو?  
 Quem perdant superi senem hispidosum.  
 Huc huc te referas amice, linquas  
 Vocum prostibulum, domos potentum,  
 Nam qui nec sibi uiuere imperauit,  
 Nullo me hercule tempore ille uiuit.

## AD. MARIVM. ET. RVTI

lium Alterios

**F**esta racemiferi redeunt trieteria Bacchi,  
 Apparat & cœnas, & bona iura cocus.  
 Bacchus agit nymphas, pueros, iuuenesq. senesq.  
 Vos tamen in studijs docta Thalia tenet.  
 Felix, qui potuit uanos contemnere Iusus,  
 Atque colit musas, & sapit ante diem.

## AD. VINCENTIVM

Stampam

**C**lara Romulidum propago auorum,  
 Cui fons Virginei chori labella  
 Proluit puero Aonas petenti,  
Tu solus reuocas honoris almae

*Vrbis , & specimen , decusq. solus  
 Virtutem ueterum foues parentum ,  
 Illorum monumenta dum reuoluis ,  
 Perquiris , relegis , per ampla tecta  
 Principum , referens eorum honores ,  
 Triumphos , spolia , aureas coronas ;  
 Ut natus uidearis aureo illo  
 Seculo Ciceronis , & beati  
 Augusti . Mihi si placet benigne  
 Concedas , tibi carus esse possim ,  
 Nil mihi poteris mage expetiturum ,  
 Nil concedere gratius : superbi  
 Ciues sic tibi debitos honores  
 Soluant , sic tua facta ad astra tollant .*

# DE. SIMVLACRO. DIVI.

Francilci sito in Aedicula Cardinalis

Araecaeli :

**E**xcultum miraris opus quicumq. sacello ,  
 Quod Clemens mira condidit arte pius ,  
 Francisco haud credas formatum corpus eburnum ,  
 Viuit enim & blando spiritus ore calet ,  
 Sed quod nec cuiquam loquitur , nec respicit ullum ,  
 Est domini totus raptus amore sui ,

# IN. OBITVM. IACOBI

Cincii Romani

**O**mnes laetitias mihi , & lepores  
 Extincti moriens IACOBEO ad unum ,

Iam non fingere Musa dulciores  
 Versus mi dabit, Ast Apollo plectrum  
 Franget, cum mea vita letho amaro  
 Tristior sit acerba mors, atroxq.  
 Quid nobis rapis inclytum poetam?  
 Quo nil falsius, elegantiusq.  
 Adhuc Romula terra procrearat.  
 Sive carmina roscidis sub antris  
 Praeclaro faceret Marone digna,  
 Texeretq. modis Horatianis  
 Seu cultis numeris referret ipsum  
 Petrarcham, nihil aurea corona  
 Non ornandus agebat. Ergo uiuit,  
 Viuit ille Iacobus, ille in ore  
 Frequenter sonat omnium uirorum,  
 Ergo flebilibus modum querelis  
 Certum est ponere, caelitum beata  
 Nam uita fruitur, uago atq. olympi  
 Sub se lumina cernit, ipse multo  
 Caeli lumine clarior resulget.

A D. IOANNEM. ANTONIVM.

Odescalcum

Quis tibi, docte puer, bella, ac noua carmina dicat?  
 Hoc tantum non ars ipsa magistra ualet.  
 Nempe tui Phoebus tenero percussus amore  
 Dulcia Pierijs ora rigant aquis.  
 Sic Maro, sic Flaccus pueri, suavisq. Catullus  
 Ludebant doctis carmina digna modis,

Orpheus Ismarius uix primo flore iuuentae  
 Traxerat arguta saxula pauca fide,  
 Post rigidas cautes, dum fila sonantia mouit,  
 Ac pinum hirsuto uertice, post nemora.  
 Tu quoq. si perges, internumerabere uates,  
 Spiritus aethereus crescet & ipse tibi.

## AD. COMPAGNVM

## Compagnium

**C**ompagni, tua noſter Hierinus  
 Totis carmina praedicat diebus,  
 Nunc sales, Veneres, iocosq. molles,  
 Et nunc seria temperata lusu.

Te, quod difficile, & laborioſum eſt,  
 Martis caſtra ſequi, Cupidiniſq.  
 Vt te tam faciles ament puellae,  
 Vt te tam timeant uiri proterui,  
 Vt ipſi ſtupor adſit Hierino.

Quod ſic me excitat impotenti amore  
 Vt tecum loquar, & fruor uiciſſim  
 Ipſa laetitia, attico lepore,  
 Et gratis pariter tuis Camoenis  
 Vt nil ſit mihi gratius futurum.

Quod ſi contigerit, ſecundiores  
 Luxerint mihi iam dies, eritq.  
 Fortunata magis domus potentum.

## AD. LVDOVICVM NIGRVM

**Q**uod mihi carminibus laudatur Mater Amorū,  
 Arguis, & probris me Niger usq. petis  
 Numquam Atlantiades Veneri tibi iunctus amatur,  
 Numquam cyprigenae iunctus Apollo deae.  
 Quantum deciperis? nam cur Venus aurea Caelo  
 Hunc inter Phoebum, Mercuriumq. sedet?  
 Haec ignota tibi iam pridem numina sensi,  
 Et quid sit pulchra scribere cum Venere.

## AD. HIERONYMVM. ET

Io sephum Mascardos

**M**ascardos animo, & fide probatos  
 Clarosq. omnigena eruditione  
 Iam Clio properes adire amicos,  
 Rebus Mercurio pares agendis  
 Praeclaro ingenio, eloquentiaq.  
 Ipsos inuenies, nouem colentes  
 Magisq. & magis inclytas sorores.  
 Dic quam consilio bono, & salubri  
 Commendare meos uelim libellos,  
 Et patrocinio cauere eorum,  
 Nequisquam malus his nocere possit.  
 Quod si feceris, & forum, & Plateas,  
 Vagari poteris Camoena tuto.

## A. D. M. ANTONIVM

Fidelem

**C**VM uidi numeros, atque nouo sonu  
 Expressa italico carmina Horatii,  
 Huic dixi ora liquore  
 Sic Clio Aonio reple?

Hunc o Pythie sic tollis honoribus,  
 Sic docto resonat pectine barbitos?  
 Non esset potis Orpheus  
 Haec plectro modularier.

Sed quae cura noua, & sollicitudines,  
 Hoc quae praepediunt bella negotium,  
 Quae lites procul ipso  
 Arcent Pieridum choro?

Vt ne perficias hoc opus aureum,  
 Imponasq. manum uersibus ultimam?  
 Ab ne quaesio moreris  
 Omissam capere hanc chelim.

Tenemo potuit uertere Horatii  
 Carmen, nemo, FIDELIS, melius quidem,  
 Ipso nemoq. reddit  
 Verbis uerba fidelius.

## DE. C. COELIO. ET. RHAESO

Caesio

**C**Oelius, & Rhaesus latiae duo lumina terrae,  
 Iunguntur parilis foedere amicitiae.  
 Nec magis Hopplaeum Dimas, Patroclus Achillem,



Damonem Pitias , Thesea Pirithous  
 Dilexit , quam se simul amplectuntur , amantq.  
 Vt numquam concors sit uiolata fides .  
 Est etiam similis facies , caput , os , animusq.  
 Ars quoq. & incessus , dictaq. factaq. sunt ;  
 Scommma , ioci , rixae , uoces , furor , ocia , risus ,  
 Atque simul uisam depereunt dominam .  
 Finxisset Natura duos discrimine nullo ,  
 Ni dispars illis inguinis hasta foret .

### AD. ANGELVM. BVBALVM

**E**T pudor ingenuus , mores & Apolline digni ,  
 Candida non uana pectora nota fide ,  
 Ingenium , probitas , pietas , facundia , uultus ,  
 Antiquos faciunt , ut superes atauos .  
 Quin etiam resonant dulci sic carmina labor ,  
 Verba puer mira sic grauitate refers .  
 Vt Semeles pulchrae , uel sis latonia proles ,  
 Angele , uel Nestor , uel uideare Numa ,  
 Non miror potuisse senes pueros fieri umquam ,  
 Dum scio te puerum moribus esse senem .

### AD. PAVLLVM. CESPITEM

**V**ersetur Paullus quouis in turbine leti  
 Vir bonus , & patria semper aberret humo .  
 Nulla domus phrygia celebretur splendida gaza ,  
 Aurato niteant pocula nulla lare .

Qui afflictos bellis referunt uenientibus annis  
 Nos Iouis auxilium tandem exorasse tonantis .  
 Tu , per quem miseras terras Aëtraea reuisit ,  
 Per quem præcipuos iactat nunc patria honores ,  
 Cum spectat seu mentis opes , seu flumina puri  
 Eloquij , suadamq. tuis cartisq. foroq.  
 Huc agedum lusum , & deductum suscipe carmen  
 RAINERI . propiorq. meis allabere caeptis .  
 Inde alios , aliosq. senes tibi condere uersus ,  
 Et tua perpetuis intexere nomina cartis  
 Opto , dum faueant Phoebusq. nouemq. sorores  
 Interea hunc libeat Meliboeum audire canentem .

## P R O T O M A N T I A

## C O N L O C V T O R E S

## MELIBOEVS. ET. MYCON

**D**ic age, dic iam care Mycon, quae causa, q̄s error,  
 Ingruit & quae tempeſtas ? effare, quibusue  
 Sollicitus curis , ut eas properanter in Urbem ?  
**My.** Non me cura urget, mala nec fortuna fatigat  
 Lanigeri paſtor gregis , at meâ ſola uoluptas  
 Magnifica heroum tecta , & loca uiſere adegit .  
 Nam memini, uix prima genas tunc flore iuuetâ  
 Veſtierat, uerum digitis tria luſtra notaram,  
 Ante focũ narraſſe Aeglen, Mopſumq. parentẽ,  
 Romanos late populos, urbesq. ſuperbas .

Vincere, & imperiū super & Garamantas & Indos  
Proferre, & quicquid cōplectitur aequore Nereus.

Hacc, & plura mei narrant dum forte parentes,  
Mens, animusq. mihi puerili ardebat amore,  
Linquere iam montes, & magnam cernere Romam  
Mel. Hei mihi quā durū, et quāto meminisse dolori ē

Fortunam mutasse uices, Romana fuisse  
Imperia, & tam lata nouis confinia regnis.  
Non ego sub tuguri miser essem culmine, nec me  
Confectum macie, tristi; lacerōq. uideres.  
Hospes amictu, nec pecudes, hirtasq. capellas,  
Et teneros foetus uiridi compellere hibisco.

Ast aurata domus, Pharijs operosa columnis  
Atria, sed uariata Phrygum uelamina textu,  
Ac me regifico exciperent aulaea paratu  
Namq. mihi quondam diffusi iugera campi  
Balantumq. greges, & erant mihi buccera secla,  
Et patula nummos spectabam diues in arca.  
Verum ubi transuersos egit discordia reges,

Ingratos reges tectorum dāma meorum,  
Saeuit amor ferri, horrendis concurritur armis,  
Hei mihi uexantur ciues, & magna supellex  
Perditur, atq. hostes famulos, natumq. trucidant,  
Irrumpunt thalamo, saeuorum more luporum.  
Barbarus inde meas segetes, uictosq. penates  
Miles habet, pecus hoc seruandum tradidit Aegon.

My. Ah miserande senex crudelia fata subisti,  
Pascere oues, & lac distento ex ubere caprae  
Exprimere Aegoni, ac lethum uidisse tuorum.

Roma tamen tantos non est perpeffa furores,  
 Quin sint semper ibi par gloria, honorq. fidesq.  
 Vir bonus in precio, sancti tum cultor honesti.  
 Propterea prior est animi sententia nostri,  
 Cuncta videre haec, quam repetā fundumq. larēq.  
 Mel. Ab miser, ab male caute uiam hāc insistere noli,  
 Sed celerem obfirma gressum, & mea dicta capesse.  
 Cum primum inficiet terras pallantias, aureis  
 Lucebit radijs Titan, pelletq. tenebras,  
 Cras repetas patriamq. tuam, propriosq. penates,  
 Si uitam tutam, si vis seruare pudicam.  
 My. Non possum Meliboeē tibi reticere, quod Urbem  
 Me velit incolere, aut instent quae gaudia nobis.  
 Somnifero cum nox redimita papauere frontem,  
 Surgit ab oceano, et suscat caelum hesperus umbra,  
 Huius propter aquam fluii captare sopores  
 Olim suetus ego, tollit se Tiberis ab alueo,  
 Haec quoque fatidica loquitur mihi uoce frequēter.  
 Hudis litoribus requiescens aduena nostris,  
 Huc mentis conuerte aciem, timor ipse faceffat,  
 En tibi laurentum Tiberis rignator aquarum,  
 En Deus ipse loci felix tibi nuncius adsum.  
 Tu modo ne spernas, monitus, uerum ipsa Deorum  
 Accipe consilia, & uertentes saecula suscis  
 Concordes Parcas audi. Iam sidera quinque,  
 Liber, & alma Ceres, vasti clarissima mundi  
 Lumina, complerunt spatium, dimensus Olympum  
 Est Deus, en iterant uenientia secula cursum,  
 Secula ab integro renouantur, regnat Apollo,

*Atque urbem uenerari. Haec pastor suscipe cuncta,  
Et mecum uenias, & mecum carmina fingas.*

*Mel. Laudes alternis dicamus principis huius.*

*My. Dicamus quae sint casus solamina nostri.*

*Hoc quoque Clementis semper nemora auia longe  
Responsent nomen, Clementis nomen ad astra  
Ipsa ferant arbusta, ipsae loca confraga rupes,  
Et noua carminibus laetentur secula, iam iam  
Tibri pater lauro cingas sacra tempora, cingas.*

*Mel. Maeste tuis altis ripis, maeste omnibus undis,  
Ipse tibi grator famam super aethera tolli,*

*Et tua uictrici connecti tempora fronde.*

*Tibri pater lauro cingas sacra tempora, cingas.*

*My. O seclum felix, o terq. quaterq. beatum,*

*O fortunatam tali sub principe Romam,*

*Temaiora quidem, quam prisco tempore, facta*

*Ad Caeli poterunt stellantia tollere claustra.*

*Tibri pater lauro cingas sacra tempora, cingas.*

*Mel. Iam uiridi in prato coepit uariare colores*

*Insolitos aries, nescitur murice, & auro*

*Fulgenti, & croceo mutat iam nellera luto.*

*Tibri pater lauro cingas sacra tempora, cingas.*

*My. En uiolas tellus passim producet, Acantlum,*

*Narcissumq. crocumq. & candida lilia, & ipsae*

*Plena domum referent errantes ubera caprae.*

*Tibri pater lauro cingas sacra tempora, cingas.*

*Mel. Cessabit boreas, canosq. hirsuta capillos*

*Hinc aberit glacialis hyems, curiq. uotiq.*

*Antra petent omnes, orbemq. tepentibus auris*

Mulcebunt Zephiri tantum, atque inarata recentes  
 Terra dabit fruges, & quercus roscida mella.  
 Tibri pater lauro cingas sacra tempora, cingas.  
 My Ipse ego caeruleas donec uoluentur ad undas  
 Flumina, dum Phoebus nigris orietur ab Indis,  
 Dum refugo tellus stabit, circumdata fluctu,  
 Te Clemens dicam, pariter uenerabor, amabo.  
 Magne pater uiuas felix per secula, uiuas?

## IN. SIMVLACHRVM

MAMMOE Didae Mariae

**N**auta cui memori celebret soteria uersu,  
 Quod colat, euicto milite, miles habet.  
 Virginis effigies praefert depicta tabella,  
 Quam nouit subiens saeuâ pericla Macer.  
 Hanc relegat terris, caelum post fata reuisens,  
 Perpetuo ut possit cernere corpoream.

## IN. BERNARDINVM

AQUILA PELISONEM

**C**um panem PELISONE deprecaris,  
 Pulsans ostia turrium potentum,  
 Intra limina te uocant puellae,  
 Atque implent loculosq. sacculumq.  
 Et magnam ueteri amphoram lyeo,  
 Comati pueri ferunt placentas,  
 Et partem cibû, fauumq. mellis,  
 Quid uis me PELISONE suspicari?  
 Os blesum tibi, caesiae pupillae



Sunt, nec tu nimis eleganter lingua es.  
 Ab nasum cupiunt tuum uidere  
 Mellitum bene, plurimum, aureumq.  
 O felix domus, o Patres beati,  
 Quos ditat melius repandus unus  
 Nasus, quam facerent Midæ talenta.  
 Tu beator omnibus beatis,  
 Si iam perpetuo deos rogabis,  
 Reddant te PELISONE polyposum.

## IN VRBEM ROMAM

**V**rbes quae tot populos, quae latas uicerit urbes,  
 Pluraq. tractarit praelia, nulla fuit,  
 Quam Roma, imperiū ut pelagus nō clauserit ipsum,  
 Vicerit Eoos, uicerit Hesperios,  
 Ne quid ex inuictum toto uideretur in orbe,  
 Bello etiam inuictam uincere se uoluit.

## DE VIRGINIA PVELLA

Lepidissima  
**P**rimum Virginiae illices ocelli  
 Me intactum capiunt, subinde captum  
 Huc illuc lepida trahunt catena.  
 Fortunata catena, lux beata,  
 Qua iecit iaculum pudica Virgo,  
 Qua Virguncula pectus ustulauit.  
 Haec nūc Veneresq. Gratiasq.  
 Atque in his habitat Cupido ocellis,

## IN. CLARAM. CAESIAM

Haerulam

**D**um Claram proavis, Veneris dum munere clarā  
 Mors uidet, obscuram reddere falce cupit.  
 Nil agit, in CLARAM Mors iras fundit inanes,  
 Ingenio clara est, clara pudicitia est.

## A D. MARIANVM

Sicatellum

**E**xcipit AMMONIVS quod te nūc diuite mensa,  
 Infundens semper pocula plena tibi,  
 Laetari noli, insidias scrutare latentes,  
 Cum potes nitreos tot SICATELLE scyphos.  
 Stulte nihil sentis? est una haec questio, ut illi  
 Perspicuus nitro sit magis iste animus.

## DE. NATALI. ANGELI

Bubali Romani

**I**uppiter horrendas clades, & caede cruentam  
 Europam spectans, foedera sancta parat,  
 Ecce etenim insignis facie, & fulgentibus alis  
 ANGELVS ex alto mittitur Hesperiae.  
 Tibi pater gaude, choreas huic ducite Nymphae,  
 Et teneram roseo neccite flore comam,  
 Salve itera Tiberine, & aue ter dicite Nymphae,  
 Namque datum est iterum tollere ad astra caput.

## AD. VIRGINIAM

**V**irgo oculos Iunonis habes, & Cypridos ora,  
 Atq. manus Hebes, atque pedes Thetidos,  
 Palladias aures, Phoebes argentea colla,  
 Atque vlnas Helenae, Sulpiciaeq. latus.  
 Purpureos Syrio conspersos rore capillos  
 Aurorae, at mammas dic mihi cuius habes?

## AD. FRANC. IACOBILLVM. DE

Pallude Fulgineae exiccata

**I**mpiger Alcides, magni Iouis inclyta proles,  
 Argos quem coluit ture, & honore sacro,  
 Vix bene Lernaeam ferro, ac face contudit hydram,  
 Reddidit & Graium fertile molle solum.  
 Sed cura uigilante tua, solertia, & alto  
 Francisce ingenio, quo superas at auos,  
 Fulgineae domitaeq. breui, uictaeq. paludis  
 Insolitas didicit currere lymphas uias.  
 Hoc Vmber sulcare solet robustus arator,  
 Et colere in media pingue palude solum.  
 Herculeam, maior Francisco gloria surgit,  
 Corporis est illud, hoc opus ingenij.

## AD. ANT. GALLVM

**S**icoenam Lacedaemonis Lycurgi  
 GALLE, & Pythagorae accubationem

In horto uiridi, beato, amoeno

Paras, perpete flagitatione

Ne uoca, quoniam Deo sacratos

Scis Pates Bromio fuisse cunctos.

Non mi plurima iura abominata,

Sed pernas, uitulam, anseres salitos,

Et turdos nitidosq. cercosq.

Rhombos Hadriacos para trilibres,

Muraenas simul, & lupos recentes

Hoc hoc ingenium facit disertum,

Tunc curae ex animis ferae recedunt,

Et tunc versiculis Thalia feruet,

Et nos sidera tollit ad suprema,

Tunc tecum ualeat Cato, & Lycurgus.

# A.D. IULIVM. BARDINVM

**I**uli qui reperit domus superbas,

Puerum, regia texta, purpurasq.

Na inprobissimus improbissimorum,

Et pater fuit inmodestiarum.

Nobis colloquium, iocosq. dulces,

Et doctas simul ambulationes,

Et caram mihi surpuit camœnam,

Nunc libri tineis, malisq. blattis

Sunt esca, ben ualuit Linusq. & Orpheus.

Solum diuitias, lucrumq. turpe

Nostra haec aurea secla prosequuntur.

Cogunt diuitibus manum osculari,

*Suspendam templo, ac uestrum de more quotannis  
Ante sacrum dicam carmina culta tholum.*

## A D. HIERONYMVM.

*Florellium*

**F** Lorelli, tibi quæ puella saena  
*Furata est animam repente ocellis,  
 Te semper leuis à tuo ore fugit,  
 O prorsus miserum, licet nec ire  
 Quaesitum, tibi namq. sensus omnis  
 Desit, floribus humor ut tenellis,  
 Cum canis furit aestuans per agros.  
 Exanguem tamen aureis sagittis  
 Te cupido ferit, perurit usque?  
 Nimirum sapit, est amor uenenum  
 Dulce, amarities suavis, atq.  
 Mors est uiua, malum petatum, amatum.  
 O bis te miserum, o maligna fata,  
 Cum tortusq. macerq. pallidusq.  
 Prudens, atq. sciens perire mauis,  
 Quam inconstantem, homicidam, acerbam, auarâ,  
 Istam relinquere Cloeliam dolosam.  
 Iam iau sperne Amathunta, sperne Colcos,  
 Parnassum pete, & Aonum uireta,  
 Castas dilige uirgines sorores,  
 Quae te fidereo ferent Olympo.*

## A D. FAVSTINAM

**P** Vrpureis Faustina rosis male tincta labellum  
*Quid legis exorto sub Phaetonte rosas?*

Quid tentas rugosa genas, tibi lilia, Adonim,  
Fucum, & gemmatum poscere reticulum?  
Crede mihi haud turpi profunt pigmenta figurae,  
Turpiaq. ornatu corpora perdis anus.

IN. GVALTERIVM

Folietam

**I**Am Folietam uago totum pede circuit orbem,  
Et semper sanæ non fuit Anticyrae.

A D. M V S A S

VT. CAESAREM. GALLVM

Adeant.

**M**Vsae, mi faciles, & obsequentes  
Adeste hendecasyllabis, iocisq.  
Natalis meus est, io sorores,  
Io dicite, & usque, & usque, & usque.  
Aetatem hanc mediam meae iuventutis  
Laetae dicite, nunc bene ominatae  
Corpori, atque animo, bonisq. uitae.  
Vultis plenius, & magis beate  
Plectra tangere barbiti sonori?  
GALLVM quaerite, qui est decus canendi,  
Cui stillant Aganippidos fluentia,  
Hunc & munditiae fouent, Venustas,  
Huic rident Paphiaeq. Gratiaeq.  
O quot gaudia, quot modos, iocosq.  
Vobis quam segetem osculationum  
Ministrabit, & elegantiarum?



*O lux candida, & aurea, & relucens,  
Et magis nitida, & magis relucens,  
Si GALLVS canet hunc diem, simulq.  
Choreas celebrabit. ipse namque  
Est potis dare mi dies perennes.*

AD. IVLIVM. MONACHVM CARA  
pham, & Io. Baptistam Garganum

**O** Vos, qui ambrosias dapes, penates  
Accestis nitidos Iule, Iane,  
Si oestro concitus huc eo, relicta  
Urbe, nec minus inclytis amicis,  
Factum tam cito mi quid improbatis?  
Quis quoesopotuisset abstinere  
Isti tam celebri, grauiq. honori?  
Auleis, domibusq. sumptuosis?  
Sat vires, sat opes, sat astus omnis  
Sunt viro, fateor, nihil latet me,  
Et haec singula mors acerbaperdit,  
Dura falce metit, necatq. saena,  
Et quod tartareis trahit tenebris.  
Cuncta confiteor, manentq. uera,  
Mente si cupimus nimis tenaci.

Glyconici

AD. IACOBVM ZACHEVM

**T**urget cura scientiae,  
Qua supra ingenium uoles?

*Ad caelum cupis euehi ?  
 Turpem segnitiam amoue .  
 Regnum destruit haec lues ,  
 Desunt funere litterae hoc ,  
 Cum te te illecebrae , ocium  
 Inuadunt , nihil amplius  
 Curabis bona Pallados .  
 Iam te pelliciat fauor ,  
 Virtutis studium graue ,  
 Iam te gloria , praemia  
 Pertentent tua pectora ,  
 Errorumq. licentiam  
 Solers pellito , & impiger .*

*Emulatio cuiusdam poematis*

**D** *Electant picti flores , frondesq. uenustae ,  
 Atq. Alijs praebēt herbaeq. auraeq. leuamē ,  
 Antraq. securam fundunt per membra quietem ,  
 Arma queunt , arcusq. animo depellere curas ,  
 Et prosunt umbrae , dulcedine. aquaeq. salubres ,  
 Discutit angoresq. graues spirabile caelum .  
 Heu nostram uitam quod lassam nil iuuat umquam  
 Flos , frons , herba , aura , antra , arma , arcus , umbra ,  
 aqua , caelum ,*

*Inferiae ad Iacobae matris Tumulum*

**P** *erfusus lacrimis pectus quae tristitia mitto  
 Carmina pallentis matris ad inferias ,*

Immensum gnati memorem testentur amorem ,  
 Testentur moesta pectora tunsa manu .  
 Atq. iterum Doralis flauos laniata capillos  
 Muto nequicquam munera det cineri :  
 Europeq. genis non parcat , mater ademptam  
 Te saepe ingeminent , sidera saeva nocent .  
 Vinebas rectiq. tenax , gravitateq. lenis ,  
 Inter utrumq. decor , uirgineusq. pudor .  
 Nil dictu foedum , nil quod temerare puellas ,  
 Aut posset pueros sancta referre dabas .  
 In te cana fides , prudentia magna uigebat ,  
 Consilium , ac dubijs casibus ingenium :  
 Et tibi quae nomen pietas tutissima seruat ,  
 Quodq. tibi partum est relligione decus .  
 Visebas tu nuâa pedes sacra templa deorum ,  
 Dum riget acris hiems , dum premit arua gelu .  
 Diceris hinc hausisse genu atri Semina morbi ,  
 Atq. ita tabifico uicta dolore cadis .  
 Sed pia quod cadis , aethereo pia surgis Olympo ,  
 Haec fuerant Caeli templa colenda tibi .

AD I. ANTONIVM

Radium .

**S**I tristem mihi , siq. Luēuosam  
 Vitam uiuere Iuppiter dedisset  
 Et Roma procul , & procul Camoenis ,  
 Dedisset gelidis RADI his in oris ,  
 His secessibus innijs , opacis ,  
 September fuit horridus December ,

Terra torpuit & gelu, & pruina,  
Et uites aquilonibus, notisq.

Et niue obriguere, & hinc Lyaeus  
Sicco gutture protinus recessit.

Hirsutos adeo, hispidosq. sentes,  
Pro molli viola, rosaq. odora.  
Interdum obueniunt tamen iocosae  
Nymphae, candidulaeq. blandulaeq.  
Haec pulsat Crotalum puella, at illa  
Magis barbiton increpat, choreas  
Exercens alia uululat medullas.

Sed si è carceribus, repagulisq.  
Profundo è puteo egredi licebit,  
Libertas erit usq. comparata.

# AD LAELIUM VBAL

dinum

**O** qui Iessaei caelestia carmina uatis  
Tam docta latiae concinis arte lyrae.  
Qui regum, qui facta patrum pleetro aedis eburno  
Qui sanctos gaudes sanctus imire choros.  
Enthaea Verligenae promas mysteria, Laeli,  
Emittasq. senis dogmata legiferi.

Cetera subuertunt uel tristia bella, uel ignes.

Haec sacra sunt nulla deperitura diu.  
Nil timeas dentesq. Canum, morsusq. malignos.  
Non nocet aethereis liuor acerbus iners.

# I. HIERONYMI


## C A T E N A E

## P O E M A T V M

Liber Quintus

DE CLAVDIA

R A N G O N A



*Quaeris imperium uidere amoris,  
Quaeris Idaliū, Citheraq. alta,  
Quaeris consiliū, fidem, pudorē,  
Quaeris pernitidos, nigrosq.  
ocellos,*

*Quaeris purpureas genas, capillos,  
Quaeris candida colla, pectus,  
Quaeris compositum latus decenter;* (artus  
R A N G O N A *potes haec uidere in una,*

IN LUCIAM

**L** *Ucida lucidibus mea Lucia lucet ocellis*

*Phoebeaq. magis Lucia luce nitet.*

*Occultant Phoebi luentia nubila uultum.*

*Umbri feræ solem noctis opaca tegunt.*

*Ex animis nubes pellit mea Lucia uultu;*

*Candida nigrenti Lucia nocte micat.*

## AD. PAVLLVM. PA

raucinum

**O**mnibus auxilio es, tenues nec spernis amicos,  
Sed uis officijs usque iuuare tuis.

Tum quoties uoti minus est sententia compos,  
Excruciant animum cura, dolorq. tuum.

**PAVLE** quidem est etiam multorum uelle iuuare,  
Sed uelle, ac semper posse iuuare, Dei est.

## AD. LANCILLOTTVM.

Lancillottium

**T**enet Argiuis Ancon habitata colonis  
LANCILLOTTE meae maxima pars animae.

Et pulchras inter lauros à collibus altis  
Hauris Adriaci litora rauca maris.

Nos autem montis frondenti in uertice Iani  
CLEMENTIS colimus regia tecta sacri.

Hinc oculos, animumq. urbis nos pascimus alto  
Prospectu, & tristes florida prata iuuant.

Aequora perq. agri sinuoso flumine currens  
Afficit binc Tibris pectora laetitijs.

Non tamen ulla magis ferrem solatia menti  
Quam possem tecum dulcia uerba loqui.

Non te fucato Anconos trahat Ore uoluptas,  
Nec capiant portus ostia pulchra diu.

Nam minor est Ancon, quam ciuis, et ipse sacerdos  
Romanus leuibus distat ab Argolicis.



AD. IOANNEM. FRANCIS

cum. Bonomum

**B**onome, optime, & omnium bonarum  
Artium bene cultor, aegra postquam  
Membra debilitantur, aestuantq.  
Ipso lethiferi furore morbi,  
Quam bene, ac sapienter his adesse  
Decernis placidissimis in oris,  
Ut puro, ac tenui fruire Caelo,  
Amouens medicaminum uenena,  
Quis praecordia saepe deuorantur.

Hic mollem uiolam, Ocymum, rosamq.  
Tellus, auraq. parturit Fauoni,  
Non desit cucumis, Liæo amoeni.  
Colles, Palladi non honos negatur.  
Hic Phoebus residet, lyra canitq.  
Culta carmina, quâ repellit omnem  
Curam, & sirion; atque amarulenta  
Docet dulciculo eluisse cantu.  
Is tibi cytharam dabit canoram,  
Qua fundens numeros, iocosq. molles,  
Possis tabificum sugarc morbum.

AD. FABIANVM

**Q**uod uisles neuere mæ Fabiane sorores,  
Ducentes agili stamina torta manu.  
Risit eas magnis tuâ iam gannitibus uxor,  
Omneq. Lanificum Palladis odit opus.

Quid credam? mulier fuit haec non persica, numquid  
Stamina deduxit lanea laena fuit.

## CELEBRAT. MVNERA

Neaerae

**M**usa Parnassi bijugi uireta,  
Linque, & auratam Cytharam resumens  
Laudibus magnis celebra Neaerae

Dona puellae.

Gratius iunctis uenias amorum

Mater, & pulchris Ericina nymphis,

Huc ueni matris geminae Cupido

Gloria duplex

Aetheris uasti super astra pexam

Tollite & uestem, niueumq. soccum,

Dulcis, ac in me facilis Neaerae

Pignus amoris

Ipse dum uestras choreas amabo,

Dumq. me Phoebus per opaca Pindi

Ducet hoc multas celebrabo amicae.

Carminelaudes.

Nunc canam blandos, nitidosq. ocellos.

Nunc genas tinctas minio, patentem

Lucidam frontem, niueumq. pectus

Oraq. Sicca

Nunc amicum Dijs animum, benigni

Gratiam uerbi, Veneresq. & illam

Qua viros vincit sophiam, beatum

Ingeniumq.

*Te canam semper mea lux Neaera,  
Et meae vitae columen, leporq.  
Tu meus primus fueris, meusq.  
Ultimus ardor.*

AD. TICINEN

**D***um siccas madidos puella crines,  
Qui spirant Cyprios, syrosq. odores,  
Et Venus stupet, & stupet Cupido,  
Sol curris medio polo moratur  
Spectans Lucidulam, comam repexam,  
Longam, & aureolam, huc & huc uagantem.  
Ne uelis Ticine amplius uagari,  
Passum lux mea subliga capillum,  
Nam diuinum uereor dolos, rapinas,  
Nam manus timeo inuidas, dearum.  
Ab caue ne homines noces ad arma,  
Atq. uras simul impotente flamma,  
Hos uelo, colligatq. uitta  
Nam tot spicula sunt, faces, ueruta,  
Ac per tempora quot fluunt capilli,  
Tot sunt hei misero mihi Catenae.*

AD. HIERONYMVM

*Vbalinum*

**N***ympae, quae colitis uirides Crystalla p umbras,  
Formosae, & gelido curritis usq. pede,*

Excipite, egregia fessus cum Palladis arte  
 Flos iuuenum uisens marmora uestra petit,  
 Pellite letiferum candentis pectoris aestum,  
 Doctaq. muscoso proluite ora uado.  
 Sic non cedetis doctis Agganipidos undis,  
 Miscentes dulci quod fluit eloquio.

## IN. MEDICVM

Quamquā permagnis efflas tua carmina buccis,  
 Te socj credunt oris habere nihil.  
 Et quamuis longos habeas digitosq. pedesq.  
 Quilibet ignauas increpat usq. moras.  
 Magna fones, sed nulla tenes, magno aggere, nullis,  
 Quodq. magis mirum imberbis es & medicus.

## AD. IVLIVM. PASINVM

QVas mihi tribuis Pasine laudes.  
 Multo te melius decere uisum est,  
 Vt ex carminibus tuis probatur,  
 Doctis Iuppiter, atque amore amandis  
 Maximo. at Triuifano habebogrates,  
 Qui de me loquitur periculosa haec,  
 Et ludit toties misellum amicum?  
 Nullas, sed foret improbus uocandus.  
 Namque olim studium nouem sororum  
 Fortis me hercule sensibus fugauit,  
 Me negocia distinent amara,  
 Vrbs haec mi nimis ingrauat dolorem,  
 Molestissima mi domus tyranni est,

Musae perniciēs domus tyranni.

Ah ferus, canis hic agros hincat,

Languentem tamen omnibus medullis

Me quidam tetricus diu perurit.

Et meros animi colunt camoenae

Lepores, amat otiumq. Apollo.

Ergo si faciem meam uideres,

Nosset ex facie eruditionem.

AD ACHILLEM

ZAMBECCARIVM DE

Desiderio

TE ACHILES mihi neminem aptiorem

Vindicem scio, qui nimis proterui,

Nunc desiderij improbi, & maligni

Pellat usq. superbiam nocentem.

Heu Desiderius ueneni amator,

Amator scelerum impudentiorum,

Omnium pater esuritionum,

Tam negotium atrox mihi faceffit?

Me iniuste lacerat? miser fatigat?

Amatos Clario Deo poetas?

Cessas anguineo Megera crine

Hunc Hunc ferreis cedere flagellis?

Ah quassare faces in ora cessas?

Vix paenas scelerum daturus umquam est

Achilles, nisi tu manu potenti,

Tu clauam arripas, caputq. noxium,

Ingenti sonitu breui retundas.

## DE. ALEXANDRO. MAGNO. ET

Caesare Augusto.

**M**agnus Alexander terris, populisq. subactis,  
 In dubio, quid mox exequeretur, erat.  
 Augustus postquam toto fuit orbe potitus,  
 Hoc dixit maius iam mihi surgit opus.  
 Maius & ingeniuni, maiores posulo vires,  
 Non etenim tantum vincere, quam regere est.

## AD. AVLV. BREVIARIVM

**D**um petit insidijs te Paullus nocte silenti,  
 Praeclaram factis demetit ense manum,  
 Ipse ruis medios expers terroris in hostes,  
 Voceq. terrificas, pectore & AULE fugas.  
 Multi esto vincent hostes sudibus, face ferro,  
 Qui queat absque manu vincere nullus erit.

## AD. AVLV. SEMPRONIVM

**C**arina si nostra haec Vincētius iprobat Aule,  
 Nil moror, ipse etenim carmina nulla probat.

## AD. ANTONIVM

Lomelinum

**A**ltisoni Lomeline Iouis non ultima cura,  
 Hos patrū, sacraeq. urbis spes maxima Romae,  
 Numquam defuerint meritis si praemia digna.



Quam uellem de te subtexere carmina, Phoebus  
Si modo Pieriam me ad sacram sisteret umbram,  
Et sineret fronti uiridem decerpere laurum,  
Inciperem uarios partos tibi dicere honores,  
Ut uis nulla animum recto deducere, ut ulla  
Ignari haud potuit capere assentatio vulgi,  
Vnquam decepit nec habendi caeca cupido,  
Aut lenis ignaui, uel uani gloria facti.  
Et canerem quae magna manet monumēta laboris,  
Seu regere imperijs urbes, populosq. feroces  
Iustitia, eloquioq. tuo compescere suetus,  
Seu dum consilio mortales iuueris omnes  
Verum ego, cum uidear fortunae turbine uolui,  
Iussa aliena sequens, caeco & suffecta ueneno  
Inuidia expellat me Pindi à collibus altis,  
Nec minimam partem laudum narrare tuarum,  
Nec famam ualeo inseruisse micantibus astris,  
Ah quanto melius, quantoq. beatius esset,  
Hoc spatium uitae laeto traducere agello,  
Splendida quam pario pendentiā marmore tecta  
Incolere, atq. aula semper nutritur aurea.  
Namq. ibi permultae discerpunt pectora curae,  
Dum capimur rutilo Romanae lumine mitrae,  
Multorum insidias, fraudesq. subire necesse est.  
Scilicet hoc laudi debes pater optime tantae  
Praecipue adiunxisse tuae, cum uana perosus  
Que uulgus ueneratur iners, pulchro ocia carpis  
Tuta suburbano, latij totius ocello,  
Et celebri docti mansuro carmine Blossi.

Quid tentas rugosa genas, tibi lilia, Adonim,  
 Fucum, & gemmatum poscere reticulum?  
 Crede mihi haud turpi profunt pigmenta figurae,  
 Turpiaq. ornatu corpora perdis anus.

## IN. GVALTERIVM

Folietam

**I** Am Folietam uago totum pede circuit orbem,  
 Et semper sanæ non fuit Anticyrae.

A D. M V S A S

VT. CAESAREM. GALLVM

Adeant.

**M** Vsaë, mi faciles, & obsequentes,  
 Adeste hendecasyllabis, iocisq.  
 Natalis meus est, io sorores,  
 Io dicite, & usque, & usque, & usque.  
 Aetatem hanc mediam meae iuventutis  
 Laetae dicite, nunc bene ominatae  
 Corpori, atque animo, bonisq. uitae.  
 Vultis plenius, & magis beate  
 Pleetra tangere barbiti sonori?  
 GALLVM quaerite, qui est decus canendi,  
 Cui stillant Aganippidos fluentia,  
 Hunc & munditiae fouent, Venustas,  
 Huic rident Paphiaeq. Gratiaeq.  
 O quot gaudia, quot modos, iocosq.  
 Vobis quam segetem osculationum  
 Ministrabit, & elegantiarum?

*O lux candida , & aurea , & relucens ,  
 Et magis nitida , & magis relucens ,  
 Si GALLVS canet hunc diem , simulq.  
 Choreas celebrabit . ipse namque  
 Est potis dare mi dies perennes .*

AD. IVLIVM. MONACHVM CARA  
 pham , & Io. Baptistam Garganum

**O** Vos , qui ambrosias dapes , penates  
*Accestis nitidos Iule , Iane ,  
 Si oestro concitus huc eo , relicta  
 Vrbe , nec minus inclytis amicis ,  
 Factum tam cito mi quid improbatis ?  
 Quis quoeso potuisset abstinere  
 Isti tam celebri , grauiq. honori ?  
 Auleis , domibusq. sumptuosis ?  
 Sat vires , sat opes , sat astus omnis  
 Sunt viro , fateor , nihil latet me ,  
 Et haec singula mors acerbaperdit ,  
 Dura falce metit , necatq. saeva ,  
 Et quod tartareis trahit tenebris .  
 Cuncta confiteor , manentq. uera ,  
 Mente si cupimus nimis tenaci .*

Glyconici

AD. IACOBVM ZACHEVM

**T**Eurget cura scientiae ,  
 Qua supra ingenium uoles ?

*Ad caelum cupis enehi?*

*Turpem segnitiam amoue.*

*Regnum destruit haec lues,*

*Desunt funere litterae hoc,*

*Cum te te illecebrae, ocium*

*Inuadunt, nihil amplius*

*Curabis bona Pallados.*

*Iam te pelliciat fauor,*

*Virtutis studium graue,*

*Iam te gloria, praemia.*

*Pertentent tua pectora,*

*Errorumq. licentiam*

*Solers pellito, & impiger.*

### Emulatio cuiusdam poematis

**D** Elefant piæti flores, frondesq. uenustae,  
 Atq. Alijs præbēt herbaeq. auræq. leuamē,  
 Antraq. securam fundunt per membra quietem,  
 Arma queunt, arcusq. animo depellere curas,  
 Et prosunt umbræ, dulcedine aquæq. salubres,  
 Discutit angoresq. græues spirabile caelum.  
 Heu nostram uitam quod lassam nil iuuat umquam  
 Flos, frons, herba, aura, antra, arma, arcus, umbra,  
 aqua, caelum,

### Inferiae ad Iacobae matris Tumulum

**P** Erfusus lacrimis pectus quæ tristia mitto  
 Carmina pallentis matris ad inferias,

Immensum gnati memorem testentur amorem,  
 Testentur moesta pectora tuncsa manu.  
 Atq. iterum Doralis flauos laniata capillos  
 Muto nequicquam munera det cineri.  
 Europeq. genis non parcat, mater ademptam  
 Te saepe ingeminent, sidera saeva uocent.  
 Vnebas restiq. tenax, grauitateq. lenis,  
 Inter utrumq. decor, uirgineusq. pudor.  
 Nil dictu foedum, nil quod temerare puellas.  
 Aut posset pueros sancta referre dabas.  
 In te cana fides, prudentia magna uigebat,  
 Consilium, ac dubijs casibus ingenium.  
 Et tibi quae nomen pietas tutissima seruat,  
 Quodq. tibi partum est relligione decus.  
 Visebas tu nuâa pedes sacra templa deorum,  
 Dum riget acris hiems, dum premit arua gelu.  
 Diceris hinc hausisse genu atri Semina morbi,  
 Atq. ita tabifico uicta dolore cadis.  
 Sed pia quod cadis, aethereo pia surgis Olympo,  
 Haec fuerant Caeli templa colenda tibi.

AD I. ANTONIVM

Radium.

**S**I tristem mihi, siq. Luctuosam  
 Vitam uiuere Iuppiter dedisset  
 Et Roma procul, & procul Camoenis,  
 Dedisset gelidis RADI his in oris,  
 His secessibus inuys, opacis,  
 September fuit horridus December,

Terra torpuit & gelu, & pruina,  
Et uites aquilonibus, notisq.

Et niue obriguere, & hinc Lyaeus  
Sicco gutture protinus recessit.

Hirsutos adeo, hispidosq. sentes,  
Pro molli uiola, rosaq. odora.  
Interdum obueniunt tamen iocosae  
Nymphae, candidulaeq. blandulaeq.  
Haec pulsat Crotalum puella, at illa  
Magis barbiton increpat, choreas  
Exercens alia instulat medullas.

Sed si è carceribus, repagulisq.  
Profundo è puteo egredi licebit,  
Libertas erit usq. comparata.

# AD LAELIUM VBAL

diuum.

**O** qui Iessaxi caelestia carmina uatis  
Tam doctae latiae concinis arte lyrae.  
Qui regum, qui facta patrum pleetro aedis eburne  
Qui sanctos gaudes sanctus inire choros.  
Enthaea Verlügenae promas mysteria, Laeli,  
Emittasq. senis dogmata legiferi.

Cetera subuertunt uel tristi a bella, uel ignes.

Haec sacra sunt nulla deperitura die.  
Nil timeas dentesq. Canum, morsusq. malignos.  
Non nocet aethereis linor acerbus iners.



## I. HIERONYMI

## CATENAE

## POEMATVM

## Liber Quintus

## DE CLAVDIA

## RANGONA



Quaeris imperium uidere amoris,  
 Quaeris Idaliū, Citheraq. alta,  
 Quaeris consiliū, fidem, pudorē,  
 Quaeris pernitidos, nigrosq.  
 ocellos,

Quaeris purpureas genas, capillos,  
 Quaeris candida colla, pectus,  
 Quaeris compositum latus decenter; (artus

RANGONA potes haec uidere in una,

## IN LUCIAM

Lucida lucidibus mea Lucia lucet ocellis

Phoebeaq. magis Lucia luce nitet.

Occultant Phoebe liuentia nubila uultum,

Umbri feræ solem noctis opaca tegunt.

Ex animis nubes pellit mea Lucia uultu;

Candida nigrenti Lucia nocte micat.

## AD. PAVLLVM. PA

raucinum

**O**Mnibus auxilio es, tenues nec spernis amicos,  
Sed uis officijs usque iuuare tuis.

Tum quoties uoti minus est sententia compos,  
Excruciant animum cura, dolorq. tuum.

**PAVLL**E quidem est etiam multorum uelle iuuare,  
Sed uelle, ac semper posse iuuare, Dei est.

## AD. LANCILLOTTVM.

Lancillottium

**T**Etenet Arginis Ancon habitata colonis.  
**LANCILLOTTE** meae maxima pars animae.

Et pulchras inter lauros à collibus altis  
Hauris Adriaci litora rauca maris.

Nos autem montis frondenti in uertice Iani  
**CLEMENTIS** colimus regia tecta sacri.

Hinc oculos, animumq. urbis nos pascimus alto  
Prospectu, & tristes florida prata iuuant.

Aequora perq. agri sinuoso flumine currens  
Afficit binc Tiberis pectora laetitijs.

Non tamen ulla magis ferrem solatia menti.  
Quam possem tecum dulcia uerba loqui.

Non te sycatō Anconos trahat Ore uoluptas,  
Nec capiant portus ostia pulchra diu.

Nam minor est Ancon, quam ciuis, et ipse sacerdos  
Romanus leuibus distat ab Argolicis.

## AD. IOANNEM. FRANCIS

cum. Bonomum

**B**onome, optime, & omnium bonarum  
 Artium bene cultor, aegra postquam  
 Membra debilitantur, aestuantq.  
 Ipso lethiferi furore morbi,  
 Quam bene, ac sapienter his adesse  
 Decernis placidissimis in oris,  
 Ut puro, ac tenui fruire Caelo,  
 Amouens medicaminum uenena;  
 Quis praecordia saepe deuorantur.  
 Hic mollem uiolam, Ocymum, rosamq.  
 Tellus, auramq. parturit Fauoni,  
 Non desit cucumis, Liaceo amoeni  
 Colles, Palladi non honos negatur.  
 Hic Phoebus residet, lyra canitq.  
 Culta carmina, quis repellit omnem  
 Curam, & sirion, atque amarulenta  
 Docet dulciculo eluisse cantu.  
 Is tibi cytharam dabit canoram,  
 Qua fundens numeros, iocosq. molles,  
 Possis tabificum sugarc morbum.

## AD. FABIANVM

**Q**uod uctes neuere mcae Fabiane sorores,  
 Ducentes agili stamina torta manu.  
 Risit eas magnis tua iam gannitibus uxor,  
 Omneq. Lanificum Palladis odit opus.

Quid credam? mulier fuit haec non persica, numquā  
 Stamina deduxit lanea laena fuit.

## CELEBRAT. MVNERA

Neaerae

**M**Vsa Parnassi, bijugi nireta,  
 Linque, & auratam Cytharam resumens  
 Laudibus magnis celebra Neaerae

Dona puellae.

Gratijs iunctis uenias amorum,

Mater, &amp; pulchris Ericina nymphis,

Huc ueni matris geminae Cupido,

Gloria duplex

Aetheris uasti super astra pexam

Tollite &amp; uestem, niueumq. soccum,

Dulcis, ac in me facilis Neaerae

Pignus amoris

Ipse dum uestras choreas amabo,

Dumq. me Phoebus per opaca Pindi

Ducet hoc multas celebrabo amicae.

Carminelaudes

Nunc canam blandos, nitidosq. ocellos,

Nunc genas tinctas minio, patentem,

Lucidam frontem, niueumq. pectus

Oraq. sicca

Nunc amicum Dīs animum, benigni

Gratiam uerbi, Veneresq. &amp; illam

Qua viros vincit sophiam, beatum

Ingeniumq.

*Te canam semper mea lux Neera,  
Et meae vitae columen, leporq.  
Tu meus primus fueris, meusq.  
Vltimus ardor.*

A.D. TICINEN

**D***um siccas madidos puella crines,  
Qui spirant Cyprios, syrosq. odores,  
Et Venus stupet, & stupet Cupido,  
Sol curris medio polo moratur  
Spectans Lucidulam, comam repexam,  
Longam, & aureolam, huc & huc uagantem.  
Ne uelis Ticine amplius uagari,  
Passum late mea subliga capillum,  
Nam diuini uereor dolos, rapinas,  
Nam manus timeo inuidas, dearum.  
Ab caue ne homines noces ad arma,  
Atq. uras simul impotente flamma,  
Hos uelo, colligatq. uitta  
Nam tot spicula sunt, faces, ueruta,  
Ac per tempora quot fluunt capilli,  
Tot sunt hei misero mihi Catenae.*

A.D. HIERONYMVM

Vbalinum

**N***ympae, quae colitis uirides Crystalla p. umbras,  
Formosae, & gelido curritis usq. pede,*

**E**xcipite, egregia fessus cum Palladis arte  
 Flos iuuenum uisens marmora uestra petit,  
 Pellite letiferum candentis pectoris aestum,  
 Doctaq. muscoso proluite ora uado.  
 Sic non cedetis doctis Agganipidos undis,  
 Miscentes dulci quod fluit eloquio.

## IN. MEDICVM

**Q**uamquã permagnis efflas tua carmina buccis,  
 Te socj credunt oris habere nihil.  
 Et quamuis longos habeas digitosq. pedesq.  
 Quilibet ignauas increpat usq. moras.  
 Magna fones, sed nulla tenes, magno aggere, nullus,  
 Quodq. magis mirum imberbis es & medicus.

## AD. IVLIVM. PASINVM

**Q**uas mihi tribuis Pasine laudes  
 Multo te melius decere uisum est,  
 Ut ex carminibus tuis probatur,  
 Doctis Iuppiter, atque amore amandis  
 Maximo. at Truifano habebog rates,  
 Qui de me loquitur periculosa haec,  
 Et ludit toties misellum amicum?  
 Nullas, sed foret improbus uocandus.  
 Namque olim studium nouem sororum  
 Fortis me hercule sensibus fugauit,  
 Me negocia distinent amara,  
 Vrbs haec mi nimis ingrauat dolorem,  
 Molestissima mi domus tyranni est.



Musae perniciēs domus tyranni.

Ah ferus, canis hic agros hincat,

Languentem tamen omnibus medullis

Me quidam tetricus diu perurit.

Et meros animi colunt camcenae

Lepores, amat otiumq. Apollo.

Ergo si faciem meam uideres,

Nosset ex facie eruditionem.

AD ACHILLEM

ZAMBECCARIUM DE

Desiderio

TE ACHILES mihi neminem aptiorem

Vindicem scio, qui nimis proterui

Nunc desiderij improbi, & maligni

Pellat usq. superbiam nocentem.

Heu Desiderius ueneni amator,

Amator scelerum impudentiorum,

Omnium pater esuritionum,

Tam negotium atrox mihi faceffit

Me iniuste lacerat? miser fatigat

Amatos Clario Deo poetas?

Cessas anguineo Megera crine

Hunc Hunc ferreis cedere flagellis?

Ah quassare faces in ora cessas?

Vix paenas scelerum daturus umquam est

Achilles, nisi tu manu potenti,

Tu clavam arripas, caputq. noxium

Ingenti sonitu breui retundas.

## DE. ALEXANDRO. MAGNO. ET

Caesare Augusto.

**M**agnus Alexander terris, populisq. subactis,  
 In dubio, quid mox exequeretur, erat.  
 Augustus postquam toto fuit orbe potitus,  
 Hoc, dixit maius iam mihi surgit opus.  
 Maius & ingeniūni, maiores posulo vires,  
 Non etenim tantum vincere, quam regere est.

## AD. AVLVM. BREVIARIVM

**D**um petit insidijs te Paullus nocte silenti,  
 Praeclaram factis demetit ense, manum,  
 Ipse ruis medios expers terroris in hostes,  
 Voceq. terrificas, pectore & AKLE f. gas.  
 Multi esto vincent hostes sudibus, face ferro,  
 Qui queat absque manu vincere nullus erit.

## AD. AVLVM. SEMPRONIVM

**C**arina si nostra haec Vincētius improbat Aule,  
 Nil moror, ipse etenim carmina nulla probat.

## AD. ANTONIVM

Lomelinum

**A**ltisoni Lomelinē Iouis non ultima cura,  
 Illos patrū, sacraeq. urbis spes maxima Romae,  
 Numquam defuerint meritis si praemia digna.

Quam uellem de te subtexere carmina, Phoebus  
Si modo Pieriam me ad sacram sisteret umbram,  
Et sineret fronti uiridem decerpere laurum,  
Inciperem uarios partos tibi dicere honores,  
Ut uis nulla animum recto deducere, ut ulla  
Ignari band potuit capere assentatio vulgi,  
Vnquam decepit nec habendi caeca cupido,  
Aut lenis ignari, uel uani gloria facti.  
Et canerem quae magna manet monumēta laboris,  
Seu regere imperijs urbes, populosq. feroces  
Institia, eloquioq. tuto compescere fectus,  
Seu dum consilio mortales iuueris omnes  
Verum ego, cum uidear fortunae turbine uolui,  
Iussa aliena sequens, caeco & suffecta ueneno  
Inuidia expellat me Pindi à collibus altis,  
Nec minimam partem laudum narrare tuarum,  
Nec famam ualeo inseruisse micantibus astris,  
Ab quanto melius, quantoq. beatius esset,  
Hoc spatium uitae laeto traducere agello,  
Splendida quam pario pendentiā marmore tecta  
Incolere, atq. aula semper nutritier aurea.  
Namq. ibi permultae discerpunt pectora curae,  
Dum capimur rutilo Romanae lumine mitrae,  
Multorum insidias, fraudesq. subire necesse est.  
Scilicet hoc laudi debes pater optime tantae  
Praecipue adiunxisse tuae, cum uana perosus  
Que uulgus ueneratur iners, pulchro ocia carpis  
Tuta suburbano, latij totius ocello,  
Et celebri docti mansuro carmine Blosi.

Vnde tibi uiolae, & ferruginei Hiacynti  
 Surgunt, laetificis pubescit foetibus arbos,  
 Pan ubi perpetuo calamos inflare canoros,  
 Et nymphas accire solet. Faunusq. uirenti  
 Valle sedet, collisq. pater per dorsa Lyaeus,  
 Pampinea semper redimitus tempora fronde,  
 Educit taros grauida tellure liquores.

O dulces aurarum animae, quae murmure blādo  
 Hinc, atque hinc flantes alimenta paratis amoeno,  
 Et laeto nemori, curas lenite molestas,  
 Atque ibi permolles festis praebete sopores.  
 Vos, o uos gelidi fontes crepitante reflexu  
 Lympharum, saluete boni, per grata uireta  
 Ite citi, atque aestum, torret dum sirijs agros,  
 Pellite, tum circum bibulas intrate latebras.  
 Non deerit uobis solers Lomelinus opacae  
 Ducere mox late hinc, atque hinc per uiscera terrae  
 Muscoso subter pendentia fornice tellae.  
 Inde caput uinis lacubus condetis in altis,  
 Quis uada collidunt uitidi per nitrea pisces.

O mihi si propter uos carmina condere in aunis  
 His teneris, musis genialibus usq. daretur,  
 Parui ego Pactolus fuluas quas ructat arenas  
 Tunc facerem, populi optatam plaudentis & aurā.  
 Istic nam canerem lucentia sidera caelo  
 Pleiadas, Arcturum, aut terris Oriona minantem  
 Perspicere, & quo se ipsa ferat uaga Luna meatu,  
 Tantaq. uis quare radijs solaribus insit,  
 Quo rerum euentus manent, quid fata gubernent.

*Verum ipse interea Musis, & Apolline digno  
Magne pater, genioq. loci laetere, & agello,  
Quo possis uarios tibi iam releuare labores!  
Ac laudabilibus noli desistere coeptis  
Indocti pendens floci, comercia uulgi.*

AD. CLEMENTEM. MONILIANVM

Cardinalem. Araecaeli

**M***Agne pater, leges primum; diuinaq. iura  
Debebant, pietas, religioq. tibi,  
Vno cuncta simul quod clausa uolumine paruo  
Sunt tibi, quae sparsim tot docuere patres,  
Singula nam carpis studio selecta fideli,  
Vt uarios flores sedula libat apis.  
Nunc magis, atque magis debet sacer ipse Senatus,  
Diuitior quod sit quam fuit ante liber,  
Addere quod placuit, caelebs, purusq. sacerdos  
Vt peragat sancti mistica sacra Dei.  
Quod peccatorum quae sint discrimina pandis,  
Vt nihil uberius lector habere queat.  
Vt monumenta legens multo uigilata labore  
CLEMENTIS, dicat, sic mouet Ora Deus?*

AD. HORATIVM.

Massarellum

**Q***uod sibi per Paullum Continus uiderit Aeglen  
Vxorem in somnis tetra uenena dare,  
Allia, serpillumq. parat tum Semina capi  
Colligit, ut praesens ebibat antitheton.*

*Massarelle probas factum, sed ego nego factum  
Esse uiri, in quo sit paruula mica salis.*

*Nil Paullum ille quidem caueat, tetrumq. uenenū.  
Sed Paulli caueat inguina saeua magis.*

## AD. MARIVM.

## Podianum

**C***um Paullus mihi docte PODIANE*

*Virtutesq. tuas, tuosq. honores,*

*Mores, ingeniumq. praedicaret,*

*Ignem incredibilem tui uidendi*

*Excitauit amoris, ut uidere*

*Te uellem mage, quam suos amicas*

*Amantes cupiunt satis, superque*

*Fortunatus ero, & beatus ipse,*

*Si te conciliem mihi profecto*

*Hoc erit mihi pluris aestimandum*

*Thesauris Arabum, Indiaeq. gazis.*

*Ergo carmina tam uenusta condis?*

*Et docta fide riuulos moraris?*

*Et cautes trahis, & nemus, ferasq.?*

*O mihi liceat tuis camoenis*

*Frui, colloquio, facetijsq.*

*Et docta simul institutione.*

*Huc accede MARI ad lares disertō*

*Pauli, & nos hilara tuo lepore.*



## DE. CHRISTIANO.

Sacerdote

**F**esta Deum quondam stulti coluere parentes.

Ara fuit Casio uana dicata Ioui.

Caeruleum regem tauro est uenerata uetustas,

Traditus intonso est Hircus Iacche tibi.

Et placauit equo demens Hyperiona Persis,

Cornipedi fauno caesa capella fuit.

Nunc autem non exta Deo, non uana peratur

Hostia, at in noto gramine uiuit ouis.

Non pecudum fibrae, aut taurorum uiscera flammis

Dantur, sed colitur mente, animoq. Deus.

Vera patent, uerumq. patrem ueneramur, ad aras

Descendit, nostras audit & aure precis.

Falsus erat Panthus, falsus triniaeq. sacerdos,

Verus nunc sacris ipse minister adest.

Mortua fingeant pauca illi marmora, & aera,

Quotidie hic uinum conficit ipse Deum.

## AD. MICHAELEM.

Dolleram

**D**OLLERA. te Martis castra insidiosa fatigant?

Nunc & in aduersos te piget ire globos?

Non ne uides quot in arma ruant fera pectora bello

Thraces, quam saeuus ingruat inde furor?

Eia age sumas arma citus, galeamq. comantem

Magnanime, & nostris, quam potes, asser opem,

Quid facient, diceas, contra tot milia pauci?

*Non hostis numero uincitur, ille animo.*

# IN. PONTICVM

**I** Rasci noli, si nunc tibi Phyllida praefert  
Coelius, in capitis lite Minoris aui.

*Teq. marem clamas, & binis testibus esse:  
Mas es confiteor Pontice, sed malus es.*

# AD. BONVM BONIVM

**O** qui nomine, re, bonaq. iuris  
Doctrina es bonus, o decus bonarum

*Artium bone, Iuppiter bonus cum*

*Videret male sensa pulchra legum*

*Exponi, inquit, erit bonum necesse*

*Virum deligere, ut tenebricosa, &*

*(Post tot Italiae malas ruinas)*

*Abstrusa hic bene iura iam recludat.*

*Delegit te igitur, qui & eleganter*

*Doctrinam, & bonitate singulari*

*Explanas, ut eam labore nullo*

*Te docente queant ineruditi*

*Nunc intelligere. Ergo iure tota*

*Roma, Gallus, Iberq. Sarmataeq.*

*Te Germania, & ultimi Britanni*

*Laudabunt, & ad astra clara tollent.*

*Quare possimus est Bonum legentem*

*Qui nunc carpere amat. Sed hos amicos,*

*Nos omnes Bone legibus beatos*

*Precamur facias, bonosq. reddas.*

*AD.*

## AD. MILEM. PISTRICEM

**H**umanæ es uitæ Pistrîx intentâ iuuandæ,  
 Munifica & cunctis das alimenta uiris;  
 Vt serues corpus noctesq. diesq. laboras,  
 Nec cessas niueas sollicitare manus.  
 Ipsa perire meum cernis corpusq. animamq.  
 Dulce tuum nec das candida Milis opus.  
 Ah nimium uere Pistrîx, nimis effera Pistrîx,  
 Immeritum quæ me dilaniare studes.

## AD. AVGVSTINVM.

Laparinam

**D**ico Pirithoo, proboq. Theseo  
 Praeferende uenuste Laparina,  
 Non te iurgia, litigantiumq.  
 Clamores, pauidi rei, & clientes  
 Satis sollicitant? Quid ergo poscis  
 Tot praetoria iura? tot seueros  
 Fasces? cur animum leuare curis  
 Iam non incipis, & laboriosum  
 Non linqvis forum, & improbas querelas?  
 Nunc uersus age melle dulciores  
 Fingas, nunc reuoces nouem sorores,  
 Atque albis lateas diu papillis  
 Furtinae Veneris tuae: Senectus  
 Leges, iuraq. Caesarum ministret.

## AD. BERNARDINVM

Iacobillum.

**B**ernardine, tibi sunt munera sacra dearum,  
 Aonii montis quae iuga summa colunt:  
 Est acre ingenium, grauitas, facundia, amicis  
 Largus es, & miris auxiliare modis.  
 Gratiaq. est tibi, diuitiis nunc affluis amplis,  
 Ut ditem valeas exuperare Midam,  
 Non tamen esse bonum uere es ratus illud, iniquae  
 Fortunae quoniam pendet ab arbitrio.

## AD. ANTONIVM. CASTELLINVM

Brasichellentem.

**A**ntoni. Aonidum lepor sororum,  
 Amator quoq. carminum meorum;  
 Quam sit dura mihi puella disce.  
 Quando visum eo, linteis ocellos  
 Obtigit fera, ne videre possim;  
 Et me tam faciunt beatum ocelli,  
 Quam cum non uideo, opprimunt misellum.  
 Et cum dicere conor, Ah puella  
 Meum suauiolum, meum leuamen,  
 Meae deliciae, melosq. nostra  
 Corda, nequitiae, sales, lepores,  
 Protinus fugit, ut repente uisus  
 Serpens esset, & hydra, cerberusue.  
 Quantumuis fuge mobilis proterua,  
 Quantumuis tege perfidos ocellos.

*Tanto te sequar & magis magisq.*

*Tanto non oculos uidens videbo.*

IN. OBITVM. M. PLVTIONIS

Neapolitani.

**P**rofuerunt non ulla tibi auri pondera fului,  
Cum rupit uitae stamina parca tuae.

Nascentem placidis numquam te vidit ocellis  
Quae clarat uates Calliopea suos.

Lethaeas igitur tetra caligine pressus

Ibis aquas, remanent nomina nulla tibi.

Vade age thesaurum condas tellure sub ima,

Ecce tui spoliū Plutio Plutus habet.

AD. BARBARAM. SANSEVERINAM

Salae Dominam.

**D**um Sic BARBARA carmina inuenusta  
Extollis mea, te tuis uenustis

Tollis carminibus, tibiq. honorem

Fontis Castalij praecoccupasti,

Quo sappho micuit; Myto, & Corinna.

Argentaria Polla, docta Agacle.

Ipse conficior dolore, ut omne

Desit cor, animusq. spiritusq.

Nec cibum capit os, soporem ocelli,

Respondet mihi nec uocata Clio,

Nec sponsas patior, iuuenclasq.

Atq. anus catulire, virginesq.

Totus torqueor, opprimor, peruror.

# LIBER

*En totum caput ut grauedinosum  
 Albicat mihi, barba tota, ut ora  
 Pallorem, maciemq. praefigurant.  
 Non sum, non ego, quem putas Catenam,  
 Ille heu occidit, heu iacet sepultus,  
 Sum tantum illius umbra, & umbra inanis.*

*Illud Idalis, illud heu fera, heu heu  
 Patrauit scelus ex uagis ocellis,  
 Oscillo ex roseo, atq. purpurillo  
 Sublustris, teneroq. lacteoq.  
 Ex sinu Ticines, & ex eburno  
 Collo, ex suauiloquo modo, ex lepore,  
 Atq. ex fronte diespiter fercna.*

*Sortem hinc defleo, & hinc acerbata fata,  
 Hinc suspiria, & omnia aegra, & atra,  
 Hinc fontes lacrimarum, & hinc dolorum  
 Acerui, hinc Acheronta, & hinc tenebras,  
 Hinc manes, Lemures cio, & barathrum  
 Cum sit nil reliqui mihi salutis*

## DE POMPEIO

Hispano

**D***um Glicere scortum Pompeium millia poscit,  
 Nec dare delicias posse minoris, ait.  
 Ipse cupidineum exoptans saturare furorem,  
 Imperat in uitreo meiat ut ante scypho,  
 Lotia tunc subigens, geminat suspiria, dicens  
 Cum nequeat carnes, iuscula pauper edat.*



DE. PHYLLIDE. ET. AMILCONE

Pro. I. Franc. Guadagnolo

**A**ureus ardebat formosam Phyllida Amilcon,  
Atq. dabat certi foedera coniugij.  
Inuidit quidam stolidus, qui mente maligna  
Fecit amatoris irrita vota probi.  
Sed te, qui optatos iuuenis seiungis amores,  
Disperdant superum numina cuncta deum.  
Te feriant homines passim, tibi terra dehiscat,  
Atq. neget lumen sol tibi, pontus aquam.  
Vxor adulterio vulgi se dedat aperto,  
Sit soror impuris consocianda uiris.  
Et cadat ante pedes confectus tabe, fameq.  
Filius, & tellus urgeat ossa patris,  
Urgeat & matris, nec sis miserabilis ulli,  
Mendicæq. petas saepius aerâ manu.  
Teq. nepos, uerum sero, tuus ense ferire  
Noscat, & inuento gaudcat ille suo,  
Mortuus iniecta nulla tumuleris harena,  
Nec sit qui praestet manibus exequias.  
Sexcentum erres annos, post te falce rapaci  
Ducat ad infernas pallidus Orcus aquas.

AD. NAPEM. SIMPLICIAM

**S**egmenta, & tyrio saturatas murice pallas  
Induis, o crines comere docta Nape.  
Sic mihi suspecta es, sic mendas oculis ipsas,  
Exue, namq. places simplicitate magis.

## AD. PRESBYTERVM

Amicum aegrotantem.

**S**tamina ne Lachesis rumpat properata vereris,  
Ne timeas, pignus posteritatis habes.

## AD. RAINALDVM. CORSVM

**D**um pietas, dum cana fides seruabitur, ipsa  
Religioq. Deum non labefacta cadet.

Dum scelus exilium luet, & dum Iuppiter omnes  
Impuros merito conteret exitio.

Te Rainalde omnis uenerabitur Ausonis ora,  
Romaq. dicetur facta beata magis.

Ipsa etenim & rerum causas, & mystica sacra  
Nosti, & quae caeca nube latere solent.

Felix, naturae potuit qui discere mores,  
Et cui, ter felix, occulit ipsa nihil.

## HYMNVS

## AD. DIVVM. BENEDICTVM

**H**ic ades summis Benedicte ab oris,  
Dum tibi carmen modulor, sacrisq.

Dum fauent ciues, hilarata dumq.

Nursia plaudit.

Et tibi doctae puero sorores

Ora repleant helicone sancto.

*Et tibi primum placuit magistras*

*Ire per artes .*

*Diu tu mecum o Erato relicto*

*Nunc uelis pindo gelido uagari*

*Per sacras laudes , & inane olympi*

*Currere apertum .*

*Primus hic nostram properare sanctos ,*

*In choros gentem docuit , superbae*

*Hic fuit primus latiae uocatus*

*Gloria gentis .*

*Hic tulit Christo innumeros triumphos ,*

*Hic manus saeui superauit hostis ,*

*Hic malo praedas inimico ademit*

*Saepe cruentas .*

*Non datum caecum nocuit uenenum ,*

*Non Venus casto nocuit nefanda ,*

*Nulla constanti nocuit uoluptas ,*

*Non sitis auri .*

*Quid canam , quando puerum peremptum*

*Pergrauis muri subita ruina*

*Ex nigris uerbo reuocauit ipsis*

*Faucibus Orci ?*

*Alterum tractum fluuiali ab unda*

*Liberat Mauri manibus , per ipsas*

*Qui ambulat lymphas , liquidumq. tranat*

*Cum pede sicco .*

*Quid canam omni tot memoranda seculo*

*Facta , uel cum fons olei refluxit*

*Amphora , montem uel ubi irrigauit*

# LIBER

*Lympha repostum ?*

*Vos mei ciues date tura , & aras*

*Ponite huic diuo , choreas puellae*

*Nescite , Eois opibus rigentes*

*Sumite uestes .*

*Vos pij festa religate fronde*

*Tempora , & circum pueri coronas ,*

*Floribus textas , uariosq. ueris*

*Spargite honores .*

*Pectine arguto tetigisse neruos*

*Nunc iuuet , neruis numeros referre ,*

*Nunc doce nostros resonare montes*

*Nursia diuum .*

*Hunc poli nostrum geniale fidus ,*

*Gentis hunc nostrae decus omne , grato*

*Facto , & arguto uenerentiur ore ,*

*Cordeq. puro .*

*Vt procul pellat fera bella , amorem*

*Caedis in ciues , odiumq. dirum ,*

*Et frui longa placida quiete ,*

*Paceq. donet .*

## AD. PERHILLAM

Regiam

**R**egia non cessas flauos medicare capillos ,

*Atque tuas fucō pingere stulta genas .*

*Pectora nunc ornas , speculum nunc consulis ipsum ,*

*Nunc tibi , nunc oculis non facis ipsa satis .*

*Tu male auaritiae audis foedo crimine in urbe ,*

*Accumulas, quamquam est grandis acervus, opes,  
Non mirum mulier tota es, perfecta q. non sunt  
Mollis naturae Regia iura tuae.*

AD. BARBARAM. SANSEVERINAM

*Salae dominam. dum aegrotaret.*

**S***i candens ebur, & paphios si uincis olores,  
Siquis magis rutilo BARBARA sole micas,  
Nullis te poterit nox importuna tenebris  
Laedere, uel nigris Persephone facibus.  
Tu nosti horrificam sub tartara pellere noctem;  
Et iacere in matrem lampadas Eumenidum;  
Nil orcum timeas; aperis dum lumina, tetrum,  
Namq. tuos oculos pallidus ille fugit.*

AD. XISTVM

**S***cribis ephemeridas, duplicas & nomina Xiste,  
Maiores Pluto scribit ephemeridas.*

AD. PONTINIAM

**V***ultur es, exhausti quod amas moribunda Camilli  
Membra, quod immerito uiscera nostra noras.  
Sed sine natorum Pontinia prole futura es,  
I, nunc caucaseas hinc imiteris aues.*

IN. MATHONEM

*Grammaticum*

**A***puero docuisse Matho fers Arma uirumq.  
Nec quidquam ingenio doctius esse tuo.*

*Ac te Romanis graiam dictasse camoenam  
 A puero, iactas per fora, perq. domos.  
 Si te Romani à puero uidere docentem,  
 Quando uiderunt te didicisse Matho?*

## HYMNVS

## AD. DIVAM. MARIAM

**A***fferte his aris redolentia balsama sacris,  
 Ingerite accensis masculatura focis.  
 Haec viridi lauro, & croceo loca cingite acantho,  
 Et tegat hanc totam flos hyacinthus humum.  
 Dicamus bona uerba, dies nam festa reluxit,  
 Aethereos scandit qua sacra Virgo choros.  
 Flumina percuperem uel nunc ego lactea fandi.  
 Nunc cuperem sanctum pandi Helicon a mihi.  
 Vt canerem choreas caelo radiante peractas,  
 Multaq. gaudentes gaudia caelicolas  
 Ac diua ut fruitur uultu natiq. patrisque  
 Sanctaq. ut aethereus pectora replet amor.  
 Vt cuncti Mariam terris, caeloq. potentem,  
 Et nantis fidam per uada salsa ducem  
 Concelebrent, metuantq. simul uenerabile numen,  
 Laudibus extollant nomen ad astra piis,  
 Testantur, quando haec conuentu saepe frequentant  
 Delubra, atque aris picta tabella datur.  
 Sed quia Museo non sunt mea tincta lepore  
 Carmina, non Mariae dicere facta queo.  
 Tu mea, tu virgo pueriliaq. ora resolue,  
 Et me Pierio siste beata iugo.*



*Consule & afflictis nostris virgo optima rebus,  
Vt pede ad has artes liberiore ferar.*

A D. ALEXANDRVM. FARNE

sium Card. amplissimum

**O** Sacri decus inclytum Senatus  
Farnesi, tibi plurimum fatentur

Debere haec tua secla, quod tulisti

Marones, & Horatios, Catullos,

Qui cunctis tua facta predicarunt,

Experti eximiam benignitatem.

Sed maiora manent perenne seclum,

Manent gaudia sempiterna Romam,

Cum sacrum imperium tibi regendum

Deus tradiderit, quod ipse Apollo,

Et uirtus celebrant, fidesq. Honorq.

Inter purpureos micas galeros

Primus, & reliquos honore praestas,

Vt sol sidera clarus antecellit.

Humanissime nunc sine impetrare

Mecoenas rogo, quod facillimumq. est,

Et dignum bonitate singulari,

Ne sim munificentiae tuae expers.

Sic me perpetuo tibi obligaris,

Sic tibi Deus optimus rependat

Vita maxima dona sempiterna.

## DE. MIRLETO. ET.

Isabella. Luna

**M**irletum dum irata toro deturbat ab alto,  
Romano luans facta Isabella foro est.

Namque heros iussit pretiosas sumere uestes  
Carnificem, & Lunae testa subire lupae.

Quem subito admisit thalamis, & blandula tota  
Nocte fouet, magno nam putat esse lucro.

Hunc lecto excitum sed cogit mane satelles

Exempla in trepidos edere multa reos.

Tunc se delusam uidet, insidijsq, subactam.

Sensit delicias se dare carnifici.

Ab clamat solues Praedo mihi sanguine paenas,

Namque uirum quando est femina uicta dolis?

## IN. CRUCIANVM.

Iuris. Peritum

**T**Enon immerito Crucianum Mantua dicit,

Cum profers medio iura seuera foro,

Haec bene conueniunt tibi, tantum nomina, summum

Ius tribuens, tribuis tot Cruciane cruces.

## AD. RHOESVM. CAE

sium. De. Paullo

**M**iraris, Paullonascantur pignora nulla,

Non illum faciat iam sua Galla patrem.

Coniugium licet illorum inuuet altus Apollo,

Et faueant apto Iuno, Venusq, toro.

*Omne tamen Caesi sterili Venere exigit aeuum.*

*Ab inuitam uxorem comprimit ille suam.*

AD. ANTONIVM.

Monelianum

**A**Ntoni, tibi gratulor molesta  
 Te febris caruisse, suauiores  
 Et cibos fieri, merumq. dulce,  
 Quis artus recreas siticulosos.  
 Quid piaē ualeant preces uidemus,  
 Vita quid tua puriter peracta,  
 Et quid religio, boniq. mores.  
 Non enim uoluit pater deorum  
 Florenti rapuisse te iuuenta,  
 Tam sanctum caput haud licet uidere  
 Orci tam cito ianuam profundi.  
 Da puer cytharam mihi sonoram  
 Nam uolo superum benignitati  
 Laudes dicere, restituta postquam  
 Vita est Moneliano, & haec quotannis  
 Spondeo celebrare sacra cantu.  
 Dī uos sed facite hunc pium, & uenustum  
 Virum uiuere ad ultimam senectam.

IN. LIVIDVM

**L**uide te nostros audiui carpere uersus,  
 Iam nunc esse aliquid carmina nostra puto.

## IN. LYGDAM. E GRÆCO

**R**espiciens silices longo uir marcet ab aeuo  
 Lygda tuus, ueteres inter habendus quos  
 Semper edit malas, mytilum, fungosq. suillos,  
 Inq. soporifera stertere nocte solet.  
 At nobis iuuenile femur, faciesq. decora,  
 Instructa est dapibus mensa opulenta bonis  
 Ne pereant anni, si uis tu nupta uideri,  
 Ipsa meo lateri consere nuda latus.

## IN. OPVS. LAURENTII

Gambaraë Brixiani.

**H**inc Venus, hinc natus flebat ppe Tibridis undas  
 Amissa in terris iura pudicitiae.  
 Constricta heu nullo est obscœna licentia nodo,  
 Quæque canit uatum turpia lingua procax.  
 Hic facit iratus Veneri conuicia, Amorem  
 Arguit ille probri, perniciemq. uocat  
 Hinc dolor, & uulnus, supremaq. funera Elisæ,  
 Furtaq. Pasiphææ, furta Lacaena parat.  
 Sensit, & indignans exculti carminis author  
 Gambara, lasciuios non tulit ipse modos.  
 Tam puro ardentem sed Daphnim lactat amore,  
 Ac Leucen, ignes dum bibit illa suos.  
 Ut pueri Idalii famæ, matrisq. Dionæ  
 Consulat, Aonidum restituatq. decus.

In Gaspari Coligni interitum .

**S**I queris cur nulla fides seruata coligno est ,  
Cum cecidit tanto uulnere ? prodiderat .  
Post laqueum , post mille neces , post funera , quare  
Non potuit templis condier ? eruerat .

In Marthaeum Senargam .

**P**endet ab ore tuo iuuenis , Matthaeae , senexq .  
Verbaq . non audet amplius ulla loqui .  
Concilio uenisse Deum te credit ab alto .  
Sicq . loqui gemmas , sic fluere ore charin .  
Patria conspicuis te non tam laudibus ornat ,  
Quantum tu patriam moribus , & studiis .

A D. FERDINANDVM. MEDICEN  
Cum Cardinalis creatus est

**A**rcentur folio iuuenes , roseoq . Senatu ,  
His uetitum sacris posse adhibere manus .  
At nunc nobilita , tua uirtus , gratia formae ,  
Ingenium probitas , consiliiq . fides ,  
Condecorant iuuenes , prorsum sacra purpura leges  
Ferdinande hominum dat superare tibi .

AD. IO. FRANCISCHVM,  
& Antonium Cocchos.

**O**uos, qui studia artium bonarum,  
Et dulces Heliconidum recessus  
Amatis iuvenes, nihil labori,  
Parcat is uel libris uoluminosis.  
Purpurea celebres, togaq. claros  
Ciues aspiciat, & quid Vrbs honoris  
Donet eximijs, uirisq. doctis.  
Postquam noxia iam nihil uoluptas  
Vos compressit, amorq. turpis auri,  
Non marmor parium, Indiaeq. gemmae  
Pertentant, bimaris uel aes Corinthi,  
Spartaniqu. mouent greges Galei,  
Sed choros Aganippidum petistis,  
Permessi aurea; gemmea & fluenta,  
Tot uos praemia, principumq. fasces  
Manebunt, roseis caput coronis  
Cingent Castalides, Iouisq. magni  
Nato tertice. uterq. fiet inde  
Nostri gloria temporis, decusq.

AD. FRANCISCHVM  
Bandinum.

**F**irmiori adamante, puriori  
Crystallo renitet tua hinc & inde  
Et constans probitas, honestum, & aequum  
Bandine, hinc hominum eruditiorum



Coetus te ueneratur impotenter ,  
 Ac te Pierides ferunt ad astra ,  
 Ne post funera te nigris fauillis  
 Inuoluat nimium seuera parca ,  
 Annorum ue tegat malignus ordo .  
 Immo tu celebris recenti honore ,  
 Magisq. & magis omnibus daturus  
 Exemplum venies uerum per ora .

## AD. IO. GALEACIVM RO

scium equitem

**R**OSCI Castalidum , Iouisq. magni  
 Illustris soboles , nepos Diona  
 Me cepit Ticines nigris ocellis ,  
 Et iussit studio , atq. amore summo  
 Illos versiculis ad astra ferre .  
 Per me cum nequeam , beate Rosci ,  
 Et omnis tibi rhetor , & poeta  
 Cedat , dum loqueris rosas , & aurum ,  
 Da pulchram hanc operam mihi , Camoenae  
 Sic uelint tibi , gestiantq. semper  
 Osculum dare roscido labello .

## I. HIERONYMI

## CATENAE

## POEMATVM

Liber Sextus

AD. SCIPIONEM

Gonsagam

**G**onsaga, Anides tibi sorores,  
 Non Clotho, aut Lachesis Dea, Atroposue,  
 Nentes purpurea colo, aureisq.  
 Fuscis aurea fila candidorum  
 Deducunt seriem tibi dierum.  
 Hinc cultum ingenium, hincq. litterarum  
 Ornamenta, lepor, boniq. mores,  
 Oris delictum est, tui hinc amorem  
 Nostris omnibus excitas medullis.  
 Iam Pallas tibi gemmeas coronas,  
 Et nympha Tyriae ferent amictus  
 Tinctos murice. Seculum beare  
 Vt te conspicio, vt referre Athenas?  
 Sed ne quid videar tibi ominari  
 Incompto hendecasyllabo hoc inani,  
 Dent tibi superi omne, quod mereris.

## DE. SE. IPSO

## I N. P A L L A D A

**I**N somnes, diraeq. coquunt mea pectora curae,  
 Quas in me semper Pallas iniqua seris.  
 Cum primum teneris colui tua numina ab iannis,  
 Coeperunt fieri fata inimica mihi.  
 Non ne patris fuerat satius me excellere in arte,  
 Et cognatorum seria facta sequi?  
 Quam per te numquam soles spectare serenos,  
 Aut capere e studiis commoda nulla meis?  
 Haec donare tuis discis cultoribus? ecquid  
 Mirum, si infelix noctua iuncta tibi est?

## DE. ASCANIO. CORNIA

**T**Hreiciis Melite tot dum oppugnatur, et Afris,  
 Et paene aequantur maenia celsa solo.  
 Ascanius subito Romanis inclutus armis  
 Occurrens in eos martia castra mouet.  
 Turcarum trepidare metu dux coepit, & ipsos  
 Tunc cogens socios, uel inolasq. rates,  
 Iam cedamus, ait, Romana insignia nosco,  
 Nosco animos, nosco robora magna ducis.

## DE. HIERONYMO. VVLPIO

**D**octum, Pieri, Vulpium saluta,  
 Quaeras hunc tibi vindicem parare,  
 Magnum quem penes est decus canendi,  
 Si hunc negocia multa sfortiarum  
 Distinent, nimium molesta ne sis,  
 Inter seria non bene audieris.  
 Sed si Thespiadum colit recessus,  
 Ludens illecebras, iocosq. molles,  
 Securo poteris sinu morari,  
 Hoc tu vindice sordidam culinam  
 Vitabis, neque scombro eris cucullus.  
 At lares dabitur potentiorum,  
 Vias, & fora tutius uagari,  
 Vni, si sapias, huic stude placere,  
 Quod si feceris, omnibus placebis.

## AD. VIRGINIAM. HORA

tiana imitatio

**C**rudelis, Venerisq. potens si munere Virgo es.  
 Sulcabit rugis cana senecta cutem,  
 Aureolaeq. comae, refugaeq. a fronte peribunt.  
 Tabescet nitidus pectoris iste decor,  
 Hispida tum facie cunctis spectabere, dices  
 Quando te nitido uideris in speculo,  
 Cur mihi non eadem fuit haec mens ante senectam?  
 Vel cur his animis non rediere genae?

## AD. PAVLV. TOCCIVM

**E**st dominae natus, caecusq. puerq. Cupido  
 Est puer, & caecus, hic ferit, ille ferit,  
 Ambo te cruciant, alter sub nomine Pauli,  
 Alter ferro, in te saevus uterq. puer,  
 Tu quoq. fallacis non spectas ora puellae,  
 Creâs adhuc, nimium es caecus, & ipse puer.

## DE. CLOELIO. ET. IVNONE

Sorore

**I**vnem foribus peccantem vidit apertis  
 Cloelius, & damnans facta sororis, ait,  
 Nec Dea Iuno palam complectitur ipsa tonantem,  
 Te tamen exposito corpore prostituis.  
 Cui soror, o dilecte meis plus frater ocellis  
 Haec faciunt homines, dixit, at illa Dei.

## AD. PAVLLVM. TRIVISANVM

**C**um diu Trivisane in Vrbe cogar  
 Libris dicere plurimam salutem,  
 Paene aedidici loqui latine,  
 Ad haec regia tecta cursitando.  
 Et iuventa fugit, meam senectus  
 Iam frontem parat exarare rugis,  
 Ipse nil parò prominens in aevum  
 Aeternare, Iuva ergo consulendo,

*Et omnem excutias mihi ueternum*

*Paulle, qui es pater eruditiorum,*

*Quem sinu erudit Minerva, donat*

*Cui scribere tam manu eleganti,*

*Et stilo Cicero latininitatem.*

*Huc adsis, rogo, nam quiete dulci*

*Omnia eluam amara, doctiorem*

*Me reddes quoq. collocutione.*

## AD. PAULLVM. MANVTIVM

Aldi F

**P***Aulle gloria Romuli nepotum,*

*Qualem, secula post tenebricosa,*

*Apollo, radians ab ultimo Indo*

*Numquam uidit ad ultimum Britannum.*

*O si dent mihi Caelites, ut ipse*

*Tecum uiuere, & ocio in beato*

*Soles condere collocutione*

*Possim, diuitias, domus potentum*

*Non putarem equidem pili aestimandas.*

*Namque barbarie breui fugata*

*Leporem, ingenium tuum in loquendo,*

*Et grauem, uariam, optimamq. formam*

*Afflares mihi, & ipse Tullianus*

*Viderer. Sed age artium bonarum*

*Et graui simul, & simul latinis*

*Perge reddere pristinos honores,*

**PAULLE** *gloria Romuli nepotum,*



## AD. MARIANAM.

Britanniam

**D**um faciem Mariana doces medicare puellas,  
 Mentiri & fucō labra tenella nouo.  
 Obduetamq. cutem sparso laeuare veneno,  
 Efficis, ut mulier uel bona, non bona sit.

## AD. POSTHVMVM

**S**i quid narratur mihi, credis, si quid ab Aulo,  
 Et si quid uulgus, Posthume credis, ait,  
 Vix tamen ipse tibi credo. Nam credimus illis,  
 Qui nimium sūeuit dicere, credo, parum.

## AD. PAVLLVM. ODESCALCVM

**F**acundae nullus praestat tibi fulmine linguae,  
 Et multos anteis dotibus ingenii,  
 Ac tibi longaeuos, & maiestate uerendos  
 Consilio patres vincere posse datur,  
 Nec magis egregius quisquam est in rebus agendis,  
 Non tamen ipsa tibi purpura sacra datur,  
 Nulla est Paulle quidem laudum iactura tuarum,  
 Nam sacer à meritis sat tibi uenit honor.

## AD. CLEMENTEM. MONILIANVM

Cardinalem Araecaeli.

**C**oncubitu indulgens foedo, corpusq. sacerdos  
 In venerem soluens, polluit ipse deos,  
 Sacraque confundit, cupit & pia templa cremari,  
 Aeternos uere destruit ipse deos.  
 Qui potuit tantum facinus petrare, quod ulla  
 Barbara gens maius crimen habere potest?  
 Quid prodest illum puras inquirere uestes,  
 Quid calices puros, uinaque pura, & aquas?  
 Si impuris animis, si impuro corde ministrat  
 Sacra, & si spurco corpore tura cremat.  
 Casta placent superis, veterum sententia nota est,  
 Nec nisi sunt casta sacra tenenda manu.  
 Testis Apollineus cultus, cererisque perennes  
 Et culti aeterna virginitate foci.  
 Quid, quod & Aegyptus corpus seruasse pudicum  
 Nouit, & hinc ipso se abstinuisset sale?  
 Ut superis caderet puris etiam hostia pura,  
 Conueniensque deis usque daretur honos.  
 Nonnullos quondam legi potasse cicutam,  
 Addictos postquam se meminere sacris,  
 Et Cybeles omnes sese castrasse ministros,  
 Ut semper caste templa adeundo forent,  
 Abstinuit capra Romanus & ipse sacerdos.  
 Nec caprae nomen hiscere fas fuerat,  
 Lasciuas hederas etiam tetigisse nefastum,  
 Ipsius & semper nomina crimen erant.

**S**umebant herbas Veneri pergrata negantes  
 Gaudia, in his acuens lumina ruta fuit,  
 Quid, quod & Haebraeus uates, magnusq. sacerdos  
 Oracla accipiens, coniugio abstinuit?  
 Quid Christi sanctos iuuenes exempla secutos  
 Virgineos memorem tot peramasse choros?  
**N**unc genus infelix hominum scelerare deorum  
 Tempa audent, sanctorum & benefacta patrum,  
 Cuncta furor Veneris permiscens fanda, nefanda,  
 In sanctos etiam uult penetrare lares,  
 Omens caeca hominum, o stygiae ludibria mortis,  
 O gens infandis obruta flagitiis,  
 Quid reliquum est nobis, sacra si sedare paratis,  
 Concubituq. aras perdere sacrilego?  
 Ipse pater Clemens sacris deducta libellis  
 Prome salutifera iam tua scripta manu,  
 Eia age magne pater sanctum defende pudorem,  
 Defende intacti iura sacerdotii,  
 Ne quisquam tentet leges temerare sacratas,  
 Aut scelus hoc dira conditione uelit.  
 Sin permittetur, sprete pietate, uidebis  
 Esse eodem breuiter fasq. nefasq. loco.

# AD. IO. BAPTISTAM. ALEXIVM

De quodam numismate dono dato, quod  
 Roma appellatur.

**H**oc magica, ut perhibent, est arte numisma reptū  
 Monte, ubi fatidica uoce Sibylla canit.  
 Certa canit uentura uiris, antroq. remugit,

Quod propius patriae cernitur esse meae.  
 Roma ibi nuda sedet galea spoliata superba,  
 Membraque nequitiae non pudibunda tegit,  
 Scilicet haec magis exercet tua bella cupido,  
 Mars pater egregia pellitur urbe sua.  
 Tu solus reuocas virtutis semina ALEXI  
 Et resides animos euehis ipse polo,  
 Per te, quod uenit dilapsi iniuria seculi,  
 Antiquas vires sumere Roma potest.  
 Tantum in te uiget hic Romani sanguinis ardor,  
 Propterea à nobis haec tibi ROMA datur.

## AD. I. BAPTISTAM

Vbaldinium

**I**Am pridem tibi gratias agendas  
 IANE duxeram alumne Gratiarum,  
 Verum non potui negotiorum  
 Dura compede uinctus, at solutus  
 Te, laudesque feram tuas ad astra:  
 Sed quis hoc humeris suis poeta  
 Onus sustineat, quis ergo dicet  
 Caeleste ingenium, fidem, pudorem,  
 Verba dulcia, candidosque mores?  
 Nostra hoc pondere nae minor Camoena est.  
 Tamen pro officio, ac benignitate,  
 Qua nos usque foues, amabo, & usque  
 Te colam, ac pelago ante iam propinquo  
 Nabit Roma, suos fluens redibit  
 Ad fontes aqua, quam meo recedat.

*Imago ex animo tua, atra nec mers  
Auferre hanc poterit, uenuste amice.*

## AD. IO. PETRVM.

*Ghislerium*

**F***elix, cui nihil est aut subitum, aut nouum,  
Ghisleri, licet huic acroceramia,  
Ventorumq. minae semper inhorreant,  
Portus ne intret in ostia.*

*Perspexit tamen haud consilio Dei  
Nequicquam fieri, seu sapientia,  
Quae fluctus mouet ex aequore turbidos,  
Atque omnem rabiem maris,  
Nec gaudet nimium noscere perspicax  
Mens, quod siderea uenerit alite,  
Mox possit celerem uertier in fugam  
Eius perpetuo malo.*

*Sic fatalia tu sustine, sustine.  
Quae sunt ante tibi cognita, tempore hoc  
Nec credas facili scandere tramite  
Parnassi ardua culmina,*

## IN. SEXTVM. NERO

*nem Imper.*

**T***estibus exestis Sporum Nero fouerat, illi  
Detulit & dotem, & flammea luteola,  
Ac uoluit tales amens celebrare hymenaeos,  
Quales legitimus sponsus habere solet.  
Ipsius o utinam patri pro coniuge uera  
Iunxisset magnus Iuppiter hunc puerum,*

LIBER  
AD. ALEXANDRVM

Canigianum

**S**I daret mihi spiritum canorus  
Pater castalij chori, libellis  
Iucundissime amice uiueres, dum  
Viuerent monumenta litterarum.

Nascentem placidis Thalia ocellis  
Me minus uoluit uidere, sed te  
Clarauit Dea, Canigiane, nec iam  
Morderis genuino ab hoste dente.  
Est felix nimium, & beatus Arnus,  
Quem propter canis, & Marone digna  
Pangis carmina si mihi benigni  
Nunc darent superi tuo lepore  
Frui, colloquio, facetiisq.  
Nil mi carius euenire posset,  
Et nil dulcius. Ergo me beato  
Vises carmine, quod legens medebor  
Malis, atque animum leuabo curis.

AD. AESCHYLVM

**N**on iterum nobis audes recitare libellos  
Aeschile, nam crambe bis repetita necat,  
Euripidemq. times uatem. Dic terq. quaterq.  
Dum pulchre dicas Aeschile, nec semel est.



## AD. SELIVM. GALLVM

**P**ro te multa tuli terraq. mariq. tyranni  
 Non umquam timui testa subire feri,  
 Saepius & pro te noctes expertus amaras,  
 Extorsi uitam paene meo capiti,  
 Ut tandem ex animo potuissem acquirere amicum,  
 Qui mihi in aduersa sorte tulisset opem  
 Tu satis id duxti numquam, nec dicere possum  
 Quid tibi Galle uelis. factus es ipse senex.

## AD. FEDERICVM

Cephalottum

**N**e me istoc onus amplius subire,  
 Paulo ut res memorem tui negoti,  
 Cephalotte uenuste praecipe: istoc  
 Accidit mihi, nam graue, ac molestum.  
 Ah quis te genius malus coegit  
 Hac mente, hoc animo esse, ut hos patronos  
 Eligas tibi barbaros. trucesq.  
 Quaeso quid poteris parare in ista  
 Grandi barbaria? quid, elegantes  
 Versus scribere Phoebus adiunabit?  
 Gens leges ueneretur impia, exlex,  
 De Christo male sentiens tonante?  
 Iam constes tibi, candidi, & uenusti  
 Mores, artibus & bonis politi  
 Insunt nunc tibi, rectius caueto,  
 Ne dicaris inertior redire,  
 Indoctus, sine gratia, & lepore.

## IN. LAVDEM CHRISTI

Ad Ciues

**A**ffulsit celebranda dies, memorandaq. cantu  
 Sacrificio, colitur qua caro iuncta deo.  
 Altisonum carmen Ciues deducite auena,  
 Spargite humum uiolis, purpureisq. rosis.  
 Nam Deus omnipotens tandem reserauit olympum,  
 Atque suo tutum sanguine fecit iter,  
 Sponte sua subiit conuicia, frigora, uetes,  
 Insidias fraudes, aspera uincla, minas,  
 Laesus utraq. manu, traiectus pectora ferro  
 Pro nobis turpem passus in orbe necem est.  
 O pietas, o magnus amor, clementia summi  
 Summa patris, pepulit qui mala nostra procul.  
 Vos igitur date tura pias adolenda per aras,  
 Plurima ponatur myrrha cremanda focis.  
 Atque amarantheis altaria cingite sertis,  
 Et sacer hic Arabo spiret odore locus,  
 Solemnesq. preces uos Christo effundite mecum,  
 Ut patrii sedet bella cruenta soli.  
 Pellat ut hinc odium, rixas, pestemq. famemq.  
 Pax adsit, fructus arua benigna ferant.

## IN. FABROS. FERRARIOS

**Q**uid mihi nobiscum est proles Vulcania fabri,  
 Nobile ut ad musas praepediatis iter?  
 Noctes, atque dies feruent incensa caminis,

*Vestraque continuis ictibus aera sonant ,  
Ite procul , dominusq. simul Lemnosq. petatur ,  
Me meus in studiis pulcher Apollo tenet .  
Nec cessatis adhuc ferrum cuditse frequenter ?  
Ventiferis iterum folliibus aera calent ?  
Tunditis assiduis ut vos incudibus illa ,  
Vestra ita tundantur pectora , crura , caput .*

AD IULIANVM.

Cecchinium

**T**ot nati Iapeto cum tanta audacia morbos  
Subducta superis huc tulerit facula ,  
Cecchini reparare studes bone Peonis herbis ,  
Et nos e stygiis eripuisse uadis .  
Nunc eat , ille homines iacet fecisse superbus ,  
Plus seruare quidem , quam facere , est , homines .

DE VICTORIA DVCIS ALVÆ.

Contra verae Religionis Deser-  
tores patrata

**I**mpia dum Belgae Christo , caeloq. rebelles  
Traelia , turbata Religione , parant ,  
Castra locant , uallo sedes , atque aggere cingunt ,  
Dumq. struunt fidis ultima damna uiris ,  
ALVA Italo auxilio oppugnans , & robore Ibero  
Deturbans castris , agmina longa fugat .  
Atque cruentatis sequitur fugientia telis  
Signa , & tormentis fulminat , & perimit .

*Sic coniurati quondam cecidere Gigantes,  
Sicq. cadet, contra qui geret arma Deos.*

## AD. M. ANTONIVM.

Ferretum

**V**T gemit uiduo hinc, & inde turtur  
Amisſam comitem, ut fugit uirentes  
Campos, haud legit arborumq. foetus.  
Sic uere ſine te mihi uocanda eſt  
Vita, quam colo; & aſperam, & moleſtam  
Nil me Roma iuuat, puellularum  
Conſpectum fugio, iocos, amores,  
Aut his ſi melius poteſt quid eſſe.  
Sorderent hyacinthi, & uniones,  
Sorderent amethyſtus, & pyropus  
ANTONI ſine te, ac tuo lepore,  
Iucundiſſimo, amabiliſſimoq.  
An, rogo, nitidi Dianae ocelli,  
An rogo, tenuisq. myrrheusq.  
Tortis orbibus aureus capillus,  
An cantus lepidis pares Camoenis  
Torquent amplius, amplius te adurunt?  
Quid poma Alcinoi, quid Hyblae in hort  
Aiax, & violae, roſae, & liguſtra  
Surgunt amplius, amplius uireſcunt?  
Narciſſi, atque amaranthi, amomus, anne  
Naſcuntur tibi, penſilisq. bacchus?  
An Cydonia, fraga, meſpilumq.  
Heu ſubit quoties locus beatus,

*Pindi vertice pulchrior, vel Haemo  
 Gratiôr, viridarioq. Cirrhae,  
 Me angi sentio, cogor emoriri.*

# AD. THOMAM. ORPHINVM

Episcopum

**O** Qui tot superum reficis labentia templa,  
 Cui prius est culta relligione nihil,  
 Quam bene Pontificis placidas accedis ad aures,  
 Vt te consilijs admonet ipse PIVS?  
 Iam longa populi laeti sub pace recumbent.  
 Amplius haud fient fana profana Deum.

# AD. VESPASIANVM

Pandulphum

**F**elix ingenio, eruditione,  
 Pandulphe, & latia Minerva, honores  
 Quid pater tibi praeripit? beatam  
 Quid uitam inuidet, elegantiasque?  
 Ah nunc te prohibet sacrato ab Haemo,  
 Pulchris deijcit Aonum uiretis,  
 Orcum trudere tentat in uoracem?  
 Patris flagitium ò acerbum, auarum,  
 Tu si iam sapis, & lacus & ipsos  
 Saltus Castalios ames, colasq.  
 Numquam socratica procul Minerva.  
 Sic eris columen domus perenne,  
 Sic eris Patriae decus, iubarq.  
 Fama sic tua uiuet omne in aeuum  
 Cum musis, & Apolline, & Minerva.

AD. PETRVM. LEONEM.

Medicum.

**T**V modo cantatae obseruas noua cornua lunae,  
 Et legis Memonis grauius nata iugis,  
 Sagaq. consulitur, magica modo quacritur arte.  
 An vere in breuib. sis moriturus aquis?  
 Quid iuuat, infelix, praescriptam nascere mortem,  
 Ipse quidem per te bis miserum esse cupis.

AD. I. PAVLLVM.

Castellinum

**M**Vsae, quae iuga, & Aonum uireta  
 Felices colitis, meo patrono

Paullo dicite ad exitus secundos  
 Peruenisse meum laboriosum  
 Num negocium at o repente uenit  
 Felix nuncius, illum adesse nobis  
 Disertum, lepidum, cupitum amicum,  
 Et mi singula laeta nunciare.

Huc Huc Thespiades quot estis omnes,  
 Quot quot undiq. sedulae uenite,  
 Et hanc eximiam benignitatem  
 Paulli tollite laudibus canoris.  
 Et uos hendecasyllabi beati,  
 Gratiam innumerabiles per annos  
 Seruate hanc memores, patrona uirgo  
 Seclo concine cuncta sempiterno.



## AD. IVSTINIANVM

Cardulum

**N**Ec te *CARDVLE* Musa praeteribit

*Dulcis, unanimis, uenuste amice,*

*Qui cum uersibus erudituli ijsdem,*

*Iisdem uiximus artibus politi,*

*Sed tibi ingenium magis seuerum,*

*Acutum magis addidit Thalia,*

*Suffecitq. melos charis palato,*

*Mi sed molliculi, minutuliq.*

*Fluunt versiculi, quibus puellae,*

*Nunc cadentia colla, nunc papillas,*

*Nunc pectus nuncum, genas capillos,*

*Et quos deperij illices ocellos*

*Dicimus modo lacrimae, querelae,*

*Lamentatio, languor, atque amores*

*Scribuntur toties mihi dolendi.*

*Passibus tacitis ubi senecta*

*Hirtam venerit exarata frontem,*

*Inter socraticos libros, & inter*

*Diuini monumenta tot Platonis*

*Vinetur rigoris Catonianus.*

## AD. MARIVM. PODIANVM

**Q**Uod reddis *PODIA* NEmi Catullo

*Splendorem, ueteremq. dignitatem,*

*Gaudio lacrimae effluunt ocellis.*

At illud nimis, & nimis molestum est,  
 Quod iam dispereunt tui labores,  
 Ah quaeso per Apollinem, & Catullum,  
 Hos prodire sinas uirorum in ora,  
 Turba cetera nesciunt, puellae  
 Quid sit passer in aureo libello,  
 Quid solatiolum, & iocus sed ipse  
 Nosti quam bene passerem Catulli?

## AD. FEDERICVM. ALBANVM

**H**Aec tua Apollineos imitatur arundine cantus  
 Aemilia, & docti pleetra canora Lini.  
 Haec gratis labijs, haec dulcis morsibus oris  
 Mille facit roseas per tuo colla notas.  
 Et tamen ipse paras abitum, caecaeq. latebras,  
 Deserto ut linquas frigidulam thalamo?  
 Tu caueas Federice tibi, ne amor, & Venus in te  
 Iam saeui faculae dent documenta suae.

## MERCVRIVS. MARMOREVS

**B**Arbaricis uexata odijs, & passa furores  
 Mersa suo iacuit Roma superba solo,  
 Arte laborati vultus, operosaq. diuum  
 Marmora truncatis quassa fuere notis,  
 Pars mihi Auentini culta est, ubi caede cruenta  
 Semiferi stabant horrida tecta Caci.  
 Hic ego Mercurius perfractus membra iacebam

*Tectus, & aeterna mole sepultus eram,  
Sed vigil ad superas tollit me Cincius auras  
Et solers caecis effodit è latebris.*

*Artificis si cernis opus, compactaq. membra,  
Dic, Oratorem sic decet esse Iouis.*

EPITH. MICHELANGELI

Carduccii Pictoris

**C**ARDVCCI solite articulis animare colores,  
Et renocare animas e Phlegetontis aquis,

*Tu poteras ipsum Bonarotam uincere, ni iam  
Rupisset uitam praecipitata dies.*

*Infelix uiduata uiro mea Nursia tanto,  
Haec potes heu siccis fata uidere oculis?*

*Disce bonum fieri nulla durabile terra,  
Nec magnos homines uiuere posse diu.*

DE. M V C I O. B O N I O A N N E

**M**Vcius ancipitis soluens enigmata iuris,  
Et patriae edoctus consuluisse suae,

*Fingit amycleo placidissima carmina cantu,  
Et leges numeris temperat Aonidum,*

*Sic quondam responsa ferunt oracla dedisse,  
Sic etiam cecinit Pythius e tripode.*

AD. CHARITELLAM. VT

viro se reconciliare uelit

**N**E viro CHARITELLA pulchra saeui,  
Ne secum proba nocte litigato,

Quid tota indomita ab furore lecto  
 Excludis iuuenem tuum maritum,  
 Et aptum Veneris, toriq. rebus?  
 Pelle tristia, quaeso, amara pelle,  
 Rixas, murmura, perfida & duella,  
 Et spargas Veneres iocos, amores,  
 Haerens ad latus, osculationes  
 Miscens, illecebrasq. Lesbianas  
 Hanc Iuno statuit, Venusq. legem,  
 Hoc hoc coniugium iubet Cupido,  
 Non non tristitias amariiores,  
 Aut rixas gelida mouere nocte.  
 Ob id patribus ipsa coniugalis  
 Fiebant sine felle sacra diuæ.

## DE. LVCRETIA. ROMANA

Centica

**V**T turpem fugeret Lucretia Centica moechum,  
 Condidit in nino pectore tela suo.  
 Altera Romano prœgnata e sanguine, quondam  
 Vi temerata suo maluit ense mori.  
 Casta est utra magis? pareit tantum illa pudori.  
 Huic potius famae parcere uelle fuit.

## DE. CVRTIO. GONSAGA

MALENTI AHD. DA

**A**d miror Thusco Gonsagae tincta lepore  
 Quae summo scribit carmina iudicio,  
 Saepe acre ingenium stupeo, uenamq. fluentem,

*Vt calamos docti Vergilii aequiparet  
Immo Virgilium credendum est dicere, nostra  
Nunc aliquid maius nascitur Aeneide.*

DE. ALEXANDRO. RÖDVLPHO

Florentino Equite. S. Ioannis Hiero  
solymitani Qui ad Meliten.  
insulam obiit

**F**ulminat ad Meliten dum bello Turca, potenti  
Classe vel omne solum, terrificatq. solum.

Fortis Alexander Tyrrhenae gloria gentis

Protegit armifera naenia sancta manu:

Et iam iam aequaret Pellaei facta superbi,

Hunc nisi pugnante nex cohiberet atrox,

Nex sed Alexandro maiorem reddidit illo,

Vt stellas inter candida luna nitet.

Ille etenim quid mors nisi mortem detulit atram?

Huius vita ex ipsa morte perennis erit.

EPITH. GREGORII

Bubali

**P**ersephone nigro cum tot uidisset ab Orco.

Gregorium trepidos eripuisse reos,

Hunc fera surripuit, stygiaq. occludere nocte,

Mergere & inferis hen properavit aquis.

At recolens, qui iura docent, tribuuntq. coluntq.

Manibus haud trudi, penituit sceleris.

Mox hunc prospiciens superas uoluit are per oras,

Quid feci infelix? dixit, & erubuit.

AD. DIVVM. IOANNEM. OBSV

peratos ad Meliten insulam Turcas

**N**unc tua Ioannes conuentu templa frequentant,  
 Instaurantq. pias vir, mulierq. preces,  
 Omnia sunt operata tibi, non ulla trahuntur  
 Stamina, & immuni cessat arator agro,  
 Singula & argutis olim suspensa labellis  
 Nunc tibi uota simul persoluenda parant.  
 Turcarum quoniam terraq. mariq. Phalanges  
 Innumeras ualida proteris ipse manu.  
 Reliquiasq. omnes Melitaeis finibus arces,  
 Cogis & infames uertere terga Duces,  
 Quare his promeritis miles tuus, hoste perempto,  
 Aram Taenario marmore constituit.  
 Arcum ubi, tum pharetras, clypeos, galeasq. sudasq.  
 Fixit, Threicijs signaq. rapta uiris.  
 Quasq. potest tibi magne pater persolvere grates.  
 Nititur, & festos concelebrare dies:  
 Et latias sacra uelatus fronde per vrbes,  
 Concinit ante tuum carmina culta tholum.  
 Dicit io, canit euge pater, redolentibus aris,  
 Tollit & accensas Roma superba faces.  
 Sancte ueni, placidusq. animis illabere nostris,  
 Dexter ades, laetus ad tua templa ueni.  
 Atque his auspiciis totis da pellere regnis  
 Turcas, & celeres da superare rates.



*Vt Scythiae, Lybiaeq. urbes sacra numina adorent,  
Incendantq. tuis debita tura focis.*

## DE. OBITU. ATHILÆ

*Hunorum Regis*

**A**thila dum celebrat lasciuia nocte hymenoeos,  
Lactaturq. noua coniuge posse frui,  
Tantis expletur dapibus, uinoq. grauaturn,  
Vt properet tyrio membra locare toro,  
Sed capit haud requiem, non herbis concoquit ullis,  
Purpuream ast animam naribus ipse uomit.  
Sanguinis humani sic qui tot flumina fudit,  
Dat proprio penas sanguine, mortem obiens.

## DE. LVCRETIA. ET. LVCIA

*Nursinis*

**N**unc choreas immista uiris Lucretia ducit,  
Illi nec festa est luce madere pudor.  
Hic ait, ut belle in saltus nunc corpora librat?  
Atque ille, ut tremulos fert male sana pedes?  
Lucia sed tela textrix operata Minervam,  
Haeret, & assidua stamina pingit acu.  
Atque uiro ipsa est semper soli cognita, de illa  
Nec bona, nec mala, que fama loquatur, habet.

## IN. OBITU. PAVLLI

*Triuifani*

**Q**uae Triuifane mihi nox ultima sustulit atra,  
Ante diem quae uis effera te rapuit?

Cur ego non potui languenti tangere dextram,  
 Aut ego supremum munus obire tibi.  
 Cur me ad tam miseranda prius non fata vocasti,  
 Quam rigidus tegetet frigida membra lapis?  
 Saltem luctiferum comitatus & ipse pheretrum,  
 Sparsissem largis heu tumulum lacrymis.  
 Et licet assyrios non ferrem ad funera odores,  
 Parua tamen non dat munera dans lacrymas.

AD. AVGVSTINVM

Iustinianum

IN prima Augustine colas Heliconia iuuenta,  
 Sancta q. te capiant munera Pieridum,  
 Iura fori spernas, rixas, & garrula uerba,  
 Atque ea, sunt trucibus quae magis apta uiris.  
 Te decet aeternis Musis, & Apolline digna  
 Aonio semper labra rigare lacu.  
 Iura fori nigro iuuenem detrudere Averno,  
 Et miserum caeca claudere nocte solent,  
 At quem Melpomene felici lumine clarat,  
 Ille vel inuita uiuere morte potest.

DE VIRGINIA. ET

Venere

Virginiam molli deuinctam lumina somno  
 Non procul aspiciens aurea Cypriis, ait,  
 Huic facies, huic nostrae laeta simillima frons est,  
 Quam similes nostris haec habet una genas?  
 Haec referunt mea labra qui dem tua Virgo labella,

*Pectoreq. es niueo condecorata meo,  
Sed cum Virginiae niger est patefactus ocellus,  
Nunc, ait, heu uincis lumine Virgo Deam.*

## A D I O. B A P T I S T A M

Camotium

**D**octorum decus omnium Camoti  
Quos Argos tulit, aut domus latina

*Aut gens estera, te Dei, Deaeq.*

*Certatim artibus erudisse multis*

*Gaudent, ut similis fores Maroni,*

*Docto Tullio, Horatio, libellis*

*Vel Demostenis haud minus politus*

*Fortunata nimis, nimis beata*

*Nostra haec tempora litteris latinis*

*Quae lumen, ueteremq. dignitatem*

*Norunt reddere te, Inachiq. genti.*

*Quare te populi colent honore,*

*Ac discent tua scripta sempiterno.*

*Nec cessa, opprimitur tua inuidorum*

*Et si ars àrabie mala, et canina,*

*Nam mendacia subdola, ipsa tandem*

*Virtus candida uincet, atq. ad astra*

*Tolletur nebulis malis fugatis.*

## A D. G A L L A M

**O**rpheus Ismarius siluas, delphinas Arion,  
Mouit Dircaeus saxa poeta cheli.

# LIBER

Cinthia carminibus fuit exorata propti,  
 Venit in amplexus saepe puella suos,  
 Bilbicus nates multas pellexit amicas,  
 Nasonisq. fuit pulchra Corinna sinu.  
 Oscula quot fixit molli, suauiq. Catullo  
 Lesbia, quot Nemesis culte Tibulle tibi?  
 Carmina dicuntur fluuios, & sidera retro  
 Vertere, tartareas & cohibere canes.  
 Carmine sola ferox, & inexorabilis, atrox,  
 Nec precio flecti, nec prece Gallapotes.  
 Iuppiter at Danaes fertur penetrasse penates,  
 Rore etenim fuluo commaduere sinus.  
 Ante pedes quoties proieci callidus aurum,  
 Addens muneribus mollia uerba meis?  
 Dura tamen semper sprenisti dona precesq.  
 Iurgia nec puduit neetere saeua mihi.  
 Hoc Ericina tuum est stolidam mulctare puellam,  
 Aligeri telis confodienda dei est,  
 Magnum Pierijs scelus est nocuisse poetis,  
 Illapso quorum numine corda tument.  
 Si incipiat mihi bile iecur turgescere, dicam  
 Et scelera, & fraudes, impia Gallatuas.  
 In te torquebo, quae est passus tela Lycambes,  
 Vulneraq. exangui corpore multa geres.  
 Garrula mordacis fueris tu fabula uulgi,  
 Exitio facies pulchra futura tibi est.  
 Ah quanto melius, quanto praestantius esset,  
 Si collo iniiceret brachia nuda meo.  
 Non solum cape res dulcissima comoda mecum.

*Nec sterilis semper dia iuuenta foret.  
 Sed meus ingenuam formam cantaret Apollo,  
 Nomen & ornarem Virgo perenne tuum,  
 Muta igitur mores, aures iam porrige gratas,  
 Tam mihi crudeles blandula pande fores.*

# IN. OBITVM. CARDINALIS

*Aquaeniuæ.*

**Q***ui Viuis lucebat Aquis fons nobilis Vrbe.  
 Dulce fluës, passim modo quo gēs ipsa leuabat.  
 Ore sitim, ueluti diuini nectaris haustu,  
 Heu latuit, caeli cognatis redātus undis,  
 Et sese attutum cryſtallo miscuit altae.*

*Hinc tellus gemit infelix, hinc aruit omnis  
 Laurus, victrices hederæ, & sacra choanis arbor,  
 Narcissi languent, pallentq. rosaria, & uſta.  
 Poma cadunt, moriens amisit pampinus uuas.*

*Quid sophie campi, quid nos Heliconides almae  
 Vallibus arentes iam cernitis undiq. flores?  
 Discessit, uobis heu qui decori eſſe ſolebat,  
 Discessit, ſecumq. tulit iuſtumq. piumq.  
 Atq. illum Charites alternis brachia nexae,  
 Illum Relligio, probitasq. fidesq. ſecutæ.*

*Ergo iuſtitiam ſitit alter, & alter honores,  
 Et cupit incassum doctas Tritonidis artes.  
 At fonti poſtquam uitali Aquauina recessit,  
 Spesq. extincta iacet ſaecli, annorumq. labores,  
 At poſtquam decus omne dies hinc abſtulit una  
 Pierides, prouina unda, & per meſſide lymphæ  
 Vndantes mecum lacrimarum effundite riuos.*

IN. PIVM. V. PONT. MAX.

De Aqua Virgine Romam

Perducta

**Q**ui turpes Veneres, inconcessosq. hymenoeos,  
 Concubitusq. uetat, nequitiamq. Pius,  
 Qua scelus elauet impurum, qua furti, per Urbem  
 Efficit, ut tandem candida Virgo fluat,

IN. COSMVM. MEDICEN. MA

gnum Etruriae Ducem Tumulus

**I**mpleffet claris cum Magnus honoribus orbem  
 Cosmus, obit, sed num Cosmus obire potest?  
 Ornauit terras, celsum nunc ornat Olympum,  
 Accipiuntq. suum sidera magna Ducem.

Aliud

**M**agnus erat Cosmus titulo, sed robore maior.  
 Consilio, ac factis Maximus ille fuit.

AD LEONORAM TOLETAM

Mediceam

**O**re refers Leonora Cyprin, miroq. decore  
 Exprimis incessu, pectore, fronte, genis.  
 Hoc differs. tantum laudatur corpore Cypris,  
 Eximia est in te pars minor illa tui.

In Pollucem

**E**bria quod Pollux semper tua murice uestis  
 Flagrat, & auratus pectora torquis habet.



*Comis odoratos cura, studioq. capillos,  
 Quod capit electos vix tua mensa cibos,  
 Non ideo praeferre mihi te posse putato,  
 Auratum reddit non nisi uellus ouem.*

## DE HIERONYMO BONELLO

*Cassani domino.*

**Q***ui potis est Nemesis duris constringere frenis,  
 Corporis, atq. animi cui datur omne bonum,  
 Iure bonum potius, quam dicas ipse Bonellum,  
 Laude effulgentem perpetuo propria.  
 Terrere hunc poterit facies non ulla malorum,  
 Naufragus horrissoni non furor Oceani.*

## DE LEONORA TOLETA

*Medicea Ad Arnum*

**C***um tibi concessit diuinum carmine uatem  
 Phoebus, nulla fuit Arne puella tibi,  
 Quae foret insigni specie laudanda: refulsit  
 Pulchra nimis ripis cum Leonora tuis,  
 Nullus adest, possit digne qui dicere formam,  
 Aut animo tantum concipere ingenium.*

## AD LEONORAM TO

*letam Mediceam.*

**N***aturae quicumq. cupit specimenq. decusq.  
 Cernere, uel doctae Palladis ora Deae,  
 Vel nemorum dominam calamis, pharetraq. potentem,  
 Formosae & nitidum corpus Acidaliae.*

*Te spectet Leonora tuos miretur honores,  
 Mircturq. faces, quas iaculatur Amor,  
 Prae te, nil, dicet, ueteres finxere poetae,  
 Siqu. noui fingant, maior es ipsa tamen.*

CLIV. In cupidinem.

**O** B geminas pharetratus amor mea corda puellas  
 Vulnerat, heu gemina torret & ille face.  
 Paenitet admissi nec iam, ceciq. furoris,  
 Insanus credit cor fore mi geminum.

DE. TVMVLO. PII. V. P. M

quem ante Pontificatum sibi fecerat

**E** Xiguos lapides, inscriptaq. nomina fratris  
 Relligio, ac pietas dum tua Quinte legunt,  
 Riserunt ambæ, tantum quod te ipse putares  
 Marmore in exiguo claudere posse virum.  
 Et quod nunc volitat nomen trans aequora ponti.  
 Quodq. uel ignotos currit ad Antipodas,  
 Saxis arctari breuibus. Sic ergo loquuntur;  
 Non Michael frater, sed pater orbis erit.

In obitum Pij V. Pont. Max.

**D** Vm Pius euersum reparas virtutibus orbem,  
 Quinte cadis, pietas impia facta pio est.

In constructores tumuli Pij V. P. M

**Q**uid struitis tumulū Quinto? quæ clauditis vrna?  
 Viuentem sepelit, qui tegit ille Pium.

**A**ccensis facibus gaudent Byzantia in urbe  
Turcae post cladis funera? Quintus obit.  
Pius V.P.M

**P**ost uictos Turcas, armatum & legibus orbem,  
Occido, ne uideam tanta perire cito.  
In eundem.

**N**on Quintus moritur, quē mors nō terruit unquā,  
Sed uult excelsa sede sedere magis,  
In tumulo Pij V.P.M

**S**i cadit pietas Pio calente,  
Ne tu Religio cadas uideto,  
Nam si religio ligat pios, si  
Maximus perijt piorum, habere hinc  
Vitam non potes. altera sorore  
Extincta, cadere heu tibi necesse est,  
In obitum eiusdem.

**I**nstituit leges, mores, sacra, foedera iunxit,  
Edidit et regum proelia magna manu.  
Confregit bello Turcam hydram contudit, orbis  
Felix, si huic annum parca dedisset adhuc.

AD SIMONEM CECCHINIVM DE  
Laudibus Liuiæ Beccariae.

**O**ui pegaseo nō uolatu  
Nunc per Gorgoneae lacus Medusae,  
Nunc per idaliū, Gnidon, Paphumq.  
Ferris, rumpe silentium, meamq.  
Celebra Ticinen, nitentem, amorum,

Dulcium decus, & puellularum.

Qua fulget, rutilatq. pulchritudo,

Qua fides adamantina, atq. honestas

Coruscat, fluit & Charis, leporq.

Te non anguipedum manus gigantum

Cecchini, haud pugiles, ferumq. Thebes

Proelium teneat, nec ipse cures

Saeuas gymnadas, aut canem triformem,

Ausi istaec cecinisse fabulosi,

Sed formam Ticinès feras olympo,

Dicas auricomum caput, decoram

Frontem, sideribus pares ocellos,

Ac rosae tyrio genas colore

Extollas, nuneoq. lacte mistas,

Plena suauidicae labella suadae,

Queis promit mea uoculas puella.

Sic tuum medio coletur Hemo

Opus, sic tua, seculis futuris,

Toto Melpomene legetur orbe.

## AD IOH. ANTONIVM

Radium

**C**um studeas quaecunq. fluunt sub sidere nosse,

Stellarumq. ortus cernere, et interitus,

Dumq. mones bruma timeant ut Orionae nautae.

Vereq. cur tristis Pleias haurit aquas.

Mens tua lustratur radijs Hyperionis, ut te

Appellet Radium Cynthius ipse suum.

Tu terras tractusq. maris metiris, et omnes

*Prospicis Eoas , Hesperiasq. plagas ,  
 Sic animis hominum monumenta insignia condis ,  
 Sic radijs tenebras clarus ab orbe fugas .  
 Sic terrena tibi det uirtus aurea , regna ,  
 Sic tibi coelestes Iuppiter addat opes .*

# I. HIERONYMI

## C A T E N A E

## P O E M A T V M

*Liber Septimus.*

*DE. LIVIA. BECCARIA*

*SPAIRANA*



*ERgo LIVIA pulchra, LIVIA illa,  
 Quae solem superat nitente uultu ,  
 Quae tot ex oculis iacit sagittas ,  
 Doloze afficitur ? fluit tenellas  
 Distillatio per genas ; & ora ?  
 O dulces nimis , o benigni ocelli  
 Opprimunt male uos malae procellae ?  
 Heu diem mihi nunciant supremum ,  
 Heu nunc tartareos fero dolores .*

Phoebe nunc pater huc veni, Aesculapi  
 Huc veni, atque oculis simul medere  
 Haec Paean tibi canet, dicabit  
 Tuis parietibus novas tabellas  
 Apollo o bone, & o bone Aesculapi  
 Ipse nil modo perpeti recuso,  
 In me conijcite & malum, & dolorem,  
 Dum mihi nitidi offerantur ignes.

## EPIT. M. ANT. ABEL

li Galli

**F**los iuuenum sextam non dum triaterida Abellus  
 Implērat, rapuit cum fera Persephone.  
 Doctus erat clypeo, sudibusq. inuadere Martem,  
 Atque super celeres edere corpus equos.  
 Flete huius cineres iuuenes Mauortis Alumni,  
 Ac tumulo tristes humida ferta date.  
 Tu tamen ipsa tuo cini grateris Abello  
 Gallia, quod tellus Romula dat tumulum.

## AD. HER SILIAM

**S**oporis genitrix, silensq. ab alto  
 Dum nox praecipitat, cadunt & astra  
 In somnis mihi candida est puella  
 Visa, purpureis genis, capillis  
 Pulchra flammeolis, uagisq. ocellis  
 Fronte siderea, ore peruenusto.  
 Sed pullo induerat comas amictu.



*An dixit, satis haec potest placere  
 Nostra forma tibi, ut canat Thalia  
 Oestro percita, seu uelit latino,  
 Seu Thusco numero, aut graui coturno,  
 Aut socco canere, aut pede hoc, uel illo?  
 His dictis abiit. Repente somnus  
 Meos languidos reliquit artus.*

*At mente, atq; animo usq; dum uoluto,  
 Quae nam me Dea lusibus fatiget,  
 An Pallas fuerit, Venusne, casta  
 Latona, an aliqua ex nouem Camoenis  
 Dum uerso omnia cogitatione,  
 Te mihi Herfilia obtulisti. amabo  
 His imaginibus necas, & vris  
 Illudens miserum tuum Catenam?  
 His heu mancipium modis lacesfis?  
 Hoc me perdis amore laruali?  
 Ne quaeras manifesta pernegare  
 Incessu patuisti, & atro amictu.*

## AD. GIBERTVM. SANVITALEM

Salae Dominum

**G**iberte inclyte, dapfiliisq; comis,  
 Dines, nobilis, atq; liberalis,  
 Quid ista anxietate, quid dolore  
 Lites persequeris? quid has querelas,  
 Quid conuicia, quid dolos, quid illa  
 Quae aduersarius obstruit, refellis?  
 Quid curris toties gradu citato

*Ad subsellia iudicum, clientem  
 Huius, illius esse amas, cupisque?  
 Quantum es falsus opinione inani?  
 Plusnam surripiunt pecuniarum  
 Et notarius, & forum, & patronus,  
 Hostes quam facerent tui trecenti.  
 O sortem miseram. procul Giberte,  
 Procul litibus, & procul patronis  
 Esto, iam tibi uine carior, quid  
 Cares delicijs domus, tuaq.  
 Pulchra coniuge, filijsq. pulchris,  
 Queis nil pulchrius est, suauiusq.  
 Monstra haec linque, & abi, recede. prorsus  
 Nam ius hinc abiit, recessit aequum.*

## AD. LVDOVICVM.

## Tarotium

**Q***uot fluctus lybicus mouentur undis,  
 Sole quot lyciae ustulantur aruis  
 Aristae, frutices habet quod Ida.  
 Quot uer lilia, quot rosas, quod herbas,  
 Nigro praecipitant polo quot imbres,  
 Quot flores Sicala creantur Hybla,  
 Alpes quot retinent niues iugosae,  
 Terra lesbia quot parit racemos,  
 Quot tellus adolet Sabea thura,  
 Quot sunt sidera, quae nitent olympo,  
 Quot captae Ionio freto carinae,*

*Dum Turcam Hesperij Duces retundunt ,  
 Tot in me iacit aureas sagittas  
 Linia ex oculis , & ore pulchro .  
 Dot feros animus tulit dolores  
 TAROTI . ex habitu meae puellae ,  
 Quae me perdidit , ac beavit una .*

## A. D. P E T R V M

Gherardum

**O** non Vergilio minus polite ,  
 Sed docto numerosior Catullo ,  
 Seu graeca fide , seu uelis latina ,  
 Splendor Cecropiae Mineruae , honorq .  
 Meos accipias Gherarde libros ,  
 Libros nec celebres , nec expolitos  
 Teras pumice , Apollinisq . lima ,  
 Nec tibi grauescit modo hoc , modo illud  
 Pungere , atque obelo notare carmen ,  
 Ne Mommi mihi detrahant , nec umquam  
 Mi uetent Heliconidum choreas .

*Abi iam hinc Stomachose Nauseator ,  
 Nostri namque opera boni Gherardi  
 Exacti modo simplices libelli  
 Florescunt , rutilant , micant , resurgunt .*

## IN. TARQVINIAM

Molsam

**I**Nter Pieridum MOLSAM uidet ipsa choreas  
 Mnemosine , pulchram quam rata Cyprin , ait ,

Quid natae his Venerem doctis tenuistis in oris ?  
 Haec loca sunt numquam mollihus apta iocis.  
 Hausit id, & cytharam sumens infecta rubore  
 MOLS Agenas, mulsit corda seuera Deae,  
 Quae dulces mirata modos, hominesq. Deosq.  
 Vrit amore, inquit, carmine, & ore Venus ?

## IN. FABRICIVM.

Fulcum

Quod minimo viuis, quod paruo maxima praestas.  
 Quod vernas minimo pascere Fusce soles,  
 Quod paruo preciosa nimis tibi singula queris,  
 Quod seruas, paruo remq. domumq. tuam.  
 Fusce quidem hoc est, magnanimum paruoq. potentem,  
 Hoc est, Romanum uiuere Fabricium.

## AD. I. FRANC. FERRARIVM.

Quid dat Ferrari durum tibi nomina ferrum,  
 Fertq. notam generis mite quid ingenium ?  
 Tu potius dicendus eras aurarius, auro  
 Carius est etenim quidquid ab ore fluit.  
 Aurea, quae conditis, sunt & tua carmina, diues  
 Ipse aurum nili scis facere ex chalybe.

## IN. OBITVM. ANTONII BOBALI

Sapientiae studiosi

Cum forte abrupto cecidisset stamine fusus,  
 Quo Lachesis Bobali nebat auara diem.

Mors rapuit subito, atque ostendit laeta Minervae,  
En tuus hic clausit lumina cultor, ait,  
Nec potuit plene Musarum haurire liquores,  
Nec dulcis sophiae noscere sensa tuae.  
Cui Pallas. Babelus carnis compage soluta  
Nunc uidet aeternis omnia luminibus.

#### AD FLAMINIUM

Galganum

**F**lamini inuidia inuidentiore,  
Fors tibi aureolamq. liberamq.  
Aetatem inuiat impia, & maligna,  
Nec fuit numero tuos amores.  
Et Tusco canere, & modis latinis,  
Quis lenire potes puellularum  
Et uultus oculosq. saeuientes.  
Sed tu quo ingenio es bono, ac beato  
Ne cedas facile iustibus proteruis.  
Verum pectore praepotentiori  
Contra audentior ito, namque uicta  
Post fortuna fauet magis, magisque.

#### AD CHLORIDA

**N**on audis Zephyri quos sibilet aura susurro,  
Obstrepat egeli dae leneq. murmur aquae?  
Huc ad frondiferam corylum diuerte per aestum,  
Stillabit placido tempora rore sopor.  
Et licet Alcidae caprum fumantibus aris,

# L I B E R

Et grege de magno plurima dona feram,  
 Et lac Mercurio custodi, flauaq. mella,  
 Ne timeant auidos agnus, ouisq. lupos.  
 Attamen his spretis dabitur tibi candida Chlorig.  
 Lac, caper, agnus, ouis, mella, iuuenca, boues.

# I O L A S

Cornigero Pani sinuosis cornibus hircum  
 Mastandam in uiridi cespite constituam.  
 Triticeam peram, hirneolam, rigidosq. ligones,  
 Argutam falcem, sarcula, aratra, sudes  
 Frugiferae Cereri suspendam, pruna, racemos,  
 Purpureos ficus, persica, mala, pira  
 Bacche tibi, custosq. horti tibi Lampsace fortis.  
 Dulciloquamq. tibi Musa diserta chelim.  
 Vos facite, ut nostrum Chloris suspiret amorem,  
 Et mecum abiecta blandula ueste cubet.

# A D. M. ATTILIVM

Serranum

ET te sancta fides, & numquam nescia ueri  
 Relligio, atque alto pectore consilium.  
 Claraq. compositi mores ad sidera MARCE  
 Pegasidos fontis pocula sacra ferunt.  
 Nam bene uestigas caeli, terraeq. remotas  
 Causas, quid manes, quid faciant superi.  
 O quae magna manet laudum te gloria? Roma  
 Quot titulos & quot praemia magna dabit?



## AD. SOMNVM. ET. ANGERONAM

cum capitis doloribus conflictaretur .

**H**As tibi , quas legi , uiolas , gelidumq. papauer ,  
Hæc bona Somne tibi creſſia uina fero .

Si potes aegrotum caput his uincire ſopore ,  
Quid ſurdum precibus te facit eſſe meis ?

Cur uis ſi cecini tibi dulcia carmina , Morpheus  
Fallaci ut uarios mi gerat ore modos ?

Ipſe ego nulla malis infeſci pocula ſuccis ,  
Nec dixi æternis impia uerba Deis .

Ah ſaltem Angerona uelis teſto ore uenire ,  
Comprimere & diris murmura rauca minis .

Iam face ſub caecam ſileant animalia noctem ,  
Ne dicar culpa diſperſiſſe tua .

Sic tibi nocturnos donet Venus aurea amicos ,  
Teq. December amet , nigraq. turba colat .

## AD. I. FRANC. COMMENDO

num. Card. Ampliſſimum

**C**Um Petri aduerſis ageretur fluctibus alnus ,  
Et tremereſſet rapidas nauita triſtis aquas .

Ipſe per undoſum remex in tempore pontum ,  
Percuſſam rethraſis ad loca tuta ratem .

Nec per te inſanos fluctus , Oriona minantem ,  
Non hyadas metuit , non pluuiale pecus .

Hic labor , & uirtus , mores candore nitentes ,  
Addita & eloquiꝝ gloria magna tui ,

Commendone , tibi populis plaudentibus , & Dijs ,

*Imponunt capiti tegmina rubra tuo.*

*Felix, quem non fors, non uana potentia, & aurum,  
Ad sacra sed uirtus prouehit imperia.*

## AD. IULIVM. MOLEM

**M**oles, sic liceat tibi papillas  
*Amicae cupido notare dente,  
 Et suxisse labella purpurilla,  
 Iube ad te ueniam, feramq. mecum  
 Quas per roscida tempe, & agrosq. amoenos  
 Legi delicias inanis oci.  
 Non ne Sirion aspicias furentem,  
 Terras, ac maria undiq. ustulari,  
 Et Nereidas excoqui sub undis?  
 Ni sale, ac lepidō modo, & tachinno  
 Nos hoc fallere tempus, & iocari  
 Cernamus, breuiter leone saeno  
 Nostrum corpus hiascet, & peribit.  
 Tu, quem Daphnide nobili coronat  
 Castalis dea, quidquid est uenusti  
 Prome, & uersiculos, ut & sub aestu  
 Viuatur mora, vita si moram affert.*

## AD. RAINALDVM

Corium

**D**Vm uolumina Caesarum reuoluis  
*CORSE, non minus es decus choreae,*

*Quae Pindi celebratur in viretis .  
 Sic miscēs studijs modos seueris ,  
 Vt te uix grauior repertus ullus ,  
 Vllus uix facilis magis , politus ,  
 Sit falsus magis , & magis disertus .*

*Perlegi modo PANTHIAM GIBERTVM*

*Et quos de choreis notas libello  
 Lusus , & iuuenum , & puellularum .  
 Sunt rerum his uaria , & referta sensa ,  
 Vt musas decet , elegantiamq .*

*Sed si carmina proximis diebus ,*

*Quae misisti mihi , proferas sucratis .*

*Olim Davidis exarata musis ,*

*Haud quidem melius , beatiusq .*

*Vel auctor sacer , aut prophanus ullus*

*Famae tot monumenta dedicauit .*

*AD. I. FRANC. LEONEM*

**D***um frondent colles , flores nouus exerit annus ,  
 Laetaq . dum blandis arua tument zephyris .*

*Vinea te oblectat summo LEO uertice Iani ,*

*Et inuat aureolam ter quater ire uiam .*

*Qua ueteres ignes dulci meditaris auena ,*

*Praesentis laudas Phyllidis ora sonoro*

*Sic non occiduae sentis mala damna senectae ,*

*Sic renouas uitae gaudia longa tuae .*

*Heu ego sed duro pereo discrimine amoris ,*

*Te Phyllis iuuenem , me facit ipsa senem .*

AD. DEVM. OPT. MAX

**I**N sano quis nunc hominum crudeſcere leto  
 Ceſſabit tandem ? gnarus uel parcere ſacris ?  
 Vt timor hunc teneat recti , et reuerentia diuum .  
 Heu quo nunc tellus ſcelere eſt imbuta nephando ?  
 Quamq. parat dira cladem connectere clade ?  
 Quousq. a nobis o celfi regnator olympi  
 Auertes oculos ? quousq. haec exarſerit ira  
 Aduerſus gentes ? ut nil niſi caede cruentum  
 Cernamus , iaceat terras neglecta per omnes  
 Relligio , ſanctae leges temnantur , & ipſa  
 Cana fides , cupidaq. pium de mente fugetur .  
 Cui dabitur tandem coluiſſe uolumina caeli ,  
 Cui dabitur diam duxiſſe ex aethere mentem ,  
 Si genus infelix hominum detruditur orco ,  
 Currit et heu piceam ſemper phlegethōtis ad undā ?  
 Extremam fer opē omnipotens , nos deſpicit hoſtis ,  
 Praeſentem ueluti nequeas afferre ſalutem  
 Omnipotens miſerere Pater , nos eripe leto .  
 Tot ſclerum facies , monſtra , immanesq. Tyrannos  
 Protere , & atroci nos iam tuearis ab hoſte .  
 Et nunc quae ſaeuis permifcet uiribus orbem  
 Impia progenies , paenas perſoluat amaras ,  
 Sicut arena leuis rapido diſſletur ab euro ,  
 Et uita indigna hac , indigna & nomine Chriſti .

## DE. HIERONYMO. AVSTRIAE

Corrigienti Cardinale. Amplissimo

**S**i tanta Austriaden maneât cur gloria, quaeris,  
 Inq. dies crescat splendida fama magis?  
 Nascenti imperium dat Iuno, Pallas honestum,  
 Iuppiter ingenium, deliciasq. animi.  
 Vesta piam mentem, solers Cyllenius ora,  
 Delia cor, formam donat Acidalia.  
 Sic colitur, sic laudatur, sic aurea habebit  
 Secula, sic Orbis Roma futura caput.

## AD. IVLIVM. GALLVM

**G**alle, qui es latij pater leporis,  
 Facundi decus oris, ingeniq.  
 Quis tumor malus, & mali dolores,  
 Et genu, & latus undequaq. torquent?  
 Quae febris premit ossa, quae medullas?  
 Ut sacram nequeas manum osculari  
 Farnesi, decoris patris latini,  
 Qui redit Siculis uolans ab oris  
 Nobis incolumis, diu cupitus,  
 Et narrat loca, templa, nationes  
 Mores, & Triquerum solum, fretumq.  
 At te febris anhebra adurit? heu heu  
 Vitam inanem hominum, malignam, & aegram.  
 Sed Gallo lepido nihil timendum est,  
 Nam curae Hippolyto est, patriq. Phoebo,

Dianae Hippolitus, Patriq. Phoebos,

Gallus gratioꝛ omnibus, magisq.

Ipsogratuꝛ Apolline, & Diana,

# EPIT. IVLIAE. BVBALAE. RO

manae Lectissimae feminae

**H**Eu parcae ut subito ruperunt stamina IVLIAE  
Mille quibus placidus corda ligabat amor,

Pro dolor, ut cecidit pudor, ut discescit honestas,

Vt puri interiit iusq. decusq. tori?

Illacrimant blandae charites, fleat ipsa Minerva,

Ac tristi lacero crine Diana gemat.

Nam ueluti hanc passa est iactura Roma, verenduꝛ est,

Ne Pallas, charites, atque Diana cadant.

# AD. PLAVTILLAM

Romanam

**O**Mne melos Plantilla tuo dulci exit ab ore,

Ore sedet roseo Cypria, amorq. tuo.

Ambrosioq. refert argutas ore camoenas,

Ore rapis sensus, eripis ore animas.

Singula nos omnes haec uera fatemur, amantes

Quod uerba alliciunt plus tua, quam facies.

# EPIT. LVDOVICI. PICI

Mirandulani

**Q**uae mors, quae medijs Circe sub floribus oeni,

Quae te uis nobis effera Pice rapit?

Floruit integritas duce te, iustumq. piumq.



*Sancta fides per te, sanctaq. Religio.  
Sic non augurium, sic non mens gnara futuri  
Saturni pignus seruat, ab insidijs.  
Heu quae te peperit, tumulo dedit, omine diro,  
Heu nota insigni Terra ueneficio.*

## AD. HIERONYMAM

*Columnam*

*Q*uod tibi nec par, nec similis nurus ulla reperta est  
Te dixisse hominem nemo Columna potest.  
*Caeleste ingenium, caelestia munera formae,  
Omneq. caeleste est quod facis, aut loqueris,  
Iure tibi ante oculos Caeli uersatur imago,  
Terra tui cultrix numinis haud patria est.*

## IN. CAECI ALOYSII. HADRIAE

*Homericam. Interpretationem*

*Q*uid gemis extinctum magni fere carmen Homeri?  
Passa heu barbaricos Itala terra duces?  
*Dulcia Maeonidae si incendit pectora Phoebus,  
Huius & incendit pectora Maeonides.  
Sensa ita diuina hausit quondam maximus Ion,  
Atque ita cinxerunt aureaserta caput.  
Tam bene quis nouit, nisi Homerus, carmen Homeri?  
Ergo quid interpres Hadria? Homerus hic est.*

## IN. ANNAM

*Q*uae nō est uirgo, quae nō est nupta puella, (parēs.  
Haud uidua, haud meretrix est tamē Anna

AD. VINCENTIVM. CAPO  
chium Romanum

**V**incenti ueterum decus parentum  
 Quo uirtus, pietas, honos Mineruae,  
 Qua sunt Aeneadae omnium potiti  
 Olim, dic, abiit, paterq. Apollo.  
 Et quo Calliope recessit illa?  
 Heu heu nunc aliam uidemus urbem,  
 Expulsa probitate, moribusq.  
 Sed tu qui ingenio es bono, ac beato,  
 Et mores ueterum refers auorum  
 Iuncta simplicitate comitati,  
 Iam Vincenti inimica uince fata,  
 Et nouissima comparato primis.  
 Non frustra superi dedere nomen,  
 Nota prosapia Capochiorum;  
 Vincendo ut fieret caput supremum,  
 Et rursus domina inclyta illa Roma.

## IN. CVLICES

**O** quibus humani sitis est tam dira cruoris,  
 Nec ratio praedae, nec modus ullus adest.  
 Quid cupitis somnos tinnitu rumpere? aperto  
 Marte, & in aduersos bella ciere uiros?  
 Anne sequi audaci uultis Lacedemona bello,  
 Mulceat anne annimos tibia blanda truces?  
 Aspicite, ut furtim pulices sua proelia miscent.

*Vt furtim cimex nocte, dieq. uorat .  
 Vos cantu illepidi nigris foedare paratis  
 Auribus infesti, candida membra notis .  
 Igne cremet culices tenebris qui praesidet, ite  
 Sanguiniori, ite procul ite procul bibuli .  
 Vos neque deuoueo, et minus imprecor illa, q. umquam  
 Nec tinnis cimex, nec canitis pulices .*

## DE. CLARICE

Rodulpha

**D***um Tybris rapidis premeret torrentibus urbem,  
 Insano obrueret uortice & arua, domos .  
 Rure manens, scandit labentis culmina tecti  
 CLARIX, Hetrusci gloria prima soli .  
 Missae huc, ne pereat, multae accessere carinae,  
 Quas renuens casti plena timoris, ait .  
 His perijsse equidem decreui atrocibus undis,  
 Ni ueniat propria uir meus ipse rate .  
 I, NATAS nunc Roma tuas extolle pudicas,  
 Verae exempla haec sunt rara pudicitiae .*

## IN. IMAGINEM. HIE

ronymi Austriae

## CARD. AMPLISSIMI

Corrigij. Domini.

**S***i quis in extremis positus, uel agrestibus Indis,  
 (Vellet ubi nomen fama latere tuum)  
 Cerneret egregiam simulachra imitantia formam,*

*Perlegeret uultus delictumq. tui.*

**CORRIGIO** *summos cerni iuraret honores,*

*Et capere inde bonum Pallada consilium.*

*Quid motus, tabulaeq. loqui si uerba daretur?*

*Ferret, Atlantiadae uel fore pulchra magis.*

## IN. MALEDICTVM

Poetam

**D***ixi cur tam facinus, piaculumq.*

*Fertis hoc Bauj. Zoiliq.*

*Rictu sacrilego profanus atro*

*Qui latrat rabi dissimos libellos,*

*Qui cunctos lacerat calumniator,*

*Et coram socio, omnium corona,*

*Foedis dentibus hunc trucidat, illum,*

*Lingua foedior omnibus latrinis*

*Debacchatur inepte, & impudice*

*In omnis generis procacitates.*

*Lingua putida pone tot uenena,*

*Pone putida lingua tot uenena,*

*Vah fallax homo, tabide, ulcerose,*

*Marcebis lybica niger cauerna*

*Vah paenas stygio dabis barathro.*

## AD. VICTORIAM

Oliuam

**Q***uae nam pugna mihi fuerit VICTORIA tecum?*

*Vincere non uinci si tibi posse datum est?*

*si capis illecebris, lactas dulciq. ueneno.*

*Ab cur saeva in nos spicula tanta iacis?  
 Heu numquam didicit gestare Ericina sagittas,  
 Quamquam Martis amor, mater Amoris erat.  
 Non facit, aſt patitur potius Venus orta profundo  
 Vulnera. Non mirum, quae est sata Marte, facit.*

## DE. MONVMENTO

Hermes

**N**on uiuam extincta Hermes Clara coniuge dixit,  
 Et statuam ſtatuae, ſeq, dedit tumulo.  
*Vmbra umbram inſpiciat ſemper, paſcat q. uidendo,  
 Et cineres, cineres atque lapis lapidem.*

## IN. LOTTINVM. VOLATE

ranum aquae. Potorem

**L**ottine, eſt Vatūm uinum tutela, meracos  
 Quiq. cados haurit, grande poema ſonat.  
*Thymbraeum ſalientis aquae non riuus, at hauſtus  
 Neſtaris, & uatem dulcia uina iuuant.  
 Vino uita datur ſacundis uerſibus, undis  
 Sed uerſus fluidos uertitur in latices.*

## IN. AQVILAM. OVINA

Pelle ueſtitam

**M**iraris diuina Iouis mentita iuuenum  
 Ora, uel ex cyeni uoce referre ſonum.  
*En maiora tibi praebet miracula Roma,  
 Quae uolitans ſemper fama loquatur, habe.  
 Inuiſtus domini uiuus Iouis armiger ales*

*En est fullonis mortua facta pecus .*

## AD. PVELLAM

Nurfinam

**Q**uid gravidus penso fufus , quid texta retardant  
 Stamina , qui à lateri te bene culta colus ?  
 Quid calathus , quæ lanâ tui est impexa parentis ,  
 Peâine quæ arguto dilaniata fatis ?  
 Munera egeftatis sunt hæc , non Palladis artes ,  
 Quæ miseram ualeant exaturare famem .  
 Huc ades , & male sana moræ dispendia uita ,  
 Huc ades , huc adfit risus , amorq. Venus .  
 Forma , puella , fugit , dum fas est , lude , iocare  
 Nobiscum semper sunt labor , & lacrimæ .

## AD. CATERVVM

Foliettam

**C**ATERVE , heu quid amantium cateruas  
 Liquisti , ut pater impudentiarum  
 Digno supplicium daret reatu ?  
 Te chori Aonidum puellularum  
 Amant , te uiolæ , rosæ , & ligustra ,  
 Te riui queruliq. & obstrepentes ,  
 Nequaquam hi scelerati , & hi Procustes ,  
 Voce qui resonant truci , & boatu ,  
 Qui sunt impia monstra , uersipelles .  
 Huc adsis salibus , facetijsq.  
 Ad fontes gelidosq. limpidosq.  
 Lite , & seposita seueritate .



*Huc adsis , quoniam canis maligni  
Flammam , & Erigones fugabis aestum .*

## DE. PAVLLO. CATENA

*equitum praefecto*

**D***um premit armato Vestinos milite campos  
Braccius , Insubrum , Parthenopesq. duces ,  
Irruit in medios equites peditesq. CATENA  
Perrumpens acies agmina densa fugat .  
O factum immortale viri , qui sortibus ausis  
Inuictam Bracci uincere uim potuit .*

## AD. CLOELIAM. SALOMONIAM

*Oliuam. Dominam. Plani. Mileti*

**O***quam Pallas amat , Venusq. casta  
Decus , CLOELIA , Romuli nepotum ,  
Vnde est haec tibi tam catella parua ?  
Rara , candida , bella , delicata .  
En ut cursitat , adsilit , latratq.  
Multis blanditijs , iocis , querelis ,  
Blandis nequitijs , loquacibusq.  
Vnde est haec tibi tam catella parua ?  
Tuae deliciae , sales , lepores ,  
En ut basiat , ut tuas papillas  
Quaerit , impetit ut sinum pererrat ?  
En ut candor , amor , fides catellae  
Exemplo poterit nouo docere ,  
Quid bellae deceat puellae amantem .  
Vnde est haec tibi tam catella parua ?*

## AD. VINCENTIVM

Gonsagam

**V**T iubet *Aiacis* tumulo fluitantia *Virtus*  
*Aeacidæ* ferri magnanimi arma ducis,  
 Vt non passa diu est meritos non reddere honores,  
 Vtque fuit spreti gloria nobilior,  
 Sic quæ despecta est modo, frons tibi cincta coronis,  
*Assyrioq.* ardens murice uestis erit.  
 Vtque *Ajax*, ravidam uincet *Vincentius* omnem  
 Inuidiam, ueniet sponte negatus honor.

## AD. VIRGINIAM. CVM

plorantem uideret

**Q**uid *Virgo*, lepida, aurea, & uenusta  
 Toto corpore, & ore uirginali,  
 Corrumpis lacrymis nigros ocellos?  
 Quid suspiria crebra, quid dolores  
 Deturpant labra uerna, mollicella?  
 Quid ab quid tenerum caput reflectis?  
 Iam *Virgo* lepida, aurea, & uenusta,  
 Bella iam mage lacteis papillis,  
 Ab parce aureolo puella crini,  
 Stulta quid laceras genas? quid heu heu  
 Quid tota in lacrymas fluis tepentes?  
 Me decent lacrymae, meumq. pectus,  
 Quot totum uritur impotente flamma,  
 Perfundi flunio isto amarulento,

*Vt parum gelida refectum ab unda  
 Saepe, ac saepius adsit ustulandum.*

## AD. ALEXANDRVM

Guarnellum

**G**UARNELLE. *Nonij pater leporis,  
 Quem amat Cypria, quem fouet Cupido,  
 Quem lis conficit omnibus diebus,  
 Sed lis illepida insolens, molesta,  
 Non qua conficiunt puellae amantes  
 Expulcha facie, igneis ocellis.  
 An carmen patiar latere nostrum,  
 Quod lusi in teneram puer puellam?  
 An dulces patiar perire amores,  
 Risus, nequitiam, ebrios cachinnos,  
 Tot lites Amathuntiae, & duella?  
 Non non quae impius, & parum modestus  
 Affert ex Erebo tibi, & barathro  
 Ingratus, lacerans bonos poetas.  
 Nescit quid ualeant boni poetae  
 Scelestus, temerariusq. & audax,  
 Nescit quid ualeat furens Iambus.*

*Linquamus modo quidquid infaceti est,  
 Linquamus modo quidquid est minarum.  
 Et mihi optime Rhetor, & Poeta  
 Dic si Virgo nitens, meumq. carmen  
 Sit falsum, lepidum, eruditulumq.*

## AD. VIRGINIAM

Sponsus

**S**uperfint hederis tui lacerti,  
 Stellis suavia, quot nitent Olympo,  
 Da mi & alterum, & alterum, nec umquam  
 Cessa Virginia usq. suauari,  
 Donec commoditas datur, labellis  
 Excipe hanc animae tepentis auram.  
 Da mi suavia promulis labellis,  
 Da mihi exanimata murmurillo,  
 Cessas Virginia usq. suauari?  
 Colla pingere uita purpurisso?  
 Da mi, heu sentio me mori, labella.

## A D. F A B I O M

Beniuolentium

**C**essas lentula Musa adire uatem,  
 Notum gratia, & eruditione,  
 Carum deniq. maximo Tridento,  
 Patri magnanimo, atq. liberali,  
 Patri me hercule liberalitatis,  
 Facetò, lepido, undecumq. docto?  
 Blanda Iam Fabio, & bene auspicata  
 Plaudas libere, & usq. blandiariis.  
 Iam tangit quoniam libellus aureus  
 Sancti Pontificis manus sacratas,  
 Laudat, atq. probat, bonos poetas  
 Caepit diligere optimus sacerdos.

## DE VIRGINIA

Echo

**A**N ne lates *Virgo hic hic*. Heu remorare? Morare.  
 Heu quae me excruciat, *Virgo*q. clamat? Amat.  
*Cur sic errantem ludit me perfida?* Fida  
*Fida ades?* aes. *A* me poscat ut aera? ut hera.  
*Sufficit esse accensum?* censum. sic furit? urit;  
*Haec mala amatori sunt in amore?* morae.

## DESCRIPTIO. INGRATI. ANIMI

ex ueteri Graeco. Libro

**S**Ic ingrati animi antra caeca morbus  
 Intrat, ut radys lues nephanda  
 Interdum ista fugam petat, perosa  
 Solem, pallet & ore tota, longis  
 Dentibus fera, turgido, atque adunco  
 Naso, tum lacero, putriq. amictu.  
 Vt uesana fames solet uideri.  
 Ibat per loca senta, & horrida olim  
 Nunc audet coluisse ciuitates  
 Magnas, tangere Principumq. testa.  
 Imprudentia decolor, dolusq.  
 Sectatur comes omnium colorum.  
 Clauda iniustitia, inuidum, atque auarum  
 Virus, saeuities cruenta, longa, &  
 Alta obliuia subsequuntur illam,  
 Atque ignauia, & omnium impudica  
 Iuxta infamia ponitur malorum.

*Et circum specus arbores uirescunt  
Plurimae, at steriles, tenaxq. serpit  
Hinc, atque hinc hedera, alnus, & cupressus,  
Laurus, & platanus, salixq. surgunt.  
Quas multi colere & student, & optant,  
Vanos denique sed uident labores.*

IN. VIRGINIAM

Sponsus

**H***eu quis me impius, insolens, & hostis  
Abstulit miserum à mea puella  
Quis heu Tybridis ad fluentia adegit.  
Heu tam molliculam, atque delicatam  
Virginem mihi melle dulciorem  
Heu liqui modo montibus beatiss,  
Quaeis sedet Venus, & potens Gradius.  
Vere sunt mihi & omnia aegra, & atra.  
Plorate o miserae meae camoenae,  
Et uere hoc scelus improbate cuncti.  
Hoc uere hendecasyllabi querantur,  
Heu quis me male peruicacitate  
Quis strabo male perdidit misellum?  
O malum mihi morte finiendum.*

DE. FELICI. COLUMNA

ad. Iulium. Molem

**S***it licet Ascræis Sappho soror addita Musis,  
Mireturq. nouos Graecia tota modos.  
Illud formosae titulis Felicis Iule*



*Neglige, dicetur facta beata minus.  
Scilicet hoc primo Felix decoretur honore,  
Musarum dominam quod sua forma facit.*

## PRO. SILVIO. TAVRELLIO

In. Annam

**S** Cortillum illepidum, & sat exoletum,  
Quod nunc uersiculis tumet malignis  
Armauit rabiem in meos iambos?  
Pimplae qui colitis sacros recessus,  
Apollē, o, bone, uos bonae sorores  
Furcillis agite hoc inane praeceptum.  
Illa stulta, loquacia, illa labra  
Sunt ausa impetere aureos libellos?  
Ausu scribere perfida & dolosa  
Hamati digiti, recurui, adunci?  
Moecha putida, moecha foeda, fallax  
Vibras eminus impias sagittas?  
Nostra in carmina tu uoces uenenum?  
At, at putida moecha homunciones  
Istos, qualubet, ut lubet, moueto,  
Ut me uersiculis diu laceessant,  
Deturpo faciem nota perenni.  
Iam moechae, rabidaeque adulterisq.

## AD. LEONORAM. SANVITALEM

Giberti. Comitissae. Salac. Filiam

**O** Sidus Cypridis, decusque Phoebi,  
Raris dotibus aucta, & aucta dulci

Dulcium charitum lepore, lingua  
 Latina LEONORA perpolita,  
 Te Tybris uocat, aureaeq. nymphae  
 Pictae tempora floribus coruscis

Expectant hilares, parantq. mille  
 Lusus, oscula, Delphicasq. frondes  
 In sertum tibi. nil morare, patrem  
 Solatum ueni, amorq. suauitasq.

Castae deliciae puella patris,  
 Quem lis assiduo premit dolore,  
 Quem notarius, & rapax patronus,  
 Iudex aucupio peritus aeris  
 Expilant, rabulae simul forenses.

Huc ueni, & numeris nouis puella,  
 Quales sufficiunt tibi camoenae,  
 Tybridis teneas fluenta, & omnes  
 Nymphas allicias, chorumq. Phoebi.

DE. PIO. V. PONT.

Maximo

**C**um Roma spectante sacra, totoq. senatu  
 Ornaret summum sacra corona caput,  
 Religio erexit multos neglecta per annos  
 EVaticani uertice caesariem.

Et dixit PIE sancte, dies laetissima tandem  
 Venit, qua fient debita sacra Deo,  
 Quodq. ego terrarum totum diffundar in orbem,

Qua discant ritus barbara turba pios.  
 Viue diu, afflictis passim iam consule rebus,  
 Non nisi te uiuo uita futura mea est.

## AD. CLAVDIVM. MEDOLAM

&amp; Hippolytum, Festam

**A**pposito CLAVDI celebra conuiuia baccho,  
 HIPPOLYTE & larga funde falerna manu,  
 Discedant curae insomnes, procul este labores,  
 Est genio nobis haec agitata dies.  
 Aspicite, ut Paullus toto se proluat auro,  
 Plena salis canter carmina pulcher Hilar.  
 Quid spectas, frontemq. trahis? mihi crede Medola  
 Tam sapere, est omni tempore desipere.

## AD. SCIPIONEM

Lucium

**L**uci candide, & optime, elegansq.  
 Ne uinam, nisi uita acerba semper  
 Est mihi, careo allocutione  
 Cum tua, & lepidis iocis, cachinnisq.  
 Illitis sale, & attico lepore.  
 Hic licet uireant rosae, arbor, herbae.  
 Amarae mihi sunt rosae, arbor, herbae,  
 Dum te non uideo uenuste Luci.  
 Tu Luci es pater omnium leporum,  
 Tu Luci pater es facetiarum,  
 Amant te pueri, puellulaeq.  
 Amant te iuuenes, senesq. & ipse  
 Amabo, mihi caelites amandi  
 Dum sensum dederint, amare pergam  
 Dum lux splendida Appollinis manebit.

## AD. CAROLVM

Plancum

**O** Escura, ut nullis patcant, tua carmina pangis;  
Non ne idem facies, Carole, si taceas?

## DE. SE. IPSO

**H**iberna iuuenis solitus pallescere nocte,  
Quae me uirgineis implicuit choreis,  
Multa tuli ingenui patris conuicia, semper  
Hortantis grandes cogere diuitias.  
Fluxius esse nihil, Pluto nil caecius ipso.  
Contra ego diuitibus uitaq. morsq. eadem est.

## AD. BAPTISTAM. DE

Iordane. Fratre

**D**um lingua, et digito multa, ac metuenda minaris  
Baptista, frater tunc tuus ipse tacet.  
Dum modo uis etiam ferro hunc absumere, in illum  
Immitis rapidas dum modo ferre faces.  
Verum ego te tanta haec, & sic tam multa loquentem  
Nil equidem curo, curo quid is taceat.

## AD. AVLVM. SEMPRO

nium. Medicum

**T**urpis es Aule, tua est cōiux turpissima, pulchris  
Quomodo dic natis auctus es ipse decem?  
Ab sensi, cum te fuluas inquirere myrrhas,

Ac

*Ac pinus uidi, palmea uina, crocum,  
Mellaq. tum uarij miscentem pocula succi,  
Ab tandem scio, quid fecerit Hermesias.*

## A D. F A B I V M.

Petronium

**B***acchus non hodie aureus, suauis,  
Qualis aedibus his repertus olim est,  
Non Ceres niuea, arborumue foetus,  
Dulces nec pepones, aquae sed ortu  
Aestiu canis aestuantiores,  
Ingrati nemorum leues susurri,  
Ingrata & fere cuncta ibi fuere.  
Quid causae tibi Petroni putandum est?  
Is, tu quem Lesinam uocas frequenter,  
Fit ne auarior indies, & horas?*

## DE. ALEXANDRO.

Magno

**C***orpus Alexandri fuit expers funeris, illi  
Nemo, qui uellet soluere iusta, fuit.  
Quam bene, qui superum uoluit sibi sumere honores,  
Contigit huic nullas accipere inferias?*

## CVSTOS. HORTI. PAVLLI. BV

bali ad Viatorem

**Q***uisquis es, huc poteris tuto diuertere, & ipsis  
Dulcia ab arboribus carpere pomia meis,  
Non hic terribili est custos mutone priapus,*

Pellere quo furem, cuiq. nocere solet,  
 Hic Phoebus adest, Hecicon, castorq. sorores,  
 Et iuvenes doctae Palladis arma cient:  
 Nec canis horrescas ingentia guttura. Paulli  
 Edidicit mores, ingeniumq. sequi.

DE. ANNIBALE. CARO  
 AD. GALESIUM. VENETUM.

**N**obis blandus, amabilis, GALESI  
 Nobis candidus, optimus disertus,  
 Nobis Carus habetur, & uenustus,  
 Hinc uersus facit ipse cariōres.

AD. FABIANUM.

**S**ic Fabiane tibi torpet rubigine laesa  
 Mens, tuus ut uilis est cibus usque faba,  
 Nec iacta uentrēm tibi non abdomine tardum,  
 Ventre tūmet quoniam mens magis ipsa tuo.  
 Quid te consilio Fabium superare putasti?  
 Quid ne mihi fraudes nectere, quidue dolos  
 Cuius alga uilior ipsa sis, stipulaq. fabali,  
 Cudetur quoties in caput ista faba?

DE. CVRTIO. CARSIDONIO. AD

Nebulam. Fluuium interfecto

**D**um fert securus per prata uirentia gressus  
 CVRTIVS, & uisco fallere tentat aues,  
 Addit se comitem scelerata mente colonus,



*Auri quem caecus sollicitabat amor,  
 Et iuuenem fato miserum demergit acerbos  
 Ad Nebulam, Bodij qui rigat amne solum.  
 Patratum flunie hoc facinus tu cernere es ausus?  
 Nec puduit probris exernisse caput?  
 Vidisti hunc iuuenem, nutrit cum pulcher Apollo,  
 Excepitq. sacro Calliopea sinu.  
 Vidisti & mores, & doctae fulmina linguae,  
 Vidisti in nino pectore consilia,  
 Non ne huic auxilium debebas ferre cadenti?  
 Detegere & fraudes, impia tela, dolos?  
 Non ne uides perijsse simul iustumq. piumpq.  
 Non ne uides fratri tot superesse mala?  
 Nunc uere nebula es, nunc tempora nubila fens,  
 Omnis tabescet nunc uaga lympa tibi.*

# AD. BARTHOLOMEVM

*Mancinum*

**E**xplicuit frontem non tam *MANCINE* decoram  
*LEVCIÆ*. nec roseae tam nituere genae,  
 Nec tam marmoreo plausit pede nympha choreas,  
 Dicis, quare habita est pulchra? pudica fuit.

# DE. SE. IPSO. AD PA

*triam Vocato*

**E**niterum montes cogor superare niuosos,  
 Et patrio antiquo soluere uotalari,  
 Sunt heu quam diuersa meae discrimina uitae?  
 Nursia me reuocat, Nortia dura fugat.

## EPIT. CARBILII. RODVL

phini Narniensis

**Q**uod iuuenis tristi tegitur Carbilius Vrna,  
 Ipsius haud ueniunt fata dolenda mihi.  
 Palladi nam teneros bene qui sacrauerit annos,  
 Non parua aufugiet pars Acheronta sui.  
 Huius flere nefas obitum est. Quater ille beatus,  
 Non annis, sed qui plenus honore perit.

## DE. HELENA. PARA

uicina. Olgiata

**D**um sancta facie, ore, spirituq.  
 In templis Helene Deum rogaret,  
 Seruaret sibi ut usque castitatem,  
 Dum tantum superis dicata diuis  
 Et raræ fidei, ingeniq. cunctis  
 Exemplum mouet innocens puellis,  
 En quidam uritur impotente flamma,  
 Et cupidine pruriente, furtim  
 Prestauit digitis latus sed illa  
 Tunc exuta pedem licentiosi  
 Percutit crepida os, genamq. amantis,  
 Hostili & maculat cruore templum.  
 Quid strabo, temerarie, atque inepte  
 Orsa inania concipis? Lacaenam  
 Credebas Helenam hanc? miser uideto  
 Romanas genus esse de Sabinis,  
 Quae urunt omnia, nesciuntq. flecti.

*Ergo uos cupidi, & libidinosi  
Hinc pedem, atque manum abstinete post hac,  
Ni iam uos crepidam experiri auetis.*

DE. LIVIA. BECCARIA  
AD. MVSAM. VT. DIOMEDEM

Burchesium adeat

**V**atem, Pieri, conueni sodalem,  
Qui nunc castalia eminens abunda  
Pangit millia carminum trecenta,  
Et ultra haec etiam tribus diebus.  
Marcellae cito redde codicillos,  
Pandoram quibus extulit puellam  
Et docte satis, & satis decenter.  
Post haec sedula Musa dic in aurem,  
Me dulci alloquio, & tenellulo ore,  
Et pulchro Ticines sinu peruri  
Angi purpureis genis pudicam  
Vitam, & ingenium, probosq. mores,  
Mirari, Veneresq. simplicesq.  
Vrbanos, faciles iocos, lepores,  
Me paena quati, & hac graui, uel illa,  
Sed ut spes redeat mihi salutis,  
Ex almo illo Heliconidum recessu  
Paucos uersiculos canat precare,  
Queis pulchram celebret meam puellam,  
Atque his me languoribus iacentem  
Subleuet. mihi uita restituta  
Seclis perpetuis sibi obligetur.

AD. BARTHOLO

maeum Serenum.

**S**cribere Threicio respersum sanguine pontum.  
 Tantaq. uictrici parva trophaea manu  
 Insignes celebrare uiros, herosas, & arma,  
 Condere ueridico gesta SERENE modo,  
 Nec minus aduersum ferro te currere in hostem,  
 Haec referunt magni Caesaris acta Ducis.

AD. DIVAM VIRGI

nem Mariam

**O** flös Virginei chori, decusq.  
 Iubar sidereum, o salus reorum.  
 Sola Virgo parens, Deiq. summi  
 Mater, filia, sponsa, te oro supplex,  
 Ut flectas prece filium tonantem,  
 Det mentem mihi candidam, meisq.  
 Erratis nebulas fuge, calentes  
 Respice hos gemitus, uide hos anhelos  
 Aestus, atque dolos rapacis Orci.  
 Me circumfiliunt Amor, uoluptas  
 Noxia, anxietas, amaritudo,  
 Ut nix sustinear genu labante,  
 Da Virgo mihi dexteram, meosq.  
 Gressus dirige, nostra corda Virgo  
 Dure ob arma adamante, ne saggittis  
 Amplius petat improbus Cupido,  
 Mendax, subdolus, efferus procaxq.

Has mundi illecebras, grauesq. morbos  
 Expellas, animamq. spiritumq.  
 Nunc tuo repleas amore sancto,  
 Vt discat mea Musa nil sonare.  
 Caelestem nisi Virginem parentem.  
 Sic tuae fidei, atque sanctitati  
 Sacrabo studium, modos, lyramq.

## AD ELEONORAM SANVITA

lem Scandiani dominam

**O** quae formoso cultu splendesces, & arte  
 Ingenua superas Eleonora uiros,  
 Siue canis uerbis modulatum carmen Hetruscis,  
 Seu latio doctos exprimis ore modos.  
 Seu tibi Cecropiae studio spectantur Athenae,  
 Ignea solerti seu petis astra uia.  
 Siue oculis, risuq. beas, chorcasq. celebrans  
 Ad numerum uario sen pede laeta salis.  
 Quidquid agis sequiturq. decor, charitesq. sequuntur,  
 Vnâque spectatum femina, uirque uenit.  
 Ista potest uere nimium diuina uocari  
 Quae ingenij & uultus splendida forma capit.

## IN DARIVM RAINERIVM

Nursinum in Epitaphio

**O** Bruor effuso lacrimarum flumine marmor.  
 Et mihi uita breuis, nam quoq. saxa liquent.  
 Fallor, mansurum producam funera in aeuum,  
 Quod datur insignes sustinuisse notas.

## DE CLOELIA MANCINA PICCO

Iominea ad Io. Franc. Leonem.

**C**loelia si quondam statua donatur equestri,  
 Audax quod nihili uincula Hetrusca facit,  
 Altera, quid merita haec, quae nunc domuisse Leonē  
 Purpureo solum, quo nitet, ore potest?  
 Ac trahit huc illuc insigni uincta Catena,  
 Et dulci cogit Romula colla iugo.  
 Seu uarias agilis uelit exercere choreas,  
 Promere seu roseis blandula uerba labris.  
 Fac, Leo, non alio caleat tibi pectus amore,  
 Solaq. sit cordis Cloelia cura tui.

## PETRARCE CANTIONEM QUAN-

dam lepidam, ac suauem H. Catena

ad uerbum sic uertit.

**L**umina, quae ardens cecini, niueiq. lacerti,  
 Atq. manus, belliq. pedes, faciesq. decora,  
 Quis adeo raptus fueram, quis tempore longo  
 Conspicuus, turbaq. procul secretus ab omni.  
 Crispataeq. comae ex auro puroq. nitentiq.  
 Aethereus risus tam dulcem lampada quassans,  
 Gaudia qui Caeli terris praebere solebat,  
 Heu cineres sunt exigui, sensuq. carentes.  
 Et mihi uita manet: qua re doleo indignorq.  
 Quod sine dilecta tantum sim luce superstes,  
 Magna ego tempestate ferar, trabe ducar inermi.  
 Hic iam sit nostri cantus, & finis amoris,



*Ingenij sicca est , olim quae uena uigebat ,  
Et cythara i lacrimas uersa est mea dulcis amaras.*

IN. MAGNVM. ETRVRIAE. DVCEM  
ne iudex munera accipiat prohibentem.

**V**Rbs tua , tam floret , quam Thebe floruit olim ,  
Nam iudex manibus nunc caret ipse suis .

IN PANDORAE PELLINAE

Oldae Perusinae obitum

**N**ympharum decus eximium , diuumq. superba  
Muneribus , quae te surpuit atra manus .

*Abstulit immitis flauos Amathuntia crines ,*

*Abstulit heu faciles saeuus Appollo sonos ?*

*Ingenuas artes Pallas , Cyllenius ora ,*

*In te tam subito Saenijt ira Deum .*

*Alteras quae tulit huc , mala tu Pandora fugasti ,*

*Reddideras claros lumine pulchra dies ,*

*Nunc nocte obruitur tellus male sana , malorum*

*Nunc ruit humanum colluuiione genus .*

*Heu tecum nunc Forma perit discedit Honestas ,*

*Pyxideq. e dura spes quoq. clausa fugit .*

EIVSDEM EPITAPHIVM

**A**Vgusti colles , & flaua Tiberis arena ,  
Te Thusci fleuere lacus , Trasymenus ab alueo  
Ter tumidos tollit maerens ad sidera fluctus .

# LIBER

*Tu patriae laudes, gentis tu nomen auite  
 Extuleras probitate tua, specieq. nitenti,  
 Qua nulla in toto maior fuit orbe: sub ipso heu  
 Flore cadit, nec tristi expalluit Aecus urna?  
 Funesti colles, funestaq. patria nunc iam  
 Dicenda, extinctae nymphae collapsa ruina.*

VERONICAE  
 GAMBARAE VITA  
 A. I. HIERONY-  
 MO CATENA  
 LATINE. REDDITA



NON sine illo rerū parentis con-  
 silio factum est, ut Gambarae  
 familiae, quae maiorum glo-  
 ria, & uirili fortuna praecla-  
 ra habetur, nouum decus addi  
 muliebris, uirtutis, anno a  
 partu Virginis quadrigesimi-  
 mo octogesimo quinto supra  
 millesimum inciperet, nocte ea, quae consecuta est  
 Prid. Kal. Dec. quo tempore VERONICA nata  
 est. Inciperet quidem, nam secundum eam duae so-  
 rores in lucem edite sunt, Violantia, & Isotta:  
 ambabus his cum illa ingenium prope aequale fuit.  
 Si uero minor natus, sicuti in flore aetatis occidit,  
 ita senectutem ipsam adepta esset, eius ingenium,

# LIBER

uti plerique existimant, adaequasset. tamen neque  
 alijs *Veronica* gloria adimi potest immortalis, quin  
 omnes anteierit, & à *Petrarcae* temporibus vsque  
 ad hanc tempestatem, cum *Etruscus* sermo ad sum-  
 mam elegantiae munditiam, atque ornamentum  
 peruenit (quod tunc fuit) quin prima ex omnibus  
 huiusmodi dicendi genus prosecuta sit, atque eò  
 processerit, ut quamquam fieri possit, non nullam  
 inueniri, quae praeterire ipsam aliquando ualeat,  
 omnes tamen (pace earum dixerim) sibi habue-  
 runt, atque habent, et habebunt *Veronicam* ducem  
 sempiternam. Neque mirum uideri debeat, si *Ve-  
 ronicam*, quae cum *Bembo* erudita, et ab eo primis  
 poeticae nutrimentis educata est, talem mulierum  
 ducem, qualem *Bembum* fuisse uirorum praedicent,  
 licet is optimus, & uno consensu primus bonarum  
 litterarum assertor, princeps omnium quae nostra  
 aetate prouenire scriptorum praeclara ingenia, ex-  
 titerit. Gaudio igitur etiam atque etiam trium-  
 phent nostra tempora, quae *Bembum* unà & *Vero-  
 nicam* nacta sunt: non eam ante, aut post ipsum,  
 sed ambos aetate coniunctos, & pari consilio ani-  
 mum sibi ad uirtutem accendisse, ut eorum uirtus  
 omnium seculorum posteritati lumen foret, & ad  
 eorum sequenda uestigia minores inuitaret. Aurea  
 uere nostra tempora rebus admodum multis, uerum  
 ex his gemmis porro clarissimis insignia duxerim  
 & longe amplius, si quidquam amplius dici, aut  
 cogitari potest. Ad hoc: socratico amore inter se

accensos, usque ad summam senectutem animos, nulla tamen lasciuiā, aut humana cupidine labefactatos, sed similitudine uirtutum, ac caelesti beneuolentia captos flagrasse comperimus: ut illis diuino numine furor afflatus haberet, quo merito se concitaret. Musae enim sine amoris igniculo frigusunt, ac muto ore uidentur. Virgines tamen eiusmodi sunt, ut profanas ne cogitatione quidem, aut uerbis facere parum honestis umquam liceat. nunc ad rem redeo. Gambara gens (quod omnium sermone celebratur) Brixiam natalem sedem antiquitus habuit. nonnulla tamen Opida in sua potestate, ac ditione tenet: e quibus uno forte tunc erat mater, cum Veronicam peperit: id est Prato Albuini, quod non longe distat ab flumine Mella. Ioannes Franciscus genitor, parens uero Alda fuit e familia Pia Carpensi profecta. cuius fratres Cardinalis Vbertus, Brunorus, Hippolytus, et Camillus fuere. Iam dixi, uti ab ipsis uirtutum rudimentis, et incunabulis honestissime cum Bembo alta Veronica est. Vbi uero apta uiro extitit, Giberto viii. Corrigij domino nupsit, cui Violantia Pica Mirandulana antea nupta fuerat. Cōtulit se, ut perbelle fors nostra tulit, ad nos, āno post Virginis partū millesimo quingētesimo nono: et duos liberos Hippolytū, et Hieronimū breui nobis genuit, ac ualuisset p̄ aetatē alios gignere, nisi ī morbū incidisset. Ex quo medici uiro dixere, ei necesse esse, aut uxore, aut spem filiorū amittere. Sed ipse coniugis meritorū iudex, et aestimator optimus

amorem filiorum post illius salutem duxit. Ita Veronica pharmaco sumpto, conualuit: sed Sterilis red-  
dita est. dein cum uiro uixit usque ad eum annum,  
qui fuit à partu Virginis decimus octauus supra  
mille, & quingentos, ad vii. Kal. Sept. quo tem-  
pore naturae uisum est aeternae, uiduam fore debere,  
ut eius uirtus quauis fortunae conditione spectare-  
tur. Erat adhuc satis integra aetate, tantumq.  
ex hac acerbitate dolorem hausit, ut quartana fe-  
bri laborauerit, quae ex atra bili conficitur.  
Itaque diu infirma ualetudine fuit. Tandem con-  
firmato corpore animum sedare caepit, ac sem-  
per uiduam esse statuit; uoluit etiam id unicuiq.  
qui cubicula sua ingrederetur, nulla percuncta-  
tione quaesitum, innotescere: igitur ea omnia  
pulla ueste operuit, circumscripsitq. recte, ac  
pudice duo illa Virgilianae Didous carmina.

Ille meos primus, qui me sibi iunxit, amores  
Abstulit, ille habeat secum, seruetq. sepulchro.  
Neq. ob id ingeniū incultu torpescere siuit: Sed uti  
antea bonarū litterarū studio intendere, benignita-  
te, ac facilitate uti, ut pudor, suiq. animi liberalitas  
ferebat. Ex eo uiros uirtute praeditos semp humani-  
ter excepit, eorū, q in ceteros obtinēt dominatū ami-  
citia usa est, omnib<sup>9</sup> uehementer cara. Nec ex illis  
aliud quàm Caroli V. Caesaris locupletissimum te-  
stimonium proferam, qui dum Corrigi diuersa-  
tus est, Veronicae dixit, se tribus de causis ipsam  
amare: uirtute primum, atque eius nominis cele-



britate, dein necessitudine, quā sibi adiuncta erat. Corrigi enim domini ex uera, legitima, atque antiqua domo Austriae profecti sunt. postremo quod soror esset Vberti Gambarae, de quo supra memoraui. Qui uirtute ceteris praestabant, hos Veronicae proximos, familiaresq. fuisse nemo ignorat. Bononiae enim cum Carolus a Clemente vii. Imperij Coronam accepit. dum ibi principes illi uiri mansere, quod non exiguum temporis spatium fuit, Veronicae domus, uti Academia, celebrabatur. quo de maximis quaestionibus quotidie cum illa differendi gratia confluebant Bembus, cuius antea memini, Capellus, Molsa, Maurus, ac omnes, quotquot fuere ex singulis Europae partibus clarissimi uiri, qui regias illas frequentabant. Quas eius laudes carmine efferat Ariostus, quis est omnium quin saepenumero audiat? Quantum ei complures alij, & loco illustri positi, et maximi scriptores tribuat, in diuersorum auctorum operibus abunde comprobatur. Ceterum postea aliquantō, ubi hi amici de uita migrāuere, partim uero huc, atque illuc dispersiti sunt. Veronicae ceteris studijs post habitis, sacris litteris tantum enixe operam dare consilium fuit multa eius generis, sicuti inter poemata ab ipsa condita uidemus, conscripsit. postquam uero uitam usque ad annum Iubilei, ut nunc loquimur, à Virginis partu supra mille, et quingentos, quinquagesimum traduxit, Idibus Iunij mortem obiit: eo porro die, quem maxime omnium ob diui-

*Antonij Patauini sacra solemnia uenerabatur. quā  
 rem non absq. singulari Dei beneficio, gratiaq. con-  
 cessam, multumq. ad aeternam, et beatam uitam iu-  
 uasse facile credam. Postero die, ad aedem Diui Do-  
 minici, ubi fere omnes Corrigij reguli humati erant,  
 extra oppidum delata est, tum oleae, tum lauri ra-  
 musculum, praecipuum Veronicæ insigne, atque  
 ea dignum, in ore habens. Tumuli locus uiro pro-  
 ximus fuit. Ingens moeror eo funere populum inua-  
 serat: me quoque quam maxime, qui harum rerū,  
 quas historiae mando (uti Aeneas inquit) magna  
 pars fui, ac ueluti Euangelij scriptor Ioannes par-  
 tim uidi, partim uero ab ipsa audiui. cui postquam  
 aliud studiū, summaeq. Obseruantiae, qua illā colui,  
 signum ostendere non possem, uersus dicaui, fixiq. in  
 monumento, quorum exemplum infra scriptum est.  
 Gambara sub tumulo iacet hoc Veronica Princeps  
 Corrigij, solo nomine nota satis.  
 Quam coluit quicunq. Heros, quicunq. poeta.  
 Quam cecinit, lapide hoc Gambara contegitur.  
 Gambara stirps, nomen Veronica, Brixia mater,  
 Musa Erato, Titulus Corrigium, & Tumulus.  
 Veronicæ Gambarae bonorum omnium fortunae cor-  
 poris, atque animi cumulatis.*

Mulieri.

## HIPPOCRATES ET HIERONYMUS.

duo Corrig. Principes Filijq.

moestiss. P

Si Veronicæ oris habitus cū reliquis corporis partibus conuenisset, ipsa omnino formosa, et ad exactam usque ætatem uenusta haberi poterat: Ceterum facie etiam si deformi non esset, satis tamen decora nunquam fuit. quam rem plane eloquentia magis, ac magis pensauit, quæ ex ore longe maior, quàm stylo exhibit, adeo dulcis, ac pura, ut quicumq; cum illa sermones de quauis re conferret, simulatque discederet, mirro eiusdem orationis desiderio afficeretur. Bona corporis sui habitudo uel ex hoc cognita est, quòd illam ualde modica exercitatione tuebatur, & tamen ualitudinem fere numquam amisit, diu uitam coluit, neque umquam dum legit, scripsitq; necesse habuit conspicio uti. Diu uiuere, seq. ab illo, quantum poterat, abducere insueuerat. Utebatur eo cibo, qui maxime aleret. poma recentia, atque id genus esculenta contemnebat. Non alea grata, non uoluptaria fuere. In doctrina in primis studium suum collocare, ac inter amicos de re praeclara, atque omni laude digna colloqui maxime cordi erat. nil pensi, neque moderati non habere. erga omne hominum genus, summos, infimos, hoc, aut illud ætatis urbana, et comis uidebatur. grauitatem, suauitatemq; iuxta retinere. Puerulis, quorum (ut sacri libri memorant.) sedes beatorum sunt.

libentissime blandiri. numquam iracunda, aut si foret, mature acerbitem illam remittere. accepta uero iniuria, plane ignoscere, quàm persequi malebat. Ut pacem inter se dissentientes ciues uellent, summa opem nitebatur: ut conficerent, sua perficiebat uigilantia, prudentiaq. singulari. In educandis libris, uti nobiles decet, mirabiliter industria: ad hoc uti irent primum uia, qua summa claritudo paratur, ac inter se concordissime uiuerent, perspicuum ceterarum matronarum exemplum, quae filios educant, ac populis praesunt: earumq. maxime, quae discordiam, tanquam hereditarium morbum domi habent. Maculae, quae Veronicae iniuri uidentur, hae sunt: amasse, ac defendisse nimio studio amicos, & familiares suos: assentatoribus aures patefecisse: credulam se praebuisse. Sed facile eluuntur. non enim eo animo erat, ut ij, quos caros habebat, iniuriae licentiam, aut foeda facinora exercerent, eius fauore confisi. nullis enim tempestatibus priuatorum audacias nutrit. Verum cum deliquissent, ut eos defereret, adduci minime poterat. Credulitatis autem nulla alia ratio uidebatur, quàm ex suo alienum animum metiri: & unumquemque, ueluti se ipsam nouerat, probum existimare. Assentatores audire, cum haud quaquam superbiae obnoxia foret, nulla ex alia re fiebat, quàm ex ingenij sui facilitate. Ea omnis labes si forte alicuius animo inesset, purum illud ac syncerum potius, quàm quidquam aliud, indicaret. quando nemo hanc ab erroris humani culpa uacuum uitam degat. Fuit Veronica, ut uidere licet,

*in genere dicendi candido, ac dulci iuxta atque doctissime erudita. Et in soluta oratione ita, ut in carmine ualuit, sicuti nonnullae eius epistolae inter diuersorum auctorum monumenta iam editae testantur.*

# I. HIERONYMVS. CATENA

*Hersiliae Cortesiae. S. P. D*

**E**latus sum laetitia, cum primum superioribus diebus Bibliothecam Rainaldi Corsi ingressus, incidi in duo uolumina Epistolarum Gregorij Cardinalis patruui tui, amplissimi uiri, atque omnium bonarum artium scientia instructissimi. quae cum auide euoluerem, & sermonis elegantiam, tum expolitum, tum suaue dicendi genus admirarer, cum Rainaldo his uerbis agere coepi. Quid tu homo doctissime, atque eloquentissime pateris, rebus maxime praestantibus, ac clarissimis tenebras offundi? A quo ita edoctus sum, te omnem (ut aiunt) mouisse lapidem, ut reliqua, quae desiderantur opera, multa sane, ac praestantiora ab ipso Cardinali conscripta haberemus, quae terra, mariq. ut conquirerentur, praemandasse te, tamen nullo esse loco reperta. post demum usque ad ultimam Britanniam homines delegasse, quando acceperas iussu patruui tui ad Cardinalem Polum delata fuisse, ut illius egregij uiri heredes conuenirent. Verum omnis frustra diligentia adhibita est, nam cum illa hereditas ad litterarum ignaros peruenisset, uel ea monumenta sciderunt, quod nihil lucri continerent, uel, uti nunc sunt



tempora in his locis, perditissimorum hominum haereticorum manus eo odio, quod in ueram, atque antiquissimam religionem habent, cum his libris nil esset religiosius, lacerarunt. His potissimum causis aiebat Rainaldus te parum propenso animo esse ad haec Epistolarum fragmenta diuulganda. subuerebaris enim, quod incontinna, & non satis explicata uiderentur, ne minima haec patruus tuus, qui maxima opera molitus est, omnino ipse contempsisset. Sed longe mei alia consilij ratio est, dabis mihi hanc ueniam, nobilissima Hersilia, si liberius tecum loquar. In primis illud existimare debes, Gregorium Cardinalem ab incunte aetate studio litterarum incensum, multum ad dicendum, et ad omnes bonarum rerum disciplinas natura ipsa ualuisse, quae non solum familiae Cortesiae uiros ad singularem quandam uirtutis praestantiam finxit, sed etiam feminas; inter quas, absit assentationis suspicio, tu cunctis semper praestitisti. Deinde doctrinam tum humanarum, tum diuinarum rerum cum ingenij naturaeque bonitate, summaque eloquentia coniunxisse. Postremo hic bonis cumulatam, in uarijs muneribus, quae longum esset recensere, et in Christianae Reip. administratione diu uersatum esse. quibus rebus fieri necesse est, ut illius operibus ne reperiri quidem, quantum ad eloquentiam pertinet, ornatiores, quantum uero ad scientiam, ac rerum usum, doctrina, prudentiora, atque his temporibus utiliora possimus. Tantus in his epistolis lepos, tanta urbanitas, tam purus sermo, ea, cum de Rep. loquitur, grauitas, ea dignitas.



tanta sententiarum, ac lectissimorum uerborum uber-  
 tas, uarietas, copia inuenitur, ut profecto id cogita-  
 re debeant homines, cum & multo meliora, quam alij  
 omnes alijs monumentis complexum esse, & ea, quae  
 mente agitarit, admirabili, ac diuina quadam dicen-  
 di ratione explicuisse, rerumq. pulchritudini uerborū  
 splendorem addidisse. Quae cum ita sint, et à me non  
 solum ipsae Epistolae probentur, sed à compluribus  
 doctis uiris, quibus iam notae fuere, magnopere ex-  
 petantur, hortari te, atque obsecrare uolui pro mea,  
 quae tibi numquam defuit, obseruantia, ne eas in te-  
 nebris iacere permittas, nec tibi illa fingas, quae du-  
 bitationem non habent. Nam praeter quam quod nul-  
 lam tanti uiri memoriam retinere, ac posteris prodere  
 uideberis, quod ingrati, & angusti animi esset, ac  
 praeclare familiae tuae non parum officeres, maximam  
 certe praesentibus hominibus eriperes utilitatem.  
 Agimus cum Pont. Max. negocia, agimus cum am-  
 plissimorum ordinum, ac sacrarum societatum dele-  
 ctis uiris, agimus quotidie de rebus Christianis, de re-  
 ligiosis hominibus, ut nostri ritus postulant. si uero hu-  
 ius aetatis scriptores, quorum studium est, ut cuiusq.  
 modi uerbis cogitata exprimant, imitari uolumus,  
 inquinate prorsus loquemur, nullamq. in sordibus, &  
 illuie orationis reperiemus dignitatem. Propterea à  
 te precibus peto, ut pro tua prudentia animaduertas,  
 ne studiosis, atque eruditis uiris in odiū aliquot acer-  
 bissimum uenias, in quod satis intelligo te uenturam, si  
 eas lucubrationes oculos, et quamprimum prodire ui-

*hominum manus non sinas. Quod iure à te expectare nemo debet. neque enim quemquam tibi pluris fieri no- uimus, quam qui aliquo optimarum artium genere, uel poesi, uel ornatissimis epistolis, aut orationibus ceteros antecellat. Et cum à compluribus hac tempestate, & ijs quidem in dignitate positis huiusmodi docti uiri po- tius contemnantur, quam cari habeantur, ipsa eo quo uiges animo, id est amplo, & excelso, atque omnium uirtutum laude praestantissimo, uti ea es familia na- ta, quae semper & suscepit, & aluit, ac peperit do- ctos uiros, ita eos beneuolentia complecteris, ut illu- stris iam, & peruagata sit tuorum in omne genus ho- minum fama meritorum. Nec ab re dictum esse exi- stimato complures domum tuam eximios, egregiosq. uiros procreasse, si quidem in Italicis quibusdam mo- numentis Cortesia gens clara maxime lectissima, atq. ornatissima habetur. Mutinam enim, quam Barbari solo aequarant Caroli Magni ope instauratam illustrio- res nonnullae in Cisalpina regione commorantes fami- liae ad urbis renascentis splendorem incoluerunt. Qua- ratione gentiles tui domicilium in ea Ciuitate colloca- runt. Nam Ludouicus Cortesius, qui in Gallia nobi- lissimus celebrabatur Pipini Italiae regis apud Tici- num Vicarius, ac summus consiliarius Alimediā ex excelso Cassanorum genere ortam uxorem duxit, li- berosq. suscepit, & stirpis in eo solo Cortesiae initium posuit praeclarissimum ex quo eruditissimi, consulti s- simiq. uiri in hunc usq. diem profluxerunt. Sed id, atque alia huius generis hoc loco longius persequenda.*

non sunt, ne forte uidear tum gratiam aucupari uelle, quo magis tuum animum in meam sententiam attraham. Nihil dico, cogitent homines quidquid uelint. hoc dico, habere te Rainaldum Corsum omnium rerum magnarum cognitione in primis instructum, tum singulari eloquentia, tum probitate, atque humanitate ornatum, ac perpolitum. Omnia haec cum eo communicare potes, ut uanitas (sic tu interdum soles appellare gloriolam) ueritati cedat. si illi, cuius acre iudicium est in cognoscendis, ac perpendendis auctoribus, probabuntur, neminem iudico fore, qui improbet. Ceterum credas hoc mihi uelim, quod puto te existimare, breui euenturum, ut exemplo tuo nonnulli, qui reliqua opera Gregorij Cortesii Cardinalis fortasse domi occultant, excitato laudis, atque gloriæ tuæ studio, ea in apertum referant Illud te moneat necesse est, si ea quam profiteris, beniuolentia, patrum tuum prosequeris, atque eius scripta maxime. quæ uti nulla interposita mora, uel pauca uel multa inueniantur, quam cellerrime edas, stude, atque elabora. Vale.

# I. HIERONYMVS. CATE

na Nepoti. S. P. D

**C**um & antea multis occupationibus distinerer, & post magnopere sim. commotus Cardinalis Araecaëli obitu, mirum uideri non debet, si tuis literis, mihi quidem incundissimis, respondere minime

potui. praesertim cum non tam necessarium à me exigi hoc officium putarem, ut sine culpa praeteriri non posset. tamen gratum fuit, dulcissime nepos, intelligere te desiderare meas litteras, et crebriores quotidie fieri exoptare. Quare tua hac insigni in me amoris nota uehementer gaudeo, polliceorq. in posterum in tanto ocio tuo me parem in scribendo tibi fore. Placuiisset mihi sane magnopere, si relictà patria domo, eiusque delicijs Romam profectus esses, ubi & ingenio, moribus, & doctrina praestantes uiri, et eloquentia singulares commorantur. Ex quibus ad informandam tenebram istam aetatem uiua praecepta, atque instituta haurire potuisses. monumenta etiam praeclarorum uirorum, & septem colles, memoria insignes, non paruum uim ad uirtutem unum quemq. inflammandi, & excitandi habent. Audiuisse etiam potes ex ueteribus historijs quosdam nouos adisse populos, maria transisse, Pythagoram scilicet Memphiticos uates, Platonem Aegyptum peragrasse, ut doctrinae studium melius compararent. Ad hanc igitur profectiorem, si commodo, & pace parentis tuae fieri potest, te etiam atque etiam hortor, sin minus optimae feminae consilium sequare, inutile enim tibi numquam erit. Libellum centum fabularum emi, & his litteris transmittito. Legere te apologos, qui ad componendos mores, & ad uirtutem tendunt non improbo, & eos etiam poetas, qui bonorum uirorum actiones, aut sermones nobis retulerunt, complecti, ac imitari litteris, & quam maxime conari, ut tales simus. cum uero ad nepharios

homines peruenerint, tunc fugiendum est, obturatis  
auribus non minus quam Vlissem aiunt Syrenum can-  
tus euitasse. Plura scriberem pro hoc argumento,  
nisi certo scirem à praeceptore tuo haec dictitari, &  
per te, ut haec ediscas, studiosum esse. Vale mi  
dulcissime nepos, & tuorum maiorum uestigia indies  
magis sequare, meo uero nomine matrem tuam salu-  
ta. Roma.

## I. HIERONYMV S. CATE

na Rutilio Alterio

S. P. D

**N**E hostibus quidem nostris contingat uelim tales  
accipere litteras, quales tu ad me nuperrime,  
nescio quidem quo consilio scriptas, misisti. Illud  
enim mihi incommodum, ac maerorem attulerunt;  
cum maxime consolatione egerem, ut fractum iam ani-  
mum doloris recordatione profundere potuissent, nisi  
aliquantulum aegritudine lenatum, atque lenitum  
offendissent. Quam luctus acerbiter attulerint  
litterae tuae, per te ipsum, nisi mei penitus oblitus  
es, cognoscere poteris, nam cum ego is essem, qui prae-  
ter ceteros Iuliae Bupalae praestantissimae feminae tot  
uirtutes, quot humana conditio capere potest, ma-  
ximopere suspicerem, admirarer, in caelum ferrem,  
ut in ea colenda studiosiorem aequae ac, me, inuenires.  
neminem, ausus es nunc angores, & luctus in meos  
oculos, mentemq. quibus dolorem renouasti, obijcere.



Putabas fortasse ita me ab omni humanitate alienum, ut tam praeclarae femine obitum mihi molestissimum non accidisse cogitares? quae me uti filium amabat, quae optimos, ac carissimos, praesertim nobis Angelum liberos peperit, cuius uirum probum ac bonarum litterarum amantissimum, & eruditum maxime diligo, cum qua, & si non ut tu necessitudine, beneuolentia tamen, ac familiaritate eram coniunctissimus, cuius oratio me ad uirtutem, ad Dei cultum, ad pulchra, & honesta facinora traducebat, inflammabat. A me ipso antea quidem modicam quandam consolationem mihi adhibui, ac tam diu dolorem à me abesse sentiebam quam diu uersus facere in eius honorem potuissem multos saepe feci sed quos probarem, paucos, ita animus impediabatur nimio fundendi ardore, quos ad remittendos statui, cum ut te ad id inuitarem, tum etià ut hunc casum non tam grauitè feras, cum scias hoc loco cum Gratijs, ac Minerua communem extitisse. Vale, atque ad me iucundiores litteras scribe. iiii. Kal. Ian. CIO. IO. LXIII

## I. HIERONYMVS. CATENA

M. Antonio Mureto S. P. D

**Q**ui magnum apud se positum beneficium in primis ducunt, ea polliceri solent, quae uires, atque eorum omnem facultatem exuperent. quod si umquam mortali cuiquam cecidit, ut in sermonem hunc tam amplum, atque magnificum delaberetur, is certe fuit Hersilus ille, qui tunc longè maximum beneficium



à te accepit, cum insperanti mihi, sed ualde optanti libellum Cardinalis Cortesii aduersus negantem Romae fuisse Petrum Apostolum, ad eum perferendum dedisti. Praestolemur, quoeso, quid rei factururus sit. Quod meorum laborum fructus amiserim obitu Cardinalis Corrigiensis cui tot annos operam dedi simul cum oleo perditam, nil mirum uideri debet, cum durissima usq. adeo conflister fortuna, ut indignior nulla alia reperiatur. Tu uero quamuis uitae occasum Hippolyti Cardinalis Ferrariensis uideris, & dignitates illae, quas tua tibi uirtus pollicebatur, intermortuae uideantur, tamen tui ornandi uoluntas huic ordini deesse non potest. Cardinalis adest Estensis, qui ad beneficia remuneranda habetur propensissimus. Tuis te disertis ipse litteris delectas, in rerum contemplatione studia ponis, & cum sis ad omne genus eloquentiae natus, te supra hominem Roma admiratur. te ipsum totius antiquitatis aestimatorem acutissimum, naturae interpretem, uirtutis magistrum, poetam insignem, iurisconsultum peritissimum in Caelum effert. Hoc igitur amplissimum praemium te numquam deseret, quocumq. se ferat fortuna tua, te sequetur. hic cursus gloriae sempiternus. honorum gradus cuius hominum generi contingere possunt, gloria excellere paucis. Perge itaq. tui ingenij monumenta artiumq. scripta edere, ut nos ex his fructum maximum percipiamus, & omnis posteritas tibi debeat. Haec ad te iam pridem scripsi, sed nunc primum mihi data est mittendi opportunitas. Vale. Ex Castro Plebis.

## I. HIER. CATENA CLEMEN

ti Moniliano Cardinali Am

plissimo . S. P. D

IN more positum est, praeclariss. ac optime Antistes, his temporibus, cum uix mortalium corpora, uel robustissima maximis caloribus respirare possint, taxillorum, & alearum Ludis operam dari, umbracula quaeri. Ipse autem huiusmodi ludum, & iocum in litteris amenioribus, mansuetioribusq. Musis cum serijs negocijs uacuis sum, agitare decreui, non in turpibus inhonestisq. uoluptatibus, illud enim in memoria semper habui *ὁ δὲ περὶ τὰ πολλὰ χρηστὸν μὲν εἶναι*. His igitur festis diebus, ut non nisi literario ocio delectarer, lectionem ad poemata adhibui & nonnullos uersus uarijs quidem modis fusi de hortulo secretiori, ac sacello, bibliothecaq. in quam sacpisime te abdas, & hoc quoq. more maiorum sapienter fecisti, cum saepe apud illos bibliotheca in hortis desideraretur: excitat enim mentem, animumq. hortorum cultus alacriorem reddit. Praeterea larem illum, de quo meum extat commentum, à te saepius expetitur, tibi mitto, ut in hortulo, si placuerit, affigatur. uolui orationem uerbis quibusdam antiquis obtegere, ne forte à recentioribus fabricatum aulae sectatores suspicarentur. Vale.

## I. HIER. CATENA

Fabricio Caputo

S. P. D

**D**E Sacerdotio illo, de quo alia Epistola ad te scripsi, nihil confecimus. Alexandrum, ceterosq. consanguineos, qui Lario sacris interdicto auxiliati fuere, omni animorum contracta labe purgari a Pont. Max. curauimus, ut Paulli Parauicini litteris intelligere latius poteris. Illud certe Pont. aegre tulit eos in aduersariorum agrum superioribus interregni diebus hostiliter irruisse, grassatosq. quam diu libuisset. delentus tamen quod optabamus concessit, multis post diebus. quid? in me omnia conglomeras mala? Huic mandes si quid recte curatum uelis. Sed ea res te falsum habet. uix quidem uerbis dici potest, quanta pertulimus mala, nobis animam elisisse, ac torminosi, ut ita loquar, uidehamur, & ni usu animus concalluisset, profecto uiuere prorsus desissemus. Quot scribis de Fabio uiro probo, & populari, est quod gaudeam. uerum iam flaccet illa uetus fortitudo, ipsiq. lacrimae guttatim cadunt, rideamus licet, sum enim a te inuitatus. De Hieronymo nihil extrico, sunt quidem adeo ingentes calores, ut nemo quantumuis

## LIBER

*animatus se respirare posse confidat. Ex nostris nonnulli inter quos est Sanctus, & Carsidonium, latebras quasdam habitant, uesper plures ne cum subligaculo quidem in aulam prodeunt, nec audent solitis uti delictijs. Ipse uero cum utar crasso hoc Caelo, atq. concreto, templum uicinum adeo, ibiq. historiarum auditione ducor, ac delector. Sed eliminant aliquando nos extra aedem Franciscani, & tunc uideor uires, & corpus amittere, & quamuis calore sim confectus, aquam tamen gustare, superiorem morbum reformidans, non audeo. parco itaq. quantum possum ualitudini, ac solum cogito quomodo noctem de die facere possim. Dum una omnes coenare cepimus, dominus admonet ne amplius genium defraudemus suum. quid rides hic fortasse? uera sane praedico. Sed manum iam de tabula, migramus, nescis quo? ad Diui Marci. Vale. Roma. Kal. Iulij.*

## DVCI. BAVARIAE NOMINE

Cardinalis Alexandrini.

**Q**Uod Princeps Ernestus me humaniter & salutandi, & uisendi causa conuenerit, litterasq. mihi à te humanissimas reddiderit, ingentes tibi gratias agere, et habere debeo. Ego enim permagno semper aestimaui tali me Duci, atq. ita de Rep. Christiana benemerenti carum esse, eiusq. amplissimae auctoritatis commendari. Est praeterea quod gratuler mirifico de aduentu tam praeclari filij tui, qui suauitate ser-

*monis, morum facilitate, benignitateq. ita placet, ut ex ipso uultu Religionis studium, ac pietas eluceat. Accedit bonarum litterarum cognitio, modestia, grauitas, quibus apud Pont. Max. omnesq. mei ordinis uiros laudatur, amoreq. à cunctis complectitur. Iam firmis igitur iactis uirtutum, ac meritorum fundamentis, uerendum non est, ne in dies magis omnibus numeris ad Ecclesiastica munera sustinenda absolui, ad summaq. ac in omni genere perfecta peruenire possit, atq. omni honore dignus iudicari, coq. patre, qui obfirmata, perpetuaq. fide, ac studio S. Cath. Eccel. religiosissime coluit, prauitatesq. omnes damnauit. His inquam uirtutibus praeditum amplissimum filiū maxime hac tempestate uerae religioni prodesse confidimus, cum ea ab iniquis desertoribus exagitetur turpiter, atq. hereticorum monstris diuexetur. Sed ut de me iam loquar, ego is sum, ut non tam mea sponte propensus tibi, Principiq. obsequi studeam, quam constanter in Pij V. sententia perstans, cui necessitudine eram adiunctus, nullo umquam tempore pietatem uestram obseruare, ac uenerari desistam. Sanctissimus enim ille Pontifex studia uestra, integritatem, cultum, prae ceteris quotidie praedicabat. Faxit Iesus Christus, ut tua dignitas augeatur, laudibus, atq. honoribus in dies magis amplificetur.*

*Roma.*

I. HIER. CATENA. ACADEMI  
 cus Affidatus Lucae Contili  
 S. P. D

**Q**uamquam nullum tempus mihi umquam uacat ,  
 aut à negocijs , quae pro Cardinali Alexan-  
 drino suscepi , aut à scribendo , tamen maxime cupio  
 aliquantulum ereptum summis occupationibus , ut  
 Epistolae tuae his litteris respondere possim . Nihil  
 enim mihi iucundius accidere fateor , quam tecum  
 in huiusmodi uersari disputationibus , cum mirifice-  
 tuae scientiae suauitate delecter . Quae de Ciceronia-  
 nis imitatoribus mihi descripsisti , neq. spernenda esse  
 censeo , neq. explodenda , praesertim cum in soluta ora-  
 tione numeros non reperiamus admodum determina-  
 tos , sed consulendae sunt aures , quid magis consen-  
 taneum postulent . dum uero abest cura compositionis ,  
 & ars quaedam ueluti structurae , dissipantur quidem  
 illi , ac rudem inconcinnamq. reddunt Orationem . ne-  
 mo sobrius id negabit . Ex Cic. autem libris materiam  
 Latinae eloquentiae petendam , formamq. mundissimae ,  
 ac nitidissimae locutionis , sermonisq. integritatem  
 depromendam semper iudicaui . Si in ceteris rebus  
 quis elaborauerit , furem dicemus potius , quam imi-  
 tatorem . Verum huius tempestatis scriptoribus illud  
 incommodum accedit , ut in multa incidant & in Phi-  
 losophia , Theologiaq. noua & in bellicis tormentis ,  
 instrumentisq. inaudita , tum in publicis , tum priuatis  
 negocijs



negocijs peregrina. neq. his qui conficiunt Principum  
litteras, diplomata, atq. id genus scriptorum, mo-  
numentorumq. satis explicatam rationem uerborum  
consistere uidemus. quae labefactata, et amissa scripta  
omnia sordescere, ac confundi necesse est. Sed si quae  
barbara sint, quae latina, quae dura, odiosa, intole-  
rabilia, putida diiudicarent, erroribus minime du-  
cerentur, quos cum lacte nutricis suxere. Numquam  
licet nostratia, quibus uulgo utimur, mea quidem sen-  
tentia, ita latine reddere, ut an huius, uel illius lin-  
guae sint, cognoscere non possimus, uniuscuiusq. ser-  
monis uim, ac proprietatem seruandam auctores tra-  
didere. Sed si rebus nouis nomina imponenda sunt, à fonte  
graeco cadat parce detorta, idq. fieri tenuiter, et cau-  
te Horatius monet. numq; audacē probauerunt ueteres  
Oratorē in faciēdis uerbis, neq. in trāsferēdis inuere-  
cundū, p̄dignū in priscis, in reliq;sq. ornāmētis non ita  
abductum, atq. contentum Si forte necesse est.

Indicijs monst̄rare recentibus abdita rerum

Continget, dabitur licentia sumpta pudenter.

Triplex nos possumus considerare genus uerborum  
propriū, translātum, fictū, aut factū ad-  
do peregrinū. In satyra, tragoedia potius tran-  
slatis, quam proprijs. Dixeris egregie notum si cal-  
lida uerbum, reddiderit iunctura nouum. In Comoe-  
dia potius proprijs, quam translatis, sed interdum  
translatis. In tradendis doctrinis proprijs, transla-  
tis, fictis, etiam peregrinis. cum id, quod recte sen-  
timus, polite eloqui non possumus. In omnibus mo-

dum praecipit Horatius, libidinemq. nouandi ubiq.  
 coercet, his uerbis, In translatis tenuis, cautusq. cum  
 tamen confiteatur egregie dici. in fictis si forte, et pu-  
 denter. in proprijs, non uult, indignatur. Peregri-  
 na pauca admodum in latinum sermonem irrepsere, ab  
 omnibus prope gentibus aduecta uocabula, à Tuscis,  
 Sabinis, Praenestinis, Gallis, Persis, & alijs. sem-  
 per latine loqui conari debemus, sed quando aliud ne-  
 cessitas cogit à Graecis potius, quam ab alijs aduenis  
 uerba mutuanda sunt. Demum Caesar, et Cicero sem-  
 per in memoria habendi, alter dixit irrideri qui ni-  
 mis graeca inculcat, alter insolens, inauditumq. uer-  
 bum tamquam scopulum fugiendum. Ceterum haec  
 longius fortasse, quam par fuit, in medium adduxi,  
 quae nec occupationi meae, nec conditioni aequa ui-  
 debuntur, nec in his positae Romanorum fortunae.  
 Nolui tamen meam non afferre opinionem, quam de-  
 positurus sum, si aliter uolumen illud litterarum, quod  
 tu propediem edere statuisti, mihi persuadebit, ratioq.  
 quod mente comprehendi, conuellet. Iconica illa, quae  
 nostri Academici protulere ad uirtutem cuncta spe-  
 ctantia, libenter inspicerem, si tibi placuerit huc mi-  
 ttere. Quod de mea scribis Icone, agnouì humanita-  
 tem tuam, non enim est mihi tanti, ut me omni laude  
 cumulares. Liniam Beccariam, quam ob suauissimos  
 mores, animi altitudinem, lenitatem, ob plurimarū,  
 formosissimarumq. uirtutum praestantiam unice amo-  
 uenerorq. saluere meo nomine iubeas. si quid mihi um-  
 quam erit eloquentiae tributum, totum in ea laudanda

*consumam . Amico illi aliquot in causis litiganti ,  
 quas mihi commendasti , et profui , & prodesse uelim .  
 Nam tua omnis commendatio à me blanda impulsio  
 existimanda est . Vale . Roma .*

# I. HIERONYMVS CATENA

Leonorae Sanuitali Giberti

Salae Comitis filiae

S. P. D

**P**OST meum ab Vrbe discessum, nullas ad te, ut pro-  
 miseram, litteras dedi. quod mea quidem haud  
 est negligentia factum, cum in te colenda diligentior,em,  
 quam ego sum, inuenias neminem. Sed huc atq. illuc  
 uenando, equitando sum peruagatus, uoluptati nulli  
 certe obnoxius, at quem debueram, prosecutus. Nec  
 religio mihi est, aliquo tempore nihil agere, & plane  
 cessare, ac facultate uacui, et liberi temporis perfrui.  
 Sed nostra haec potius dicenda est contentio animi,  
 quam relaxatio, quae mihi tristitiam affert. Scio sa-  
 ne plerosq. ocio interdum fluxisse, ut de Socrate, et de  
 Catone accepimus, alter fidibus tractandis deditus,  
 alter pilae lusui erat. Et illius certe Similis Adria-  
 ni Imp. amici soleo admirari consilium, qui uacatio-  
 ne impetrata septennium ruri maxima quiete degit,  
 sepulturam ita habuit inscriptam, Similis iacet, cui  
 aetas multorum annorum fuit, septennium tamen ui-  
 xit tantum. Verum contra de nobis fortasse dicendum  
 id est menullos uixisse dies, quo alterius iurae aetate

ago, ita sum continuis occupationibus districtus. Propterea mihi ignoscas uelim, si quae tibi etiam pollicitus sum, praestare non possum. hic enim librorum copia nulla, ex quibus argumenta illa morum, ac indicia rerum quarumcumq. colligam. Nec frustra ista expetenda sunt, nam per saepe hominum ingenia his statim cognoscimus, quae aliter, nisi consuetudine, ac longo usu, minime perciperemus. Varias sunt animi affectiones, & quas manentes uocamus, & quas mouentes, Oris habitus, oculorum motus, incessus, totius corporis species multa nobis facile indicare possunt. Ac referre maxime ueteres putauere, quae Caeli affectione quis primum spiritum duxerit. Nostri sapienter illam siderum observationem, qua praedici quid cuiq. euenturum in uita, quoue quisq. fato interiturus sit, damnauere. Quare nos huiusmodi diuinationes, notationesq. ex natali die totius uitae cursus merito sublatas fatemur. Praestantium illarum mulierum, quae litteris claruerunt, nomina, à me olim adnotata alio tempore tibi scribam. nunc autem id tibi persuadebis, nullam extitisse neq. superiori aetate, neq. nostra, quae ingenium tuum, litteras, eloquentiam adaequet, aut maioribus naturae adiumentis ac praesidijs prouenerit. Ipse saepe sum admiratus, te uix quatuordecim annos natam & Latinam linguam probe, & Etruscam callentem, Ciceronis libros diligenti lectione euoluisse, quam Arist. de moribus scripsit philosophiam didicisse, ueteris, ac noui Testamenti historiam memoria tenere, Orationis, Epistolas

candido stylo fecisse, carmina fudisse. Et nunc Euclidis operi studere, et post uelle astrorum cursus metiri, ac sphaerae cognitioni incumbere. Quae nam ergo mulier, o praestantissima Virgo, tecum conferenda est? Immo uero quis uir umquam floruit, tam paucis annis, tot claris artibus ornatus? Quid de singulari humanitate dicam? quid de suauissimis moribus, quos omnes uideo cupiditate honoris, pudicitiae, & gloriae inflammatos, tam erudita simplicitate conditos, tam dulci seueritate temperatos? ut si Modestia ipsa filiam desiderasset effigiem moris, sermonis, grauitatis, integritatis, animiq. sui, non aliam, quam te, uoluisset. Tu uirginalis uerecundiae exemplum, habitus, uestitus liberalis. Praeterea haec animi pulchritudo cum corporis eximia pulchritudine conuenit, quae non tantum uenustas muliebris, quam uiril dignitas dicenda est. ita omnes partes inter se cum summo lepore summa grauitate admixta consentiunt, ut nulla quilem species excogitari possit ornatior, cum ex utroq. ormae splendore constare uideatur. Verum his rebus inem faciam, ne laudes tuas uerborum meorum paupertate minuam. Illud abs te peto, des operam, id quod mihi affirmasti, ut poemata illa Iulij Caesaris Gossagae nobilissimi uiri uideam. est enim is in huiusmodi genere elegans, & ingeniosus. Cura, ut ualeas.

Ex Castro Plebis. Kal. Octob. Clj. Ij. LXXIII.



I. HIER. CATENA M. ANTO  
nio Bobbae Cardinali Amplif-  
simo S. P. D

**Q**uid mirandum est, doctissime, ac optime Bobba  
Cardinalis, si iam tuis operibus statim laetari  
uisus sum? cum te in poesi tam difficili elegantem, ac  
ornatum praestiteris, te ex maxime raro hominum ge-  
nere iudicandum duximus. Vere caelesti afflatu, ac  
diuina animi concitatione tot sacra carmina cecinisti  
nam qui aliter fieri potuit, si tu continuus deuinctus  
curis pro Christiana Republica susceptis, uersibus con-  
dendis operam nauas? nisi tuam musam quasi fontem  
fluere, & quocumq. influit prorsus se effundere dica-  
mus? ita mentis uiribus excitatur. O excellentem  
rationem ingenij, quae tibi immortale decus peperit.  
Iam nulla mora, nec impedimentum diuino operi infe-  
ratur: abiecta prorsus omni cunctatione ipsum in lu-  
cem proferas. Quid? obtrectatores times? tam san-  
ctis, sacrisq. scriptis, tamq. latine elaboratis, quae  
nec minus à priscis illis uatibus uersibus decantata  
sunt, maledici non obesse possunt, quis enim tam uir-  
tutis hostis, aut laudis inuidus extiterit, qui tuos  
labores improbarit? Quia in re poema hoc raptim ad  
te scripsi, quod an tibi placuerit, ut mihi significes  
te etiam, atq. etiam rogo. Vale.



## I. HIER. CATENA I. HIE

ronymio Albano Cardina

li Amplissimo

S. P. D

**Q**uantum sit meum erga te studij munus, et si iam pridem lucubratione aliqua, ut in alijs consueui, declarare debuisssem, cum pauci, aut nulli reperiantur, quos aequae ac te observare, colereq. ut uere sapientem, par sit tamen hactenus distuli, non tantum sollicitudine uexatus, quam rei magnitudine deterritus. Saepe Musarum delubra adij, saepe est inflammatu animus, nec uersu uerba includi potuere. Cum à tua praestanti pietate, religioneq. incipere uellem, & quanta extiterit, considerare, quantam Pius V. omnium mortalium augustissimus expertus fuerat, exitum nullum reperiēbam. Doctrinam cum attingebam, cum in legibus interpretandis aequitatem, in explicandis scientiam, sicut monumenta in lucem prolata testantur, cognoscerem, initio ipso frigescebam. Quid de pluribus uirtutis generibus, quae simul te complexa sunt, dicerem? Videbam ingenium acutum, contemplationi aptum, ueritatis auditate flagrans, ad agendum strenuum, boni publici prouidum, & quod difficillimum inuentu est, te esse hominem ingeniosum simul, & prae ceteris mitem lenem, facilem, atq. uirilem. Et quia tua uirtus nullo uitiorum confinio laeditur, me in maximam traducebat admirationem, ita

*per omnes numeros omnibus se patefecit . Suscipi igitur à me prouincia tibi poema faciendi nulla poterat , qua non potius crimen reportarem , quam ullam laudē acquirerem . Essent qui mihi consulerent , si te uel Socrati , uel Catonibus , uel Scipionibus , Adriano , Vespasianoq. compararem , abunde laudatum censerent . Qua in re toto Caelo eos errare semper crederem . Hi enim clarissimi uiri multum distare à tuis uirtutibus uidentur , ingenij sublimitate , litterarum scientia eloquendi elegancia , probitate , beneficentia . Illi huius mortalis uitae tantum gloriam captabant . Ipse uero omnia à Deo accepta fateris , Deoq. referre , nulla superbia elatus , semp studuisti . Cogitauī quādoq. te cū Crasso Miciano illo conferendum , de quo auctores tradidere quinq. maxima , & praecipua rerum humanarum , scilicet fuisse eloquentissimum , ditissimum , nobilissimum , iurisconsultissimum , Pontificem Maximum . Sed duo me retinebant . Opes cum nimium creuerunt , potius oneri , quam honestae uoluptati sunt , at mediocritate temperatae & usui sunt , & splendori opportunae . Pontificalis autem illa auctoritas non tanti erat , quanti nostra facienda est . Ordoq. tuus , Cardinalis optime , tuaq. dignitas longe sane praestat . Accedit ad hoc , absit adulationis locus , te ab omnibus illo honore maximo , quo maior nullus est in terris , ob singularem sapientiam tuam , dignum iudicari . Plura non addam , his enim litteris nil aliud ostendere uolui , quam tuarum uirtutum claritatem , amplitudinemq. me uersibus assequi non potuisse . Vale .*

## I. HIER. CATENA. VINCEN

tio Iustiniano Cardinali

Amplissimo

S. P. D

**S**uperioribus diebus Cardinalis Alexandrinus hinc discedens, ut susceptum quoddam negotium transigeret, mihi mandauit, ut tibi eius nomine salutem nunciarem, quamq. huius temperatione Caeli, hoc loco amoeno, apricoq. partim plano, partim uero montuoso delectaretur, nihilq. amplius desiderare se dixit, si tua suauissima consuetudine frui posset. Praeterea iussit, ut quae olim in meum rerum urbanarum commentarium de te retuli, historia, longisq. monumentis explicarem. Quod & si, Cardinalis amplissime, multis de causis mihi difficilimum semper uisum sit, illa enim tantum rerum capita sunt, & paucarum, nam quae extra prouinciam gessisti prorsus ignorabam, & multa, et praecipua fuisse credendum est, concionesq. illas, & cohortationes, quae interponi solent, multumq. decoris historiae asserunt, deperditas audiebam tamen nihil me magis retraherat, quam uerborum meorum ieiunitas, siccitasq. in re tam ubere, & illustri, in qua tracta quaedam, et fluens, concinnaq. oratio expetetur. Illa uero quae de te generatim dici possunt, mihi nota facile sunt, uidelicet te claris parentibus ortum, gentilesq. tuos nobiliss. principesq. fuisse insulae, quae Chios appellatur, te omnium magnarum rerum,

atq. artium scientiam consecutum , ad summam in ordine Prædicatorum Fratruum dignitatem peruenisse , in qua ita te gessisse , ut post hominum memoriam nemini contigerit melius , nam facilitas illa alloquendi , audiendi lenitas mirum in modum tibi est à natura tributa : affabilitati grauitas , salubri austeritati iucunditas adiuncta est . his ad res gerendas semper artibus usus es , & non nisi uiros landatos , uirtuteq. præditos honoribus affecisti , magistratibusq. ornaui . Tu , nullo negotio , omne de qua uis re negotium percipis , nemo diligentius , prudentiusq. explicat , conficit ex sententia . Proinde te Pius iiii. Tridentino Concilio adhibuit , ut illa animorum labe , quae longe , lateq. à prauis hominibus aspergebatur , elueretur . Quo loco uirtutis tuae , ingenij , litteraturae , studiorumq. tuorum thesauros aperuisti , ut uno ore te omnes egregium , optimarum artium , & sapientiae gloria præstantem , maioremq. Concilij partem , prædicauerint . Scimus quam plurimis experimentis auctam prudentiam , ac Pium V. omnium Pontificum prouidentissimum te de grauib. causis ad Hispaniae Regem legasse , in isto amplissimo gradu collocasse . Quotidie uidemus , audimus in quam curam pro Republica incumbas , quomodo auctoritatem , grauitatem , honorem , famam , gloriam , decorem , estimationemq. sustinentes , atq. collustres . Sed sigillatim , ut opus esset , ratioq. postulare describendi de omnibus rebus facultatem ablatam mihi uideo . Et profecto satius est tacere , quam pauca confuse dicere . Non

*equidem labori umquam parcerem, ut tibi aliquo argumento ostenderem, quam maxime tuae uirtuti sim deuinctus, nec Cardinali Alexandrino deessem, cui omnia debeo, si fieri, quod praeceperat, potuisset. Propterea ut me illi excusarem, haec in medium protuli. nam quod ad te pertinet, compertum est mihi, te nihil in primis, praeter clara facinora, pensi habere: quae quamplurimos doctos uiros procul dubio ad scribendum incitabunt. Vale.*

## I. HIER. CATENA

*Io. Baptistae Raste  
lio S.P.D*

*S*cribis ad me, ut uolumen illud Epistolarum tibi mittam, q̄ Romae superioribus diebus Paulo Manutio ostenderam, sunt ad Principes, Reges, Imperatoresq. scriptae litterae, memoriae enim posteritatiq. eas prode propagareq. uelles. Quae in re & si miras tibi gratias agam, cum studijs meis auctoritatem tribuere uidearis, tamen cum Epistolas illas trium Cardinalium iussu fecerim, contineantq. ea, quae detegere contra fas existimarem, uulgo legi non permitterem. Nam multae ad Ferdinandum Imperatorem, atq. ad Germanos Antistites, dum Cardinalis Araecaeli Protectoris, ut aiunt, munere fungebatur, nonnullae ad Maximilianum ii. missae sunt, quarum exemplum nemini traderem. Corrigiensis, Alexandrinusq. Cardd. principibus scripserunt uiris de calamitate,

quam tot annis Christiana R.P. accepit, de aerumnis, incommodis fortunis, priuatisq. rebus quamplurimis. Proinde mihi ignoscas uelim, si hac in re tibi minus satisfacio. Non nulla fortasse, quae annalium monumentis mandauit, ad te perferenda curabo, quae si leges; nostrorum temporum, rerumq. gestarum memoriam ita colligatam cognosces, ut minime laborem improbes. Vale.

## I. HIER. CATENA. POMPO

nio Taurello Comiti

Montisclaruguli

S. P. D.

**C**Vi potius, quam tibi, Pomponi nobilissime, liberos meos legendos, emendandosq. tradam? Nam si eloquentiam spectemus, tanta in te uiget dicendi grauitas, copia, singularisq. facultas, tanta ingenij ubertas, ut facile quidquid uelis, probes, ut incredibili suauitate omnes delectes, ut mira ratione flectas, atq. contorqueas. Multa de Carneade, deq. eius orationis ui dicuntur, sed quae minora uideantur illis, qui te argumentantem audiere, te enim iam uehementiorem, pleniorēq. iudicarunt. Si philosophiae studia intueamur, te acie mentis omnium rerum uim, naturasq. cognoscere, ac bene uiuendi rationem persequi, in rebusq. uel inueniendis, uel iudicandis acrem dicamus, necesse est, te maxime in Aristotelis doctrina uersatum, te his communibus litteris, & politiori humanitate



apprime informatum, te monumenta temporum, locorum, hominum, rerum gestarum, seculorumq. memoriam probe tenere praedicamus. Idcirco quod te excuses, nihil est, de interponendo iudicio tuo in his libellis, quos ad te perferendos curavi. Condone illud obseruantiae meae, qua te prosequor, condones uirtuti tuae, benignitati, urbanaeq. tuae comitati. Ego ipse sine rubore semper didici, frequens etiam inquisitio ad ueritatem aperiendam confert. Nulli adfuere umquam tot bona, ut non etiam plura defuerint. Vellem, dum uitam traduco, eniti, ut mors quam paucissima quae abolere posset, inueniret. Tu potes, Pomponi, ingenij acumine occultissima perspicere, potes errores lucubrationibus meis eripere. potes nos, quod studiorum cursum dirigere debeamus, docere. Noli igitur abnuere, caue modestiae id tribuas, quod labori fortasse esset tribuendum, quem ut in opus nostrum ad breue tempus infumas te oramus, atq. obtestamur. Vale.

I. HIER. CATENA. IACO  
bo Quintilio S. P. D

**L**Egimus carmina tua, quorum caput illud erat, me quondam tibi succensuisse, mitti laudes, quas mihi tribuis, cū nunc Flaccum, nunc Homerum, nunc Maronem appelles, noui ego poetarum ingenium. Sed mirum est, te ea in poemate scribere, quae mihi antea sitio uertebas, & ex his non temere exarseram: quod

*te uel studiose fecisse credam, uel ab errore discesse. Quid deos penates, quid Aëolum, quid deam Themim commemoras, si huiusmodi locutiones prophanas ab opere meo delere conatus es? En quomodo Bellerephonis, ut aiunt, litteras affers. Fateri igitur tibi necesse est, poetam nullum commendari posse, qui insignes ornatus, clarissima uerborum, sententiarumq. lumina, pigmenta, elaboratam concinnitatem, translata uerba, quasi stellas, & margaritas neglexerit, qui uersus huiusmodi Deorum, Dearumq. nominibus additis, fictis ad physicam rationem, quae inter schemata potiora existimarim, non illuminauerit. Adducere possum Christianos permultos, & illos quidem antiquissimos, sanctissimosq. ab hoc dicendi genere non abhorruisse, sed in re nimis clara exemplis non agam. Iure igitur tibi irascebar, & omnino quidem, ut libere loquar, cum Epigrammatibus meis ea reponebas, quae sensu, et syllaba non probabantur, quæq. ab omni eruditione alienissima erant, ut si sic libellum edidissem, imperitus, ineptusq. ab omnibus haberi merito potuissem, nec me uel Ac SOPUM triuisse. Vbi summo studio Graecos imitabar praecipue, puellasq. collaudabam ingenuas, ferre non poteras. Tu nimis seuerus dicendus, non ego. Nihil ergo ad Parmenidis suam quae decantasti. At ut hic reconciliationis signa demonstrem, uisum est mihi te admonendum esse, in alijs sequentibus uersibus te non secutum speciem, primorum, ut ratio postulabat. Nec inter graecos, nec inter latinos huius generis exemplum ullum inue-*

nies, nec te moueat, quod Horatius de Pindaro scripsit.

Laurea donandus Appollinari  
 Sen per audaces noua dityrambos  
 Verba deuoluit, numerisq. fertur  
 Lege solutis.

Nam uerum est lyricū poetam nullis carminis legibus astringi, ita tamen, ut quem sibi modum in principio carminis praescripsit, intelligat ad finem usq. aequae seruandum. libertas igitur ad primos uersus refertur, non ad alios. Et ita seruatum huc usq. in cunctis auctoribus reperitur. Haec in bonam partem accipias quoeso, & ab amore, quo te prosequor, quiq. nulla exhauritur iniuria proficisci pro certo habeas. Vale.

# I. HIER. CATENA GV

lielmo Sirleto Cardina

li Amplissimo

S. P. D

**Q**uod olim, Cardinalis eruditissime, in prouerbij consuetudinem uenit, Non omnia simul Di dederunt hominibus, quis nostro tempore affirmare audeat? Cum enim doctrinam tuam, cum ingenium, memoriam, integritatem, pietatem, religionem, benefaciendi studium spectamus, non ne te ad omnia finxisse naturam maximum, & excelsissimum hominem fateri cogimur? non ne tibi uni omnia uirtutis genera

Deum concessisse adiurabimus? Quis sacri istius Ordinis Senatorem umquam uidit non à peruestiganda rerum natura auocatum, et rebus gerendis ne momento quidem temporis abductum, nil arduum, nil difficile Reip. propositum, quod tua non sit sententia explicatum. nullus in rebus sacris, ceremonijsue iniicitur scrupulus, & dubitatio, quae à te non tollatur. Hinc Germani, illinc Galli, Hispani, Graeci, Itali, ceteriq. omnes, qui studio flagrant litterarum, ad te confluunt, te consulunt, uel de his, quae ad humanitatis studia pertinent, uel Linguarum cognitionem, uel philosophiae, theologiae, aliarumq. artium liberalium, historiarum domesticarum, & externarum, Pontificum, Regum omnium, & Imperatorum, quae sint eorum scita, decreta, sanctiones, monumenta, facta, dictaq. omnia, quae ita memoria tenes, ut omnibus seculis uixisse, omnibus magni momenti rebus interfuisse uidearis. Nam nulli umquam mortali contigit, ut illa Musarum mater Memoria omnium rerum maiorem thesaurum tribuerit, quam tibi. Tu enim ipse es, qui de qualibet re quaesita, uti alter Gorgias, disputare possis. Quid Carneades, qui uolumina quaeq. recitabat quandocumq. Quid Porcius Orator, quid Narcissus theologus, qui memoriae uniuersa philosophiae, & theologiae scripta complexus est, ab auctoribus in medium afferuntur? Te uno aetas nostra triumphet, cum Aristophanem illum quotidie superare uidearis, qui memoria fretus infinita armarijs uolumina eduxit, et subrepta quaedam poemata populo ostēdit.

Ita tu *Vaticanae bibliothecae*, qua nulla maior extat  
in toto terrarum Orbe, codices memoria comprehendit,  
sti, ut prompte illos, & sine cunctatione pro re inue-  
nias, ac recites maxima hominum admiratione. Ex  
quo fit, ut nullum uerbum ex ore tuo exeat quod non  
utile, & iucundum ad aures aliorum accedat. Illud  
usu mihi uenit, cum superioribus diebus tecum fami-  
liariter, quae tua est humanitas, locutus sum, mul-  
ta perdiscens, quae inuentu rara sunt. Cumq. ea om-  
nia Cardinali Alexandrino retulissem, & is magno-  
pere collaudasset, mihi praedepit, ut ad te scriberem,  
eiusq. nomine à te quaererem, num Isidoro, & Solino  
adhibenda fides esset, & Arabibus quibusdam scri-  
ptoribus in eo, quod de aue Hercynia in Hercynia silua  
nascenti, scribunt, seu ut alij de Emeria, quae pennis  
emicat noctu, ut uiam commostrare possit. Qualis sit  
haec avis, & an à Germano quodam scriptore, qui le-  
gi prohibetur, depingatur. Cardinalis enim pro ico-  
ne in Academia ea uti uellet, uerbis appositis, No-  
te uel atra. Hac in re a tua sententia non discre-  
pabit, sed si tibi penitus commentum displicebit,  
ut mihi significes, te etiam atq. etiam rogar.  
Vale. Ex Castro Plebis ix. Kal. Decemb. CIO. IZ.  
LXXV.

## I. HIER. CATENA

Angelo Oddo

S. P. D

**M**agnopere uellem istic adesse, ut non tam desiderij tui expectationem in primis, aliorumq. amicorum explerem, quam ut nonnulla ad utilitatem meam referrem. Nam quae in philosophia mecum commentatus sum, atq. in astrorum scientia tecum communicare maxime optarem. Tuus enim congressus, colloquiumq. magis unius horae curriculo proficit, quam librorum diuturna lectio. Teq. nemo comior, ac ad omnem humanitatis rationem moderatior umquam reperitur, ut tuae suauitatis, tuorumq. studiorum plurimum amicis impertias; & quod diffitiles explicatus habet, ac à uulgari intelligentia remotius, planum tibi, atq. ante oculos positum est. Videmus nos ex antiquis philosophis, astrologisq. uix duorum auctorum sensus in eo, quod ad mundi naturam pertinet, congruere. Anaximenes terreum Caeli ipsum ambitum, Empedocles solidum esse Caelum ex aere constans in Chrystalli duriciem ab igne compacto, Aristoteles ex quinto corpore, Anaxagoras inclinatum mundum in australem partem, ut partim habitabilis esset, partim minime. Diogenes pumicosa, ut ita dicam, mundi. spiracula sidra putat. Thales aetherem suae impetu uertiginis saxa e terra raptantem existimat, saxumq. e sole casurum praedixit.



Phaenunta, pyroenta alij alio ordine ponunt. Crates solem omnium supremum constituit, quidam mediū, alius ex igniculis coagmentatum humidis uaporibus collectis, alius nubem urentem, quidam saxum igneum, aut globum ferri candentem, quidam uitri modo perlucemtem accipere ab igni caelesti splendorem, acceptumq. ad nos mittere. Est qui soles duos primum, & repercussum asseueret, praeterea globum ex quinto corpore coactū. Ex his nonnulli praedictiones, rerumq. futurarum praesentiones detestantur, prohibent, nonnulli accersunt. Sunt qui superstitiosos nimis Babilonios, ceterosq. alios dicant, qui omnem curam in siderum contemplatione collocarunt. Nihil difficilius futurorum scientia, nisi diuino afflatu. At & populus sapientissimum quiddam est, auctore Platone. Ad haec illa diuinitas uatum, poetarum, baccantium, amantium, illa Catena uoluens sese, immobilis dispositio rerum mobilium, aeterna constitutio, caussarumq. nexus multos mortales, scriptotesq. sollicitos habuit. Verum tu ipse, qui rerum humanarum, diuinarumq. scientia polles, certasq. causas, ac necessarias quidem praenosti, unoq. minor es Ioue, ut ille cecinit, nobis ad haec comparanda permultum opitulari & potes, & debes, id sapientis uiri conditio, id leges amicitiae postulant. Audisti qua in re tua opera uti uellem, qui sint in disputationibus nostris sermones habendi, cum te conuenero. Quod ualde me auere certo scias. Vale.

## I. HIER. CATENA

Neapolioni Comitulo

S. P. D

**S**I quae tibi superioribus diebus misi, luculēte scripta uiderentur, in ea quidem laude, qua me cumulare studuisti, ponerem. Omni enim numero elegās poema fecisse, magnum opus existimarem. Verum & molestijs implicatus, & pluribus negocijs praepositus in contexendis carminibus inconcinnus, ineptusq. dicar, necesse est. Nec ea est uis ingenijq. nec mea ut Pythiae diuino afflatu, instinctuq. mens concitatur, ut uersus fundere ornatos sine labore, arte, sineq. animi alacritate possim. Id nemini antiquorum contigisse memini. Tu praestantissime Comitule forsā ceteros ex te ipso metiris, qui admirabili naturae habitu ad dicendum instructus, ex tempore quidquid alterius stylus exercitatus data opera efficeret, componas. Tu uere anima frui uideris, qui praeclari facinoris, & artis bonae famam quaeritas, & studijs intentissimus ita multis prodes, ut existimationis partae fructus nullus sit in conuentu hominum maior, ac nobilior. Duo haec uitae genera ita complecteris, ita illud uoluptate corruptum, quod belluarum est, et infimorum hominum abhorres, ut uere perfectus uir, absolutus, ac beatus, dici merito possis. Tu philosophiae, tu civilibus disciplinis, eloquentiae, astrologiae, ceterisq. artibus studes, ut tibi quiescenti agendum,

Et agenti quiescendum sit . tu non solum leges codicibus scriptas, aut aeneis incisas tabulis probe calles, sed imbutus illa lege es omnium regina, & mortalium, & immortalium, illa inquam uiua, aptaq. ratione, quae numquam animum tuum suoductu, sua moderatione destituit . Recte à ueteribus sapientibus dicitur non imitandus Iuppiter sceptro fulmine, tonitruis, fulgoribus : at uirtute, honestate, aequitate, iustitia ueritate, mansuetudine, sapientia, quibus rebus nihil est diuinius, neq. aether, neq. lux, neq. solis cursus, neq. exortus, & siderum occasus, liceat mihi haec amplificare, nec ipsa immortalitas, aut aeternitas . Non enim felix est Deus uitae spacio sed quod est princeps uirtutis imo uirtus ipsa simplex, et absoluta . Tu ergo qui proxime, diuino beneficio, ad illū accedis minime mirandum est, si & contemplari, agere, publicis, priuatisq. negocijs interesse, carmina condere, disciplinas tractare facile potes . Nobis autem nō licet esse tam disertis . Quod meis lucubrationibus fauer, easq. ornatissima laudatione prosequeris, ex urbanitate, suauissimisq. moribus tuis proficiscitur . Hoc ueluti amicitiae condimentum quoddam tanta comitate Comituli permistum, non erit forsan, qui reprehendet . Ego uero meas uires expertus sum, & quo minus ingenio, ac memoria ualeo, subsidio mihi librorum copiam comparare debeo . Omnia igitur Platonis, Diuiq. Augustini monumenta, si istic adsunt, à bibliopola emerem . De qua re me certiolem facito . Vale .  
Ex castro Plebis .

ROMANORVM IMPERATORI,  
nomine Cardinalis Alexandrini.

**A**ccepto nuncio de Maximiliani Imperatoris obitu, quamuis in tanta publicae rei calamitate maxime permoti essemus, cum afflictas hinc nobiles ciuitates, illinc prope funditus euersas, ac hereticorum prauitate labefactatas uideremus, tamen tua Caesar in Rom. Imperium successio multum & me consolatur ( ut de me prius loquar, qui Principum augustissimae Austriacae familiae studiosissimus semper fui ) & omnes mei ordinis uiros, ac sane Pontificem ipsum Maximum. Tua enim Catholica uitae institutio, religiosissimi mores, animus ad Christianam Remp. iuuandam, & ad hanc sanctam Sedem defendendam inflammatus, bonis artibus imbutus, in spem maximam, et, quemadmodum perspicere possumus, uerissimam, nos adducunt, atq. erigunt. Cui rei illud mihi subiiciendum uisum est, maiestatem Imperij nullam umquam temporum difficultatem ullo pacto posse infringere, si amplitudo ista Christi, Catholicaeq. pietatis praesidio muniatur, nec à religione officij erga Romanos Pontifices declinari. Quod saepe Pius V. piissimus, ac sanctiss. Pontifex auunculus meus dicere solebat. Nec ullum praeterea bellum, ac nihil conatum quidquam euenire posse ex sententia, uel diu duraturum, nisi uerae Religionis studio uel defendendae, uel amplificandae susciperetur. Reliquum est, ut pro

*Maieſtate tua, benignitateq. & me ipſum, fratres  
meos, ac fortunas noſtras omnes in fidem, clientelāq.  
recipias. enim fore, ut in officio præſtando nemo um-  
quam reperiatur, qui nos uincat. Deus Opt. Max. in-  
columitatem, Imperiumq. firmum, ac ſecundum tibi  
quam diutiſſime largiatur. Roma. Pridie Kal.  
Novemb. CIJ. IJ. LXXVI.*

**ANDREAE CARDINALI AVSTRIA**  
co, nomine Cardinalis Alexandrini.

**C***um te nuper in ſacro conſilio Pontifex Max. in  
Cardinalium ordinem cooptaſſet, me pro illa ue-  
teri in omnes Principes clariffimae, potentiffimaeq.  
Aſtriacae familiae animi propenſione, ac ſtudio, ſa-  
ne maxima laetitia perſudit, gratulariq. tibi abſens  
uolui, praefens fortasse propediem huic officio multo  
magis ſatisfaciam, ſi, ut multorū ſermone percrebuit,  
Romam te contuleris. Vbi in his, quae imperaueris,  
quod ut facias unoquoque tempore te etiam atq. etiam  
rogo, tuae uoluntati, tuaeq. iuſſioni me præſto fore non ob-  
ſcuris experimentis deprehendes. Ac poſtquam tibi  
Pontifex Max. hanc ſacram, ampliffimamq. dignita-  
tem detulerit, teq. in locotam excelſo, atq. illuſtri  
poſuerit, S. Cath. Q. R. E. uirtute tua, conſilio, ad-  
iumento ſubleuari, ac R. P. Chriſt. non mediocriter  
augeri confidimus. Ieſus Chriſtus te caeleſti, diui-  
noq. beneficio in diēs magis cumulare dignetur. Roma.  
viii. Kal. Decemb. CIJ. IJ. LXXVI.*

Antonij Ascotutij

**A**dmiror teneris te carmina condere in annis,  
 Carmina, queis poteris uincere Virgilium.  
 Iunior es licet, ipse, melos tamen ore refundis,  
 Dulce ut Homerus habet, uel Maro noster habet.  
 Quantus eris senior? nunc iam te Nursia gaudet,  
 Situt laeta suo est Mantua Virgilio.

Incerti auctoris.

**T**ristis sacrilego quereris de fure Catena,  
 Qui tres est ausus surripuisse libros.  
 Nec tu multiplici nodo turpe ulta fuisti  
 Commissum, haud leuius sic tibi crimen inest,  
 Furis furari quis nesciat esse? Catenae  
 Stringere? non dici iure catena potes.

Iulij Paraciani

**D**esine prisca tuos quid iactas semper alumnos  
 Aetas? iam supero secula prisca nouum.  
 Obijcis heroas multos uirtutibus auctos?  
 Parce, Catena tuis splendet in orbe magis.  
 Quisq. suam tenuere illi artem, noster alumnus  
 Quo beor, hic omnes murice dignus habet.



Io. Franc. Cocchi.

**M**En'uis carminibus tuis Catena  
Immortalibus adnotare fastis ?  
Vis me uiuere fata post suprema ,  
Nec meum in cineres abire nomen .  
Et tantum tribuis meae iuuenta ,  
Quantum ego cuperem ultima in senecta .  
Ergo quid tibi deprecet Catena ,  
Quid à concilio expetam Deorum ?  
Donent scilicet ut tuis libellis ,  
Quod iam Moeonio dedere uati ,  
Et quod Pindarico , Appuloq. pleſtro .

Antonij Cocchi.

**E**Rgo ne me iuuenem tanto dignaris honore ,  
Extremoq. facis me superesse Rogo ?  
Per te nulla meum capient obliuia nomen ,  
Nulla premet mutum nox taciturna caput .  
Nam cum summa dies aevi dabit ossa sepulchro ,  
Aurea diuino carmine in astra ferar .  
Et tibi debebunt tantum mea nomina , quantum  
Moeonio debet Pelias haſta Seni .

SIGISMVNDI. DO  
nati Corrigiensis.

**V**atibus e priscis, aliquis si forte rogavit,  
 Quis mihi sit princeps, Virgilium referam.  
 At si de nostris quae stet sententia quaerat,  
 Praestes iudicio docte Catena meo.  
 Iam quid enim in uarijs musarum dona probemus,  
 Omnia si simul haec una Catena ligas?

FEDERICI  
Frangipanis.

**A**uratos orbes ueluti preciosa Catena  
 Nectit, & exornat candida colla nurum.  
 Sic animi pulchros sensus, facunde Catena,  
 Iungis, & his decoras pectora docta uirum.

## BRVTI FARNETI

**C**um bene factorum nouisset numina Pallas,  
 Quaeq. tibi à superis munera danda forent.  
 Nascenti egregium nomen dedit illa Cathenae  
 Quippe fut urum in te crederet omne decus.  
 En decus illud adest; nec spe frustrata Minerva est,  
 Aurea iam dici iure Cathena potes.

*Nestora consilio uincis, grauitate Catonem,  
Et superas sancta relligione Numam.*

*Iuraq. sanctasq. hominum tibi noscere leges,  
Et dedit arguto Delius ore loqui.*

*His hominum neſtis mentes, his pectora donis  
Allicis, & magnas condis amicitias.*

F I N I S .

R E G I S T R V M

A B C D E F G H I K L M N O P Q R S T V .

# ERRATA IMPRESSIONIS

Sic corrigito.

Car. 3. b. omnia cooptare.	omnia aptare
12. b. deliciasq;	deliciasq;
13. b. sic ueras.	sic curas
14. a. Rebaccheris.	Debaccheris
Corrigi.	Corrigii.
vngue.	unge
17. a. totam.	totum.
b. veteris.	veneris
25. b. sublustibus.	sublustribus
b. Perosa	perosa
29. b. Naracletus.	Heraclitus
33. b. iusta.	iuste.
35. b. tremune.	tremunt
40. b. prestetur	pressetur
41. b. o Cur	Cur
strepitet.	strepitet.
42. b. proprio	proprio
47. b. frons.	fons.
nulla.	nullo.
48. b. Mæui	Meui.
50. a. uirginis.	uirgines.
uerine.	uerina.
51. b. fletuit.	fletus.
54. a. MITELLÀ.	MITELLAM.
56. a. illecebresq;	illecebrisq;
57. a. qui.	quis.
magne.	mage.
62. a. ocellis.	ocellos.
64. a. mutant.	nutant.
b. obfistit.	obfistis.
72. a. labor.	labro.
b. gracili	gracili.
73. a. senes.	senex.
b. qunato	quanto.

78. b homarum.  
 Car. 82. a C L A V D A  
     lucidibus.  
     nigrenti.  
 84 a uelo colligaq;  
 85 a cedere ferreis  
 87 a latere  
     capi  
 96. a nobilita  
     b purpurea.  
 97 a uerum.  
 100 b petrare.  
     adeundo.  
 104. b uiduo.  
 106. a cadentia  
     b tuo.  
 113 b moues.  
 116 a Dot.  
 117 b mactandam.  
 118. a Hac  
 124. b Quot.  
 129. b Hic Phoebus.  
 130. b prestauit.  
 134. b neq; aliis.  
 137 b libris.  
 138. b usum doctrina.  
 139. a aliquot.  
     is  
 140. a tum gratiam.  
 142. a quid rei  
     interdict-  
     libuisset.  
     Quot.  
 144. a Eccel.  
 155 b declinari.  
 156. a enim fore.

hamorum.  
 CLAUDIA.  
 Lucidulis.  
 nigranti  
 uelo tege colligaq;  
 ferreis cedere  
 latere  
 capi  
 nobilitas  
 purpura  
 uirum.  
 patrare.  
 adeunda  
 uidua  
 cadentia.  
 tua.  
 mones.  
 tot.  
 mactandum  
 Hæc.  
 Quod.  
 En hæc Phoebus.  
 prestauit.  
 neq; his neq; aliis.  
 liberis  
 usum doctiora  
 aliquod.  
 si.  
 tuam gratiam  
 quid re.  
 interdicto.  
 libuisse.  
 Quod.  
 Ecc.  
 declinarit.  
 Pollicemur enim fore.









159

# I. HIERONYMI

## C A T E N A E

Poematum. Liber octauus.

A D F R A N C. A L C I A T V M  
C A R D. A M P L I S S.

De Mercurij Icone ab ipso in Academia  
sumpta.

**Q**uod tibi Rex superũ ter summos donat honores,  
Quod triplici lauro tempora cincta geris,  
Monstrat Atlantiadis paribus caducifer alis  
FRANCISCE ingenij maxima signa tui.  
Quo tu Naturae mores praenoscis, & omnes  
Concinis cunctus, & supera alta petis.  
Sublimisq. Ordo, Sophia, & par ipsa potestas  
Regibus, Hermetis contulit omne decus.  
Hinc tua par geminos Caeli peruexit ad axes  
Fama, & inextinctum nomen habere dedit.  
Sed tu dum liquidi mel fundis rebus agendis  
Eloquij, nato pleiade maior ades.

A D L O T H A R I V M. C O M I T E M

Torquati F

**L**OTHARI, Comitum claro qui sanguine cretus,  
Egregio laudum tramite carpis iter,  
Si generis priscos contendis uincere honores,  
Et decus antiquis imposuisse nouum,

Te capiant primum dulces ante omnia Musae,  
 Flauaq. odorata tempora fronde tege.  
 At firmata uirum cum te robustior aetas  
 Fecerit, Odrysius ducat ad arma pater.  
 Nec te sit belli teneat qui doctior artes,  
 Quiq. Italum repleat spe meliore genus.  
 Viderit ut primum Turcas post terga reuinctos  
 Brachia, Romano subdere colla iugo.  
 Ereptasq. urbes Orientis Marte tyranno,  
 Atq. Cyprum, & claram sole nitente Rhodon.  
 Te iam iam Pharias gentes, mox uincere & Afros  
 Spectabit, Nomadas iussaq. obire tua.  
 Sic demum toti leges uictoricibus armis  
 Orbi iterum per te martia Roma dabit.  
 Sic Tiberis cunctis praestabit sceptrifer undis,  
 Quae regni metuent iura superba tui.  
 Praeclarosq. tuos laudabit Apollo triumphos,  
 Et fama aeternum tollet ad astra decus.

I N M E T I C V L O S V M

Quid Clypeum sumis, galeam, thoraca, trilicem  
 Loricam, atq. ocreas, spicula, pila, sudes?  
 Non eris bis tutus, pugno trepidabis inermi,  
 Namq. armare metum Brixia nulla potest.  
 A D A N T O N I V M . P E R E N O T V M

Granuelanum Card. Amplifs.

Facundi haec aetas nil curat nomina uatis,  
 Nil quod ab Aonio uertice Apollo canit.  
 Sed turpis tantum lucri dulcedine capta,  
 Iam super aggestum congerit usq. lucrum.

Rebus

Rebus in augendis mens est, quas cumq. per artes,

Direpta eq. domus, aeraq. rapta iuuant.

Verum res pereunt, cuncti post funera linquunt

Diuitias, haeres fundit, & hostis opes.

Fama uiget nulli Musa est obnoxia letho,

Ausonidos linguae gloria magna manet.

Tunc mihi Virgilium obijciunt, satis omnibus vnus

Sufficit, hic uatum maximus, hicq. decus.

O miseri, quo tamen lucrifitis? ergo Maronem

Laudatis, quoniam nil petere ille potest?

Granuelane sapis, dulci testudine ductus

Qui dare laurenti ditia dona soles:

Hic plectro grauiore sonat, modulataq. condit,

Et uere heroe carmina digna tuba.

Numinis huic uires omnes inspirat Apollo,

Huius & byblaeolabra liquore fluunt.

Hic longe statuit laudum monumenta tuarum,

Regna canit iusto recta sub imperio.

Hic uigil Aonio te tollit ad astra labore,

Et dabit extinctos uiuere post cineres.

Tunc mirabuntur Belgae, Moriniq. feroces

Consilia,heu sero si sapere incipient.

Cogentur tandem Hesperij peccasse fateri,

Quod monitis ullam non habuere fidem.

Cum bello exciti populi, rabieq. furentes,

Eripient duro libera colla iugo

Vndiq. cum Mauors undabit sanguine campos

Europae impellet cumq. Megara duces

Sed tu praepetibus iam curre per aera pennis.

Huius & ingenium, consiliumq. refer,

*Calliope, doctas nam diligit ipse sorores;*

*Diuitijs uates praeposuitq. suis.*

AD ISABELLAM. BONELLAM

*Taurellam Mōtis Claruguli dominam*

**O** *quae tam specie, atq. honore praestas*  
*Omnes Italicas BONELLA Nymphas*

*Da viro facilis genas tenellas,*

*Viro nobili, & optimo, erudito,*

*Vrbano, lepidoque. & eleganti*

*Nam semper celebraberis Camoenis*

*Inter caelicolas locaberisq.*

*In magna Iouis imperantis aula*

*Flecte blandula flecte in illum ocellos,*

*Voca ad delicias, iocosq. amoris,*

*Illum dilige mutuo, illiusq.*

*Peruras animum in dies, & horas.*

*Hinc senes abeant, anusq. turpes,*

*Sueti singula bella fascinare,*

*Sic dij secula longa, sic beata*

*Vobis viuere amore dent perenni.*

AD GVLIELMVM. SIRLETVM

*Cardinalem Amplissimum.*

**A** *Vdistin faeni tam magna incendia belli,*  
*Tot diri exitij causas, animiq. profanos.*

*Errores, quēis Belga fuit, Senonumq. tumultus*

*Excitat, ac tepido conspergit sanguine campos?*

*Audisti ut canibus dedit ille rapacibus escam*

*Corpora natorum late dispersa per agros,*

*Vt socer, & coniux fraterq. paterq. propinquas*

*Exercent coedcs, horrentia praelia miscent?*

*Polluit*



*Polluit hic patriam legis contemptor auitae,  
 Ille fouet diramq. hydram, Regumq. rebelles,  
 Alter regnandi stimulis exestuât atrox,  
 Impius & CHRISTI nomen delere laborat,  
 Alter & insano uindictae accenditur igne.*

*Dum tot mōstrorum facies, dum saeuit in omnes  
 Mauros, atq. animis agitât discordibus iras,  
 Classica dumq. fremunt, Tu caelo lumina tollas  
 SIRLETE. O qui cura Deū es, cui numina pandū  
 Pro magna pietate domos fulgentis Olympi,  
 Cuiq. profanātum doluere immania facta;  
 Fac Deus, ut sceleris iam uindex ad sit, & ultor,  
 Omnipotens Mariaq. satus, domitorq. Tyrāni  
 Tartarei, expendit meritis qui praemia digna.*

*Facq. p̄ys animum firmer, uiresq. ministret,  
 Dctq. pater, ne uana metus, fallaxq. cupido.  
 Impediat, cunctis criatur iustitiae sol.  
 Concilet Morinos, odijsq. tumenta gentis  
 Pectora, composito declinet foedere Martem,  
 Et profugam terris pacatus reddere pacem  
 Iam uelit, ut populi extollant Rectore sub uno.  
 Laudes, & sanctas suspirent aetheris arces.*

## DE IVLIO MAXIMO

Romano

**I***ulius à magno deduxit nomen Iulo  
 Qui bellum latio gessit, & auxit opes.  
 Hic autem bellum uitijs indicit, & alta  
 Mente uiam rectae sic rationis init,  
 Vt non ambitio, non uani sensus amoris,  
 Vt nil perstringat pectora auaritia.*

*Sed coelum inspectet, sed opes meditetur Olympi,  
Maximus hic, magnus ille uocandus erit.*

## IN. LYDIAM

**Q***uid facit ob succum tam magnum Lydia cūptū,  
Cum facile possit tota minoris emi?*

AD. LOTHARIUM. COMITEM Polum, Castū in Aequicolis proficiscentem.

**A***rsenias o magnum columen spes altera Romae,  
Tange Polum, & latū numina sancta cole.*

LOTHARI, & doctę repetas secreta Mineruae,  
Inuigila, ut capiat uix tua facta polus.

*Ut q. tuæ gentis sacris te patribus æquans,  
Huic operere queas, illi aperire Polum.*

## AD. EVNDEM

**T***e uere decet ire Polo, conuexaq. Olympi,  
Vertere, & æthereo fundere ab axe diem  
Ille tibi, cuius radijs fulgentibus astra  
Aufugiunt, toto par uidet Orbe nihil.*

*Et cedit curruq. tibi, ardentemq. coronam  
Linqvit, Atlanteo gurgite, & usq. latet.*

*O felix, nimium felix pulcherrima rerum  
Pareat imperio si quoq. Roma tuo.*

AD ANTONIUM. CARRAPHAM  
cardinalem Amplissimum.

**S***i cultum ingenium, quo uirtus aurea tollit  
Per numeros omnes sese, quam nulla tacebunt  
Secula si doctus referat tibi delphica Phoebus  
Secreta, ex omni fecit te parte beatum,  
Si te conspicuum praebebat candorq. fidesq.*

ANTONI, excelsa probitas cum in sede locauit

Non

Non secus obscura cum tectum nube cacumen  
 Illustrat montis Titan, cum luce corusca  
 Expellit nebulas, apparent aethere puro  
 Colles, & scopuli, & uiridi cum flumine uallis  
 Cur te non ueneres, non quacram carmine laudes  
 Texere, ut *Monides* nomen super aethera tollant?

*Iuppiter*, ut *Sophiae* quanta immortalia ductu  
 Facta aedis, seu cum summis de rebus habetur  
 Consilium, seu detur honos cartisq. foroq.

Non *Pylos*, aut *Ithace* similem uidere, nec unquam  
*Virgo Aстреa* parem caeli conspexit ab arce.

Quem non desidia ignauum, non marcida luxu  
 Ocia, at insomnem studia tenuere per omnes  
 Noctes, atq. dies tot magna volumina legum,  
 Totq. subire negotia *Sisyphiosq.* labores  
 Cui datur, hinc nostro splendescit purpura seculo.  
 Hinc fera auarities semen, radix malorum  
 Exulat, hinc demens expellitur ambitus auro,  
 Ventoso eijcitur tumefacta superbia flatu.

O nimium dilecte Deo, tibi munera mille,  
 Mille parat fasces, sacros tibi mille triumphos  
 Quae coelo aequauit animos *Saturnia* terra.

Nate uir ad laudem, ad diuinum decora alta quiritum,  
 Extremus noscet *Tanais*, gelidique *Triones*,  
 Et *Libya* exardens, flumio septemplex *Nilus*,  
 Solis & ortus, Solis & occasus, geminusq.

*Axis*, quidquid agis, quidquid tu mente uolutas.

LIBER  
DE VICTORIA CORAMBONA

Montalta

**O**ppressit postquam sati violentia Romam  
Obruit hostilis vasta theatra manus.

Ausoniae postquam confregit barbarus arces,  
Et victrix cecidit, victaq. ROMA diu est.

Sidere surrexit VICTORIA nata secundo,  
Cui certatim omnes dijq. deaeq. fauent.

Haec quaecunq. suo lustrat Victoria vultu  
Vincit, Romulidum restituitq. decus.

Quam solam aspiciens, mirum, se uicta fatetur.  
Vincere, quamq. olim Roma nitere magis.

AD FABRICIVM CARRAPHAM

Antonij Card. Nepotem.

**N**obile quod clara praefers ab origine nomen,  
Quod tibi magnificas Iuppiter addit opes,

Quodq. tumes roseo patrui fulgente galero,  
Quodq. capit lautas mensa opulenta dapes.

Non sunt tantarum laudum praeconia, non sunt  
CARRAPHA, expendit, quae bona vulgus iners.

Sed quod laurigera multum Pimplaeide gaudes,  
Saepius & culto Pythius ore sonat.

Sed quod te decorant praedoctae Pallados artes,  
Eloquij sed quod mel fluit omne tibi.

Parthenope per te Siren tumultata reuixit,  
Suauiloquis labris nam sedet illa tuis.

AD IULIANVM MANCINVM

Mittit fabulam de Gallo gallinaceo.

**Q**uas inijt formas socius Mauortis, & ales  
Excubitor tumpat cur muta silentia noctis  
Accipe,

Accipe, qui lepidas musas Mancine coerces  
 Pallade cum docta, si tu iam furtiva deorum  
 Vidisses, numquam laesissent vincula amantes  
 Lemnia, iocundae tam saepe incommoda nocti.  
 Mitis amor, constansq. fides, diuaeque triformes  
 Nam Charites semper te nutrire decentes,  
 His tu Nympharum nec is precordia nodis,  
 His si uinciri potuissent Marsq. Venusq.  
 Tardipedis numquam timuissent vincula Fabri.  
 AD ANNIBALEM LAUDATVM

Caietanum de Liuiia Beccaria.

**L**audari, LAUDATE, viro, si gloria magna est,  
 Laudato, maior vatis, & ore cani.  
 Illa tuas laudes, modulataq. carmina auena  
 Hetrusca, magni culta puella facit.  
 Et merito, quis enim Musis est carior alter,  
 Virtutemq. animo nobiliore colit?  
 Peige igitur per prata novos legere vndiq. flores,  
 Et laudum Ticines construere arte fauos.  
 Et modo flauentes crines, modo sidera frontis.  
 Et modo mel, roseo quod fluit ore cane.  
 Et quam turpabit faciem non pallida ruga,  
 Nam similes format casta Diana genas.  
 Quocumq. incidat, quocumq. & lumina flectat,  
 Sternat odorato se uenus ipsa solo.  
 Rari animi dotes sed primis inferre cartis,  
 Haec bona sunt uere, cetera uicta cadunt.  
 Vt numquam maculis aspergat candida uitam  
 Grata Deo, ut docta Palladis arte micet.

Inscia

*Inscia foemineiq. doli, fraudumq. malarum,  
Ut gerat ingenua peruia corda fide.*

*Ergo tot insignes propera conscribere laudes,  
Condere & Orphea carmina digna lyra.*

*Hac etenim celebri decoras si secula laude,  
Laudatum uestrum nomen utriq. dabunt.*

*In quendam, qui poeta haberi volebat,  
quod Pasquillos scriberet.*

**C***Armine cum maledicas, dicis uatis habere  
Nomen, & in cunctos ius quoq. habere viros.*

*Hincq. uenena iacis per magna palatia: stulte*

*Num uatis nomen, qui male dicit, habet?*

AD. I. ANTONIVM. FVSCONIVM

*Hortatur ut in curarum fluctibus  
positum subleuet.*

**S***I prope conclamatus, & atro iam additus Orco,  
Fusconi, dicor, nil mirum, namq. carina*

*Vndi frago iactata mari est, euriq. notiq.*

*Nostra ruunt penitus caelato sidere transstra.*

*Tu potes auxilium mihi tamquã candida ferre  
Leucothea, Vlixem tumidis quae seruat in undis.*

*Tu qui dijs gratus, qui iusta pendere lance*

*Suetus iura hominum, inuigilas causisq. clientũ,*

*Eripis hunc, illum index qui Romula in Vrbe*

*Litibus implicitum, et curarum turbine ab omni.*

*Iam fer opẽ, moueat pietas, clamorq. praecãtis,*

*En praeceptis rationis inops, en caeca profundo*

*Voluitur ipsa ratis, scopulis se illidit acutis.*

*Iam fer opem, quod si tali me munere dones,*

*Protinus exangues nostros vigor imbuet artus,*

*Virtus*



*Virtus ac tutum ad praecordia nota redibit ,  
 Continuo mites implebunt carbasa cauri ,  
 Tiberis & optato potiemur fluminis alneo .*

## A D S V E V A M

**S***Vada mihi suadit suavis Sueua suaue  
 Ut rapiam, tenuis? saena Sueua mihi es.*

## A D I A C O B V M . B O N C O M P A G N I V M

*Reddit rationem , quare dimidiatum Dra-  
 conem pro insignibus gesserit .*

**F***Astidico, ut perhibent , olim praedixerat ore  
 Pulchra Themis, quendam natū Iouis altitonātis  
 Affore , qui vigili auferret tutata draconē  
 Hesperidum poma. illum Graij, ut cetera Graij,  
 Amphitryoniaden mendaci carmine fingunt .  
 Cum tua Iacobe Hesperidum memoranda propago  
 Felices hortos, siluam fulgente metallo  
 Foedificam praedat a foret , medium ipsa draconē  
 Dissecuit , duxitq. fero uictō hoste triumphum.*

*Ergo tuae genti truncatum insigne draconem  
 Dant gestare, tuis sic emicat aureus armis :*

*Quo trepidant Thracūq. rates, Nomadumq. pha-  
 Turca ferox, nostrū qui nō cōmuni retētat (lāges,  
 Exitium, haud Christi populos miscere ruina  
 Audet adhuc, turpi sed conterit ocia luxu.*

*O decus egregium, cui nunc celeberrima fama  
 Eminent, & uolucris circumuolat aethera penna :  
 Foelix ingenio, foelix quo accinctus in usus  
 Fert animus quascumq. uices, seu rebus agendis  
 Praepositus responsa aedis prudentiae, & alti  
 Consilij plena, aduersas seu sternere ferro,*

*Fundere*

uindere seu turmas equitū, peditumq. cohortes,  
 Tormētis aut firma iuuat quaterne oppida, et arces  
 Aut tractare sacrae doctas Tritonidis artes,  
 Seu cum Cyrrhaeo componere carmina uate,  
 Non gerit his quisquam maiora domiq. forisq.  
 Iure igitur populi sequitur te gratia notis,  
 Diceris Urbis amor, tibi stamina longa precatur  
 Quaeq. colūt ripas, Tiberinaq. flumina nymphae,  
 Sideribusq. ferunt magnus cum plebe Senatus  
 Viuendi mores, Laetum Paean per urbem  
 Turba canit uolucrum dissectum Marte draconem  
 Aspiciens, hinc est, quod iam te sospite uirtus  
 Romulidum se tollet humo, quod secula redibunt  
 Aurea, & optata dabitur quod pace fruisce.

## AD LIVIAM BECCARIAM

Spairanam erure Romam uocat.

**Q**uae rura inuident coelestes LIVIA honores,  
 Quae desiderium surripuere mihi?  
 Non quod odorifera tingis speciosa capillos  
 Ambrosia, atq. manus pexuit apta comam.  
 Aut Pallas distinctum auro quod tradat amictum,  
 Zonam, quae bullis pendeat aureolis,  
 Aut quod tergeminas utrinq. appendis in aures,  
 Reticulumue geris sole magis rutilans,  
 Non cestus, quo cincta nites, dona alta Cytheres,  
 Quo sunt illecebrae, risus, amorq. iocus,  
 Quo sunt Romulidum captantia pharmaca mentes,  
 Et Veneres omnes, iurgia, & ira, dolus,  
 Non quod tu superas multu formosa decoro  
 Omnia, cum lustras lumina luminibus,

*Sidera nigranti ceu illuminat aere Titan,*  
*Pellucidus densas disijcit & tenebras,*  
*Discessu dolui, crudelia rura uocauī,*  
*Quae tot luciferis detēnuere bona.*  
*Sed quod puniceis tua uerba fluentia labris*  
*Audire & dulces excipere aure modos*  
*Non datur, & nymphas inter celebrare choreas,*  
*Foedere dum sancto corpora iungit hymen.*  
*Hic sine te mutae Charites, nymphaeq. nouenae,*  
*Hic sordent oculis tecta superba Remi.*  
*Heu quid cum septem sine te mihi collibus Urbis,*  
*Quid mihi cum Nymphis caerule Tibre tuis?*  
*Vt leo cum ceruae foetum discerpit aduncis*  
*Vnguibus, heu lacerat sic mea corda dolor.*  
*Ah te non teneat florens amaranthus amomum,*  
*Nec teneant rubro mista ligustra Croco.*  
*Vitifer haud collis, cereris flauentiaq; arua,*  
*Haudque sub uigili poma dracone rubent*  
*Non inuēt errantes te prospexisse iuuenços,*  
*Nec stolidum pascens pabula lecta pecus.*  
*Angusti sunt ista animi, uereq. pusilli,*  
*Haec satiri, haec fauni rustica turba colunt*  
*Sed potius Tibrim septemq. in collibus Urbem,*  
*Clarorum spectes sed monumenta uirum.*  
*Hic te felicem magno scriptore uocabis,*  
*Cui strepit arguto castalis unda pede,*  
*Hic poteris sanctis mentem saturare figuris.*  
*Hic de te longum fama loquetur anus.*

AD. CLAUDIUM CICCOLINUM.

**V**Xorem CLAUDI ille uult puellam  
 Bellam ducere foetidus, senexq.

*Veternus, Capularis, exoletus ,  
 Ille edentulus, ille gibberosus ,  
 Rugosusq. odiumq. panticosus ,  
 Mucosus, Silicerinum, herniosus ,  
 Exossisq. acheronticusq. blesus ,  
 Hircosusq. oculosq. gramiosus ?  
 Ille qui cuculat, tetrinit, aedit  
 Riētusq. & crepitusq. senticetum ,  
 Bellam ducere cogitat puellam ,  
 Qua cum dormiat : osculetur, atq.  
 Quam ? sed dicere me pudet : furore  
 Cur tu non furis, inuehisq. in illum ?  
 Tu qui nobilis, elegans, disertus,  
 Pleno pectore qui sapis, potensq. es,  
 Consultissimus omnium virorum ,  
 Addas hunc Scythiae, Africaeq. monstrum.*

*De baptismo Magni Principis Hetruriae.  
 Iordanis si Magnetibi dedit vnda salutem ,  
 Tu exitium Solymis, Threicijsq. dabis .*

## DE CANDIDO ZETELLO, ET

*Io. Berardo Tebaldesco .*

**C***andidus, & Ianus magnae praeconia laudis  
 Non procul à patria hic, attamen ille procul  
 Extendunt, domus exultat iam clara triumpho*

*Vtraq. Daedaleae Palladis auxilio .*

*Ac gemina uirtute deae ualet alter, & alter ,*

*Hic & opes stabilis, mobilis ille parat.*

*Altera nunc patriae uirtus si gloria, honorq. est ,*

*Romanæ accedit altera famâ togæ.*

**I. HIER.**

## I. HIER. CATENA LOTHARIO

COMITI. S. P. D

**N**on amplius, nobilissime Lothari, in coniectura mihi prospiciendum est, cum iam expertus planè, uideam te hinc non uoluptatis caussa discessisse, ad istamq. salubris loci amoenitatem, praediaq. belle aedificata profectum, ut cura, & negotio uacares, ociosamq. aetatem, & quietam sine ullo labore, atq. animi contentione traduceres, sed ut in studia literarum libero homine digna pro uiribus incunberes illud mihi declarauit Epistola tua, quam proxime accepi, omnis eruditionis, omnis Latini sermonis elegantiae plena, ut iam sapere omnibus bonis uidearis, ac nequaquam prauis uoluptatibus allici, sed ne illarum quidem meminisse, ea. n. pars animi, qua ab aliis secernimur, gloriae honorisq. cupiditate capitur. Ea uera est nobilitas, quae uirtuti adniscitur, nihil turpius existimandum est, quàm se ipsum honorandum, non obclarum facinus, sed propter amplum patrimonium aut fortunas praebere. Et quid aliud quam lumen quoddam, maiorum gloria esse uidetur? Nobilitatē parere uirtute debemus, ea sola neq. datur dono, neque accipitur. Domus tuae pulchra est nobilitas, sed maiorum tuorum existit bonū, praeciosae diuitiae, sed est fortunae possessio, quae habentibus, & minime sperantibus det, & auferat. Haec, clarissime Lothari, soepe animo uolue, cogita uirtutem uoluptatibus omnibus, & inertiae contrariam esse. Nihil tam alte Naturam constituere, quo uirtus eniti, nihil adeo arduum, ac difficile, quod consequi non possit. His cohortationibus ad studium, & laborem te impellendum non putauī, cum auorū, ac proauorum seriem, totq. Max. Pontificum, qui è domo tua profecti sunt, claritatem ante oculos habeas, uerum currentem, ut aiunt, incitare uolui, hortariq. ut crebro ad nos litteras mittas, quas Card. noster Alexandrinus, qui te unice amat, libentissime legit. De rebus Gallicis quid habeam noui te certiore faciam his tabellis, quae ad te perferentur. Nec te probare certo scio, Regem cum perditissimis illis uerae religionis

gionis desertoribus foedus iterum icisse, quod non semel fregerunt. Nulla .n. societas cum impio hoste, infidelissimoq. foedere ullo, confirmari potest. de Belgicis, nescio quid afflavit rumoris, Ioannem Regis fratrem à populis circumuentū, Hispanos omnes milites cōsiliarios, incolas, pueros, mulieres omnes partim provincia pulsos, partim trucidatos, nec nomē quidem Hispaniae relictum. classē Turcarum hac aestate parum instructam, ornataq. comperimus & in ora illa maritima dispositam, quae loca non satis munita tueatur cetera codicilli te docebunt. Vale.

## FABRICII CARRAPHAE.

**D**VM CATENA tuis nectis mea nomina cartis  
 Das mihi perpetuae laudis honore frui  
 Et tua cum nullo deleri carmina possint

Tempore, me reddis tempus in omne tuum.

Quod me diuinus ignarum uatibus infers,

Id mihi perpetui causa pudoris erit.

Omine ni posthac tali deuietus Apollo

Digna mihi Aonio carmina uate canat.

## LOTHARII COMITIS.

Aurea Meonide pendet uelut aethere ab alto,

Et seriem rerum longa Catena ligat.

Hinc tua sic calum tendit, titaniaq. astra,

Et pedibus fatum subijcit omne tuis.

F I N I S.